

কৈকেয়ী

নাটক

“টেকেরী” লেখকের নূতন নাটক

জরাসন্ধ

গণেশ অপেরা পাৰ্টিতে অভিনীত]

মথুরা-অভিযানে প্রচণ্ড আক্রমণ !
শ্রীকৃষ্ণ, বলরাম, সাত্যকী, শিশুপাল,
চণ্ডকৌশিক, জরাসন্ধ, সহদেব, বারণ,
দেবানৌক, অর্ণব, কালযবন, পাগল
আরও সেই অগ্নিময়ী অস্তি
শাস্তিময়ী প্রাপ্তি, ভ্রমি, স্বাতী, পাগলিনী,
জরাসন্ধসী প্রভৃতি কী বিচিত্র চরিত্র-চিত্র
অভিনব সংগঠন সংঘটন
তাহাদের ছলিবার নহে—সে যে চিরন্তনী ।
মূল্য ১।।০ মাত্র

সেই তেজস্বী বীরত্ব-বিধায়ক
সেই অভিনয়ের বিজয়-বৈজয়ন্তী,

বজ্রহস্তি

পৌরাণিক পঞ্চাঙ্গ নাটক

[গণেশ অপেরা পাৰ্টিতে অভিনীত]

ইহার পরিচয় কাহারও অবিদিত নাই ।

দেশে দেশে ইহার সুবশ-সুখ্যাতি ।

বিক্রম-বীরত্বের অবশেষ

একাধারে সর্ববরসের সমাবেশ !

পত্রে পত্রে ঘটনার ঘাত-প্রতিঘাত ;

ছত্রে ছত্রে অস্ত্রে অস্ত্রে মহা সংঘাত,

সেই বৃত্র, সেই রুদ্র, জয়ন্ত, ত্বষ্টা,

সেই শচী, ঐন্দ্রিলা, ইন্দু, দেবসেনা,

সকল চরিত্রের বিচিত্র-বিকাশ

এমন আর হয় না । মূল্য ১।।০

কৈকেয়ী

নাটক

ভোলানাথ কাব্যশাস্ত্রী-প্রণীত

গণেশ অপেরা পার্টি কর্তৃক অভিনীত ।

প্রথম অভিনয় রজনী—

বৃহস্পতিবার, ২০শে আশ্বিন, সন ১৩৩৩ সাল ।

স্থান—নাট্যমন্দির ।

[দ্বিতীয় সংস্করণ]

কলিকাতা

পাল ব্রাদার্স এণ্ড কোং

“বাণীপীঠ”—৫।১ বিবেকানন্দ রোড ।

১৩৪৩

ভূমিকা ।

রামায়ণ মহাকাব্যের মূল চরিত্র কৈকেয়ী । বড় জটিল চরিত্র ; মায়াংসা করা দুঃস্বপ্ন—
কৈকেয়ী দানবী না দেবী । প্রথম সূচনায় দেখা যায়—কৈকেয়ী পতিব্রতায় অধিতীয়া ;
তাহার প্রমাণ—মহারাজা দশরথের ওষ্ঠ-ব্রণ, সমর-ক্ষতের শুষ্কতা ; তিনি বুদ্ধিমতী,
সংসার-নিপুণা, সর্বকাৰ্য্যকুশলা ; প্রমাণ—অজপুত্রের স্নেহ অপবাদ ; তিনি সপত্নী
পুত্র রামচন্দ্রের প্রতি সমর্থক স্নেহীণী ; তাহার প্রমাণ—রামচন্দ্রের রাজ্যাভিষেক সংবাদ
প্রদানে মন্ত্ররাজ হস্তে স্বীয় বহুমূল্য মণিহার পুস্কার । সেই কৈকেয়ী আবার একি-
কণ্ঠে দুঃস্বপ্ন সরস্বতী, সপত্নী পুত্র বনবাস, স্বামীর মৃত্যুর হেতু ! এই অভূত পরিবর্তনে
আমি ষতটকু প্রণিধান করিয়াছি—মহর্ষি বাল্মিকী, কবি কৌষ্ঠিবাসের চিরস্থির শ্রীচরণে
প্রণাম করিয়া দেখাইতে প্রয়াস পাইয়াছি—ইহা তাহার চরিত্রের পরিবর্তন নহে,
চরিত্রের উৎকর্ষ । তিনি দৃঢ় ব্রতশীলা, চিরকর্তব্য-পরায়ণা—দুঃস্বপ্ন সরস্বতীর আবির্ভাব,
মন্ত্ররাজের পরামর্শ রূপকমাত্র—নিজের বিচার-বুদ্ধিতেই এই মূর্ত্তি ধরিয়াছিলেন ; ইহা
স্বার্থ নয়, অলৌকিক আত্মত্যাগ ; তিনি দানবী নন—মহাদেবী ।

আর এক কথা—ভ্রাতৃভক্ত বলিতে একমাত্র লক্ষ্মণকেই বুঝায়, পতিব্রতীর উপমা
একমাত্র সীতা ; ইহা যেন যোগাক্রম শব্দের ন্যায় জগতের চিন্তার আধার অধিকার
করিয়া বসিয়া আছে । কিন্তু ভরত—যিনি ভ্রাতার আদেশে ভ্রাতৃ-বিরহ বক্ষে চাপিয়া
দ্বিতীয় জনক রাজর্ষিরূপে ভ্রাতার রাজ্য রক্ষা করেন—তিনি কি ভ্রাতৃ অনুসরণকারী
লক্ষ্মণ অপেক্ষা কম ? দেবী উর্শ্বলা—যিনি স্বামীর ইচ্ছায় নারী-জীবনের সর্বাপেক্ষা
অসহ—স্বামীর বিচ্ছেদ তপস্বিনীর মত হাস্যমুখে বরণ করিয়া চতুর্দশবর্ষ কাল রাজ-
সংসারের সেবায় আত্মোৎসর্গ করেন—তাহার নামগন্ধ আবার কোথাও নাই ; তিনি কি
সীতাদেবীর পশ্চাতে দাঁড়াইবারও অধিকারিণী নন ? “সাধে কি তুমি বিশ্বকবি ? ধন্য
তোমার চিন্তাধারা ; অবিশ্রান্ত হোক তোমার কাব্য উপেক্ষিতা আক্ষেপ ।” আমি
এই কৈকেয়ীর নিষ্কলঙ্ক মাতৃ-অঙ্কে ভরতকে বাধিয়াছি—লক্ষ্মণের দাদা ; উর্শ্বলাকে
করিয়াছি—সীতার ভগ্নী ।

অসঙ্গত, বিসদৃশ হয় কাহারও চক্ষে—আমার আত্মপ্রবোধ আছে । ইতি—

বাসন্তী-সপ্তমী,
১৩৩৬ সাল । }

গ্ৰন্থকার ।

কুশীলবগণ ।

পুরুষ ।

বশিষ্ঠ, ভরদ্বাজ, দশরথ, রাম, লক্ষ্মণ, ভরত, শত্রুঘ্ন, সুমন্ত্র,
রাবণ, বিভীষণ, সুগ্রীব ।

কেকয়	রাজগিরির রাজা, কৈকেয়ীর পিতা ।
কন্দুক	ঐ পুত্র ।
সৈন্ধব	ঐ সদস্য ব্রাহ্মণ ।
চিত্র	অযোধ্যার অধীনস্থ রোহিলা রাজ্যের ভূতপূর্ব রাজা ।
কবচ	ঐ জ্যেষ্ঠ পুত্র ।
কুণ্ডল	ঐ কনিষ্ঠ পুত্র, নন্দেয়ীর গর্ভজ ।
রুধির	জনৈক রোহিলা-বালক ।
দর্পণ	অযোধ্যার সভাসদ ।
দেবীদাস	ভরদ্বাজ-শিষ্য ।

মোহ, জ্ঞান, সমুদ্র, দেবদূত, গুহক, সৈন্যধ্যক্ষ, তরণী, মারুগি, অযোধ্যাবাসিগণ,
রুক্মিণ, সৈন্যগণ, চণ্ডালগণ, ঋষিকুমারগণ, রোহিলাবালকগণ, সামন্তরাজগণ,
বল্লিগণ, রুক্মবীরগণ, ভগ্নদূতগণ ও পল্লীবাসিগণ ।

স্ত্রী ।

মহাশক্তি, ভক্তি, কোশল্যা, কৈকেয়ী, সুমিত্রা,
সীতা, উদ্ভিলা ও মছরা ।

নন্দেয়ী রোহিলার রাণী, কেকয়ের কনিষ্ঠা কন্যা ।

পরিচারিকাগণ, পুরমহিলাগণ, সখীগণ, নর্তকীগণ, চণ্ডালপত্নীগণ, অযোধ্যাবাসিনীগণ
ও রুক্মকামিনীগণ ।

কৈকেয়ী

প্রথম অঙ্ক

প্রথম গর্ভাঙ্ক

অযোধ্যা—অস্ত:পুর-প্রাঙ্গণ

পরিচারিকাগণ সম্মার্জনী হস্তে গীতকণ্ঠে প্রাঙ্গণ
পরিষ্কার করিতেছিল ।

পরিচারিকাগণ—

গীত ।

আজ নূতন দেশ ভরেছে ।

নূতন বোঁ সব আস্ছে নেচে, নূতনে কত মতলব এ চে,

চলবে নূতন কদম্ চালে নূতন ঘোড়ার চড়েছে ।

তাদের নূতন পিরীত পড়্ তা নূতন,

নূতন ঢংএর মুচ্ছাঁ পতন ;

তারি নূতন বঁধুর নূতন প্রেমের নূতন অরে জরেছে ।

আজ চাল তলোয়ার পাগ্ড়ী নূতন তেওয়ারী পাড়ের,

নূতন দোয়াত নূতন কলম আমলা সরকারের ;

চাকরাণী আমরা সবাই—

নূতনে বাদ বাই নাই,

আমাঘের ছার কপালে নূতন কাঁটা পড়েছে ।

মহুরা উপস্থিত হইল ।

মহুরা । আ-মর গতরখাগীরা—এখনও এইখানেই ঘুরছিঁস ?
চার জায়গায় বরকনে বরণ হবে—চার-চারটে মহল ঝাঁট দিতে হবে ;
ও—মা ! এই একটা নিরেই এতক্ষণ ! কি বল্বে—আজ কাকেও
কিছু বলতে মানা, তা না হ'লে ঐ হাতের ঝাঁটা কেড়ে নিয়ে
চুলোমুখে শুজে দিভুম ।

১ম পরি । এই ষাচ্ছি—দিদি, ষাচ্ছি ; তোমার ঠিক সময়ে পেলেই
ত হ'ল ।

২য় পরি । [গ্রীবাভঙ্গীসহ] মাগীর মুখ ত নয়—খেৎখানা ।

[পরিচারিকাগণ চলিয়া গেল ।

মহুরা । চাকরানী নয় ত সব—মা ঠাকরুণ ! এস গো—এস তোমরা
ভাল মানুষের মেয়েরা, ঝাঁট দেওয়া হয়েছে—তোমরা আবার কি
করবে কর ।

মাঙ্গলিক অনুষ্ঠানাদি সহ গীতকণ্ঠে
পুরমহিলাগণ উপস্থিত হইল ।

পুরমহিলাগণ—

গীত ।

আমরা বরণ করব বর ক'নে ।

আদর আহ্বান সব আবরণ, বাঁধ্ব বিষম বন্ধনে ।

আমাদের দেওয়া আল্পনা—

নয় সাজানে পিটুলির দাগ পাকে পাকে জাল-বোনা,

হলুধ্বনি ব্যাধের বাঁধী,

ফুলের মালা জনম-ফাঁসি ;

মাধিরে মুখে তাঁদের হাসি নামিয়ে দেব যোর রণে

পূজাপাত্র হস্তে সুমিত্রা সহ কৌশল্যা উপস্থিত হইলেন ।

কৌশল্যা । কৈকেয়ী এখনও আসে নি ? মহুয়া, কোথায় সে ?

মহুয়া । তার কথা আর ব'লো না, বাছা ; তার কি আর কোথাও দাঁড়িয়ে হাঁফ ছাড়বার অবসর আছে ! এই দেখছি এখানে, চোখ না পাল্টাতে পাল্টাতেই উধাও ! এই শুন্ছি তর্জন-গর্জন—এখানটা সাফ হয় নি, ওখানটা সাজান হয় নি, সেখানটার আল্পনা পড়ে নি ; কানের তাল না ষেতে-ষেতেই আবার শুন্ছি পুরুত ঠাকুরদের সঙ্গে পরামোশ—আজ কোন্ ঠাকুরের কি ভাবে পূজা হবে, কার কি রকম নৈবিদ্যের ব্যবস্থা ! এই করছে চাকর-চাকরাণীদের চুরির দণ্ড—আবার সঙ্গে-সঙ্গেই দানের ঘট ! কখনও বলছে—বাজনায় কান ঝালাপালা হ'ল—বন্ধ করতে বল, কখনও বলছে - দে ওদের পুরস্কার—আরও বাজাক ! এই দেখছি রাগে গর্গর্গ—এই দেখছি ভাবে চল চল ! ক্রমে হাসি—ক্রমে কান্না ! তার কথা আর ব'লো না—খেপা-খেপীর কাণ্ড ! [স্বগত] ছেলের বিয়ে ত আর কারও কখনও হয় নি ? তবু যদি সবক'টা নিজের ছেলে হ'ত ।

কৌশল্যা । দেখ্ সুমিত্রা, ভাব্তাম—আমাদের তিনজন রাণীর মধ্যে মহারাজ কৈকেয়ীর এত বশীভূত কেন । ঈর্ষাও বে একেবারেই হ'ত না, তাই বা কেমন ক'রে বলি ; কিন্তু যত দিন যাচ্ছে, দেখছি—কৈকেয়ীর প্রকৃত বশীকরণের শক্তি আছে আমাদের চেয়ে অনেক গুণে । মহারাজ যোগ্য বুঝেই অনুরাগী, তিনি স্ত্রী নন ।

সুমিত্রা । হাঁ দিদি, মেজ-দিদির সব বিষয়েই সমান ক্রমতা । রক্তরস আমোদ-আহ্লাদেও যেমনি—দায়-বিপদে পরামর্শ দিতেও তেমনি, একাধারে বয়শ্রা—মন্ত্রিণী ছই-ই । মেজদিদিই এ-সংসারে সর্বময়ী কত্রী হবার যোগ্য । আমাদের ঈর্ষা পাপ ।

পূজাপাত্র হস্তে কৈকেয়ী উপস্থিত হইলেন ।

কৈকেয়ী । দিদি, একটু দেরি হ'য়ে গেছে ; পুরোহিত দিয়ে পূজা করিয়ে আমার বেশ তৃপ্তি হ'ল না—আমি নিজে পূজা ক'রে যা মঙ্গলচণ্ডীর এই নির্মালা এনেছি—ধর, আমাদের রামসীতার মাথায় আগে এই নির্মালা দিয়ে আশীর্বাদ কর । ছোট, তুইও নে । [উভয়কে নির্মালা দিলেন]

কৌশল্যা । কৈকেয়ি—দিদি আমার ! আমায় মার্জনা কর, আমি বড় হ'লেও তোর কাছে ক্ষমা চাই । এত স্নেহ—এত ভালবাসা তোর ! আজ আমি দেখতে পেয়েছি বোন, তুই ঈর্ষার নোস্—পূজার । অযোধ্যার মঙ্গলচণ্ডী তুই, তোর নির্মালা তুই-ই নে—তোর রামসীতাকে তুই-ই আশীর্বাদ কর ।

কৈকেয়ী । মহারাজ আসছেন—দিদি, রামসীতা নিয়ে ।

[পুরমহিলাগণ শঙ্খধ্বনি, হুঁধ্বনি করিলেন ।]

রামসীতা সমভিব্যাহারে দশরথ উপস্থিত হইলেন ।

দশরথ । [সানন্দে] ষোড়শ দিতে পাবে না—ষোড়শ দিতে পাবে না ; দাঁড়িয়ে আছ যে তিনজনে সেজে-গুজে বৌ দেখব ব'লে, ঐ বৌ দেখাই হবে—ষোড়শ দেওয়া চলবে না । কি দেবে তোমরা ? কি আছে তোমাদের এ বোকে দেবার মত ? কৈকেয়ি, যা লক্ষ্মীর ধ্যান জান ত ? “পাশাকমালিকান্তোজো” দেখ—মিলিয়ে নাও, কোনখানে এক চুল প্রভেদ পাও—দাও ষোড়শ । কেমন ? ঠকিয়েছি কি না ? আমি লক্ষ্মী এনেছি ধরে ; কা'কে কি দেবে ? হাতের ষোড়শ হাতেই র'য়ে গেল । ষাক্, আশীর্বাদ কর—

১ম গর্ভাঙ্ক ।]

কৈকেয়ী

আশীর্বাদ কর, আমার রামসীতার আশীর্বাদ কর। রাম, প্রণাম কর। [সীতার প্রতি] প্রণাম কর, মা! এঁরা তোমার মা। [রাম ও সীতা একে একে তিনজনকে প্রণাম করিলেন, সকলে মস্তকে নির্ম্মালা দিয়া মুখচুষন করিলেন।] ওকি! সব চুপে চুপে কাঞ্জ সেরে দিলে যে? ও হবে না, ও মুখবুজে ছোটো চুমো খেয়ে মাথায় ধান-দুর্কা ফুল-জল দিয়ে আশীর্বাদ—ও আমি মানি না। আশীর্বাদ করতে হবে আজ মুখকুটে—প্রাণচলে—অভিধানের ভাষা ফুরিয়ে দিয়ে। কোশলা, তুমি সবার বড়—তুমিই আগে আশীর্বাদ কর। ওকি! তোমার চোখ যে জলে ভরা! ঠোঁট নড়ছে—কথা ফুটছে না! এঃ পারলে না তুমি, হেরে গেলে দেখছি। তা হ'লে—সুমিত্রা, তুমি ত পারবেই না, হাজার অভাব-অভিযোগেও যখন তোমার মুখ দিয়ে কোন কালেই কথা ফোটে না। বাক্, কৈকেয়ি, তোমায় আমি ছাড়ব না। জগৎ শুদ্ধ যার সাম্নে নিতে পিছপাও হয়—তুমি কারও মানা শোন না তার মাথায় চড়তে যাও। আজ তোমায় আমি বুঝব; কেউ পারলে না যখন—তোমায় করতেই হবে আমার রামসীতায় আশীর্বাদ। দেখি, তুমি কেমন কৈকেয়ী।

কৈকেয়ী। হাঁ মহারাজ! আমি আশীর্বাদ করব বৈ কি! যদিও রামসীতার মধ্যে এমন কোন একটা কিছুর অসম্ভাব নাই—যার পূরণে অসম্ভব: একটা আশীর্বাদের ভাষাও প্রয়োগ চলতে পারে, তবু আমি ওদের মা—আশীর্বাদের অধিকারিণী—আশীর্বাদের ক্ষমতা দিয়ে জগন্মাতা আমায় পাঠিয়েছেন, আমি আশীর্বাদ করব। রাম, তুমি রাজা হও; ম'রে গেল ফুরিয়ে গেল—সে রাজা নয়, যুগ যাবে—কল্প যাবে—কালের গদায় রাজা, প্রজা,

রাজ্য, রাজনীতি—সব শব্দ চূর্ণ-চূর্ণ হ'য়ে যাবে ; সেই শূন্যের নিস্তর-
তায়—স্মৃতির ধূমধ্বজায় শাস্তির স্বহস্তে লেখা বিজ্ঞাপন উড়বে
'রামরাজ্য'—সেই রাজ্য। আর সীতা, তুমি স্বামীপরায়ণা হও ;
স্বামীর সোহাগ পেয়ে তার বিনিময়ে নয়, স্বামীর অবহেলা নিয়ে—
স্বামীর বিরহ বুকে ক'রে ; যতদিন নারীসৃষ্টি থাকবে, সীতা-চরিত্র—
আদর্শ, প্রত্যেকের পাঠ্য হ'য়ে থাকবে।

বশিষ্ঠ উপস্থিত হইলেন।

দশরথ। গুরুদেব ! আশুন—আশুন ! আজ আমার কী আনন্দের
দিন ! [রাম ও সীতা বশিষ্ঠকে প্রণাম করিলেন।] আশীর্বাদ করুন—
আপনি বাকসিদ্ধ, আপনি আমার রামসীতায় আশীর্বাদ করুন।

বশিষ্ঠ। আমি আর অন্য পৃথক আশীর্বাদ করতে পারলুম না
তোমার রামসীতায়, দশরথ ! আমি ঐ দেবী কৈকেয়ীর আশীর্বাদেই
সমর্থন করি। রাম, তুমি রাজা হও ; আর সীতা, তুমি স্বামীপরায়ণা হও।

[পুরমহিলাগণ ছলুধ্বনি শঙ্খধ্বনি করিয়া বরণ করিলেন।]

পুরমহিলাগণ—

[পূর্ব গীতাবশেষ]

এস এস এস রামসীতা,

এস সংসারে—এস মধুরে—

এস মিলিত অধরে বেদ-গীতা ;

আজ করমের দ্বার মুক্ত.

এস জ্ঞান ভক্তিবৃত্ত—

এস মাথা-মাথি হ'য়ে গোলাপে-শিশিরে

জ্বায় পবিত্র চন্দনে।

[সকলের প্রস্থান।]

দ্বিতীয় গর্ভাঙ্ক

কক্ষ

কেকয় ও সৈন্ধব দাঁড়াইয়াছিলেন ।

কেকয় । বিবাহ কেমন দেখলে—বল দেখি, সৈন্ধব ?

সৈন্ধব । আজে, বিদায়ের ব্যবস্থাটা না দেখে বলতে পারব না—
বিবাহ কেমন ।

কেকয় । সে আবার কি ! বিদায়ের সঙ্গে বিবাহের ভাল-মন্দ ?

সৈন্ধব । হাঁ মহারাজ ! ও বর খোজাই হোক—আর কনে
হিজড়েই হোক, আচার্য্য বামুন আমরা—বিদায়ের বিষয়টা একটু
মোটামুটি-রকম হ'লেই বুঝলুম, উত্তম বিবাহ—রাজঘোটক মিল ।

কেকয় । আচ্ছা—তুমি কি বল ? রামের ওপরেই যেন দশরথের
একটু বেশী টান ব'লে দেখা গেল, না ?

সৈন্ধব । একটু ! ষোল আনাটা । রাম যেন বেটার ছেলের চক্র-
বুদ্ধিহারের সুদ ; একক্রান্তি এধার ওধার হবার যোগী নাই ।

কেকয় । ভারতের ওপর তেমন কিছু আছে ব'লে ত বোধ হয় না ।

সৈন্ধব । মোটেই না—মোটেই না । ভারত ত বেটার পক্ষে
ওলাউঠোর বমি ; দেখেছে কি নাক সিটুকেছে ।

কেকয় । কিন্তু—এটা ত বেশ ভাল নয় !

সৈন্ধব । আরে ছ্যা ! ভাল নয়—তা আর একবার ! বেটা
একচক্ষু—অবিচারী—অধঃপাত !

কেকয় । এ বিষয়ে কিন্তু আমার নিজের লক্ষ্য রাখা উচিত ;
কেমন, নয় কি ?

সৈন্ধব । ২-শ' বার ; আপনি না লক্ষ্য রাখলে আর রাখছে কে ? আপনি হচ্ছেন, ভারতের মাতামহ—তার মায়ের বাবা ; সে হচ্ছে আপনার দৌতুর—পিণ্ডি দেবে । আপনাকে ত লক্ষ্য রাখতেই হবে, বেঁচে—ম'রে—সব সময়েই । মহারাজ ! আমি বলি—আপনি এক কাজ করুন, ইন্দ্রের মত সেইরকম একটা কাণ্ড করুন কোন ব্রাহ্মণের বাড়ী ঢুকে । আপনার সহস্র চোখ হোক—সহস্র চোখে লক্ষ্য রাখুন ।

মহুরা উপস্থিত হইল ।

মহুরা । বলি, আবার আমায় ডাক কেন গো ? গেলুম যে ডাকাডাকির জালায় । দণ্ডে-দণ্ডে মেয়ের ডাক—ঘুরতে-ফিরতে নাতির ডাক, আবার তার মাঝে তুমিও ছ-দিনের জন্তে এসে বাড়ী যাবার সময় পর্য্যন্ত—মহুরা—মহুরা ! বল, কি করতে হবে ?

কেকয় । কিছু করতে হবে না তোকে—চেষ্টা না । একটা কথা বলব শুধু—তাই ডেকেছিলুম ।

সৈন্ধব । শুধু কথা—মহুরা—অতি ধীরে—স্থিরোভব ।

কেকয় । আমি যে তোকে কৈকেয়ীর বিবাহের সঙ্গে যৌতুক দিয়ে এখানে পাঠিয়েছিলুম—কি জন্ত ?

সৈন্ধব । কেবল কি ঘর ঝাঁট দেবার জন্ত, না ঠ্যাং ছড়িয়ে ব'সে চাকরাণীগুলোর সঙ্গে বচনের শ্রদ্ধ করবার জন্ত ?

কেকয় । দেখছিস কি তুই ? মেয়েটা যে ফাঁকে পড়ল ?

মহুরা । সে কথা আর ব'লো না আমায়, তোমার মেয়ের নেকন । ওমা ! আমি দেখি না ! ভাল করতে গেলে মন্দ হয় । একটু খেই কি তোলবার যো আছে—চিবিয়ে খেতে আসবে । রাম ত

শুষ্টিটার বৃকের মাণিক, তোমার মেয়ের আবার তা হতেও ;
রামনাম জপমালা, রামের ব্যাখ্যে মুখে ধরে না, রামরূপ না দেখলে
পেটে ভাত হজম হয় না ।

কেকয় । আরে, সেটা ত চিরকালকার হাবা—নিজের গাণ্ডা কখনই
বোঝে না ; সেইজন্যই ত আমি বেছে বেছে তোকে দিয়েছি
সঙ্গে । তার মতলবে তুই ষাবি কেন , তাকে আনতে হবে তোর
নিজের কায়দায় ।

সৈন্ধব । ক্রুটি তোর ; সে ত বোঝে না, তোর কেন বোঝান
হয় না ?

মহুরা । হবে না গো—হবার নয় ; আমি কি দেখতে বাকী
রেখেছি । তুমি-আমি মাথা ঠুকলে কি হবে, যার বিয়ে—তার যে
মনে নাই । নইলে এমন ষোগাষোগ—রাজা কৈকেয়ী-অস্ত-প্রাণ,
যা চাইতে পারে এ সময়—তাই পায় ; তা চাওয়া ত তুচ্ছ-কথা—
দিতে এলে নেবে না । শুনবে তবে মেয়ের গুণ ? সেবার রাজা
কোথা হ'তে যুদ্ধ ক'রে এল—গায়ের ঘায়ে মরণাপন্ন—কৈকেয়ী
সেবা ক'রে চান্দা করলে ; আর একবার ব্রণ হ'য়ে যায়-যায়,
কৌশল্যা স্মিত্রা স'রে দাঁড়াল, সে নিজের মুখ দিয়ে পৃষ-রক্ত
চুষে আরাম করলে ; রাজা খুশী হ'য়ে ছ'বারের দুটো বর
দিতে চাইলে । আমি কত ফুসুনি দিলুম, নে—আ-মর্ নে ;
তা—মেয়ের ভঙ্গী কী ! এতখানি জিব বের ক'রে ব'লে উঠল,
ছি—স্বামীর সেবা ক'রে আবার তার পুরস্কার ! আমি কি
মাইনের চাকরাণী ? তাতেও রাজা নাছোড় ; শেষ কোনমতে
যখন এড়াতে পারলে না, ব'লে উঠল—এখন আমার কিছুর
অভাব নাই, যখন দরকার হবে নেওয়া যাবে । আমি কপালে

কৈকেয়ী

[১ম অঙ্ক ;

যা মার্লুম ; ও দরকারও হবে না—নিতেও হবে না। আমি করুব কি ? আমার দুর্নাম দাও কেন ? তোমার কি তেমনি মেয়ে !

কেকয়। যাক, এতদিন যা হয়েছে—হয়েছে, তাতে তত এসে-
যায় নি ; এবার আল্গা দিনেই কিন্তু সর্বনাশ। আমি যতদূর
দেখছি—দশরথ রামকেই রাজা করবে। তা হ'লেই মিটে গেল আর
কি ! ভারত পড়ল ফাঁকে—কৈকেয়ী হ'ল দাসী—আর আমরা—

সৈকুব। শেয়াল-কুকুর মশা-মাছির দলে। আরামবাগের নফর
সর্দার, হারা মালী আর গীরে ঝাড়ুদারনী।

মহুরা। ব'লো না গো, আর ব'লো না। আমার আত্মঘাতী হ'তে
ইচ্ছে যায়। পেটের কথা বলি কাকে - শোনে কে ? সেদিন এত
বল্লুম চোখে আঙুল দিয়ে—এই বিয়েতেই, দেখ—বড়রাণীর বৌএর
কেমন ভারি ভারি গয়না, আর তোমার বৌএর—আরে ছি-ছি-ছি,
ছোটলোকেও যা পরে না। তা কি কিছুতে এতটুকু বেলা আছে গা !
উণ্টে বাঘিনীর মত আমাকেই খেতে এল। বলে কিনা, ভারতকে
দিয়ে তোমার চোখ উপড়ে ফেলবে। যার জন্তে করি চুরি সেই বলে
চোর ; বলুক—আমি ত নিলাজী !

কেকয়। তোকে নিলর্জ্জ হ'য়েই থাকতে হবে ; তুই যে মানুষ
করেছিস তাকে। অপমান তিরস্কার সব মেখে নিয়ে শুদ্ধ তার মঙ্গল
দেখতে হবে।

সৈকুব। শুদ্ধ মঙ্গল। তার শনি রবি আর কিছু দেখতে পারি না—
শুদ্ধ মঙ্গল।

মহুরা। তাই ত আজও প'ড়ে আছি গো—এ পোড়াভিটে কামড়ে।
আর যে পারি না—আর যে চোপের ওপর এ অপ্চ লোকসানগুলো
দেখতে পারি না। [কন্দন]

কেকয় । কাঁদিস্ না, এখনও হাত আছে—চেঁটা কর । রামকে রাজ্য না দিয়ে ভারতকে যদি রাজা করতে পারিস্; সব ক্রতি পূরণ হ'য়ে যাবে । কি বল, সৈন্ধব ?

সৈন্ধব । আজ্ঞে, তার আর কথা আছে ! সুদে আসলে এককালে । লেগে পড়্ মছরা, কোমর বেঁধে 'লাগ ভেঙ্কি' ব'লে । দেখা যাক্—কোথাকার ঢেউ কোথায় মরে ।

মছরা । ঢেউ ঠিক জায়গাতেই মরে গো, যদি সে একটু মনে করে । ভারত ত ভারত—ভূত এনে অযোধ্যায় নাচাতে পারি । তা—তার হয়েছে কি ? “পেটের ছেলে থাকুক প'ড়ে—আমার কোলে এস সতীন-পো ।” এ রোগের ঔষুধ কি ?

কেকয় । এর ঔষুধ—ধমককে ভয় না ক'রে দিনরাত তার পিছু লেগে থাক । কত দিন না ফিরবে ? একটা মানুষের মন ভাঙতে ক-দিন ?

সৈন্ধব । আরে, বাঘ বশ হ'য়ে যায়—হাতী পোষ মানে, ও ত মানুষ—তাও মেয়েমানুষ ।

কেকয় । দেখিস্—আমি ত দেশে চল্লুম ; দেখতে পাব না সব সময় কোথায় কি হচ্ছে-না-হচ্ছে । তুই রইলি এখানে আমাদের স্বরূপ । ভারতকে রাজা করা চাই ।

সৈন্ধব । রামকে বনবাস দিয়ে—দশরথকে বোকা সাজিয়ে—

কৈকেয়ী উপস্থিত হইলেন ।

কৈকেয়ী । বাবা, রথ তৈরী । আমি তোমার জিনিষপত্র সব গুছিয়ে রথে তুলে দিইয়েছি ।

কেকয় । এই—যাই মা, যাই ।

কৈকেয়ী

[১ম অঙ্ক ;

কৈকেয়ী। বড়-বৌমার সঙ্গে দেখা ক'রে এস নি? সে কেপা মেয়েটা রাগ করছিল যে?

কেকয়। আর যাব না মা, আবার দেরি হ'য়ে যাবে। হয় ত টানাটানিও করতে পারে। একে ত এই আজ যাই—কাল যাই ক'রে কতদিন হ'য়ে গেল। আবার কত যাব—কত আসিব—কত তোমার বৌদের জ্বালাতন করুব। মানা ক'রো মা, রাগ করতে।

কৈকেয়ী। মম্বরা, যা ত বড়-বৌমার কাছে; বাবাকে যাবার সময়ে কি দেবে বলছিল। যা দেয় নিয়ে রথের কাছে আসবি।

মম্বরা। [স্বগত] এই নাও আবার বৌগিরি ঢং। দেবে চুলোর ছাই—গুপ্তির মাথা, ক-দিন হ'তে একটা কিসের মালা গাঁধছে, দাদামশায়ের যাবার সময় পেরণামী দেবে। আ—ম'রে যাই সোহাগ! মালা ত আর কেউ কখনও দেখে নি—

[প্রস্থান।

কৈকেয়ী। বাবা, তা হ'লে প্রণাম করি। [প্রণাম]

কেকয়। এস মা—এস, সুখে থাক—রাজমাতা হও। দেখ মা, একটা কথা ব'লে যাই—এই মম্বরাকে নিতান্ত দাসীর মত দেখো না, ও তোমাদের মায়ের মত কোলে-পিঠে ক'রে মানুষ করেছে—বড় ভালবাসে; পাছে তোমার কোন কষ্ট হয়, তার জন্য তোমার সঙ্গে এখানে পর্যন্ত এসেছে। ও যা করে-না-করে কিছু ব'লো না, যা বলে—একটু মন দিয়ে শুনো।

কৈকেয়ী। আমি ত ওকে মায়ের মতনই দেখি, বাবা! কখনও ত কোন কিছু বলি না। ও যা বলে—সেই কথাই ত আমার গুরুবাক্য। তবে বাবা! ও মাঝে মাঝে বড় কটু কথা কয়।

কেকয় । কটু নয় মা, কটু নয়. তুমি বুঝতে পার না ; আমি শুকে বিশেষ জানি—ও কটু কথা জানে না। ও যা বলে ঠিক মায়ের মতই । হ'তে পারে সাধারণের পক্ষে কটু, কিন্তু তোমার কল্যাণ । একটু বুঝে চ'লো মা, তোমার সতীনের ঘরকন্না—একটু বুঝে চ'লো । এস, সৈন্ধব !

[প্রস্থান ।

সৈন্ধব । চলুন—চলুন । বুঝতে পেরেছি ত বেটি, একটু বুঝে চলিস্ । মছরা যা বলে—শুনিস্, একটু মন দিয়ে—একটু বিচার ক'রে—একটু উপরপানে তাকিয়ে ।

কৈকেয়ী । প্রণাম করি, আচার্য্য ! আমার আশীর্বাদ ক'রে যাও—মন যেন এই রকম আমার বশে থাকে, বিচার যেন আমার জীবনের সাণী হয়, উপরের অদৃশ্য শক্তি আপনা হ'তে যেন আমার উপর দিকে টেনে রাখে ।

সৈন্ধব । দূর পাগলি, অত ছোট আশীর্বাদ ! আশীর্বাদ করছি শোন—ওপরের সে মহাশক্তি তোকে উপর দিকে টেনে না নিয়ে, নিজে উপর হ'তে নেমে এসে তোর মধ্য দিয়ে জগতের কল্যাণ করুক । বুঝেছিন্ ? যা বেটি—যা ।

[প্রস্থান ।

কৈকেয়ী । মা মহাশক্তি ! ব্রাহ্মণের আশীর্বাদ—আজ হ'তে আমার আধার—তুমি আধের ; আমি কার্য্য—তুমি কারণ ।

[প্রস্থান ।

তৃতীয় গর্ভাঙ্ক

কানন

চিত্র

চিত্র । এক ছিল রাজা—তার এক রাণী । রাজা তেমন তেজীয়ান্ না হ'লেও নিতান্ত মন্দ ছিল না ; দশ ঘর প্রজাও ছিল, পাঁচ জন সেনা-সামন্তও ছিল, দু-চারটে হাতী-ঘোড়াও ছিল । রাণীটী ঠিক শিশিরধোয়া পারিজাতটী না হ'লেও—পদ্ম অন্ততঃ বটে । নাকটী ছিল টিকলো, ঠোঁট দুখানি হাসি-হাসি, চোখ দুটীও ভাসা-ভাসা, রংটীও বেশ ফর্সা ; এক রকম চলন-সই বলতে হবে । মোটের ওপর দু'জনার কেটে যাচ্ছিল বেশ মিলে-মিশে । কিন্তু মানুষ-জাত ত—তাতে তৃপ্তি হ'ল না । কপালের গেরো—যাগ, যজ্ঞ, ঠাকুর, দেবতা—নানারকম ক'রে ডেকে নিয়ে এল—এক বংশধর পুত্র । ও পুত্রমুখ যেই দেখা—অমনি সঙ্গে-সঙ্গেই রাণী তুললে পটল, রাজার এল বৈরাগ্য । ইতি, সংসার-মাহাত্ম্যে—জীবননাটকে প্রথম অঙ্ক ।

[আপন মনে উদাসবৎ কিছুক্ষণ নানাপ্রকার সুর আলাপ করিয়া]
রাজার দিনকয়েক পরে, মন্ত্রী, সভাসদ, বয়স্ক, বন্ধু, সবাই রাজার পিছু লাগল—“আপনার এই কাঁচা বয়েস—করছেন কি ! বিবাহ করুন ।” রাজার তখন ষাড়েঘোলানা বৈরাগ্য, ব'লে উঠল—“পুত্রার্থে ক্রীড়তে ভার্য্যা,”—সেই পুত্রই যখন বর্তমান, আবার কেন ? পরামর্শদাতাদের মুখ চূণ—সব চূপ-চাপ । কিছুদিন এই ভাবেই যায় ; রাজার কিন্তু আর রাজকার্যে বেশ মন নাই—

কারণ বৈরাগ্য । এদেশ যায়—ওদেশ যায়, এখানে ছোটে—ওখানে ছোটে ; বিধির বিপাক—এই উদ্ভ্রান্ত ছুটো-ছুটির মাঝে হঠাৎ একদিন তার চোখে প’ড়ে গেল আবার একটা টাটকা ফুল—হাওয়ায় দোলা, হাসিতে ভরা, সাজান বাগানের যত্নের ফোটান । ব্যস্, চোখ আর ফিরল না । ফুলও ঠারে-ঠোরে বুঝিয়ে দিলে—পুরুষ ত ভোমরার জাত, পাঁচ ফুলে মধু খাবার জগুই তাদের জন্ম । দেখে শুনে বৈরাগ্য বেচারী আশ্তে আশ্তে দিলে গা-ঢাকা, ‘পুল্লার্থে ক্রীয়তে ভার্য্যা’—নীতিবাক্য গেল গোলায়, মন্ত্রী, সভাসদ আর কাকেও অনুরোধ করতে হ’ল না, আপনা হ’তে ধেয়ে গিয়ে ঘরে তুলে নিয়ে এল সে সুহাসিনী গোলাপ সুন্দরী । ইতি দ্বিতীয় অঙ্ক ।

[পুনরায় পূর্কভাবে নানাবিধ রাগরাগিনী আলাপ করিয়া সানন্দে]
জ’মে উঠল আবার জীবননাটক । আবার সেই হাসির খেলা—
আবার সেই চার চোখে মেলা—আবার সেই পলকে প্রলয় ।
তবে যাবে কোথা, আবার ত সেই মানুষ-জাতই ? আবার সেই
অতৃপ্তি—আবার সেই ঠাকুর-দেবতা—আবার সেই পুত্রমুখ । তবে
সৌভাগ্য—এবার রাণী পটল তুললে না, ঘটনাচক্র উল্টে গেল—
রাজাকে দিতে হ’ল চম্পট । চম্পটের কারণ বিশেষ কিছু না ;
ফুলটা যে নিতান্ত মন্দ ছিল—তা কি ক’রে বলি ? মধুও ছিল—
বাসও ছুটত—তবে কি না—গোলাপ ফুল বড় কাঁটা, রাজা বেটা
বেশী দিন সহিতে পারলে না ; একদিন রাত্রে চুপি চুপি উঠে
কাকেও কিছু না ব’লে—সটান্ বেরিয়ে একদম এইখানে । এখন
সে আর রাজা নাই, বনের কিছ : বর্তমানে তার নাম চিত্র । ইতি
তৃতীয় অঙ্ক ।

গীত ।

বেশ আছি—আমি বেশ আছি ।
 আমি পিঁজরে-পোরা পাখী নই আর—বনের ওড়া মৌমাছি ।
 আমার নাই পায়ে আর সোনার শিকল,
 উন্টে গেছে ছাতুর বাটী,
 ঘুরছি কেবল কোথায় মেলে
 একটা ফোঁটা মধু খাঁটী,—
 বসছি না আর খড়ো চালে,
 চাক্ বেঁধেছি চাপার ডালে ;
 আমি ভাসিয়েছি লা কীরোদ খালে
 খুলে মোহের কাল কাছি ।

গীতকণ্ঠে মোহ উপস্থিত হইল ।

মোহ ।—

গীত ।

ওগো বাঁশী শোন আমার মোহন বাঁশী ।
 এর তাল উপভোগ, রাগিনী হাসি ।
 কোমলে কঠোরে মাখামাখি, এতে বর্জিত নাই কোন সুর,
 সাগরের ঘোর গর্জন হ'তে পাবে তরণীর মূছ নুপুর ;
 মুচ্ছনায় এর মুচ্ছিত ধরা, গমকে পাগল ত্রিদিব পুর—
 এস এস রস পিপাসাতুর—
 ভ'রে নাও প্রাণে সুধার রাশি ।

চিত্র । কি বাবা বংশীবদন ! আবার এখান পর্য্যন্ত ধাওয়া
 করেছ ? ধন, মান, মাগ, ছেলে—এ বাজারে মিষ্টি লাডু বলতে যত
 আছে—সব ছেড়ে, জুতকে ভুলিয়ে নিয়ে পালিয়ে এসেছি—আবার

তুমি এসেছ ডাক্তে ? মিছে এসেছ, মাণিক ! আর পট্ছি না ।
আমিও গান জানি—শিখেছি ; গাইব তবে ওর জবাব ?
শুনবে—

গীত ।

বাঁশী শুনব না তোমার ও বিষের বাঁশী ।

ওর তাল অপঘাত রাগিণী কঁাসি ।

শুনে শুনে কাণ ঝালাপালা, আমি পেলুম না ওর কোন্টা সুর,

কলুর ঘানি অমনি ডাকে এ বলদ তোমার বহুদুর ;

আর নেব না চোগে ঠুলি আর দেব না চাকে ঘুর.

আমার অজীর্ণতে উঠ্ছে ঢেকুর—

থাকব এবার উপবাসী ।

কেমন ! এখন আর আমি রাজা নই বাবা, যে—তোমার বাজার
দেখাবে । এখন আমি চিত্র ।

মোহ । বেশ ত গো, তাতেও আমি আছি । তুমি যদি চিত্র—
আমিও জেনো রং ।

চিত্র । রং হ'লেও তুমি ত বাবা লাল রং নও, যে—চিত্রে দপ-দপিরে
ফুটবে ; তুমি যে কালো রং । দোহাই বাবা, আর আমার সং
সাজিয়ে না, আমার বৈরাগ্য এসেছে ।

মোহ । কই ? কোথায় বৈরাগ্য ? কাকেও ত দেখ্ছি না—এই
ত মাত্র আমিই রয়েছি !

চিত্র । তুমি ত বড় বোকা হে ! দেখতে পাচ্ছ না—আমি
সংসার ছেড়েছি ?

মোহ । কোন্খানে ? সংসার ছেড়েছ—না সংসারকে আরও
আঁকড়ে ধরেছ ?

চিত্র । কি রকম ?

মোহ । আচ্ছা, সংসার যে ছেড়েছ—বল দেখি, কি জন্তু ?

চিত্র । সংসারের গুঁতোয় ।

মোহ । তবেই ত ; ঐ গুঁতোর পাশে চাটনিও আছে, মান ত ?

চিত্র । থাকলই বা—তাতে আমার কি ?

মোহ । এই—যে যত গুঁতোয় সাড়া, জেনে রেখো—সে তত চাটনির লোভী ।

চিত্র । [সবিস্ময়ে] এঁয়—

মোহ । এঁয় নয় । বল দেখি, সংসারটায় কিছু নাই—এই বিচার ক’রে তোমার বৈরাগ্য, না সংসারে মজা আছে—তুমি লুটতে পেলো না, তাই তোমার বৈরাগ্য ?

চিত্র । [নির্ঝাক্—হাঁ করিয়া রহিল ।]

মোহ । চূপ ক’রে যে ? নাই চাটনির লোভ ? আপসোসে গাল বেয়ে লাল পড়ছে, উনি আবার জবাব গাইছেন—‘শুন্ব না তোমার ও বিষের বাঁশী !’

[পূর্ব গীতাবশেষ ।]

শুন্তে হবে ;

আমার বাঁশী শুন্তে হবে ;

কি তপস্বী যেই হও বাঁশী শুন্তে হবে ;

মুক্তির কোলে ব’সে থেকে বাঁশী শুন্তে হবে ;

শুনেছে ব্রহ্মা সন্ধ্যা সৃজনে,

শুনে গেছে শিব সুধা-বণ্টনে,

তুমি কোন্ ছার র’বে কোন্ বনে

ভুবন এ বাঁশীর সেবক দাসী ।

চল হে—চল, বুড়ো হ'তে চল্লে, এখনও এত অভিমান ! হয় বৈকি ওরকম—সংসার করতে গেলে ; তুমি কখনও ছুটো বল্লে—সংসার বা কখনও ছুটো ধাক্কা দিলে—সব যেখে নিতে হয় । কাঁটার ভয়ে পালাতে আছে ? ফুলের মধু খেতে গেলে পাখা ছেঁড়ে ; তা ব'লে কি তুমি একেবারে ঠিক ক'রে নিয়েছ—সংসার তোমার ভালবাসে না ? আরে, এস—এস ।

চিত্র । তাই ত—ছোকরা, তুমি সব গোলমাল ক'রে দিলে যে হে !

মোহ । কিছু না—কিছু না, সব গোলমাল আমি মিটিয়ে দেব এস ।

চিত্র । ছোকরা—[মস্তক কণ্ঠয়ন করিতে লাগিল]

মোহ । আরে, এস—এস—

চিত্র । একটা কথা বল্বে ?

মোহ । আর ছাই বল্বে ! যা বল্বে, পথে শোনা যাবে—এস ।

[গমনোদ্যত !

চিত্র । দাঁড়াও হে, দাঁড়াও ।

মোহ । আরে, ছুটে এস—ছুটে এস ।

[প্রস্থান ।

চিত্র । যাই—যাই । মিথ্যে কি, সুখ নিতে হ'লে দুঃখ একটু সহিতে হয় বৈকি ! বর্ষায় যে বাদল হয়, সে ত গ্রীষ্মেরই তাত খেয়ে ।
কতদূর গেলে হে—

[পশ্চাদমুসরণ !

চতুর্থ গর্ভাঙ্ক

রোহিলা-রাজ্য—প্রাসাদ-কক্ষ

কুণ্ডল দাঁড়াইয়াছিল, কবচ উপস্থিত হইল

কবচ । কুণ্ডল, তুই কার দিকে ?

কুণ্ডল । [সবিম্বরে] কার দিকে !

কবচ । তোর মায়ের দিকে, না আমার দিকে ?

কুণ্ডল । [নির্ঝাক্, মাথা হেঁট করিল ।]

কবচ । চূপ ক'রে রহিলি যে ? আর ছেলেমানুষ সেজে থাকলে চলবে না—ভাই, নিতান্ত ছোটটি আর নাই তুই । দেখতে পাচ্ছি—কি না তোর মায়ের দৌরাখ্যাটা আমার উপর ? আমার পিতাকে রাজ্যচ্যুত বনবাসী করেছে সে । ষাক, সেও আমি স'য়ে নিয়েছি ; এখন আমি চাই আমার পিতৃরাজ্যে আমার ন্যায্য অধিকার ; কিন্তু তোর মা চায় সবার সত্ব নষ্ট ক'রে সকলকেই নিজের হাতের মুঠোয় । একটা দিক্ তোকে আজ নিতে হবে । আমি জানতে চাই—তুই কোন্ দিকে ।

কুণ্ডল । দাদা—

নন্দেয়ী উপস্থিত হইল ।

নন্দেয়ী । বল বালক, তুমি কোন্ দিকে ? একদিকে ঋষ্য অধিকার—অন্যদিকে ষোগ্যাযোগ্যের বিচার ; একদিকে পিতৃ-সত্বে মাটী-কাম্ড়ে প'ড়ে থাকা, অন্যদিকে মাতৃদীক্ষায় হিমাদ্রির মত মাথা তুলে

৪র্থ গর্ভাঙ্ক ।

কৈকেয়ী

ওঠা ; একদিকে ঞ্জায়ের পদলেখন—অন্যদিকে কর্তব্যের মুকুট ধারণ ;
বল—তুমি কোন্ দিকে ?

কুণ্ডল । মা—

কবচ । কুণ্ডল, আমি তোমার জ্যেষ্ঠ—সহোদর না হ'লেও এক
পিতার ঔরসজাত, তোমার ওপর আমার যথেষ্ট দাবী । বুঝে বলবি—
তুই কোন্ দিকে ।

নন্দেয়ী । আমি তোমার ওপর ওরূপ দাবী করি না, পুত্র । আমি
আভাসেও বলতে চাই না, আমি তোমার মা—গর্ভধারিণী—স্বর্গ
হ'তেও—তোমাতে আমারই ষোল আনা অধিকার—আমার দিকে
হও । আমি বলি—তুমি ও মা-ভাইয়ের দু-টানাটানি ছেড়ে দাও ;
নিজের যে স্বতন্ত্র সত্তা—তাতে ভর কর, বিচার কর—কোন্ দিকটা
প্রয়োজনের দিক্ । ভাবছ ? ভাব—তলিয়ে । কবচ, আবার একটা
ক্ষেত্র পড়েছে দেখছি—তোমার ওপর আমার দৌরাখ্য করবার ।
অযোধ্যা হ'তে তোমার নাকি ডাক এসেছে—দশরথপুত্র রামের
রাজ্যাভিষেক-উৎসবে যোগদান করবার ? তার সার্বভৌম ছত্র বেশ
উঁচু ক'রে ধরবার ?

কবচ । [বিরক্তভাবে] এসেছে ।

নন্দেয়ী । তুমি নাকি প্রস্তুতও হয়েছ ষাবার জন্ত, কৃতার্থ হ'য়ে—
উপচৌকন নিয়ে ?

কবচ । হয়েছি ।

নন্দেয়ী । সে উপচৌকনটাও আবার না কি রোহিলারাজ্যের প্রধান
প্রিয়বস্ত সর্বমূলক্ষণ খেতহস্তী সূমের ?

কবচ । হাঁ ।

নন্দেয়ী । দৌরাখ্য কি সাধ ক'রে করতে হয়, কবচ ! তুমি যে এত

বড় একটা দামী জিনিষ রাজ্য হ'তে বের ক'রে দেবে, কার সম্মতি নিয়েছ ?

কবচ । সম্মতি আবার নিতে হবে কার ?

নন্দেয়ী । সাধারণ প্রজার, যাদের জিনিষ ।

কবচ । আমি তাদের রাজা ।

নন্দেয়ী । তুমি রাজা নও । যে সাধারণের স্বরূপ হ'য়ে ব'সে সাধারণের মতামতের অপেক্ষা করে না, সে কিসের রাজা ? সম্পদের সময় নেবে না, কেবল যুদ্ধের সময়—প্রাণ দেবার সময় ডাকবে, কে তোমার প্রজা ? কেউ তোমার প্রজা নয়—কারও তুমি রাজা নও ; কার জিনিষে তুমি কি স্বস্তে হাত দাও ? তুমি চোর—পরস্বাপহারী ।

কবচ । নারি ! যাও—তোমার নীতি আমি মানতে চাই না ।

নন্দেয়ী । নীতি যদি না মান, তোমায় নামতে হবে রাজাসন হ'তে ।

কবচ । আমার পিতার আসন হ'তে আমায় নামায় কার ক্ষমতা ?

নন্দেয়ী । অন্য কাকেও ক্ষমতা ধরতে হবে না, তোমার নিজের অক্ষমতাই তোমার চুলের মুঠি ধ'রে নামিয়ে দেবে ।

কবচ । আমার অক্ষমতা !

নন্দেয়ী । তা ছাড়া আর কি বলব ; এ তুমি করছ কি ?

কবচ । বা করছি—ঠিকই করছি ।

নন্দেয়ী । মুখে বললে হবে না ত, প্রমাণ কর—ঠিক করছ ।

কবচ । প্রমাণ ! আচ্ছা, অযোধ্যা বর্তমানে পৃথিবীর মূলরাজা—মান কি না ?

নন্দেয়ী । মানি ।

কবচ । আমাদের যে রাজ্য—তার অধীনস্থ সামন্ত রাজ্য, কেমন ?

নন্দেয়ী । ব'লে যাও—

কবচ । একা এ বিশাল পৃথিবী স্বেশাসনে রাখা হুহু ব'লে তাকে খণ্ডে খণ্ডে বিভক্ত ক'রে আমাদের এক-এক জনকে এক-এক স্থানের শাসনকর্তা নিযুক্ত ক'রে রেখেছে । আমরা যে রাজা, সে অযোধ্যা-রাজেরই প্রতিনিধি—কর্মচারী, নয় কি ?

নন্দেয়ী । তার পর—

কবচ । তার পর আর কি ? বুঝে নাও না তা হ'লেই, আমি তার—রাজ্য তার—রাজ্যের উৎকৃষ্ট বস্তু—যা উপচৌকন ব'লে নিয়ে যাচ্ছি, সেও সেই তারই ; তারই জিনিষ তাকেই দিচ্ছি—আমি ঠিকই করছি, কোন্‌খানটায় দেখছ আমার অশ্রায় ?

নন্দেয়ী । অশ্রায় না হ'তে পারে, কিন্তু অকর্তব্য ।

কবচ । অকর্তব্য !

নন্দেয়ী । কবচ, এই অযোধ্যা কি সৃষ্টির সঙ্গে-সঙ্গেই মূলরাজ্য হ'য়ে জন্মেছিল, না অনেক ওঠা-পড়া কামড়াকামড়ির পর তবে আজ মূলরাজ্য হ'য়ে দাঁড়িয়েছে ?

কবচ । ওঃ—তুমি আমার অযোধ্যার বিরুদ্ধাচরণ করতে বল ? রাজদ্রোহিতায় উত্তেজিত কর ?

নন্দেয়ী । চুপ কর, আমার ভুল হয়েছে । তুমি অন্তঃপুরে যাও দেখি, যা করতে হয়—করছি আমি ।

কবচ । তা করবে বৈকি ! এই স্বেচ্ছাচারিতা করবার জন্মই বুধি আমার পিতাকে বনবাস দিয়েছ ?

নন্দেয়ী । দিয়েছি ; বুঝে দেখেছি—তোমার পিতার বনবাসই শ্রেয়, রাজ্যবাস তাঁর জন্ম নয় ।

কবচ । রাক্ষসি ! ওঃ—কি বলব—বিমাতা ; গর্ভধারিণী যা যদি তুমি আমার হ'তে, পিতার নির্বাসন—এ অত্যাচার আমি

কিছুতেই সহ্য কর্তাম না। তবে—সাবধান নারি! যা করেছ—
করেছ ; আর বেড়ে উঠো না, আমার সীমা ছাপিয়ে যাচ্ছে।

নন্দেয়ী। আমারও ঠিক ঐ কথা, কবচ! তুমিও যদি আমার
সপত্নী-পুত্র না হ'য়ে পেটের হ'তে, তুমিও এতদিন পরিত্রাণ পেয়ে
আসতে না। তুমিও সাবধান, যা করেছ—করেছ ; আর উপচৌকন
নিয়ে অযোধ্যায় যেও না, আমি চেতনা হারিয়ে ফেলব—আমার
উচ্চাশা তোমায় আর রোহিলায় ফিরতে দেবে না।

কবচ। সে ভয়ে কবচ ভ্রায়বিচ্যুত হবার ছেলে নয়, নারি! ফিরতে
দেবে না আমায় রোহিলায়, আমার ভিক্ষা আছে—বন আছে—
আত্মহত্যা আছে ; এ বিমাতৃ-নিঃখাসদগ্ধ রোহিলার মাটি হ'তে
তারা আমার সহস্রগুণে শান্তির। তাই হবে ; চল্লুম আমি
অযোধ্যায় রামরাজ্যাভিষেকের প্রীতি-পূজায় রোহিলার আদরের
শ্বেতহস্তী স্নমেরু পুষ্পাঞ্জলি নিয়ে—তোমার চোখের উপর
দিয়ে। হারিয়ে ফেল তুমি তোমার অনুগ্রহের চেতনা—একত্র
কর যাবতীয় শক্তি আমার প্রত্যাগমন প্রতিরোধের। দেখব
আমি তোমার উচ্চাশা—দেখব আমি বিমাতা-চরিত্রের শেষ।
কুণ্ডল, সপ্তাহ সময় দিয়ে চল্লুম তোকে, সিদ্ধাস্ত কর, তুই কোন্
দিকে।

[প্রস্থান।

নন্দেয়ী। যাও—পুত্র, ত্রায়ের মোহে আত্মহারা হ'য়ে নিয়ে
যাও রোহিলার হৃদয়-রক্ত আমার চোখের ওপর দিয়ে—অযোধ্যা-
রাজলক্ষ্মীর চরণতল চিত্রিত কর্তে। আমি উদাস নেত্র—স্থির
—নির্ঝাক্। তবে—তবে এস তুমি কর্তব্য, আমার ধূমায়িত
মস্তকে—আমার সর্বশুভ হৃদয়-গহ্বরে। আমি চেতনা হারাব—

আমি মেহ, ঈর্ষা, মিন্দা, প্রশংসা—সব সমভূমি ক’রে ছুটব । আমারও
ঐ সপ্তাহ সময়—কুণ্ডল, তোর দিক্ নির্ণয়ের ।

[প্রস্থান ।

কুণ্ডল । ওঃ—সংসার ! কো চমৎকার স্নেহময় নিষ্ঠুর তুমি !
বালক আমি—খেলে বেড়াচ্ছিলুম নিশ্চিন্ত আপন মনে—দেখে
বেড়াচ্ছিলুম অসীম একটা হাসির হাট ; কিন্তু তুমি এক
মুহুর্তে—একটী কথায় এমন একটা সুন্দর ভক্তি-সঙ্কটের ভীষণ
বোঝা আমার মাথায় চাপিয়ে দিলে, আমার খেলা ভেঙে গেল—
হাসি ফুরিয়ে গেল ; আমি—যাছকর, তোমায় দেখতে বাধা
হলুম ; আমি কোন্ দিকে ? একদিকে মাতা—একদিকে ভ্রাতা,
একদিকে শ্রায়—একদিকে কর্তব্য, একদিকে অনন্ত করুণা—এক-
দিকে অমৃত আশীর্বাদ ; আমি কোন্ দিকে ?

[চিন্তিত মনে ধীরে ধীরে প্রস্থান ।

পঞ্চম গর্ভাঙ্ক

অযোধ্যা—রাজপথ

অযোধ্যাবাসীদ্বয় গীতকণ্ঠে নগর সাজাইতেছিল

অযোধ্যাবাসীদ্বয় ।—

গীত ।

সাজা ভাই মনের মত নগর সাজা ।
অযোধ্যায় আজ কি আনন্দের দিন
রাত পোহালেই রাম হবে রাজা ।
দে পথে ভাই কাদা ক'রে চন্দনের ছড়া,
রাখ দুয়ারে পূর্ণ কলস গঙ্গাজল ভরা—
বোঁ-ঝিরা সব গন্ধ-প্রদীপ আলু ঘরে ঘরে—
মুখে উলু ফুলের মালা গাঁধ্ ধরে ধরে,
তোরা ভাই বাজন্দেরে রগড় ক'রে
জোর দগড় বাজা ।

গীতকণ্ঠে দর্পণ উপস্থিত হইল ।

দর্পণ ।—

গীত ।

তোরা নিজে সাজ—আগে নিজে সাজ ।
শুধু নগর সাজালে সে শোভা হবে না—ভুলবে না নব মহারাজ ॥
তোরা রাখ হেম ষট জলভরা চোখ হৃদয়ের দ্বারে দ্বারে,
তোরা প্রেম-চন্দন ছড়া আশা-পথে অনুরাগে ভারে ভারে ;

তোরা সরল হামির গন্ধ-প্রদীপ জ্বলে দে—
তোরা অগ্নিপাত-ফুল রাশি রাশি পায়ে ঢেলে দে ;
তোরা ব্যাকুল বাহর মালাটী সাজা—
মরম-দামামা সজোরে বাজা,
রাম রাজা—তোদের রাম রাজা ;
ওরে সেই ত প্রকৃত নগর সাজানো
রাম প্রজার সেই সেরা কাজ ।

[প্রস্থান ।

অযোধ্যাবাসীদ্বয় ।—

[পূর্ব গীতাবশেষ ।]

নাচ্ তবে ভাই ভাবে পাগল ছ-বাহ তুলে,
সাল্ সবে ভাই রামের প্রজা সব বাঁধন খুলে,—
করু চরণে জন্ম দান—
গা শুধু সেই দয়ার গান ;
আমাদের ধর্ম নাই আর কর্ম নাই আর
এতেই বুক তাজা ;
সাজা ভাই মনের মত নগর সাজা ॥

[আনন্দে নৃত্য করিতে করিতে প্রস্থান ।

ষষ্ঠ গর্ভাঙ্ক

কৈকেয়ীর কক্ষ

কৈকেয়ী ও মম্বরা

কৈকেয়ী । অযোধ্যায় অকস্মাৎ আজ এ কিসের উৎসব - মম্বরা, বলতে পারিস্? পূজা-পাক্ষণ ত এ সময় কিছু নাই—যুদ্ধ-বিগ্রহও ত রাজ্যে কিছু ছিল না যে, তার জয়-উৎসব, রাজপরিবারের মধ্যেও ত তেমন আনন্দজনক ঘটনা কিছু ঘটে নি—অথচ সারারাত্রি ধ'রে দেখছি নগরের ঘরে ঘরে দীপ জ্বালান—প্রত্যেক প্রজার ছায়ে মঙ্গল-ঘট—রাজপ্রাসাদে নানা রংএর ধ্বজা—নগরের অতি ক্ষুদ্র, সঙ্কীর্ণ পথটী পর্য্যন্ত নানাভাবে সাজানো—চারিদিকেই নাচ, গান, হাসি, তামাসা—আর তার সঙ্গে মুহুমূহঃ জয়ধ্বনি : এর কারণটা কি? আমি ত কিছুই টের পাই নি, তুই কিছু জানিস্?

মম্বরা । ও মা! কী বেয়া! তুমি জান না—আমি জানব? রাজ্যে আমোদ কিসের, তুমি রাজার রাণী—তাও রাণীর সেরা কৈকেয়ী রাণী, তুমি পেলে না টের, আমি চাকরাণী—তাও চাকরাণীর অধম—বুড়ী কুঁজী, আমি রাখুব ঠিকানা? কেন, তোমার রাজা কোথায়, গো? বড় যে বড়াই কর—তোমায় না জানিয়ে রাজা গণ্ডুষটী পর্য্যন্ত করে না; এটা আর বলে নি?

কৈকেয়ী । বলবার হয় ত সুযোগ ক'রে উঠতে পারেন নি । যতদূর বুঝছি—এ উৎসব-ব্যাপারটা নিতান্ত সামান্ত নয়, মহারাজ খুবই

ব্যস্ত আছেন ; সারারাত্রিটার মধ্যে একটীবার আমার দর্শন দিতে পর্য্যন্ত অবকাশ পান নি ।

মহুরা । ব্যস্ত নাই গো—ব্যস্ত নাই । তোমার কাছে আসতে পান নি কেন, জান ? আসবে কি—আসবার কি উপায় আছে ! আর কি তোমার সে রাজা আছে ! রাজা ছিল কাল বড়রাণীর মহলে, কত হাসি—কত গল্প—কত রঙ্গ—কত কি ! ও মা—বুড়ো-বুড়ীতে যেন ভীমরতি !

কৈকেয়ী । চূপ ; তাতে কি ? আমিও রাণী—বড়রাণীও রাণী ; আমার কাছেই যে তাঁকে সর্বদা থাকতে হবে—তার মানে কি ?

মহুরা । মানে একটু আছে বৈকি, এতদিন ধ'রে সোয়ামী-সেবা, রাজকাজ দেখা—ভূত-খাটুনি যা—খেটে ম'লে তুমি, কাজ গুছিয়ে নিতে নিলে বড়রাণী ।

কৈকেয়ী । সে আবার কি ! ভূত-খাটুনি ! কাজ গোছান !

মহুরা । হাঁ গো হাঁ—তাই । সহর কেন সাজানো হচ্ছে—শুন্বে একটু কান দিয়ে ? শোন না ত কোনকালেই কোন কথা আমার, কেবল জিব উপড়ে নিতে এস । এস—বল, কর যা করবে ; আমি ত কানে দিয়েছি তুলো—পিঠে বেঁধেছি কুলো । সহর সাজানো হচ্ছে—বড় রাণীর বেটার কাল অধিবাস হ'য়ে গেছে, আজ সে রাজা হবে ।

কৈকেয়ী । [উল্লাসের সহিত] রাজা হবে ?

মহুরা । হাঁ ।

কৈকেয়ী । রাম ? আমার রাম ?

মহুরা । ও মা ! আহ্লাদ যে আর ধরে না !

কৈকেয়ী

[১ম অঙ্ক ;

কৈকেয়ী। তাই এ নাচ, গান, আনন্দ-উৎসব ? আমার রাম রাজা হবে ?

মহুরা। বলি, তুমিও একটু নাচবে নাকি ?

কৈকেয়ী। রাম রাজা হবে—তাই অযোধ্যা সাজানো ?

মহুরা। তুমিও ঘর সাজাতে শুরু ক'রে দাও আর কি ! আমিও যেমন ।

কৈকেয়ী। মহুরা, মহারাজকে ডেকে দে ।

মহুরা। কেন গো ! তোমাকে সাজাতে হবে নাকি ?

কৈকেয়ী। সাজানো হয় নি—অযোধ্যা সাজানো হয় নি । রাম রাজা হবে—তার সাজানো, উৎসব, ঘটা বুঝি এই ! ও আলো জ্বালা, ফুল ছড়ানো, নাচ, গান, ধ্বজা ওড়ানো—ও ত সকল ক্ষেত্রেই হ'য়ে আসছে ; চলবে না ওসব, রামের রাজ্যাভিষেক—সব নূতন চাই । ডেকে দে তুই মহারাজকে । যদি কাজে ব্যস্ত থাকেন—হাতের কাজ কেড়ে নিবি, বলবি আমার নাম ক'রে—ওসব বাজে জিনিষে বাজে আমোদ এ ক্ষেত্রের নয়, নন্দন-কানন হ'তে পারিজাত এনে অযোধ্যা সাজাতে হবে—অপ্সরা, গন্ধর্ব্ব, কিন্নর—এরা সব নাচ গান উৎসব করবে, আর আলো আবার জ্বালাবে কি—চন্দ্র, সূর্য্য, অসংখ্য নক্ষত্র, অনন্ত-কোটি দেবতা—তারা নিজে উপস্থিত হ'য়ে অযোধ্যা আলো ক'রে বসবে । আমার রামের রাজ্যাভিষেক । যা—আর ধর, এই নিরে যা—[হার খুলিয়া মহুরার গলায় দিলেন] এ তোমার পুরস্কার নয়, রাম রাজা হবে—সংবাদ দিয়েছি তুই, এ মাত্র উপস্থিতের মত ; তোমার যোগ্য-পুরস্কার এর পর আমি ভেবে ঠিক করব ।

মহুরা। [হার খুলিয়া] ও মা ! ছি-ছি-ছি—লজ্জায় আমার

কান্না পাছে ! আমি যেন পাওনা-ধোওনার লোভে ওর ছয়োরে কুকুরের মত প'ড়ে প'ড়ে হাড় মাটি করছি । দেখ গা, তুমি মুখে যাই বল, কাজে কিন্তু দেখি—ঠিক আমায় চাকরাণীই ভাব ; নইলে আপনার লোককে আবার কে কোন্‌কালে পুরস্কার করে ।

কৈকেয়ী । ও, আমার ভুল হয়েছে । [হার লইয়া] রাগ করিস্ না, যা—মহারাজকে ডেকে আন ।

মহুরা । আমি আর পার্ব না গো, আমি আর তোমার ঘরেও থাকব না ; মহারাজকে ডেকে তুমি ত করবে আমোদ-ঘটার পরামোশ ?

কৈকেয়ী । কেন—তুই আবার কি করতে বলিস্ ?

মহুরা । কে ব'লে তোমার তাড়া খেতে যাবে, বাছা ? তোমার যা খুশী কর । মহারাজকে ডাকতে হয় ডাক—স্বর্গ উপ'ড়ে আন্তে হয় আনাও—ভূত নাচাতে হয় নাচাও ; আমি কিছুতে নেই, আমি চল্লুম তোমার দেশ ছেড়ে । [গমনোচ্ছতা]

কৈকেয়ী । আ মর, যাস কোথা ? বল না, তোর মতলবটাই শুনি ?

মহুরা । শুন্বে ? বললে শুন্বে ? আচ্ছা—বলি, শোন-না-শোন—আমার ধর্ম আমি ক'রে যাই । বলি, বড়রাণীর ছেলে যে রাজা হচ্ছে, তাতে তোমার এতটা আহ্লাদ কিসের ? সে কি তোমার পেটের ?

কৈকেয়ী । আবার ! আবার তোর সেই কথা ?

মহুরা । তুমি আমায় মারো, চোখ রাঙাচ্ছ কি—একেবারে নিদ্রা করে মারো ; আমি মরুব তোমার হাতে—তবু ওকথা ছাড়া অন্য কথা আমায় কওয়াতে পারবে না । তোমার বাবা আমার হাতে-হাতে সপে দিয়ে গেছে । তুমি আমায় মারো—আমার মুখ দিয়ে রক্ত উঠিয়ে দাও ;

কৈকেয়ী

[১ম অঙ্ক ;

আমি যতক্ষণ থাকব, তোমার ভালই ক'রে যাব—ভাল পরামোশই দিয়ে যাব ।

কৈকেয়ী । [স্বগত] আচ্ছা—এ কি ! এ চিরদিনটা আমার এ ভাবে উত্তেজিত ক'রে আসে কেন ? পুরস্কারে ভোলে না—তিরস্কারে পেছায় না, সেই এক কথা—রাম তোমার কেউ নয়, তুমি ভারতের মা । আমি ত জীবনভোর একে অবজ্ঞার চক্রেই দেখে আসছি ; কিন্তু ভেবে দেখতে গেলে—অবজ্ঞার বস্তু ত সংসারে কিছুই নাই । জগতের যা-কিছু সব উদ্দেশ্যময় ; সাধু, দস্যু, সৎ, লম্পট—সব সেই এক মহাশক্তি মহামায়ার মহতী ইচ্ছায় চালিত মহান্ কোন উদ্দেশ্য সাধনে । যদিও চোখের ওপর দেখছি—এর পরামর্শ কু-পরামর্শ, কিন্তু কোন কু-এর ভিতর কোন সু লুকান থাকে, কোন অমঙ্গলের ভিত্তি হ'তে কোন মহামঙ্গলের মন্দির ওঠে, কোন উপস্থিত শত্রুর ভীষণ শত্রুতা-পরিণামে কী অনির্বাচনীয় উপকারে দাঁড়িয়ে যায়, তা যে মনুষ্য-দৃষ্টির অগোচর । [চমকিত হইয়া] একি ! এ সব আমি কি বিচার করছি ! না-না—যা মহুরা ! শুনিম্ না কেন কথা ! মহারাজকে ডেকে আন না

মহুরা । যা হোক বাপু ! এতক্ষণ ধ'রে ভেবে ভেবে আবার সেই— 'যা মহুরা, মহারাজকে ডেকে আন ।' আমি মহারাজকে ভাক্তে পারুব না গো, তোমার সর্কনাশ করতে, তোমার পথে বসাতে আমার ব'লো না । হাঁ গো, একি আমার ভারত রাজা হচ্ছে, যে— আমি হাত দুলিরে আহ্লাদ ক'রে একে-তাকে ডেকে বেড়াব ?

কৈকেয়ী । [স্বগত] আবার সেই কথা ! আবার সেই রাম-বিষেব ! আচ্ছা—এই মহুরা কে ? সংসার পরিচয় দেয়—অবোধ্যা-রাজ্যেশ্বরী কৈকেয়ী আমি—মহুরা আমার মঙ্গলাকাঙ্ক্ষণী পরিচারিকা ;

কিন্তু বাস্তবিক ত তা নয় ! অযোধ্যা-রাজ্যেশ্বরী কৈকেয়ী—তার পরিচারিকা মন্থরা, উভয়েই সেই এক বিশ্ব-রাজ্যেশ্বরী মহাশক্তির বিরাট খেলা-ঘরের দাসী । দু'জনেই তার জগৎ-সংসারের মঙ্গল নিয়ে ব্যস্ত । কৈকেয়ীর ইচ্ছা যার অনুমোদিত—মন্থরার মন্ত্রণাও তারই ঈর্ষ্যত ; সে রাজ্যে কৈকেয়ীও যে—মন্থরাও সে । তবে বিচার্য—আমরা উভয়েই যদি এক রাজ্যের—এক কার্যে ব্রতী, উভয়ের মধ্যে এ বৈষম্য কেন ? আমি চাই রামের কল্যাণ, মন্থরা জাগিয়ে দিতে চায় সেই আমার মধ্যে রামবিদ্বেষ ; সম্পূর্ণ বিভিন্ন । এর কারণ কি ? কে বলতে পারে, কোন্টা কর্তব্য—কোন্টা অকর্তব্য ; কার ফল শুভ—কার পরিণাম অশুভ ! [স্থপ্তোখিতের মত] না না—আমিই ঠিক চলেছি ; যতদূর দেখা যাচ্ছে—মন্থরার মস্তব্যে ধু ধু অন্ধকার ছাড়া আলোকের একটা ক্ষীণ রেখাও কোথাও নাই । যা—যা—মন্থরা, মহারাজকে ডেকে না আনিস, যা তুই এখান হ'তে ।

মন্থরা । ও মা ! আমায় তাড়িয়ে দিচ্ছ ? বুড়ো বয়সে আমায় তাড়িয়ে দিচ্ছ ? তুমি মেরে ফেল—মেরে ফেল আমায়, আমি টিক্বে পারব না তোমায় ছেড়ে স্বর্গে গিয়েও ।

কৈকেয়ী । না না, থাক—থাক [স্বগত] দূর ছাই, আবার অবজ্ঞা ! এই যে সিদ্ধাস্ত হ'য়ে গেল অবজ্ঞার কিছুই নাই—সব উদ্দেশ্যময় ! মন্থরা যদি এত হীন—এত তুচ্ছ—অবজ্ঞারই হবে, তবে এমন ভাবে ঘোরতর প্রতিবাদী ক'রে আমার প্রত্যেক বিষয়ে প্রহরিনীর মত তাকে আমার ঠিক পাশতীতে রাখবার মহাপ্রকৃতির কি দরকার ছিল ? অবশ্যই উদ্দেশ্য আছে । কিন্তু—কিন্তু, মা মহাশক্তি উদ্দেশ্যময়ী মঙ্গলালয়ে ! ব'লে দাও—মা, সে উদ্দেশ্যটা কি ? সর্বভূতে যখন তুমি—তোমা ছাড়া যখন কিছুই নাই, মন্থরারূপে তুমি—মন্থরার পরানর্শও

কৈকেয়ী

[১ম অঙ্ক ;

তোমারই ইচ্ছা। কিন্তু আমি ত অনির্দিষ্ট পথে চলতে পারব না, মা !
ব'লে দিতে হবে—মা, এ ইচ্ছার পরিণাম জগতের কোন্ মহামঙ্গল !
দেখিয়ে দিতে হবে—মা, এর অন্ধকার-ভবিষ্যতে কী অনন্ত আলোকের
লহরী-লীলা ! ধরিয়ে দিতে হবে—মা, আমার হাতে হাত দিয়ে আমার
এই রাণী-জন্মের কস্মের সূত্র !

মহুরা। বলি, ভাবছ কি গো অত ! এতে ভাববার কি আছে ?

কৈকেয়ী। [স্বগত] ও—ঠিক। কী সুন্দর জ্যোতির বিকাশ—মা,
তোর ! পেয়েছি পথ—বুঝেছি তোর উদ্দেশ্য—ধরেছি জন্মের কস্মের সূত্র।
মা ! দয়াময়ি ! এত দয়া তোর ! জগৎকে চৈতন্তের দিকে টেনে
নিয়ে যেতে—নিরাকারা, এত রূপে ফির্ছিস তুই ! তবে দেখিস—
দেখালি যদি আলোক, যেন আমি লক্ষ্যব্রষ্ট না হই—যেন আমার একটা
পাদক্ষেপ তোর ঐ মহতী ইচ্ছার এক চুল বাইরে না পড়ে। আমি
তলিয়ে যাই দুঃখ নাই ; তোর আদরের জগৎকে শান্তির তৃষ্ণে
তুলে দিয়ে যেতে পারি। মহুরা, খুব রেখেছিস আমায়, আমি স্নেহে
সর্বনাশ করতে বসেছিলুম। যা, মহারাজাকে নয়—গুরুদেব বশিষ্ঠ বোধ
হয় এতক্ষণ সভাস্থ হয়েছেন, তাঁকে আমার নিবেদন জানিয়ে আয়—
আমি একবার তাঁকে প্রণাম করব।

মহুরা। তাকে আবার কেন, গো ?

কৈকেয়ী। ভয় নাই—যা। মমতা রাখব না, কঠোরই হব।

মহুরা। ওমা, তা হবে বৈকি—তা ত হবারই কথা ! এতদিন
যে হও নি, জানি না কোন্ বেকদতি তোমার ঘাড়ে ছিল। [প্রস্থান।

কৈকেয়ী। [উদ্দেশ্যে] রাম ! কৈকেয়ীর জীবনাধিক রাম !
জানি তুমি অশেষ গুণে গুণবান্—জানি তুমি বাহুবলেও কম নও—তুমি
জগতের আনন্দ-স্বরূপ ; তবু পুত্র, জগদীশ্বরীর ইচ্ছা—আমি একবার

তোমার বিমাতা হব । [চকিত-ভাবে অদৃশ্য মহাশক্তির প্রতি] অনেক দূর আমায় আগিয়ে এনেছিস, মা ! আমি সৈন্ত-বাহু সাজিয়ে কেলেছি ; আয়—এইবার উলঙ্গিনী অসিধরা ভয়ঙ্করী মূর্তিতে আমার হৃদয়ে আয় ; আমি ঝাঁপিয়ে পড়ি রণ-সমুদ্রে—সঁতার কাটি শোণিত-তরঙ্গে ।

বশিষ্ঠ উপস্থিত হইলেন ।

আম্বন—আম্বন । [কৈকেয়ী বশিষ্ঠকে সাষ্টাঙ্গে প্রণাম করিলেন ।]

বশিষ্ঠ । কিছু জিজ্ঞাসা করবার আছে কি, মা ?

কৈকেয়ী । আছে, প্রভু ! আমি একটা তর্কে পড়েছি ; যদিও তার সিদ্ধান্তও করেছি, তবু আপনার মুখ দিয়ে একবার শুনতে চাই । শুরুদেব, গ্ৰায় বড় কি কর্তব্য বড় ?

বশিষ্ঠ । কেন, মা ! তোমার মধ্যে আজ আবার এ প্রশ্ন কেন ? তুমি ত চিরদিনের কর্তব্য-পরায়ণা, আর সেইজন্যই ত তুমি সবার উচ্ছে—সকলের প্রিয় ! মা, কর্তব্যই বড় ;

কৈকেয়ী । বুঝিয়ে দিতে হবে দাসীকে ।

বশিষ্ঠ । এ বোঝা ত তেমন কঠিন নয়, মা ! দেখ, কোথায় কোন্ সরোবর শুকিয়ে যাচ্ছে—কোন্ প্রান্তরে কোন্ পথিক ঘর্নাস্ত্র অবসন্ন হ'য়ে পড়েছে, ক্রক্ষেপ নাই ; সূর্য্য আপনার ঠিক সময়ে উঠছে—ঠিক সময়ে প্রথর হচ্ছে—ঠিক সময়ে অন্ত যাচ্ছে । কার কোথায় শত্রু হাস্বে—কি স্ত্রী, পুত্র, আত্মীয় কাঁদবে, কোন বিচার নাই ; মৃত্যু ঠিক আপনার ভালে এসে মানুষের বুকে হাঁটু দিয়ে বসছে । কে ফাঁকে পড়ছে—কে পেশা যাচ্ছে, কিছুতে লক্ষ্য নাই ; কালের নেমি ঘর্ষর শব্দে অবিরাম চলছে । মা, কর্তব্যই শ্রেষ্ঠ । তার অভিধানে গ্ৰায়-অগ্ৰায় শব্দই নাই ।

কৈকেয়ী । আম্বন—প্রণাম করি । [প্রণাম]

কৈকেয়ী

[১ম অঙ্ক ;

বশিষ্ঠ । আশীর্বাদ করি, কর্তব্য-পরায়ণা হও ।

[প্রস্থান ।

কৈকেয়ী । মম্বরা—মম্বরা—

মম্বরা উপস্থিত হইল ।

তোমার অভিলাষ পূর্ণ আশাতীত ভাবে । তুমি চাচ্ছিলি শুধু রামের
অভিষেক বন্ধ করতে—আমি রামকে বনবাস দেব ।

মম্বরা । [আনন্দে] বনবাস ! এয়া ! বনবাস ! বলি, তুমি কি
এবার কল্পতরু হ'য়ে পড়লে নাকি, গো !

কৈকেয়ী । হাঁ, তাই । তবে সমস্তা—মহারাজের ত সম্মতি চাই ?

মম্বরা । মহারাজের সম্মতি ! হিঃ—হিঃ—হিঃ ! তোমার সম্মতিই—
মহারাজের সম্মতি ।

কৈকেয়ী । না মম্বরা, তুমি যা ভেবেছিস—তা নয় । হ'তে
পারি সবার হ'তে আমি তাঁর প্রিয় ; তা ব'লে তিনি জ্ঞেয় নন—বিচারী ।
আরও যেখানে পুত্র নিয়ে কথা—যতই প্রিয় হোক, সেখানে কৈকেয়ী
টিকবে না ।

মম্বরা । তবে এক কাজ কর না, গো ; মহারাজের কাছে তোমার
ছটো বর পাওনা আছে না ? আজ সেই ছটো চাও না—এক বরে রামের
বনবাস—এক বরে ভারতের রাজ্য-পাট—

কৈকেয়ী । মম্বরা—মম্বরা, তোমার জন্ম কোন্ নক্ষত্রে ? এমন
আলোক তোমার মধ্যে ! মহারাজ আসছেন, না ? চ', ঘরের মধ্যে যাই ।
[উদ্দেশে] মা—মা ! আমার বৃকে এসেছিলি উলঙ্গিনী হ'য়ে ;
আমি অনেক নেচেছি—অনেক বৃদ্ধ করেছি—জয়-মন্দিরের চূড়াও দেখতে
পেয়েছি ; এইবার একবার আমার কণ্ঠে আয় ছটা সরস্বতী হ'য়ে ।

[মম্বরা সহ প্রস্থান ।

সপ্তম গর্ভাঙ্ক

উর্শ্বিলার কক্ষ

উর্শ্বিলা ও সখীগণ

উর্শ্বিলা । আজকের ব্যাপারটা কি, বুঝেছিঁস্ তোরা ? আজ আর্ঘ্য হচ্ছেন রাজা আর দেবী হচ্ছেন রাণী । সেই দেবীর ভগ্নী আমি শ্রীমতী উর্শ্বিলা দেবী, আমার আঙিনা আজ আর একটা নিমেষেও স্থির কি চুপ থাকতে পাবে না ; কেবল নাচ আর গান—হাসি আর খুশী, আমোদের অশ্বমেধ । দে তোরা আহুতি ; যজ্ঞকর্ত্রী শ্রীমতীর এই আসন-গ্রহণ । [আসন গ্রহণ করিলেন]

সখীগণ—

গীত ।

আজকে লো সই কেবল হাসি কেবল গান ।
কেবল গায়ে উন্টে পড়া, কেবল দেখা ধরার সরা,
কেবল ছাড়া পাগলকরা কাজল-টানা নয়ন-বাণ ।
আজকে কেবল আহুতি সই কেবল ধুনি জাগিয়ে রাখা—
কেবল ওড়া উধাও হ'য়ে কেবল কোমল পরশ মাথা,
নিবেধ লো আজ কথা কওয়া,
আজকে কেবল ভুবি হওয়া ;
কেবল তুমুল তুফান বওয়া কেবল ডাকা বান—
কেবল নাচা কেবল খেলা বৌবনের ঝাপান্ !

উর্শ্বিলা । আরে ম'লো—কি ছাই আহুতি দিচ্ছিন্ ! যজ্ঞ জম্বল কই ? আগুন টাল মেরে উঠ্ছে না যে ! এঃ, মস্তর ভুল হচ্ছে তোদের ।

১ম সখী । আমাদের মস্তুর তুল হয় নি—গো, তোমারই মনের ঠিক নেই ।

উন্মিলা । আমার মনের ঠিক নাই ! কিসে বুঝলি ?

১ম সখী । ঢং এ । আড়ে আড়ে পথপানে তাকাচ্ছ, কোথাও একটু শব্দ হচ্ছে কি অমনি পায়ের শব্দ ব'লে চমকে উঠছ । নাচ-গানে ত তোমার মন নেই, তোমার মন অত্মদিকে—প্রাণনাথ আমার কখন আসে—কখন আসে ।

উন্মিলা । আচ্ছা—গান থাক, খানিক কথাই হোক । বল দেখি তোরা—তোরাও ত মেয়েমানুষ, প্রাণের কথা ঠিক খুলে বলবি ; তোদের কি এ রকম হয় না ?

১ম সখী । তা ব'লে অতদূর হয় না । পুরুষ মানুষ যতক্ষণ কাছে রইল, হাসলুম—কথা কইলুম—যত্ন করলুম—কর্তব্য যা করলুম, চ'লে গেল—মিটে গেল, সেও আপনার কাজ ধরলে—আমিও আপনার তালে রইলুম ; তা না হ'য়ে দণ্ডে দণ্ডে তারই কথা—উঠতে-বসতে সেই মুখ—জেগে-জেগেও সেই স্বপন—দিনরাত বুকের ভেতর একটা দগ্‌দগানি ; না ভাই, যা-ই বল তুমি—এ তোমার একটু বাড়াবাড়ি ।

উন্মিলা । তা—তোরা ভাই, যা-ই বল, বাড়াবাড়িই বল—আর ঠাট্টাই কর, আমার কিন্তু ঐ রকমই হয় । আমি ভাবি—এই পুরুষ-জাতটা আমাদের এত সেবা-যত্ন ফেলে কাজ-কাজ ক'রে মুখ দিয়ে রক্ত উঠিয়ে মরে কেন ? ঐ পোড়ারমুখো সূর্য্য যদি শত্রু হ'য়ে না উঠত, ত সংসারের কি ব'য়ে যেত ?

১ম সখী । মরেছ আর কি ; একেবারে অত আলগা ! আলগা পেলেই সংসার যে তাকে চেপে ধরে ! পুরুষ মানুষ যে কাজ-কাজ ক'রে মরে, বুঝতে পার না—সে কেবল মেয়েমানুষের কস্মনি পায় না ব'লে ? একটু শক্ত হও দেখি ।

উর্শ্বিলা । দূর—ওতে কি বাহাদুরি ! ও ত পুরুষের পুরুষ
খেয়ে দেওয়া—চোখ রাঙিয়ে বশ করা—ওষুধ ক’রে ভালবাসান’ । আমি
চাই—পুরুষকে ঠিক পুরুষ রেখে পোষ মানান’ ; তা যদি না হয়, কক্ক
তারা কাজ—মরি আমরা কেঁদে ।

১ম সখী । এঃ, একেবারেই বিগ্ড়ে গেছ দেখছি !

উর্শ্বিলা । শোধ্রাবার অন্ত কিছু আছে তোদের ?

১ম সখী । আচ্ছা—আর একখানা গান শোন—

সখীগণ ।—

গীত ।

ওলো থিদে রেখে খেতে দে ।

তবে ত পড়বে গরজ—তবে ত ঘুর্বে পাকে,

ওলো তোর ভরা ভাঁড়ার চেয়ে চেয়ে

ভিথিরীকে যেতে দে ।

শালুগা হ’য়ে একটা খালে বাড়িয়ে দিবি সবটা প্রাণ

বদহজমে উঠবে ঢেকুর—প্রাণবঁধুর

থাকবে না যে তেঁটা টান্ ;

নাড়ী ধ’রে নিরম ক’রে

একটু নরম একটু চ’ড়ে

চাবি মেরে চিড়ে র ঘরে

সাবুর পাতা পেতে দে ।

বনবাস-যাত্রায় সজ্জিত লক্ষ্মণ উপস্থিত হইলেন ।

লক্ষ্মণ । উর্শ্বিলা—

উর্শ্বিলা । [অধীর-আনন্দে আসন হইতে উঠিয়া] নাথ—
প্রাণেশ্বর ! [লক্ষ্মণকে ধরিতে যাইতেছিলেন ; কিন্তু তাঁহার বেশ দেখিয়া

কৈকেয়ী

[১ম অঙ্ক ;

যুগপৎ বিস্মিত ও ভীত হইয়া কম্পিতকণ্ঠে বলিলেন] একি ! একি বেশ তোমার !

লক্ষ্মণ । বিদায় !

উর্শ্বিলা । [ব্যাকুলকণ্ঠে] বিদায় !

লক্ষ্মণ । হাঁ উর্শ্বিলা ! উৎসব রাখ ; রামের রাজ্যাভিষেক নয়, উন্টে গেছে ; রামের বনবাস ।

উর্শ্বিলা । বনবাস !

লক্ষ্মণ । জানি না যাতা কৈকেয়ীর উদ্দেশ্য ; তিনি পিতার কাছে দুটি বর চেয়েছেন ; এক বরে রামের চতুর্দশ বর্ষ বনবাস—অন্য বরে ভারতের রাজ্যাধিকার । প্রতিশ্রুত বৃদ্ধ পিতা আমার ভূ-লুপ্তিত, ক্ষিপ্ত, অথচ নির্বাক উভয়-সদৃশে । সত্য-অবতার শ্রীরামচন্দ্র পিতৃসত্যরক্ষায় অযোধ্যার সকল কাকুতি উপেক্ষা ক’রে কাননাভিমুখী—অনুসৃত্তা দেবী সীতা—সেবক লক্ষ্মণ তাঁদের সহগামী ।

উর্শ্বিলা । তা হ’লে আমি ?

লক্ষ্মণ । তুমি অযোধ্যাতেই থাক, উর্শ্বিলা !

উর্শ্বিলা । অযোধ্যাতে থাকুব-- আমি ! কি নিয়ে আমি অযোধ্যায় থাকুব, নাথ ? জীবনধারণ নিয়ে ? কেন, সীতাদেবী স্বামীর অনুগামিনী, আমিও ত সেই সীতার ভগ্নী !

লক্ষ্মণ । জানি—উর্শ্বিলা, তুমি সীতাদেবী হ’তে কম নও ; শুধু তুমি তাঁর আসনে উঠতে যেয়ো না, দেবি ; তোমার স্থান ভিন্ন জগতে । তুমি যদি সীতার ভগ্নী ব’লে পরিচয় দিতে চাও, তাঁর অনুসরণ ক’রো না—অন্যদিকে যাও ; সীতাদেবী চলেছেন—স্বামীর সোহাগ বুকে ক’রে সংসারত্যাগী স্বামীর পেছু পেছু হুর্গম স্ত্রায়ের পথে ; তুমি চল—স্বামীর

বিচ্ছেদ সহ ক'রে রামসীতাহীন এই অন্ধ, পঙ্গু, কাগ্নাহাট রাজ-সংসারের সেবা নিয়ে বন্ধুর কর্তব্যের পথে ।

উর্শ্বিলা । কর্তব্যের পথে ! সে আবার কী দুর্ভেদ্য জটিল পথ, নাথ ! আমি ত জীবনভোর একটা পথই দেগে আসছি—স্বামীর সেবা, স্বামীর সঙ্গে তরুতল ; সেই গ্নায়—সেই কর্তব্য—ভাষার ভিন্নাকারে নারী-জন্মের সেই সব । না—আমায় বালিকা বুঝিয়ে দিয়ো না ; ও কর্তব্য আমার নয় । আমি সীতার ভগ্নী ব'লে পরিচয় দিতে চাই না—আমায় স্বামীর স্ত্রী হ'তে দাও ।

লক্ষণ । আমিও ত তাই-ই চাচ্ছি, উর্শ্বিলা ; তুমি স্বামীর স্ত্রীই হও ঠিক সহধর্মিণীটা হ'য়ে । দেখ সতি, তোমার স্বামী ছুটেছে কোথায় ! তোমার মত স্ত্রী—অযোধ্যার মত সংসার—ইহজীবনের সমস্ত সুখে জলাঞ্জলি দিয়ে একমাত্র রামসীতার সেবায় ! উর্শ্বিলা, স্বামীর স্ত্রী হও—নিজের স্বার্থ বলিদান কর—জীবনটাকে উপভোগ হ'তে টেনে নিয়ে তোমার স্বামীর দৃষ্টান্তে তার পিতামাতার গুশ্রযায়—সংসারের প্রয়োজনে টেলে দাও ।

উর্শ্বিলা । সংসার—সংসার ! একবার তুমি মুক্তিমান হ'য়ে এসে মুক্তকণ্ঠে ব'লে যাও—উর্শ্বিলায় নিয়ে তোমার প্রয়োজন মিটবে না । তুমি কর্মবীর লক্ষণকে নির্ঝিবাদে ছেড়ে দিচ্ছ, ক্ষুদ্র উর্শ্বিলা তোমার কি উপকারে লাগবে ?

লক্ষণ । না উর্শ্বিলা, সংসার যে লক্ষণকে নির্ঝিরোধে ছেড়ে দিচ্ছে, তার সাহস—লক্ষণ যাচ্ছে ; কিন্তু লক্ষণের মহাশক্তি উর্শ্বিলা—তুমি তার আছ । কাতর হ'য়ো না—দেবি, চতুর্দশ বর্ষ ।

উর্শ্বিলা । চতুর্দশ বর্ষ ! চতুর্দশ বর্ষে কত পল, স্বামি ? আমার যে একটা পল অদর্শনে কাটে না !

লক্ষ্মণ । কাটে না, কখনও কাটাবার জন্ত জোর ধর নি—সে রূপ ক্ষেত্রে কখনও পড় নি । আজ তোমার সুপ্ত শক্তিকে জাগ্রত, বিকাশ করতে হবে, সতি ! দেখাতে হবে—তুমি কৰ্ম্মময়ী মহাশক্তি, ক্ষুদ্র লক্ষ্মণের সেবিকা স্ত্রী নও—তার অধিষ্ঠাত্রী দেবী । উন্মীলা, দৃঢ় হও, মনুষ্য-জন্ম—কৰ্ম্ম কর ; বিদায় দাও ।

উন্মীলা । দাঁড়াও ; একবার আমি মাতা কৈকেয়ীর কাছ হ'তে আসি ।

লক্ষ্মণ । কেন, উন্মীলা ?

উন্মীলা । তাঁকে জিজ্ঞাসা করব—উন্মীলা তাঁর পায়ে কি অপরাধ করেছে ।

লক্ষ্মণ । উন্মীলার অপরাধ ?

উন্মীলা । দণ্ড দিচ্ছেন কেন ?

লক্ষ্মণ । তোমার দণ্ড !

উন্মীলা । তবে এ আবার কার দণ্ড ? আৰ্য্যের বনবাস ? লক্ষ্মীরূপিণী সীতাদেবী সঙ্গে—কিসের বনবাস ? সীতাদেবী স্বামীর ছায়ায়—তাঁরও কিছুই নাই ; ভ্রাতৃবংশল তুমি—তুমিও পাচ্ছ ভাই ; এ দণ্ড ত সম্পূর্ণ আমার, আমার অবলম্বন কই ?

লক্ষ্মণ । তোমার অবলম্বন ঐ বিরাট শূন্য । অনিত্য জগতের অসার অবলম্বনে না দাঁড়িয়ে, তুমি থাক—মহিমময়ি, আপন পবিত্র আত্মার ভর দিয়ে সৰ্ব্বভূতে পরিব্যাপ্ত, মুক্ত । তুমি দণ্ডিতা নও—উন্মীলা, মহাপ্রকৃতির পরম আদৃত্য ; গণ্ডীর মধ্যে ছিলে—অসীমে ছড়ালে ; শাস্তি ছিলে—শক্তি হ'লে ; ছিলে তুমি লক্ষ্মণের স্ত্রী—হ'লে এইবার বিশাল সংসারের মা ।

উন্মীলা । মা ! মা ! মঙ্গলময়ী মহাপ্রকৃতি ! মাথার পাহাড়

চাপাচ্ছি কেন, মা ? জানি—তোমার কন্যা-জন্ম দেওয়া ভবিষ্যতে মা
করবার জন্তু ; কিন্তু উন্মীলা যে বালিকা—এখনও যে তার নিজেরই
মায়ের দরকার, সে মা হওয়ার কি জানে ! এ ত তোমার আদর নয়—
মা, আদরের আতিশয্যে এ যে কঠোর শাসন । স্বামি—স্বামি—
[রোদ্ধমানা হইলেন]

লক্ষণ । উন্মীলা, একি ! তুমি আমার টালিয়ে দিতে চাও ?

উন্মীলা । [হতাশ স্বরে] না যাও ; থাকি আমি আজীবন
এই নীরব, নির্ঝাক, রোদনসর্বস্ব, ক্ষিপ্ত জগতের মহাশূন্য অবলম্বনেই ;
যাও—তুমি যেখানে ইচ্ছা ।

লক্ষণ । প্রতিশ্রুত হও- দেবি, আমার পিতামাতাদের প্রবোধ
দেবে ?

উন্মীলা । দেব ; ভাষার প্রবোধ ত ?

লক্ষণ । তা হ'লে এইবার আর একটা কথা—উন্মীলা, আমার
ভুলে যাও ।

উন্মীলা । [বাণবিদ্ধবৎ] ভুলে যাব ! তা হ'লে এইবার আমারও
একটা কথা—স্বামি, ধনুর্কাণ ধর, আমার স্মৃতির এই বাঁধা বেদীটা
চূর্ণকার ক'রে ভেঙে দিয়ে যাও । [নতজানু হইয়া বুক পাতিলেন ।]

লক্ষণ । [হাত ধরিয়া ভুলিয়া] না উন্মীলা, ভুলতেই হবে ; তা
না হ'লে তুমিও কর্তব্যচ্যুত হবে, আর তোমার চিন্তা, যেখানেই
থাকি আমি—শূন্যে শূন্যে গিয়ে আমার বুক ঘা মেরে আমার হাতের
কাজ কেড়ে নেবে ।

উন্মীলা । [হতাশ স্বরে] না—যাও, থাকুক তোমার হাতের কাজ
হাতেই, আমি ভুলে যাব স্মৃতির বুক রক্তারক্তি ক'রে--নিজের মাথা
নিজে কেটে ছিন্নমস্তা হ'য়ে ।

লক্ষণ । উর্শ্বিলা !

উর্শ্বিলা । নাথ !

লক্ষণ । জেনে রেখো, লক্ষণ-উর্শ্বিলার জন্ম—গুরু সেবক-সেবিকা
জন্ম ।

উর্শ্বিলা । [মস্তক অবনত করিলেন]

লক্ষণ । উর্শ্বিলা !

উর্শ্বিলা । স্বামি !

লক্ষণ । স্মরণ রেখো—এই সেবাব্রতই আমাদের জীবনের
মহাব্রত ।

উর্শ্বিলা । [মস্তক অবনত করিলেন]

লক্ষণ । উর্শ্বিলা !

উর্শ্বিলা । গুরু !

লক্ষণ । লক্ষ্য রেখো—এই মহাব্রতই উর্শ্বিলা-লক্ষণের মোক্ষ ।

উর্শ্বিলা । [মস্তক অবনত করিলেন]

লক্ষণ । আসি তা হ'লে, দেবি !

উর্শ্বিলা । এস, প্রণাম । [রুদ্ধ নিঃশ্বাসে প্রণাম করিলেন ।]

লক্ষণ । এ প্রণামটা আজ আমি নিয়ে চল্লুম তোমার ; কিন্তু যদি
ফিরে আসি, যেন দেখি—মহাদেবি, তুমি আমার প্রণম্যা ।

[প্রস্থান ।

উর্শ্বিলা । [ব্যাকুলভাবে] পৃথিবী—পৃথিবী ! স'রে যাচ্ছ কেন,
মা ! আমার দাঁড়াতে দাও । সূর্য্য ! জ্যোতির্শ্ময় ! নিবে যেও না, দেব ;
জগতের সঙ্গে আমার এই প্রথম দেখা-শোনা । উর্শ্বিলা ! অনাধিনি !
টল্ছ কেন ? পা ফেল্ছ কোথায় ? স্বামীর বিরহে, না সংসারের
কর্তব্যে ?

উন্মত্ত অব্যবস্থাবে কৈকেয়ী উপস্থিত হইলেন ।

কৈকেয়ী । হাত ধর—বালিকা, হাত ধর আমার ; আমি কর্তব্যে সিদ্ধ হ'য়ে আসছি, তার তেজস্বী তাড়িৎ আমার হাতের রেখায় রেখায় খেলে বেড়াচ্ছে ; হাত ধর আমার, জোর পাবে—টলাটলি থাকবে না—পা ঠিক জায়গায় পড়বে ।

উর্শ্বিলা । মা ! একটা প্রশ্ন করব তোমায় ; কর্তব্যে সিদ্ধ তুমি—উত্তর দাও । আচ্ছা মা, স্বামী বড়, না সন্তান বড় ? স্ত্রী হওয়া ধর্ম, না মা হওয়া ধর্ম ?

কৈকেয়ী । মা হওয়াই ধর্ম, সন্তানই বড়, উর্শ্বিলা ! স্বামী আবার কে ? আমাদের স্বামী নাই, আমরা আদিভূতা সনাতনী মূল-শক্তি জগন্মাতার স্বরূপ ; সব আমাদের পুত্র—সব আমাদের প্রসব করা । তুমি যাকে স্বামী বল—তাকে হয় ত আমি প্রসব করেছি, আমার যিনি স্বামী—তিনিও আমার মত একজনের প্রসূত, তাঁরও স্বামী—তিনিও তাই । সব আমাদের এই শক্তিজাতির সৃজিত—সব আমাদের পুত্র । তবে যে, আমরা দিনকতক তাদের সঙ্গে অন্ত সঘন পাতাই, সে শুষ্ক নদ-নদী-সমুদ্রের নিজেদের রস দিয়ে তৈরী মেঘের কাছ হ'তে সেই রস আবার ঘুরিয়ে টেনে নিয়ে গর্ভপুষ্ট করার মত—সৃষ্টিরক্ষায় । উর্শ্বিলা, আমরা স্বামীর স্ত্রী নই, আমরা সন্তানের মা । কে বলে আমাদের স্ত্রী-জাতি ? ভুল—ব্যাকরণের বাচালতা ; আমরা মাতৃ-জাতি ।

উর্শ্বিলা । পায়ের ধুলো দাও—মা, পায়ের ধুলো দাও । হাত ধরতে এসেছিলে তোমার টলায়মানা কন্তার ; হাত ধরতে হবে না আর, পায়ের ধুলো দাও—আমি সকল গত্তী অতিক্রম ক'রে সংসারে মা হ'য়ে দাঁড়াই ।

কৈকেয়ী

[১ম অঙ্ক ;

কৈকেয়ী । দাঁড়াও—উন্মিলা, সংসার-বন্ধে সগোরবে সেই অসীম-
ব্যাপিনী মহাশক্তি-সাকারা হ'য়ে । আমি সীতার আশীর্বাদ করেছি—
স্বামীপরায়ণা হও, তোমায় আমি আশীর্বাদ করছি—তুমি সন্তান-
বৎসলা হও । শৃগাল-কুকুরের মত সংখ্যাবাচক শাবক নিয়ে খাওয়ান—
আদর দেওয়া—আমার-আমার করা, সে সন্তান-বৎসলা নয় ; তুমি সন্তান-
বৎসলা হও—অনন্তকোটি ব্রহ্মাণ্ড তোমার প্রসূত, তৃণ হ'তে পর্বতশৃঙ্গ
তোমার সমান আদরের—সেই সন্তান-বৎসলা । সীতাচরিত্র আপামর
সাধারণের পাঠ্য, প্রকাশে—মুখে মুখে থাকবে ; উন্মিলাচরিত্র
থাকবে অসাধারণ, অনাবিকৃত উপনিষদের অস্ত্রাত ভাষা, অবাক্ত,
অনুভূতি-মূলে ।

[প্রস্থান ।

উন্মিলা কে কঁাদে ? মাতা কোশল্যা, না ? ও কার আর্জনাৎ ?
দেবী স্মিত্রার । ঐ আবার সমবেত হাহাকার অযোধ্যাবাসীর । সখী-
সব, আয় তোরাও ; কামরসে ডুবেছিলি—প্রেম-সমুদ্রে পড়'বি আয়,
লুকিয়ে ছিলি নারী-হৃদয়ের সঙ্কীর্ণতায়—ফেটে পড়'বি আয় মাতৃপ্রাণের
পূর্ণতায় ।

[সখীগণ সহ প্রস্থান ।

দ্বিতীয় অঙ্ক

প্রথম গভাঁঙ্ক

রোহিলা-প্রাস্তর

স্কিগণ সহ কবচ আসিতেছিল

কবচ । বিমাতা—বিমাতা, জগতের প্রাস্ত হ'তে প্রাস্ত পর্যন্ত
প্রতিমূর্ত্ত প্রতিধ্বনি উঠছে—বিমাতা, পতাকা উড়ছে বিমাতাকীর্তির—
সংকীৰ্ত্তন হচ্ছে বিমাতা-নামের । এতদিন এক বিমাতা দেখে আস্ছিলুম
রোহিলায়, আজ আবার নূতন বিমাতা দেখে এলুম অযোধ্যায় । রাজ্যা-
ভিষেক, নিমন্ত্রিত রাজন্যবর্গ উপস্থিত—ঋষির সমষ্টি উপবিষ্ট—মাঙ্গলিক
সব প্রস্তুত, অর্মান এক বরে রামের বনবাস—অন্য বরে ভারতের রাজ্যা-
ধিকার । ওঃ, এ আবার কী সাংঘাতিক বিমাতা ! এ বিমাতা নিশ্চয়
কালের কুষ্ঠকৃতদেহে পারদ-অক্ষরে আগ্রলয় খোদাই থেকে যাবে ।
কেকয়রাজ ! কন্যার বীজ বপন করেছিলে কি জগতকে কেবল পর পর
বিমাতা দেখাবার জন্য ? ধন্য ! সুন্দর ! মেৎকার তোমার সৃষ্টি !

কুণ্ডল উপস্থিত হইল ।

কুণ্ডল । দাদা, আবার এসেছ তুমি ! দাঁড়িয়ে না আর এখানে—
ভয়ানক ষড়্‌যন্ত্র, মঙ্গল নাই তোমার ; পালাও এখান হ'তে এই দণ্ডে ।

কবচ । বাঃ—কুণ্ডল, বাঃ !

কুণ্ডল । আশ্চর্য্য হচ্ছ, দাদা !

কবচ । এর জন্য আমি আশ্চর্য্য হই নি—কুণ্ডল, আমি আশ্চর্য্য হচ্ছি তোকে দেখে ! কী তোর ভাইয়ের ওপর টান্ ! দিক্টা তা হ'লে নির্ণয় ক'রে ফেলেছিস ?

কুণ্ডল । এর উত্তর এখন আর আমি দিতে পার্লাম না, দাদা ; অনেক কথা—অবসর নাই । এখন তুমি পালাও—তুমি পালাও ।

কবচ । কেন ? কেন ? ষড়্‌ষট্টিটাই কি, শুনি না ?

কুণ্ডল । আবার শুনতে হবে ! জান ত আমার মায়ের আক্রোশ, তার ওপর আমার মাতামহ এসে যোগ দিয়েছে ; সৈন্য, সামন্ত, প্রজা, আত্মীয়, সমস্ত রাজ্যটা তাঁদের বশীভূত । তোমার স্থান নাই, তুমি পালাও ।

কবচ । যদি না পালাই ?

কুণ্ডল । মায়ের মুখে কিছু শুনি নি যদিও, কিন্তু আমার মাতামহের সঙ্কল্প—তা হ'লে তোমায় জগৎ হ'তে পালাতে হবে ; তুমি পালাও ।

কবচ । আমি পালাব না, কুণ্ডল ! পালাতে হয়—জগৎ হ'তেই পালাব সিংহের মত, কুকুরের মত চাবুক খেয়ে নিজের অধিকার ছেড়ে পালাব না ।

কুণ্ডল । দাদা —

কবচ । ষা ষা, পাঠিয়ে দে তোর মাতামহকে ; আমি একবার দেখি তাকে ।

কুণ্ডল । বুঝ্ছ না কেন—দাদা, আজ তুমি দুর্বল ?

কবচ । আমি যখন মরতে সেজেছি, তখন আর বলের বিচার কি ?

কুণ্ডল । ম'রে কোন লাভ নাই যে, দাদা !

কবচ । একরূপ বেঁচে থেকেও যে কিছু নাই, তাই !

কুণ্ডল । তবু—

কবচ । চূপ ; এর মধ্যে 'তবু' 'কিন্তু' নাই । কুণ্ডল, আমি তোমার মায়ের তাড়া খেতে প্রস্তুত ছিলাম, আমার পিতার পরিণীতা—বিমাতা ; কিন্তু এ কে ? আমাদের গৃহ-বিবাদে জয় দিতে আসে ? আমার পিতৃরাজ্যে প্রভুত্ব করে ? বিনা অপরাধে আমায় জগৎ হ'তে তাড়াবার সঙ্কল্প রাখে ? আমি একবার তাকে না দেখে যাব না, কুণ্ডল !

কতিপয় সৈন্যসহ সৈন্যাধ্যক্ষ আসিয়া কবচকে বেষ্টিত করিল ।

সেনাপতি, বাঃ—চমৎকার ! [নিজ রক্ষীগণের প্রতি] রক্ষীগণ, অস্ত্র রাখ ; জানি—তোমরা প্রভুভক্ত, জানি—আমার বিরুদ্ধে প্রক্ষিপ্ত বশীর মুখে তোমরা অম্লানে আগে গিয়ে বুক দিতে পার ; কিন্তু এ ক্ষেত্রটায় আমি তোমাদের সে ঋণ সাগ্রহে নিতে পারলুম না, পরিশোধের আমার ভবিষ্যৎ নাই । যুদ্ধ রাখ, এরা যা চায়—ঘাড় পেতে দাও—ইতস্ততঃ ক'রো না ; আমার এই ইচ্ছা পূরণই আজ তোমাদের প্রভু-পূজা ।

[রক্ষীগণ অস্ত্র রাখিল, সৈন্যগণ তাহাদিগকে বন্দী করিল]

এস—সেনাপতি, আমায় বন্দী কর তুমি । [সেনাপতি সহ যুদ্ধ ; সেনাপতির পরাজয়] কি ! পরাজিত হ'লে যে, সেনাপতি ?

সৈন্যাধ্যক্ষ । হাঁ কুমার, পরাজিত হ'তেই বাধ্য হলাম ।

কবচ । বাধ্য হ'লে !

সৈন্যাধ্যক্ষ । রাণীমার ইচ্ছা—আপনাকে জীবিত রেখে জয় করা ; কিন্তু দেখছি—তা হুঃসাধ্য ; আপনাকে জয় করতে গেলে হত্যা করতে হয় ।

কেকয় উপস্থিত হইলেন ।

কেকয় । আরে, জয় কর—জয় কর, তোমার অস্ত বিচার কর্ত্তে হবে না ; তুমি জয় কর ।

সৈন্ত্যাধ্যক্ষ । যা ঙ্জন করবেন, আমার প্রতি সেরূপ আদেশ নাই ।

[গমনোচ্ছত]

কবচ । সেনাপতি, একটা কথা বল্ব তোমায়—তোমরা আমারই পিতার নিযুক্ত ; যাক্—সে দাবী করি না । তোমরা পার সব, তবে একটা অনুরোধ—[রক্ষিগণকে দেখাইয়া] এরা নির্বিবাদে আত্মসমর্পণ করেছে, এদের ওপর যেন কোন অন্তায় না হয় । প্রকৃতি তোমাদের সকল বিষয়ে বোবা-কাল হ'লেও—এটা সহ কর্ত্তে পারবে না ।

সৈন্ত্যাধ্যক্ষ । ভয় কারও দেখাবেন না, কুমার ; তবে আপনার আদেশ শিরোধার্য্য ।

[রক্ষিগণকে লইয়া সৈন্তগণসহ সৈন্ত্যাধ্যক্ষ চলিয়া গেল ।

কবচ । কুণ্ডল, [কেকয়কে দেখাইয়া] এঁই না ?

কেকয় । [সাস্চর্য্যে] কুণ্ডল ! আরে, তুমি এখানে যে হে ?

কুণ্ডল । এতে ত—দাদা, চম্কাবার কিছু নাই ; দাদার, কাছে ভাই ।

নন্দেয়ী উপস্থিত হইলেন ।

নন্দেয়ী । বাবা, আর কাজ নাই । কবচ, তুমি আমার বাধ্য হও ।

কবচ । বাঃ নারি ! বাধ্য করবার প্রণালী বুঝি এই ?

নন্দেয়ী । ছেড়ে দাও, যা হবার হ'য়ে গেছে ; তুমি আমার বাধ্য

হও । আমি তোমার গর্ভধারিণী না হ'লেও—বিমাতা—তার খুব কাছাকাছি, যত দূর—তত নিকট ; আমি সাধুছি—তুমি আমার বাধ্য হও ।

কবচ । [স্তব্ধ হইয়া চিন্তা করিতে লাগিল]

ঠিক এই সময়ে অদূরে চিত্র আসিতেছিল ।

চিত্র । কই হে ছোকরা, গা-ঢাকা দিলে নাকি ? আরে, এস—এস, অত পেছুচ্ছ কেন ?

মোহ আসিতেছিল ।

মোহ । যা তুমি ছুটুছ ! বাড়ীমুখো পা তোমার—আর কি নাগাল পাবার উপায় আছে ! চল—চল—

চিত্র । এস—এস । আরে বাঃ ! বাড়ী এসে পড়লুম নাকি ? স্ত্রী-রত্ন, পুত্র-রত্ন, কুটুম্ব-রত্ন স্বগুর-মশাই পর্য্যন্ত—রত্নের হাট ! না—এটা যে মাঠ ! ও—হয়েছে । বুঝেছি—বাড়ীর সে খিঁচুড়িটা বোধ হয় মাঠ পর্য্যন্ত গড়িয়েছে । বলি, কাণ্ডটা কি গো সব ? আমি ত এলুম আবার ফিরে ; আমায় চিন্তে পার্ছ ত ?

কবচ । [ব্যাকুলভাবে] পিতা—পিতা—

চিত্র । কি হয়েছে—কি হয়েছে, বল ? আজ আমি এককাণ্ড করব ।

কবচ । কিছু করতে হবে না, পিতা ! নূতন কিছু হয় নি ত ? সংসারে মা-বাপ না থাকলে এই রকমই হয় ।

চিত্র । তোর বাপ আছে—তোর বাপ আছে ; মা না থাকলেও তোর এ রকম হওয়া উচিত নয়, তোর বাপ আছে । দেখবি আছে কি না ? [কবচের অঙ্গ কাড়িয়া লইয়া] নন্দেয়ি, কবচ তোমার কেউ না হ'লেও—আমার পুত্র । [নন্দেয়ীকে হত্যায় উত্তত হইলেন ।]

কুণ্ডল । [নন্দেয়ীকে জড়াইয়া ধরিয়া বাধা দিল] বাবা—বাবা—
চিত্র । [শিথিলভাবে] ও—কবচের না হ'লেও তুমি আবার
আমার কুণ্ডলের মা !

মোহ অদূরে দাঁড়াইয়া গাহিত লাগিল ।

মোহ । সা রে গা মা পা ধা নি সা ; সা নি ধা পা মা গা রে সা ।

চিত্র । দূর ছাই ! মরতে এলুম আবার কোথায় ! [অস্ত্র ফেলিয়া
দিলেন]

গীতকণ্ঠে মোহ নিকটে আসিল ।

মোহ ।—

গীত ।

লাগ্, লাগ্, লাগ্, ভেঙ্কি লাগ্, ।

ধু ধু ধু, দাউ দাউ দাউ, জ্বল্, রে জ্বল্, কামের বাগ ।

দিলুম চোখে ঘুমটী ছেড়ে স্বপন দেখ—সোণার সব,

মন্ত্র ফুঁকে দিলুম কানে শোন জগৎ বাঁশীর রব ;

জন্ম মাটি কেন কর,

উড়বে কোথা বুলি ধর,

কর্ণভূমি—ষোড়ার চড়, ভোগ ক'রে নাও নিজের ভাগ,

মাথ হিন্দুল আশার কাগ ।

চিত্র । ও—ছোকরা, তুমি আমার আবার সেই টানা-প'ড়েনের
ভেতর নিয়ে এলে ? বটে ! না—কুল করেছি, এ আমার পোষাল
না ; আমি তোমার গানের জবাব গাইব—

গীত ।

ছাড়্—ছাড়্—ছাড়্—ভেঙ্কি ছাড়্ ।

যা নিবে যা কামের আঁগুন, আজ্ঞা দেবী কামাখ্যার ।

এ চোখে আর ঘুম ধরে না, স্বপন কোথা—ঝরছে জল,

কানে কেবল আকাশবাণী—ওরে পাগল পালিয়ে চল ;

মাটির জন্ম সোনা করা,

বুলি ছেড়ে উড়ে-পড়া,

কর্ম ছাড়াই কর্মভূমির কর্ম আসল সত্য সার ,

চিত্র মোহের গণ্ডি পার ।

কেমন, হয়েছে কিনা কাটান্ ? চিত্রের এই সটান্ পিট্টান ।

[গমনোত্তম]

মোহ । আরে, দাঁড়াও—দাঁড়াও, যাও কোথা ? ফের চাপান্ দিচ্ছি,
শোন । একটার জবাব ক'রে তুমি যে আপনাকে দিগ্বিজয়ী ঠাওরালে,
হে ! এখনও রাশি রাশি রয়েছে যে ! আচ্ছা এইবার কাটান্ কর দেখি—

গীত ।

কেন কোটে কোমলতা মৃদলতা কেন বয় ?

নবীনতা হাসে কেন যদি সে ভোগের নয় ।

প্রকৃতি কি কেপেছিল বাসর-সাজন-কালে,

গেয়েছে প্রলাপ-গান এলোমোলো বিনা তালে ;

কার এ গাঁথনি চারু, কোথা এত রসিকতা,

কে রেখেছে এত সুখা অতিথি-শালে,

সুখা চাহিত যদি—শুধু সুখা-নিবারণ,

পাথর খেলে ত হ'ত, কীরের কি প্রয়োজন ?

জীবন ভোগের বশ, চাই আলো, চাই রস,

জনমেব অপবশ জোর করা অভিনয় ।

কি ? হাঁ ক'রে রইলে যে ? পুঁজি ফুরিয়ে গেল ? কাটান্ কর—কাটান্ কর—জবাব গাও—[চিত্রের পলায়নোদ্যম] আরে, তবু যাও কোথা ?

চিত্র । দাঁড়াও, গান শিখে আসি কোথাও ।

মোহ । আরে, গান শিখে আসবে কি ?

চিত্র । হাঁ, সত্যি আমার পুঁজি ফুরিয়ে গেছে. আর না শিখে এলে উপায় নাই । কাউকে ধরতে হ'ল আমার দেখছি । তোমার গানের জবাব আমি করবই করব । দেখি, কোথা কোথা গানের আড্ডা আছে । কি গাইলে ? 'কেন ফোটে কোমলতা মৃদলতা কেন বয়'—আচ্ছা— [প্রশ্বাস ।

মোহ । দাঁড়াও—হে, দাঁড়াও ; আমিও যাচ্ছি সঙ্গে । সা রে গা, রে গা মা, গা মা পা—

[আলাপ করিতে করিতে চলিয়া গেল ।

কবচ । [চিত্রের এই অবস্থা দেখিয়া পুনরায় ক্রুদ্ধ হইয়া উঠিল] নারি, আমি তোমার বাধ্য হ'তে পারলুম না । মনে করেছিলুম—হই, শুছিয়েও এনেছিলুম আপনাকে অনেকটা ; কিন্তু প্রকৃতির তা ইচ্ছা নয়, সে কোথা হ'তে একটা ঘূর্ণি হাওয়া উড়িয়ে নিয়ে এসে আমার আবার এলোমেলো ক'রে দিলে, তোমার কৃতকর্মের রঙিন চিত্র সামনে ধ'রে আমার নিবো-নিবো চুল্লী আবার বেশ ক'রে নেড়ে-চেড়ে দিলে ; আমি তোমার বাধ্য হব কি—নারি, তুমি আমার পিতায় বনবাসী করেছে—ক্ষেপিয়ে দিয়েছ, আমি তোমার শত্রু । তবে এখন আর পারলুম না, চললুম অধিকার ছেড়েই ; কিন্তু আবার আস্ব—হির জেনো, আস্ব—এলুম ব'লে । কুণ্ডল, তোর কথাই থাকল—বেঁচেই রইলুম আমি । বিমাতা—বিমাতা, অগ্নিকাণ্ড—জলপ্লাবন—অরাজকতা—মহামারী একাধারে, বলিহারি !

নন্দেয়ী । বাবা, এমন বিয়েও তুমি আমার দিয়েছিলে ! স্বামী ত একটা বন্ধপাগল, সংসারের সুখ আবার তার চেয়েও—পায়ে পায়ে সতীনের কাঁটা !

কেকয় । আরে, তাতে তোর এসে-গেল কি ? হ'লই বা স্বামী পাগল—থাকলই বা সতীনের কাঁটা ; রাজ্যটা ত হাতে এসেছে ? বাস্—বাজি জিৎ ।

নন্দেয়ী । মাথা খেয়েছে জিতের ! রাজ্য ত ভূয়ো—রাজত্বের নামে ভ্রাত্যগিরি । না, তুমি আমায় নিয়ে চল, আমি দাসীগিরি করব তোমার ঘরে ; এখানে আমি থাকব না—থাকতে পারব না, আগুন লেগে যাক্ গে ।

কেকয় । দূর পাগলি, খেপামি করিস্ না ; তোর ছেলে রয়েছে যে ?

নন্দেয়ী । [কুণ্ডলের প্রতি] ছেলে, আছিস্ ?

কেকয় । [আপনভাবে] শ্রাকামিটা দেখ একবার—“ছেলে, আছিস্ ?” পেটের ছেলেকে । তা বলবে ; তা নইলে ছেলে কোলে—রাজ্য হাতে, এতেও আমার বিয়ে দেওয়ার দোষ ! কই, সংসারের কোন্ মেয়েটা বলবে বলুক দেখি ? মেয়েদের দায়ের আমি নিজের সংসার বহিয়ে দিচ্ছি ; খাবার অবসর নাই—ইষ্টিমন্তর কোন্কালে হ'য়ে গেছে ঐ মাত্র । আরে এ কালে আমি ত বাবা একখানা গোটা ; এ রকম মেলে ক'টা । [শ্রহান ।

নন্দেয়ী । [কুণ্ডলের প্রতি] চুপ ক'রে রইলি যে ? আছিস্ ? বুঝতে পারিস্ নি—থাকবি আমার বশে ? বিশ্বাস হয় না । তোর বাবা পারে নি—তোর দাদা পারলে না, পারবি তুই ? করবি যা বলব ? হবি ঠিক আমার ? দেখ, তা হ'লে দেখি আর একটু ; রাজ্যটা হাতে এসেছে, করি দিনকতক । আছিস্ ? [কুণ্ডলকে নির্ঝাক্

দেখিয়া কপালে ঘা মারিয়া] দূর ! স্বামী পাগল, বিষের ছুরি সতীন-পো,
পেটের ছেলে—সেও হ'ল বোবা । [প্রস্থান ।

কুণ্ডল । [উচ্চকণ্ঠে] বোবা নই, মা ; ভৎসনা ঠিক হ'ল না
তোমার—আমি বোবারও অধম ! বোবাদের ত তবু একটা সাস্তনা—
ভারা কালা, কানে শুন্তে পায় না ; আমি কানে শুন্ছি সব—মুখে ফুটছে
না উত্তর, এ বোবার কী অসহ যজ্ঞণা ! [ধীরে ধীরে চলিয়া গেল ।

দ্বিতীয় গর্ভাঙ্ক

রাজগিরি—উদ্যান-বাটী

বিষণ্ণ ভরতকে কন্দুক বুঝাইতেছিল ।

কন্দুক । আরে বাবাজি, বললে বোঝ না কেন ? ছিঃ ! ছেলে-
বাহুঘ নাকি তুমি ?

ভরত । না মামা, আমার মন কিছুতেই বুঝছে না । আমি যা
দেখছি—সব নির্জীব, যা শুন্ছি—সব বিষাদ-গান, যা অনুভব করছি—
সব] শূলের ব্যাধার তপ্ত-করণ দীর্ঘশ্বাস ; সবাই এক-গলায় বলছে—
ভরত, তুই এখানে ? অবোধ্যায় আগুন লেগেছে ।

কন্দুক । হয়—হয়, বাবাজি ! বেশীদিন বাড়ী ছেড়ে থাকতে গেলে
তোমার কেন, সকলকারই একটু আই-টাই হয় ; তা বলে—আরে
ছিঃ ! ঠাণ্ডা হও—বাবাজি, ঠাণ্ডা হও—রোধ মনটাকে । আমি বলছি—
সব ভাল আছে । তোমার বাবা ভাল আছে—দিদি ভাল আছে—সব
ভাল আছে, বোমাও ভাল আছে ।

ভরত । মামা, তোমাদের এখানে একজন ভাল জ্যোতিষী
থাকেন না ? চল না—একবার তাঁর কাছে যাই ।

কন্দুক । কী বিপদ ! বল ত বাপু, তোমার কি জান্‌বার ?

ভরত । আমার দাদা কেমন আছে ?

কন্দুক । এই কথা ? তা তত দূর যেতে হবে কেন ? আমার তাঁর কাছে যাওয়া-আসা আছে, আমি অনেকগুলো সঙ্কেত তাঁর সংগ্রহ করেছি—আমি ব'লে দিচ্ছি : এসব বিষয় ত আমার ঠোঁটস্থ । “আমার দাদা কেমন আছে,” ক'টা অক্ষর হ'ল ? [অঙ্গুলী গণনা] আ-মা-র-দা-দা-কে-ম-ন-আ-ছে, দশটা—বেশ । [নীরবে ভঙ্গীসহকারে গণনা করিয়া] ভাল আছে, কোন ভয় নাই তোমার, একদম ভাল আছে ।

ভরত । চল না—মামা, একবার তাঁরই কাছে ।

কন্দুক : এঃ, বিশ্বাস হচ্ছে না ? বচন শুন্বে ?

ভরত । থাক ; শত্রুয় কোথায়, মামা ? সকাল হ'তে তাকে দেখছি না ?

কন্দুক । সে তোমার মত অত আল্গা নয়, বাবা ! সকালে উঠল—সুখহাত ধুলে—জল-টল খেলে—পোষাক পরলে—ঘোড়া নিলে—চ'লে গেল শীকারে । বেশ ছেলে ! চোখে রাখলে চোখ জুড়োয় । আর তুমি বাবাজি, এই ক-দিন ধ'রে—কি যে হ'ল তোমার, খাওয়া নাই—সুম নাই, কেবল বাড়ী আর বাড়ী । বাড়ীর সব ত আমার ওপর খাপ্পা ! তোমার মামী আবার কি বলে শুনেছ ? বলে—তুমি বৌমাকে এখানে নিয়ে এস । আমি ত বাবাজি, তাকে কোন রকমে ঠেকা দিয়ে এসেছি—আজ বাবাজিকে ঠাণ্ডা করবই করব—যাতে পারি । [নর্তকীগণকে আসিতে দেখিয়া] আর—আর—আর—

নর্তকীগণ উপস্থিত হইল ।

ভরত । [চমকিত হ'য়া] একি ! এ সব কি ?

কৈকেয়ী

[২য় অঙ্ক ;

কন্দুক । এই একটু নাচ-গান করবে, আর কি ! মনটা তোমার উড়ো-উড়ো—বস্লেও বসতে পারে ।

ভরত । ছিঃ—মামা—

কন্দুক । আরে বাপু, এতে আর ‘ছিঃ’ কি ? হ’লই বা মামা-ভাগ্নে সধক--সঙ্গীত-বিদ্যা ! তার ওপর আমরা হচ্ছি এক বয়েসী ; খুব চলে—খুব চলে—নাও । [নর্তকীগণের প্রতি] দে—দে—জুড়ে দে ।

ভরত । না মামা—আমি চলুম—[গমনোদ্যত]

কন্দুক । আরে না-না—বাবাজী, তুমি থাক—তুমি থাক, আমিই স’রে যাচ্ছি না হয় । সব বিষয়েই তোমার ছেলোমি, বাবাজি ! [নিঃশব্দে নর্তকীগণের প্রতি] বাবাজীকে ঠাণ্ডা কর, বুঝেছিস্ ? যাতে পারিস্ ।

[প্রস্থান ।

নর্তকীগণ ।—

গীত ।

আর পরপারে কেন প্রিয়তম ।

উষার কান্তর ডাক্—এস এস কান্ত,

রাঙা রূপে এস হৃদ মম ।

কোথা কোন্ উচ্ছল মহানদে ডুবি তুমি,

কতই তৃষিত চাওয়া তব কর চুম্বনে

সাজায়েছ স্বপ্ন-রচিত লীলাভূমি,—

এস সখা, উঠে এস প্রসূনিত উপবনে,

ব্রাস্ত্র ভ্রমণে তব ব্রাস্ত্র চরণ ছুটি

সেবিব নখর যৌবনে ;—

দেপাব শ্রীতির ছাঁবি ভুবনমোহিনী,

শোনার শিশির-ধোয়া রাগিণী মোহিনী,

এস, যাব বাসি হ’রে, দুটো কথা ক’রে নি,

হ’য়ে নি মৃদুল মনোরম ।

কন্দুক । [অন্তরাল হইতে নর্তকীগণকে ইঙ্গিতে জানাইল, কি হইল ?]

১ম নর্তকী । [হাবে-ভাবে তক্রপ ভঙ্গিতে উত্তর দিল—কিছু হইল না ।]

কন্দুক । [পূর্ববৎ ভঙ্গিতে আদেশ করিল, নৃত্য-গীত চলুক ।]

১ম নর্তকী । [বহির্দিকে তর্জনী নির্দেশ করিয়া দেখাইল—কে আসিতেছে ।]

কন্দুক । [শত্রুগণকে আসিতে দেখিয়া ছুটিয়া আসিল] আরে, পালা—পালা—পালা ; বাবাজীর চেলাজী আস্ছে । ও বাবাজীটা আর সব দিকে ভাল হ'লে কি হবে, এ দিকে বেজায় গোয়ার ?

[নর্তকীগণ ছুটিয়া পলাইল ।

শত্রুগণ উপস্থিত হইল ।

শত্রুগণ । মামা, দাদা রয়েছে ?

কন্দুক । এস বাবাজী, এস—এস ; শীকার হ'ল ?

ভরত । [নিদ্রাভঙ্গের মত] শত্রুগণ !

শত্রুগণ । দাদা, সুমন্ত্র এসেছে ।

ভরত । [আসন হইতে লাফাইয়া উঠিলেন] সুমন্ত্র এসেছে !

কোথায় সে—কোথায় সে—

শত্রুগণ । ঘোড়াগুলোকে নিজে দাঁড়িয়ে থেকে খেতে দেওয়াচ্ছে, আস্ছে ।

ভরত । আঘোধ্যার সংবাদ কি, ভাই ? বাবা, দাদা, মায়েরা, দেবী, লক্ষ্মণ—এরা সব কেমন আছে জিজ্ঞাসা করেছিলে ?

শত্রুগণ । তা আর করি নি, দাদা ?

ভরত । [সাগ্রহে] কি বল্লে—কি বল্লে ?

শক্রয় । বল্লে—সব ভাল আছে । তবে দাদা, তার সে বলার ভঙ্গীটা আমার কেমন-কেমন লাগল ।

ভরত । কেন—কেন, ভাই ?

শক্রয় । সে ভাষায় বল্লে বটে সব ভাল আছে ; কিন্তু দাদা, তার ভাবটা আমার বুকে এসে ছেঁৎ ক'রে বাজল—কেউ ভাল নাই । সে ঐ একটা কথা বল্লে সাতাশটা ঢোক গিল্লে ; তার মুখখানায় হাসি দেখ্‌লুম যদিও, কিন্তু চোখ জলে ডব্‌ডবে ।

ভরত । [শক্রয়েব গলা ধরিয়া] শক্রয়—ভাই, তা হ'লে যা ভাব্‌ছি ভাই ; সোণার অযোধ্যা ছাই হ'য়ে গেছে ।

কন্দুক । আরে—কি কর, বাবাজী ! পাগল বল্বে যে লোকে ! আগে স্তম্ভকেই দেখ. সে কি বলে—শোন—ও বাবাজীও আমার যেমনি !

ভরত । মামা, তুমিই একবার যাও— স্তম্ভকে ডাক ; বল, ঘোড়াকে খেতে দেওয়াবে এখন—

কন্দুক । এই নাও, একটু ধৈর্য্য ধর, বাবাজী ! অতটা উতলা কি ভাল ? ঘোড়া ক'টায় খেতে দেওয়াতে আর তার ক-দিন লাগবে ?

ভরত । [কিছুক্ষণ ইতস্ততঃ ছটফট করিয়া সাগ্রহে পথপানে চাহিয়া রহিল]

শক্রয় । ঐ স্তম্ভ আস্ছে !

স্তম্ভ উপস্থিত হইল ।

ভরত । [ব্যা কুল-ব্যস্ততায় ছুটিয়া গিয়া স্তম্ভের হাত ধরিয়া বলিল]
স্তম্ভ, ঘটনাটা কি ?

স্তম্ভ । [ইতস্ততঃ করিতে করিতে ও ষ্টি ঢোক গিলিতে গিলিতে

২য় গর্ভাক ।]

কৈকেয়ী

বলিল] ঘটনা আর কি, কুমার ! আমি আপনাদের নিতে এসেছি, এখনই যেতে হবে ।

ভরত । এখনই যেতে হবে ! বল—বল সুমন্ত্র, কি হয়েছে ?

সুমন্ত্র । [পূর্বভাবে] না, কুমার—

ভরত । আবার 'না' ! দেখি—দেখি তোমার চোখদুটো ! [চক্ষে জল দেখিয়া উচ্চ আর্তনাদে বলিলেন] সুমন্ত্র, চাপা দিয়ো না ; তুমি সারথি—বোধ হয় জান না—যতই গুরুতর হোক—সঠিক সংবাদটা ততটা মস্কুচ্ছেদী নয়, যতটা জ্বালাময় সন্দেহের অন্ধকার ।

সুমন্ত্র । [ব্যাকুলকণ্ঠে] কুমার, আমাদের মহারাজ নাই ।

ভরত । পিতা ! [শক্রের গলা জড়াইয়া] ভাই—ভাই—

শক্র । দাদা—দাদা—

কন্দুক । আঃ—কি কর হু-ভয়ে জড়াজড়ি ক'রে ? ছাড় । তোমরা যদি এ রকম করবে, আর আর সবাই ত তা হ'লে—

ভরত । যামা, বলছিলে না—ভাবছ কেন ? মানুষ সব জানতে পারে, যামা ! দাদা কেমন আছে, সুমন্ত্র ? আমার দাদা ?

সুমন্ত্র । [পূর্ববৎ ইতস্ততঃ করিতে করিতে] তিনি—তিনি—

ভরত । সুমন্ত্র, এতেও তোমার ইতস্ততঃ ? ব'লে কেন—ব'লে ফেল—গেলুম নইলে—

সুমন্ত্র । তিনি—বনবাসে ।

শক্র । [বজ্রাহতের গায়] বনবাসে !

ভরত । [উন্নতের মত] অযোধ্যায় আগুন লেগেছে—ও-হো-হো—অযোধ্যায় আগুন লেগেছে !

কন্দুক । [সবিস্ময়ে] ব্যাপারটা কি, সুমন্ত্র ! রামের বনবাস—মহারাজের মৃত্যু—

সুমন্ত্র । মহারাজ রামচন্দ্রের রাজ্যাভিষেকের ব্যবস্থা করছিলেন—
অধিবাস পর্য্যন্তও হ'য়ে গিয়েছিল, এমন সময়ে মেজ রাণী-মা—

ভরত ! মেজ রাণী-মা ! বল—বল সুমন্ত্র, মেজ রাণী-মা—

সুমন্ত্র । মেজ রাণী-মা মহারাজের কাছে দুটি বর চাইলেন—এক
বরে রামের বনবাস, অন্য বরে ভারতের রাজ্যাধিকার ।

ভরত । [বৃশ্চিক দৃষ্টের মত] কোথায় লুকাই আমি—কোথায়
লুকাই আমি !

সুমন্ত্র । মহারাজ প্রতিশ্রুত ছিলেন—মুখে আর কথা ফুটল না,
মাটিতে লোটাতে লাগলেন ; পিতাকে উভয়-সঙ্কটে দেখে পিতার সত্য-
রক্ষায় রামচন্দ্র স্বেচ্ছায় হাসিমুখে বনবাস বরণ ক'রে নিলেন । দেবী
সীতা—

ভরত । দেবী সীতা !

সুমন্ত্র । দেবী সীতা—আর দেব লক্ষ্মণ তাঁর সহগামী । আমি
তাঁদিগে রথে ক'রে শৃঙ্গবের দেশে রেখে ফিরে এসে সংবাদ দিতেই—
মহারাজ আমাদের চোখ দুটা বুজে দিলেন । হা মহারাজ—

ভরত । শক্রয়, আমি ভাবছিলাম অযোধ্যায় আশুন লেগেছে ;
আশুনেরও পার ছিল, অযোধ্যা নরকে ডুবেছে । সুমন্ত্র, তুমি একজন
প্রসিদ্ধ সারথি—চির হিতৈষী সূর্যবংশের—বয়সও হয়েছে চের ; তুমি
করেছ কি ? রামসীতায় বনবাস দিয়ে রথখানা আবার ফিরিয়ে আনলে ?
তুমি আবার ফিরে এলে ?

সুমন্ত্র । আপনি আমায় হত্যা করতে পারেন ? হত্যা করতে
পারেন, কুমার ? মৃত্যুকে আমি অনেক ডেকেছিলুম ; কিন্তু কুমার,
সংসারের এই বড় জটিলতা—প্রয়োজনের সময় পাওয়া যায় না, অসময়ে
সবাই এসে উদয় হয় ।

ভরত । ষাক্—এখন তুমি এখানে কি মনে ক'রে ?

সুমন্ত্র । আপনাদিগে নিতে ।

ভরত । আমরা যাব না—যাও ।

সুমন্ত্র । যাবেন না !

ভরত । কোথায় যাব ? নরকে ? যাব না—যাও ।

সুমন্ত্র । মহারাজের এখনও সংকার হয় নি, কুমার ; তাঁর মৃতদেহ তৈলের মধ্যে রাখা আছে । আপনি গেলে তবে অগ্নিক্রিয়া হবে ।

ভরত । সুমন্ত্র, অযোধ্যায় সরযু আছে ? না সেও ম'জে গেছে ?

সুমন্ত্র । না কুমার, নদী স্ত্রী-জাতি—সে ঠিক আছে ।

ভরত । শবদেহটা তার জলে ভাসিয়ে দাও গে ।

সুমন্ত্র । সে কি, কুমার ।

ভরত । যেমন কন্দ ; স্ত্রীতে মৃত্যু—স্ত্রী-জাতিই তাঁর গতি । সুমন্ত্র, যিনি পুত্র—পিতার নয়ন-মণি—ধর্মের অবতার, তিনি নিলেন না ভার—আমি কে ? যাব না—যাও ।

কন্দুক । বাবাজী—

ভরত । তুমি চুপ কর, মামা ! তোমার সঙ্গে আর আমি বাক্যালাপ করব না ; তুমি যতই আমার ভালবাস—তবু এই মাগের সহোদর । যাও, সুমন্ত্র !

শক্রব্র । দাদা, আমি একটা কথা বলব ?

ভরত । বলবে ত অযোধ্যা চল । শক্রব্র—ভাই, অযোধ্যায় রাম নাই—

শক্রব্র । রাম নিয়েই যখন অযোধ্যা, তখন আর এসে-গেছে কি, দাদা ? চল—আমরা অযোধ্যা যাই, দাদার পায়ে ধ'রে ফিরিয়ে এনে অযোধ্যাকে আবার অযোধ্যা করি ; সে ত আমাদের হাতে ।

ভরত । সুমন্ত্র, ঘোড়া জোড়' গে চল ; এই রাক্ষসীকে আমি একবার দেখব ! [সুমন্ত্র অভিবাদন করিয়া চলিয়া গেল।] শক্র, সংসার আমাদের ঠকিয়েছে—ভাই, এই স্ত্রী-জাতিতে মা ক'রে—মাথায় তুলে ।

[শক্রসহ প্রস্থান ।

কন্দুক । আরে ম'লো—এ আবার কোথা থেকে কি হ'য়ে গেল ! বড় দিদি ত আমার যেমন-তেমন দিদি নয় ? তবে মহুড়া বেটা আছে কাছে, এসব তারই কীর্তি—সে বেটা একটা মস্ত খেলোয়াড় । বাবাজী ত আমার গুটিটার ওপর চ'টে গেছে ! [উদ্দেশ্যে] সাপ মারতে শিবের গায়ে বাজিয়ে না, বাবাজী !

[প্রস্থান ।

সৈন্ধবসহ কেকয় উপস্থিত হইলেন ।

কেকয় । সৈন্ধব, হা-হা-হা—কচে বার ।

সৈন্ধব । আজ্ঞে—মহারাজ, কিস্তি ।

কেকয় । কি রকম ?

সৈন্ধব । কিছু না ; আপনি পাশা চালছেন—আমি সতরঞ্চ খেলছি ।

কেকয় । বুঝেছি ; সে চাল আর চলবে না, সৈন্ধব ! তোমার কিস্তির ঘর ম'রে গেছে—একেবারে বনবাস । হাঃ—হাঃ—হাঃ ! সৈন্ধব, কৈকেয়ী যে এতটা করতে পারবে, এ আমি একেবারে ভরসা করি নি ।

সৈন্ধব । কৈকেয়ী কী করেছে, মহারাজ ?

কেকয় । আবার করবে কি ! রামের বনবাস—ভরতের রাজ্য !

সৈন্ধব । সে ত চৌদ্দ বৎসরের জন্তু—

কেকয় । চৌদ্দ বৎসর পরে আবার তাকে ফিরে আসতে হবে নাকি ?

সৈন্ধব । আশুক-না-আশুক, আস্বার ত বর রেখেছে সে ?

কেকয় । আরে, রাক্ষসে খেয়ে নেবে—রাক্ষসে খেয়ে নেবে ।

সৈন্ধব । মায়ের দুধ খেতে খেতে যে তাড়কা মারে, তাকে রাক্ষসে অতটা টপ্ ক'রে খেতে পারবে না, মহারাজ !

কেকয় । না পাক্ক, চৌদ্দ বৎসর পরে ফিরে এসে আর কিছু করতে হবে না চাঁদকে ; ততদিন সব কায়দা হ'য়ে যাবে ।

সৈন্ধব । কায়দাটা করছে কে, মহারাজ ! আপনি ?

কেকয় । আমার আর হাত দিতে হবে না, সৈন্ধব ! আমি চিনিরে দিয়েছি—ব্যস, এইবার যাদের রাজ্য—তারাই করবে, যে এতদূর করেছে—সেই কৈকেয়ী করবে ।

সৈন্ধব । মহারাজ ! এই কৈকেয়ী আপনার মেয়ে হ'লেও তার সম্বন্ধে আমি আপনার চেয়ে একটু বেশী জানি । সে যদি সেই কায়দাই করবে, তবে চৌদ্দ বৎসরের জন্তু রামের বনবাস চেয়ে নেবে কেন দশরথের কাছে ? সে ত চির-বনবাস নিতে পারত, যখন তার পাওনা বর—চাইলেই পায় ; তার এ সন্দেহের অন্ধকার, আর ভবিষ্যতের জন্তু কাজ ফেলে রাখার কি দরকার ছিল ? আমার ধারণা হয়—মহারাজ, সে যখন কায়দার ক্ষমতা সম্বন্ধে এমনধারা আল্গা রেখেছে—বোকা মেয়ে সে নয়, তখন এর ভেতর তার নিজের একটা মতলব আছে ; সে আপনার আড়কাটি মছরার মতুরে নাচে নি ।

কেকয় । খুব বলা হয়েছে ; তার আবার আলাদা মতলব কি থাকবে ? চৌদ্দ বৎসর বনে দিয়েছে ; যুগের উর্দ্ধকাল কোন সম্পত্তি হ'তে উচ্ছেদ হ'য়ে থাকলে, শাস্ত্রমতে আর তাতে তার অধিকার নাই ।

সৈন্ধব । আজে, সেটা আমার নাই—শঙ্করপুরের শোভারাম সামাধ্যায়ীর নাই—অর্থাৎ যারা দুর্বল, অধিকার অনধিকারের জন্তু

বিচারের ছায়া ফ্যা-ফ্যা ক'রে মরে ; যাদের গায়ের জোর আছে—
নিজের অধিকার নিজে দেখে নিতে পারে, তাদের ও নীতি নয়।
আপনার রাজ্যটি যদি কেউ অধিকার ক'রে নেয়, চৌদ্দ বৎসর পরে
আবার যদি আপনি সেটা ঘুরিয়ে নিতে পারেন, আপনি কি ছেড়ে দেবেন
শাস্ত্রের মুখ চেয়ে অনধিকার ব'লে ? সুররাজ ইন্দ্র যে সৎমা দিতির
চক্রান্তে স্বর্গরাজ্য দৈত্য-ভাইদের হাতে ছেড়ে দিয়ে, কত সহস্র যুগ ধ'রে
গা-ঢাকা দিয়ে থাকে ; সুযোগ হ'য়ে উঠলে তার বৃহস্পতিটি কি তাকে
বিধান দেয়—ভূমি আর অধিকারী নও ? রেখে দিন—মহারাজ,
আপনার ও শাস্ত্র শিকের তুলে।

কেকয় । [ক্রুদ্ধস্বরে] মুর্থ !

সৈন্ধব । [ভীত হইয়া সবিনয়ে] আজ্ঞে—আজ্ঞে—

কেকয় । রাজনীতি জান ?

সৈন্ধব । আজ্ঞে, কেমন ক'রে জানব ? গরীব বামুনের ছেলে—

কেকয় । তবে অনধিকার চর্চা করছ কেন ?

সৈন্ধব । আজ্ঞে, মতিচ্ছন্ন !

কেকয় । ভূমি এসব ব্যাপারের কি বুঝবে ?

সৈন্ধব । আজ্ঞে সত্যই ত ; কি বুঝব—

কেকয় । এসব হচ্ছে রাজনীতি ! উপরটা দেখতে আল্গা আল্গা,
ভিতরটা আটঘাট বাধা। চ'লে যাচ্ছ বেশ রাজার অনুগ্রহ নিয়ে নির্ভয় ;
বাইরে গিয়ে দেখ, চারিদিক ঘেরাও—একটি পা ফেলবার জায়গাও নাই।

সৈন্ধব । ও—বলতে হয়—মহারাজ, ভেঙে ; আমরা কি ছাই অত
বুঝতে পারি—গরীব বামুনের ছেলে ! এই বুঝলুম এতক্ষণে আপনার
এই চোখে আঙুল দিয়ে দেখানতে। বুঝছি, কৈকেয়ী চৌদ্দ
বৎসর বনবাস দিলে কেন ; প্রজারা একেবারে ক্ষেপে ওঠে কেন, তার

৩য় গর্ভাঙ্ক ।]

কৈকেয়ী

চেয়ে উপস্থিত তাদের কতকটা ঠাণ্ডা রাখা যাক—তার পর—অর্থাৎ
তার পর—অর্থাৎ যা করব তা ত মনেই আছে—কেমন ? ঠিক—ঠিক !
রাজনীতি—রাজনীতি—বাহবা !

কেকয় । বুঝলে ত ? এস ।

[অগ্রসর হইলেন ।

সৈকব । চলুন—চলুন ! খুব সামলে নিয়েছি, বাবা ! সর্বনাশ !
গিয়েছিল এখনই অন্নটা উঠে ! বাবা, সোজা কথা সব জায়গায় বলবে,
কিন্তু চাকরি-স্থানে—থবরদার ।

[প্রস্থান ।

তৃতীয় গর্ভাঙ্ক

কৈকেয়ীর কক্ষ

কৈকেয়ী ও উর্শ্বিলা দাঁড়াইয়াছিলেন

কৈকেয়ী । উর্শ্বিলা—মা, আমার প্রবোধ দাও ; তার নিয়েছ !

উর্শ্বিলা । কিসের প্রবোধ, মা ?

কৈকেয়ী । আমি যে বিধবা হয়েছি, মা ! আমার সাধুনা দাও—
বোঝাও ।

উর্শ্বিলা । সে কি মা ! তোমার বোঝাব আমি ? কাল যে তুমিই
আমায় বুঝিয়ে এসেছ—আমরা স্বামীর স্ত্রী নই, সন্তানের মা ; স্ত্রীজাতি
নই, মাতৃজাতি ! তোমাকে আবার আমি কি বোঝাব, মা ! তুমি
যে আমার গুরু ।

কৈকেয়ী

[২য় অঙ্ক ;

কৈকেয়ী ! দেখ মা ! সেদিন যে আমি তোমায় বুঝিয়ে এসেছি, এখন দেখছি—সে আমার কতকগুলো ভাষা শেখা ছিল মাত্র । তাতেই আমার গর্ব ছিল—আমি কিছু বুঝেছি । কিন্তু বোঝাবুঝি বোঝায় না মা, নিজের ঘাড়ে বোঝা না পড়লে । আমি কিছুই বুঝি নি, উন্মীলা ; আমার বোঝাও । তুমি বুঝেছ—তুমি জীবন্ত স্বামীকে ছেড়ে দিয়ে স্বচ্ছন্দে কাটাচ্ছ—ঐহিক মুখ বর্জন ক'রে অনন্তের আশ্বাদ নিচ্ছ ; আমি তোমায় মুখে ব'লে এসেছি যেটা—সেটা তুমি হাতে-ক'রে দেখাচ্ছ । এ বিষয়ে তুমি আমার গুরু—তুমি আমার বোঝাও । উন্মীলা—মা, আমি করলুম কি ! সন্তানের মুখ চাইতে স্বামীর মাথা খেলুম—করলুম কি !

উন্মীলা । তুমি আবার করলে কি, মা ? সন্তানের মুখও তুমি চাও নি—স্বামীর মাথাও তুমি খাও নি ; এটা তোমার ঠিক অনুতাপ নয় মা, অনুতাপের আকারে কর্তৃত্বের আত্মাভিমান । তুমি কিছুই কর নি ; যদি কিছু ক'রে থাকে, করেছে সে—বিশ্বের মঙ্গলে কল্পিত স্বামী মহাকালের বুকে উঠে নেচে আসছে যে—সেই মহাশক্তি তোমার ভিতর দিয়ে ।

কৈকেয়ী । [একটু দৃঢ় হইয়া] উন্মীলা—মা, আমি হারিয়ে ফেলেছিলুম—ঢাকা গিয়েছিল সে মহাশক্তির স্মৃতি আমার আমিত্বময় মনুষ্য-হৃদয়ের মোহ-অন্ধকারে ; আমি আবার দেখতে পাচ্ছি, সে রক্ত-কিরীটের আভা । উন্মীলা, ঝড় তোল মা, উড়িয়ে দাও মা, এ কাল যেথ বিনা বর্ষণে ! আবার বল মা, আমি কিছুই নই—যা-কিছু মহাশক্তির লীলা ।

উন্মীলা । মা, সেই সিদ্ধবধের ঘটনাটা তোমার মনে আছে ?

কৈকেয়ী । [চমকিত হইয়া] উন্মীলা—

উর্শ্বলা । তোমার স্বামীর মৃত্যুর কারণ কে ? তুমি ? তুমি কারণ
নও—কার্য ।

কৈকেয়ী । ঠিক ; আমার স্বামীর মৃত্যুর কারণ, সেই অন্ধমুনির
অভিশাপ ।

উর্শ্বলা । না—তাও নয় ।

কৈকেয়ী । তবে ?

উর্শ্বলা । তোমার স্বামীর মৃত্যুর কারণ—তার শব্দভেদী বাণ
প্রয়োগের শক্তি—তার অপব্যবহার—তার অমর্যাদা ।

কৈকেয়ী । [প্রকৃতিস্থ—দৃঢ়—উৎকল হইয়া] উর্শ্বলা, আমি
যে বড় একটা সমস্যায় পড়লুম, মা ! আমি তোকে আশীর্বাদ করি—না
তোর পূজা দিই ! তুই আমার পুত্রবধু—না সে মহাশক্তি স্বয়ং ! তুই
আমার মুখে আয়, মা ! তোর সাহসনা-সুধায় আমি সঞ্জীবিত শক্তি
পেয়েছি ! আমার ধূমছোটা সর্কাজে এইবার দে মা, তোর শীতল গাটা
মাখিয়ে ; আমি আবার লক্ষ্যপথে উঠি—আবার কৈকেয়ী হ'য়ে দাঁড়াই ।
[উর্শ্বলাকে বক্ষে ধরিয়া] মা—মা—

উর্শ্বলা । মা ! তুমি কে ? উর্ধ্বে অনন্ত আকাশ, নিম্নে অসীম
পৃথিবী, মধ্যে অনন্ত ব্রহ্মাণ্ড—অনন্ত কোটি সৃষ্টি ! এই অনন্ত দিগ্‌ব্যাপী
পরিদৃশ্যমান অনন্ত বিরাটতার মধ্যে কতটুকু তুমি ? তুমি কুল হ'তে
ভেসে আসা কুল অনন্ত মহাসমুদ্রের তরঙ্গে তরঙ্গে নাছ'ছ—তরঙ্গে তরঙ্গে
ধুর্ছ—তরঙ্গ-প্রহত হ'য়ে আবার সেই কূলে ফিরে ষাচ্ছ—পার নাই ।
দেখ মা, ঐ দীপ্ত সূর্য্য কত বিরাট ! কিন্তু কেমন চোরের মত নিঃশব্দে
উঠ'ছে, নীরবে ডুব'ছে ; একটু এদিক্ ওদিকের উপায় নাই—মহা-
প্রকৃতির কঠিন গণ্ডি । তুমি আমি করব কি মা ! তবে যদি পার
ঐ অনন্ত মহা প্রকৃতির অনন্ত বিরাটতায় আপনাকে মিশিয়ে দিয়ে

কৈকেয়ী

[২য় অঙ্ক ;

অনন্ত হ'তে, সাজে তোমার কর্তৃত্বাভিমান । কিন্তু সে করায় যে অনর্থ,
সে অনর্থে অনুতাপ নাই—সে কর্তৃত্বে অবিচার নাই ; সে আকাশে
অন্ধকারও আছে—আলোকও আছে ; সে জগতে লয়ও আছে—সৃষ্টিও
আছে । মা, সীমার কথা আমি বলতে পারি না, তবে সাস্বনার
হুটী, এক রেণু—এক বিরাট, যার বেটা ভাল লাগে । আসি মা,
আর্ধ্য আসছেন । [প্রস্থান ।

কৈকেয়ী আপনাকে গুছাইয়া দৃঢ় হইয়া দাঁড়াইলেন ;

ভরত ও শত্রুঘ্ন উপস্থিত হইলেন ।

কৈকেয়ী । ভরত, এস পুত্র, আমি তোমার জন্ত রাজ্য নিয়ে দাঁড়িয়ে
আছি । [ভরত চিত্রাৰ্পিতের স্থায় দাঁড়াইয়া গেলেন] ওকি ! ধম্কে
গেলে যে ! ছুটে এসে পায়ে লুটিয়ে পড়্ছ না ! ভাব্ছ কি আমি
তোমার জন্ত রাজ্য নিয়ে রেখেছি ।

ভরত । নারী ! কে তুমি আমার মায়ের মন্দিরে ?

কৈকেয়ী । সে কি ভরত ; আমি যে তোমার মা !

ভরত । চোখে দেখ্ছি বটে ; কিন্তু—না—প্রমাণ দাও ।

কৈকেয়ী । প্রমাণ, আমি তোমার জন্ত রাজ্য নিয়ে রেখেছি ।

ভরত । এতেই ত তুমি ধরা পড়্ছ—যাহকরী তুমি, আমার মা
নও । তুমি যদি আমার মা হ'তে, রাজ্যটা অল্প কোন রকমে আমার
হাতে এসে পড়্লে, তুমি আমার জন্ত বিষ নিয়ে দাঁড়িয়ে থাকতে ।
আমার মাকে আমি আমার প্রত্যেক রক্তবিন্দুতে দেখতে পাই ; তুমি
আমার মা নও । আমার মা রামগতপ্রাণা, মহারাজ দশরথের জীবন-
দায়িনী । স্বামীঘাতিনি ! রামসীতার অন্তভাকাজ্জিণি ! তুমি আমার
মা ? তুমি আমার জন্ত রাজ্য নিয়ে রেখেছ—না শ্রশান নিয়ে দাঁড়িয়ে

আছ ? তুমি রাক্ষসী—তুমি যাহুকরা. আমার মাকে যন্ত্রবলে উড়িয়ে দিয়ে তার খোলস প'রে ব'সে আছ তার পবিত্র আসন জুড়ে । শক্রয়, ধনুর্কাণ—

শক্রয় । দাদা, মা—

ভরত । মা ! শক্রয়, তুইও বলছিস মা ! পালিয়ে চ—পালিয়ে চ, শক্রয় ! কাজ নাই আর ধনুর্কাণে । থাক ও রাক্ষসী মায়েরই আয়গায় ; আমি এখনই ভাই হারিয়ে ফেলব । ও মায়াবিনী বুঝি ছল-ছলিয়ে চেয়েছে তোর পানে ? দিয়েছে ধুলোপড়া ? পালিয়ে চ—পালিয়ে চ ! [কৈকেয়ীর প্রতি] মায়াবিনি ! আমার পারিস্ ধুলো লাগাতে—ঐ রকম ? দেখি তোর বাহাছুরিটা ?

কৈকেয়ী । ভরত, শাস্ত হও—রাজ্য কর ।

ভরত । তুই কর—তুই কর, রাক্ষসি ! তোর স্বামীর মৃত্যুমাথা রাজ্য তুই কর, ভরতকে আর জড়াস্ না ; আমি আর নরক ঘাটেতে পার্ব না, এই যন্ত্রণাই আমার যথেষ্ট যে, তোর গর্ভে আমার জন্ম !

শক্রয় । দাদা, চল এখান হ'তে ।

ভরত । বাহবা দিই তোর রাণীবুদ্ধিটাকে ! ভরতের জগ্ন রাজ্য নিয়ে রাখ্‌লি, ভরতকে একবার ভাব্‌লি না ? তার অন্তঃকরণটা তলালি না ? তার জগৎ বড়—কি দাদা বড়. দেখে ত আস্‌ছিস্ ; বুঝেও বুঝ্‌লি না ? সে যে আজ তোর মুখ পোড়াতে রামচন্দ্রকে পায়ে ধ'রে ফিরিয়ে আনতে যাচ্ছে !

কৈকেয়ী । সেটা তার ক্ষেপামি হচ্ছে ; রাম আর ফিরবে না ।

ভরত । রাম না ফেরে, ভরতও আর অযোধ্যা-মুখো হবে না ; তোমার সুখের কল্পনাও এই পর্য্যন্ত । তোমার রাজ্য রইল আর

কৈকেয়ী

[২য় অঙ্ক ;

তুমি রইলে । তুমি মনের কোণেও স্থান দিও না—নারী, রামের রাজ্যে
ভরত জুড়ে বসবে ।

কৈকেয়ী । আচ্ছা ভরত, দীর্ঘায়ু হও ; দেখ্‌ব তোমার রাম-
প্রাণতা—দেখ্‌ব তুমি কেমন ভরত ।

[প্রস্থান ।

ভরত । শক্রয়, তুমি যাও ভাই, অযোধ্যাবাসীদের জানাও,
বদিও তারা জেনেছে—হাহাকার করছে দিবারাত্রি, শুবু বল—এটা আর
অযোধ্যা নয়, যেখানে রাম সেইখানে অযোধ্যা ; চল, আমরা অযোধ্যা যাব ।

বশিষ্ঠ উপস্থিত হইলেন ।

বশিষ্ঠ । আগে তোমার পিতার সংকার কর, কুমার !

ভরত । গুরুদেব ! আপনি এখানে উপস্থিত ছিলেন, না এই
আসছেন ?

বশিষ্ঠ । না কুমার, আমি উপস্থিতই আছি ।

ভরত । আপনি—বশিষ্ঠদেব উপস্থিত আছেন, অথচ এই সব !

বশিষ্ঠ । কি সব, কুমার ?

ভরত । আমার পিতার মৃত্যু—

বশিষ্ঠ । তাতে আর কি করব—কুমার, আমি থেকে ? মানুষ
বে মরে ।

ভরত । তা ব'লে এই অশ্রায়-মৃত্যু !

বশিষ্ঠ । মৃত্যুর শ্রায়-অশ্রায় নাই, কুমার ! একটা হেতু ।

ভরত । রামচন্দ্রের বনবাস ?

বশিষ্ঠ । এটার উত্তর এখন আমি দিতে পারলুম না, ভরত ! আমি
নিজেই এখনও জানতে পারছি না রামের বনবাসটা ঠিক বনবাস ব'লে ।

ভরত । কেন ? রামচন্দ্রে কি অপরাধ সম্ভব যে, তাঁর প্রায়শ্চিত্তের বিধান ?

বশিষ্ঠ । রামে যেমনি অপরাধ সম্ভব নয়, দেবী কৈকেয়ী-চরিত্রেও তেমনি অবিচার অসম্ভব ; আমি বিষম সমস্যায় প'ড়ে আছি, ভরত ! যাক্, সে সব সিদ্ধান্তের সময় আছে, উপস্থিত পিতার অগ্নিক্রিয়া কর ; সপ্তাহ উত্তীর্ণ ।

ভরত । গুরুদেব ! সাত দিন গেছে আর তিনটে দিন ; আমি দাদাকে নিয়ে আসি। পিতার সংকার কর্ব আমি—রামচন্দ্রে বর্তমানে !

বশিষ্ঠ । আমি বিধান দিচ্ছি—ভরত, রামের অভাবে তুমিই অগ্নিকর্তা । তুমি পিতার সংকার কর, তার পর সেখানে যাবে—যাও । তা যদি না কর, তোমার পিতার গতি কোথায় দাঁড়াবে বলতে পারছি না । ভরত, ভ্রাতৃভক্তি পবিত্র বটে ; কিন্তু সাবধান, তার মধ্যে যেন পিতৃ-অবহেলার কলঙ্ক না পড়ে ।

ভরত । [উদ্দেশে] দাদা ! পিতার সদগতি করতে যাচ্ছে পাপিষ্ঠ ভরত ! বজ্র ! পড়তে পার মাথায়—পিতাপুত্রে এক চিতায় শুই ? গুরুদেব আবার নূতন বিধান দিন্—আমাদের অগ্নিকর্তী রাক্ষসী কৈকেয়ী—

[প্রস্থান করিলেন ; শক্রয় ও বশিষ্ঠ পশ্চাৎ পশ্চাৎ চলিলেন ।

মহুরা অশুরালে ছিল উকি মারিতে মারিতে
তথায় উপস্থিত হইল ।

মহুরা । [শ্লেষ বিকৃতকণ্ঠে] দাদা—দাদা—দাদা ! ওমা ! যাব কোথা গো ! ধন্য নেই—কন্য নেই—মাথার নাম পায়ে ফেলে খেটে মরছি

আমরা ওর দায়ে, ওর বুলি হ'ল কিনা, দাদা—দাদা ! ছোঁড়ার মতিচ্ছন্ন !
এত কাণ্ড ক'রে রাজত্বটা হাতে দিলুম ; তা এঁটো পাতা কি স্বর্গে
যায় ? নিজের মা, সোহাগ ক'রে বলতে গেল—তোমার জন্যে রাজত্ব
নিরে রেখেছি ; তা বেটার রোখ্ কি—মারে আর কি ! মনে করলুম,
তু-কথা গিয়ে বলি, তা যাই নি—ভালই করেছি, আমার আর গতির থাক্ত
না। আমার কি ? বলি—হাঁ গা, আমার কি ? আমার বেটা না
নাতি না আর কেউ, আমার এ দগ্‌দগানি ? আমি ওদের
মানুষ করেছি—এই ত ? যমের বাড়ী যাক্—অমন ছেলের মুখে আগুন
লাগুক। আঃ—কৈকেয়ীটা বাজা হ'ল না কেন ?

ক্রোধকম্পিত কন্দুক উপস্থিত হইল।

কন্দুক। তোর মৃত্যু—তোর মৃত্যু, তোর মৃত্যু আজ আমার হাতে।

মহুরা। আ-মরণ ! তুই ছোঁড়া আবার কি করতে এলি এখানে ?

কন্দুক। তোর শ্রদ্ধ করতে—তোকে যমের বাড়ী পাঠাতে।

মহুরা। তা পাঠাবি বৈকি ! আমি তোদের মানুষ করোঁছি, আমার
ছরাদ না করলে তোদের ধন্য হবে কেন ?

কন্দুক। চোপ্‌রাও বজ্জাত বুড়ী মাগী কোথাকার ! আবার
ধন্য দেখাচ্ছে। মানুষ করেছিস্ ত মাথাটা কিনে রেখেছিস্ ; সেই
অদারের যা-ইচ্ছে তাই করবি, না ?

মহুরা। যা-ইচ্ছে তাই—ও মা কি ঘেন্না ! কেন রে, আমি তোদের
কি করেছি ?

কন্দুক। সর্বনাশ করেছিস্—বেটা বুড়ি। আমাদের বংশটায় মাটি
করেছিস্। ঘর-ভাঙার ভয়ে আর আমাদের ঘর হ'তে কেউ মেয়ে নেবে
না ; আবার করবি কি !

মহুরা । ও, তা যা বলতে হয়, তোর বাবাকে বল গে ; আমার কাছে কি করতে এসেছিস্ ?

কন্দুক । বাবাকে ?

মহুরা । হাঁ ; তোর বাবা যা বলেছে—আমি তাই করেছি ; ছরাদ করতে হয়—তার কর্ গে, যমের বাড়ী পাঠাতে হয়—আগে তাকে পাঠা গে, তার পর আমার কাছে আসিস্ ।

কন্দুক । বটে ! আচ্ছা, বাবার বিচার পরে হবে, তুই বেটীর ত এখন হোক । বাবা যদি লোকের ঘরে আগুন দিয়ে দিতে বলে আমার—দেব আমি ? তুই বেটা আগুন লাগাবারও বাড়ী করেছিস্ ; তোর ওধুধ এই—[চুলের মুঠি ধরিয়া প্রহার ।]

মহুরা । [উচ্চ আর্তনাদে] ওরে বাবারে—মেরে ফেললে রে ! ওগো কে কোথায় আছ গো—ধর গো হুঁহুঁষো গৌয়ারটাকে—

কন্দুক । ডাক্—ডাক্—তোর কোন্ বাবা আছে এখানে—রক্ষে করুক । যে তোকে পরামর্শ দিয়েছে—আজ সে কোথায় ? আমার কাছে বাবার খাতির নেই । বেটা ছোটলোক—[প্রহার]

মহুরা । ওরে—মলুম রে—মলুম রে—[পতন]

কন্দুক । থাক্—আজ এই পর্য্যন্ত, একেবারে নিদম্ ক'রে মারব না তোকে ; সকালে এক দফা—আর সন্ধ্যায় এক দফা, দু'দফা এই রকম বরাদ্দ রইল তোর ; আমার একটা কাজ বাড়ল—আর কি ।

[প্রস্থান ।

মহুরা । [গা ঝাড়িতে ঝাড়িতে উঠিয়া] তুই আমায় খুন ক'রে যা—খুন ক'রে যা—দিব্যা থাকে তোকে ; খুন না যদি করিস্, তুই তোর কচি মাগের মাথা খাস্ ।

[প্রস্থান ।

শৃঙ্গবপুর

চণ্ডাল-চণ্ডালিনীরা নৃত্যগীতসহ আনন্দ করিতেছিল ।

গীত ।

চণ্ডালগণ ।— রাম হামাদের মিতা আরে রাম হামাদের মিতা ।

চণ্ডালিনীগণ ।— সেই হামাদের সোণামণি, রাম-সোহাগী সীতা ।

চণ্ডালগণ ।— কইবে কি আর মিতার কথা মানুষ ত না আছে সে,
তেও মিঠা হাসি বুলি মিলুবে চ না তোরই দেশে ;

রাম হামাদের মিতা আরে রাম হামাদের মিতা ।

চণ্ডালিনীগণ ।— সেই হামাদের ভোরের হাওয়া, সঁঝি সুর,
সই হামাদের মাদির রাতের সাতটি ঘুর ;

রাম-সোহাগী সীতা সেই হামাদের রাম-সোহাগী সীতা ।

চণ্ডালগণ ।— চাঁড়াল হোয়ে হয় না দেওয়া চাঁদে হাত,
কে বলেক্ সে সন্নতানী তার বুটা বাত ;

রাম হামাদের মিতা—দেখ রাম হামাদের মিতা ॥

চণ্ডালিনীগণ ।— লছমী শুধু রয় না বাঁধা রাণীর সাথ,

ইতর হ'লেও মোদের দিলু তার কোজাগরী চাঁদনী রাত ;

রাম-সোহাগী সীতা সেই হামাদের রাম-সোহাগী সীতা ।

শুঁহক উপস্থিত হইল ।

শুঁহক । আরে বা ! তুঁয়ারা এখনও সেই আমোদ লিয়ে আছিস্ ?

খবর কুছ রাখিস্ না ?

লুটু । খবর কিরে সর্দার, খবর কি ?

গুহক । দেখ—দেখ—পূর্ব তরফটা আঁখ মিলে দেখ ।

লুটু । [সশ্চর্য্যে] আরে, কিয়া মুঞ্চল ! এত্তো লোকজন, হাঁতী, ঘোড়া, ফৌজ, বরকন্দাজ—কুখা সে আস্ছে, রে সর্দার ?

গুহক । আরে, সাম্ঝাতে লার্লি ? হামার মানুয়—অযোধ্যাসে মিতার ভাই সেই ভরতটা আস্ছে লোকজন সাথে ।

লুটু । ও—ওটার মায়ী মিতার সব কাড়িয়ে লিয়ে জঙ্গল পাঠিয়েছে, সেই ভরতটা ?

গুহক । হ—হ—সেই ভরতটা ।

লুটু । ওটার মতলব ত ভাল না আছে রে সর্দার ! ও বরকন্দাজ লিয়ে মিতার পিছু আসে—ও দুশমন আছে । ওটার মায়ি সব কাড়িয়ে লিয়েছে, ও মিতার জান লিবে । সর্দার—সর্দার, হুকুম দে, সড়কি চালাই ; ওটারে ঐখানেই শেষ করিয়ে দিই ।

গুহক । না রে লুটু, একদম অন্তটা বাড়াবাড়ি করিস্ না । মিতার মুয়ে শুনিয়েছে—ও ছেলিয়াটা তেত্ত খারাপি না আছে ; ওটা তেখন হাজির ছিল না । ও মিতারে ঠিক লিতে আস্ছে । আগাড়ি ওটার মতলব সাম্ঝাতে দে । তোরা সব তৈয়ার থাক্, মরদলোক সব ঢাল তলোয়ার সড়কি লাঠি লে—ইস্ত্রী লোক সব কাঁড়বাঁশ লিয়ে ঠিক থাক্ । যদি ওটা কৈকেয়ীর সাথ সড় করিয়ে মিতার দুশমনি কর্তি আসে—ওটার গর্দান লিবি, আর যদি মিতারে লিতে আসে—ওটারে কাঁখে নিয়ে লাচ্তি থাক্বি ।

ভরত ও শক্রয় উপস্থিত হইল ।

শক্রয় । তোমার নাম গুহক-সর্দার ?

গুহক । তু যারা কোন্ আছিস্ রে ?

শক্রয় । আমরা অযোধ্যাপতি মহারাজ দশরথের পুত্র ; আমার নাম শক্রয়, ইনি আমার জ্যেষ্ঠ ভরত ।

গুহক । হ—হ, ভরত-শক্রয় নাম শুনিয়েছে । তুঁয়ারা কি চাস্ ?

শক্রয় । তুমিই কি গুহক-সর্দার ?

গুহক । হ—গুহক— ও ত হামিই আছে ।

শক্রয় । তোমার এখানে রামচন্দ্র এসেছেন ? সঙ্গে অযোধ্যা রাজ-লক্ষ্মী সীতা—সেবক সৌমিত্রি লক্ষ্মণ ?

গুহক । আরে, রামটা তুঁয়াদের কে আছেক রে ?

শক্রয় ! রাম আমাদের ভ্রাতা—রাম আমাদের পিতা—রাম আমাদের বন্ধু—রাম আমাদের সব । বল গুহক, রামচন্দ্র এসেছেন ?

গুহক । সেটারে লিয়ে তুঁয়ারা কি কর্বিক রে ?

ভরত । [দৃঢ়স্বরে] গুহক, উত্তর দাও—রামচন্দ্র এসেছেন ?

গুহক । হ—সে ত হামি দিবে ; মগর ওটার সাথ আর তুঁয়াদের কি দরকার রে ? দেশটা ত তুঁয়ার হাতে আসিয়ে গিয়েছে ; ওটা আর তুঁয়াদের কুছু কর্তি লারবেক । হ—তবে বাঁচিয়ে থাকলে হাঙ্গামা একটা হোতি পারে, সাফ করিয়ে দিতে পারলেই বালাই একদম চুকিয়ে যায় ।

শক্রয় । গুহক, চণ্ডাল হ'লেও—শোনা ছিল—তুমি অতি সরল ; তুমি কি বল্ছ ? ব'লো না—ব'লো না, গুহক, কোন ছরভিসন্ধিতে আমরা আসি নি । আমরা রাম চাই, জীবন নিতে নয়—রামচরণে জীবন দিতে ।

গুহক । দেখ্, এটা ত হামি লিতে লারছে ; দেশটা হাতে লিয়ে আবার সেটারে ঘুরিয়ে দিবিক ? কেন দিবিক ? সেটা বাপকা বেটা—তুঁও বি অহি । তুঁয়ারা হামাদের রাজা আছে, হামরা তুঁয়াদের

পরজা আছে ; খোলসা বোল না, হামরা তুঁয়াদের কুছু হুশমনি করবে না ।

ভরত । [ব্যাকুল-কণ্ঠে] শত্রু—ভাই, আমি আজ চণ্ডালেরও অবিধাসী ! গুহক, ভল্ল নাও—আমি বুক পেতেছি । আর না—ভরতের লীলা-খেলার এইখানেই শেষ হোক । চণ্ডালিনী মায়ের গর্ভে জন্মেছি, আমি চণ্ডালের বধ্য হই । [ভূতলে জামু পাতিয়া বসিলেন]

গুহক । দেখ্ লুটু, দেখ, লড়াই কর্তি যাচ্ছিলি—হামি ঠিক ঠাউরেছে—কেমন ভদ্র আছে দেখ ! [ভরতের হাত ধরিয়া তুলিয়া] উঠ্—ভেইয়া, উঠ্, তুঁয়ার জান লিবে কি, তু হামার মিতার ভাই আছিস—তু হামার কলিজা আছিস ; তু হামার বুক আয়, হামি তুঁয়ার চুমা খাবে । [আলিঙ্গন]

ভরত । গুহক—দাদা, রামচন্দ্র কই ? আমার দাদা কই ? জনক-নন্দিনী আমার মা কই, দেখাও ?

গুহক । দেখ্—কাঁদিস্ না ; তুঁয়ার কায়া দেখে হামার বি কায়া আস্ছে, কাঁদিস্ না—দেখা হোবে ; মিতা আজ সকালে ভরদ্বাজ ঋষির আশ্রমে চলিয়ে গিয়েছে ।

ভরত । ভরদ্বাজ-আশ্রমে ! এখানে নাই ? দাদা—

গুহক । আরে, দেখা হোবে—কাঁদিস্ কেন ? এই নদীটি পার হ'লেই ভরদ্বাজ ঋষির আশ্রম ।

ভরত । শত্রু, চল ভাই, আজ ঐ সূর্যাস্তের মধ্যে রামের সাক্ষাৎ চাই ।

গুহক । আরে বাঃ ! এখুনি যাবিক্ কি ? গরীব মিতার ঘর আলি—মুতোদের শুকিয়ে গিয়েছে, যা ঘরে আছে কুছু খাবি চ' ।

ভরত । না গুহক, এ মুখে আর জল দেব না ; যদি রামচন্দ্রকে

নিয়ে ফিরে আসতে পারি, তোমার অতিথি হব—তোমার প্রসাদ
নেব ।

শক্রয় । শুহক, তা হ'লে আমাদের নমস্কার নাও ।

শুহক । আরে, রও—রও ; তুঁয়ারা ভদ্র আদমি—হামি ছোট
জাত চণ্ডাল আছে ।

ভরত । শুহক, তুমি চণ্ডাল হও—তুমি ঘৃণ্য হও—পতিত হও,
তুমি আমাদের দাদার মিতা ; তুমি আমাদের পায়ের ধুলো দাও, আলৌক্যাদ
কর—বেন দাদার সঙ্গে দেখা হয় ।

শুহক । দেখ্ ভরত, হামি তুঁয়ারে একটা কথা বল্বে—তু মনে
কুছু হুখ্য করিস্ না । তুঁয়ার মা'টা—ওটা কখনও চণ্ডালিনী না আছে ;
সে যা করিয়েছে—সব জগদম্বা মায়িকা খেল্ ! হামার বি ধোড়া আড়ি
ছিল সেটার উপর ; লেকেন্ এখন দেখ্ছে—বে তুঁয়ার মায়িকা ছেলিয়া
পরসব করিয়েছে, ও কখনও চণ্ডালিনী না আছে—ও ঠিক দেবী আছে ।
চল্—হামি তুঁয়াদের নদী পার করিয়ে দিই, হামার মাঝি-মাল্লা সব
তৈয়ার ।

[ভরত, শক্রয় সহ প্রস্থান ।

পূর্ব গীতাবশেষ ।

চণ্ডালগণ ।—

আর জনমের কসুর কি রে ছনিয়ার কাম খতম,

বাজা মাদল, ঢাল্ সরাব্ ছুটুক নেশা চম্ চম্ চম্ ;

রাম হামাদের মিতা আরে রাম হামাদের মিতা ।

চণ্ডালিনীগণ ।—

চাইবে না আর রাজা সাড়ী স্বরগ হুখে লাধি মারি,

রইবে মোরা এই গরবে হাস্বে লাচ্বে বম্ বম্ বম্ ।

রাম-সোহাগী সীতা সহ হামাদের রাম-সোহাগী সীতা ।

[প্রস্থান ।

পঞ্চম গর্ভাঙ্ক

ভরদ্বাজ-আশ্রম

ভরদ্বাজ ও দেবীদাস

ভরদ্বাজ । দেখ দেবীদাস, আমি ঋষি ভরদ্বাজ ; আমাকেও টলিয়ে দিয়ে গেল এই রাম, লক্ষণ, সীতা । এরা তিনটিতে আমার আশ্রমে এসেছিল, আমি যেন কী স্বর্গ হাতে পেয়েছিলাম ; এখন যমুনা পারে চ'লে গেল, শুধু আশ্রম শূন্য নয়, দেখছি—জীবন পর্য্যন্ত শূন্য । আমি যেন ঘোর সংসারী—মিলনানন্দে উন্মত্ত, অভাবে আত্মহারা । না—আর আমি তাদের ভাব'ব না ; মেহ—ঋষি, উপস্থী, উচু-নীচু মানে না, জগৎকে সমভূমি ক'রে দিতে চায় । দেবী, তুমি আমার ভুলিয়ে দাও—একটু মহামায়ার নাম গাও ।

দেবীদাস ।—

গীত ।

আমি জনমের মত নিরাপদ্ হ'তে মা বলেছি যে তোমারে ।
তবে এখনও কেন এ বিভীষিকা—মম শিহরিত তনু অ'ধারে ।
আমার মা বলা কি গো হয় নাই,
আমার বাসনা-জড়িত ভাসা ভাসা ডাক
ও লুকানো হৃদয়ে নেয় নাই ;
কেন দাও নাই সুখা-পিয়ামী রসনা, ভাসায়েছ কেন পাথারে ?
আমার প্রাণ দিয়ে ডাকা হবে না,
আমার মরতু-নরনে কতু সে প্রবাহে যমুনার ধারা ব'বে না ,
ওগো তা ব'লে কি কোলে নেবে না,—
আমি ছুটে বাব জলে যদি ধর হাত,
যত ব্যাধি হোক জাগ দিনরাত,
তবে তুমি মা—নতুবা বৃথা—প্রলাপ দেখেছি বিকারে ।

উর্দ্ধ্বাসে চিত্র উপস্থিত হইল ।

চিত্র । ওহে—ওহে, আমার একটু গান শোনাও ত ! দেখছি—
তুমি গাইতে পার ।

ভরদ্বাজ । তুমি কে ?

চিত্র । আমি চিত্র । অনেক শুরেছি, বাবা ; জারগা পাই নি ।
তোমার এটা একটা গানের আড্ডা বটে ! তুমি বুঝি গুরুজি ? তোমার
চেলাজিকে ব'লে দাও—বাবা, গরীবকে একটু গান শেখাতে । আমি
দিতে-ধুতে কিছু পারব না—কিছু নেই আমার ।

ভরদ্বাজ । তুমি গান শিখবে ? কি গান শিখতে চাও ?

চিত্র । “কেন ফোটে কোমলতা, মৃদলতা কেন বয়”—ঠিক এই গান-
টার জবাব । জান ত এ গানটা ? জান নিশ্চয়, গানের আড্ডা যখন—
অনেক গানই তোমাদের আয়ত্ত আছে । না—ব'লে যাব শেষ পর্যন্ত ?

ভরদ্বাজ । না—আর বলতে হবে না, বুঝেছি ওর ভাব । জবাব
চাও ?

চিত্র । হাঁ বাবা ! দাঁড়িয়ে আছে বেটার ছেলে তোমার দুয়ারে ;
তাকে শুনিয়ে দিয়ে তবে কাজ ।

ভরদ্বাজ । দাঁড়িয়ে আছে, কে ?

চিত্র । ব'লো না বাবা, আর সে বিপদের কথা ! মোহ ব'লে এক
ছোকরা থাকে—তার সঙ্গে হয় আমার গানের পাল্লা । আমি যে গান
সম্বন্ধে একেবারেই গোবর-গণেশ, তা নই ; সে চাপান্ দেয়—আমি
জবাব করি, আমি চাপান্ দিই—সেও কাটান্ করে, কেউ কাকেও
হঠাতে পারে না ; দিনকতক এইরকম ঠেলাঠেলির পর সে বেটাছেলে
ঠেলে দিলে ঐ উত্ত চাপান্ ! আমি ত হাঁ—ফুরিয়ে গেল বিদ্যে—ত দে

দৌড় । তা পালালেও কি এড়ান্ আছে ছাই ! ঐ গানের মুখল আমার
পিছু পিছু । আমি অলি-গলি অনেক ঘুরলুম—বাবা, মুখল কিছুতেই খসল
না ; শেষ তোমার এখানে চকে পড়তেই—জানি না—কি বুঝে
ধম্কে গেল, আর এগুল না । আমার শিখিরে দাও—বাবা, এর জবাবটা ;
নহলে আমার নিস্তার নাই । সে ঠিক দাঁড়িয়ে আছে, আবার ধরবে ঐ
গানের আটা-কাটিতে ।

ভরদ্বাজ । আচ্ছা, আর ধরতে পারবে না তোমায় । দেবী, গাও ত
“কোমল মৃদুল নবীন বা কিছু”—শুনে যাও তুমি ।

দেবীদাস ।—

গীত ।

কোমল মৃদুল নবীন বা কিছু—নর তারা কভু কামুকের ।
তারা নিরমল চোখে দেখিবার, তারা উপভোগ-ভোলা উদাসের ।
পাতে নি প্রকৃতি বিলাস-কুঞ্জ, দেখার মারের মোহন রূপ,
কাটে নি ফেনিল কামের সাগর, কেটেছে প্রেমের বিমল কূপ ;
অলে নি অঁধি-ঝলসানো আলো, জ্বলেছে জ্ঞানের গন্ধধূপ—
নহে সম্ভোগ অঁধার নীরস,
গরল যেমন উজল সরস ;
ত্যাগের অধর পরশে অবশ সেই ত রসিক জগতের ।

চিত্র । [গান শুনিয়া আনন্দে লাফ দিয়া উঠিয়া] কেয়াবাৎ ! ঠিক
হয়েছে ! আচ্ছা জবাব ! তোমাদের দণ্ডবৎ ! [সাষ্টাঙ্গ প্রণাম করিয়া
উচ্চকণ্ঠে] ছোকরা—ও ছোকরা, আছ ত ? [গমনোদ্যত]

জ্ঞান-মূর্তিতে মোহ উপস্থিত হইল ।

[সবিস্ময়ে] আরে, বাঃ ছোকরা ! তুমি যে ভোল্ ফিরিয়ে
এলে হে !

জ্ঞান । শুধু ভোল্ ফিরিয়ে আসি নি, নাম পর্য্যন্ত পাল্টে এসেছি ;
নইলে কি এ ঋষির আশ্রমে ঢোকবার অধিকার ছিল ?

চিত্র । কি রকম ? নাম পাল্টেছ কি ? কাঁড়াদাস আমার
করণামর হয়েছ নাকি ?

জ্ঞান । হাঁ—তাই বটে । আগে আমি ছিলাম মোহ, এখন আমার
নাম জ্ঞান ।

চিত্র । আরে ! তুমিই মোহ, তুমিই জ্ঞান ?

জ্ঞান । হাঁ!—আমিই মোহ, আমিই জ্ঞান । প্রয়োজন হ'লে এই জ্ঞান
—আমিই আবার অন্য রকমও হ'তে পারি । দেখ, এক ছাড়া কিছু
নেই, কেবল অবস্থা ভেদে রূপ-ভেদ, নাম-ভেদ, কার্য-ভেদ ; যেমন কাচ
অনুসারে আলোর বিভিন্নতা—নীল, লাল, সাদা, কালো । ছিলে তুমি
সংসারের ছ-টানাটানিতে—ছিলুম আমি মোহ ; পেলে তুমি ঋষির অনুগ্রহ
—এখন আমি জ্ঞান । আরও যদি উঠতে পার উঠে—আরও দেখবে
আমার পরিবর্তন, শেষ কর ওঠা-নামার—সেখানেও দেখবে সেই আমি
—অখণ্ড, অদ্বিতীয়, সচ্চিদানন্দ । এস, আর তোমায় আমার গানের
জবাব করতে হবে না, এবার কেবল সুরে সুর দিয়ে যাও—

গীত ।

দেখ অদ্বিতীয় এক ।

অভেদ অনন্তে মোহ, জ্ঞান—স্বগভূষিকা, পানীয় এক ।

একই সূত্র—কোথাও রজু কোথাও বজ্র-উপবীত,

একই গোত্র—কেউ বরস্য কেউ বা পূজার পুরোহিত ;

যে আলো জলে গণিকা-ঘরে,

সেই আলোকে ঋষি বেদ পাঠ করে,

এক সুরে গায় আকাশে সাগরে—গরল, অমির এক ।

[চিত্রের হাত ধরিয়া ধীরে ধীরে প্রস্থান ।

ভরদ্বাজ । লোকটা নামটা কি ব'লে গেল, দেবী ?

দেবী । চিত্র ।

ভরদ্বাজ । বুঝতে পেরেছ ? নিতান্ত বাজে চিত্র নয়—বেশ একটু বিচিত্র, দেখবার । যাক্, বিরাম দিয়ো না, মাকে ডাক—আমার মহামায়া মাকে, আমি ঋষি হারাতে বসেছি—রাম-স্নেহ আমায় শিখিল ক'রে দিয়েছে ; আমার আক্রোশ আস্ছে এই কৈকেয়ীর উপর—দেখতে ইচ্ছা হচ্ছে একবার ভরতকে । মা ! মহামায়া ! রক্ষা কর আমায় ! আমি ঋষি—সদস্য, স্নেহ-ঈর্ষার অতীত, আমায় রক্ষা কর ।

ভরত শক্রয় উপস্থিত হইয়া প্রণাম করিলেন ।

শক্রয় । মহর্ষি, মার্জনা করবেন, আপনার অনুমতির অপেক্ষা না ক'রেই আশ্রমে এসেছি ।

ভরত । আমরা উদ্ভ্রান্ত, আমাদের বিচার বুদ্ধি নাই ; অপরাধ নিয়ো না, ঋষি ! [এদিক্ ওদিক্ দেখিয়া] শক্রয়—ভাই, কই—দেখছি না ত কাকেও ?

ভরদ্বাজ । ও--তোমরাই ভরত-শক্রয় ? তুমিই বুঝি ভরত ?

ভরত । হাঁ ঋষি ! শুনেছ বোধ হয় সব ! আমিই ভরত, রাম-সীতাকে নিতে এসেছি ; কোথায় তাঁরা ?

ভরদ্বাজ । [আগ্রহাতিশয়ে] দেবী, রাজা এসেছেন আমাদের, অভ্যর্থনা কর—অভিনন্দন গাও ; আমি এঁদের পরিচর্য্যার—কে আছে ওখানে—

শক্রয় । না মহর্ষি, রাজা কেউ নই আমরা, আপনাদের রাজা রামচন্দ্র ; আমরা তাঁর প্রজা—তাঁর ভৃত্য । আপনাকে ব্যস্ত হ'তে হবে না আমাদের পরিচর্য্যার জন্ত, আমাদের কৌতূহল নিবারণ করুন—রামচন্দ্র কোথায় বলুন ; আপনার আশ্রমে এসেছেন—গুন্লুম ।

ভরষাজ । [চিন্তা করিতে লাগিলেন]

ভরত । ভাব্ছ কি, ঋষি ? রামচন্দ্র কোথায়, বল ? ঋষি তুমি—
লুকোচুরি খেলো না ।

ভরষাজ । ভরত, রামের জন্ত তোমার এতটা কৌতূহল কেন ?
দমন কর, আমাদের রাজ-পূজা নাও ; তুমি রাজা ।

শক্রয় । ঋষিবর—

ভরষাজ । শক্রয়, বালক তুমি, রাজ্য বস্তুটা অতটা উপেক্ষার নয়—
রাজ্য উপাধিটা যতটা দেখাচ্ছে ভরত, ততটা হয়, অবজ্ঞার নয় । বেশী
কথা কি, আমি একজন ঋষি ত ? আমি যদি দেখতে পাই—আমি
সসাগরা ধরণীর অধীশ্বর, হয় ত আমি দমন ক'রে নিতে পারি ; কিন্তু
অস্তুত: সে মুহূর্তটাও আমার অবস্থাটা কি দাঁড়ায়, বলতে পারি না—
এমনি জিনিষ ; তোমার হাতে আসে নি, তুমি জান্বে না ।

শক্রয় । হাতে না এলেও—মহর্ষি, রাজ্যটা যে কি, আমি মহারাজ
দশরথের পুত্র—সে বিষয়ে অতটা অনভিজ্ঞ নই ; তবে মহর্ষির গবেষণা
মিথ্যা নয়, রাজ্য লোভের বটে ; কিন্তু ঋষি, সেটা যারা রামচন্দ্রের মত
দাদা পায় নি তাদের কাছে—আমাদের কাছে নয় ।

ভরষাজ । শক্রয়, ধন্ববাদ দিই তোমার রাম-প্রাণতাকে ; কিন্তু
বড় তরল মতি তোমার, তুমি কি জগৎটাকেই এই রকম বলতে চাও ?

শক্রয় । জগৎটাকে না বলতে পারি ; কিন্তু আপনি যঁার সম্বন্ধে
সন্দেহ করছেন—তিনি এ হ'তেও ; এ বিষয়ে আমি তাঁর ছাত্র—শিষ্য,
তিনি আমার গুরু ।

ভরষাজ । হ'তে পারে তোমার গুরু ; কিন্তু তার যে গুরু—গর্ভধারিণী,
তার যে অতীষ্ট অন্তরূপ !

ভরত । শক্রয়, থাক্ ; আমি বুঝতে পেরেছি জগৎটার ব্যাপার ; অন্য

যেমন জায়গায়—কর্ষণ তার সেইরূপ ; মা-বাপ অপরাধী—ত ছেলেও তাই ; এই বিশ্বাস—এই রীতি, বিচার নাই ! পকে পদ্য ফোটে, হরিনীর গর্ভে ঋষ্যাশূঙ্গ ঋষি জন্মেছে, অন্ধকার খনিতেও মণি হয় ; কেউ একজন এদিকে উঠছে না, সবাই ছুটছে সেই ধারাবাহিক নীচের দিকে । শক্রয়, গুহক চণ্ডাল আমার অবিশ্বাস করেছিল, আমার সহ হয়েছিল—আমি বুক পেতে দিয়েছিলুম হত্যা করতে ; কিন্তু ঋষি ভরদ্বাজ—সেও তাই ! জগতে বিচার নাই । আবার জগতের বাকী কে ? চণ্ডাল হ'তে মহর্ষি পর্য্যন্ত দেখে নিলুম । না—আর আমি মরতে চাই না ; আমি এই জগতের ওপর প্রতিশোধ নেব । আমি চোর নই, সে আমার বিনা বিচারে চোর সাব্যস্ত করেছে ; আমি দম্ভা হব । কলঙ্কের ছাপ দিয়েছে কপালে, আমি নরক-কুণ্ড যতগুলো আছে—দেখব, নাম্ব, ডুবব । রামের অন্বেষণ তুই করিস্, আমার কার্য্য প্রতিশোধ ; এই ঋষি ভরদ্বাজ হ'তেই আরম্ভ—

[ক্রোধে ফুলিয়া উঠিয়া মুষ্ঠ্যাঘাতে উত্তত হইলেন ।]

শক্রয় । [ধরিয়া ফেলিলেন] দাদা—দাদা—

ভরত । ছেড়ে দে, ভয় করছিস্ কি ? ঋষি আমার অভিশাপ দেবে ? ওরে, অবিশ্বাস চেয়ে অভিশাপ ভাল ।

শক্রয় । অভিশাপের ভয় আমি করি নি, দাদা ! আমি ভয় করছি, ব্রাহ্মণ-পালক রামচন্দ্র আমাদের ঘৃণা করবেন তা হ'লে । [নতজানু হইয়া] ঋষিবর ! কুমার অবতার ! আমার দাদাকে ক্ষমা করুন ।

ভরত । [প্রকৃতিস্থ হইয়া] ঋষি, আমি অশ্রমে আস্তেই বলেছি—আমরা বিচার-বুদ্ধিহীন, আমাদের অপরাধ নিয়ো না—অপরাধ নিয়ো না, ঋষি ! [নতজানু হইয়া] আমি সব সহ করতে পারিব ; রামের ঘৃণা হ'তে পারিব না ।

ভরদ্বাজ । দীর্ঘায়ুঃ হও, ভরত ! আমি তোমার অপরাধ নেব কি, তুমি আমার উপকার করেছ । আমি রাম-স্নেহে অশ্রু সকল দিক্ অন্ধকার দেখে ছিলাম, সত্যই বিচার করি নি—পরমেশ্বরীর রাজ্য—অন্ধকারের লেশ মাত্র নাই কোথাও, যেদিকে চাও—আলোকময় জ্যোতির খেলা । আমি ভরদ্বাজ—ঋষি হারাতে বসেছিলুম—অশ্রুনাশিনী মাকে ডাক্ছিলুম ; মায়ের প্রেরিত রাজপুরুষ, অমনি তুমি ছুটে এসেছ, আমায় শাসন করেছ, আমায় ধরেছ ; ঠিক করেছ । তুমি দীর্ঘায়ুঃ হও । ভরত, আমার ইচ্ছা হয়েছিল—একবার তোমায় দেখবার ; কিন্তু মায়ের অনুগ্রহে শুধু তোমার নয়—এই সঙ্গে আমি তোমার মা কৈকেয়ীকে শুদ্ধ দেখতে পাচ্ছি । তুমি বল্ছিলে না—পকে পদ্য ফোটে, আঁধার খনিতে মণি হয় ? তোমার ও বৃত্তি আমি অগ্রাহ্য করি । এ পদ্য পকে ফোটে না—এ মণি অন্ধকার খনিতে জন্মায় না ; এ পদ্য কুলকুণ্ডলিনী মহাশক্তি হ’তে ওঠা, এ রত্ন নিশ্চয় উপরটা ফেনিল উচ্ছ্বাসময় রত্নাকর গর্ভের । এস ভরত, এস শক্রয়, আমার আতিথ্য নেবে এস ।

ভরত । ঋষিবর—

ভরদ্বাজ । নিশ্চিন্ত হও, ভরত ! রামের সঙ্গে সাক্ষাৎ হবে, নিকটেই আছে—চিত্রকূট পর্বতে ।

ভরত । চিত্রকূট ! সে কোন্‌দিকে, ঋষি ? কতদূর এখান হ’তে ?

ভরদ্বাজ । এই নদীটি পার হ’লেই ; আমি তোমাদের পাঠিয়ে দেব ।

ভরত । চল ঋষি, আমি তোমার পাদোদক নেব । প্রতিজ্ঞা করেছিলুম—রামের পদধূলি না নিয়ে আর জল গ্রহণ করব না ; কিন্তু তুমি ব্রাহ্মণ—বধার্থে ব্রাহ্মণ ; চল—আমি তোমার পাদোদক নেব ।

[ভরদ্বাজ অগ্রগামী হইলেন, সকলে পশ্চাৎ পশ্চাৎ চলিয়া গেলেন ।]

ষষ্ঠ গর্ভাঙ্ক

চিত্রকূট পর্বত

ঋষি-কুমারগণ গীতকণ্ঠে পুষ্প চয়নে যাইতেছিল

ঋষিকুমারগণ ।—

গীত ।

উঠ্ছে অরণ উঁকি মেরে, সাধ বৃষ্টি কার মুখটি দেখা ।
আল্গা খোঁপা আঁট্ছে ধরা, পড়্ছে মোছা সিঁদূর রেখা ।
রাত-জাগা ঐ মলয় আসে পা টিপে কার কুটীর হ'তে,
অভিমানে কানন-রাণীর শিশির ধারা কাজল নেতে ;
নিবুম জগৎ উঠ্ছে মেতে—দেখ্ছে বিধির চিত্র-লেখা ।
পাগীর মুখে মন-মজানো সানাই শুনে,
হাস্ছে কুসুম আপন মনে—বিয়ের কনে :
দিচ্ছে উলু কুলুতানে—তটিনীর বা আছে শেখা ।

[প্রস্থান ।

চকিত দৃষ্টিতে রাম, সীতা ও লক্ষ্মণ উপস্থিত হইলেন ।

লক্ষ্মণ । আর্ধ্য ! আর দেখতে হবে না, ভীষণ জনস্রোত—সৈন্তের
অস্ত্র ঝনঝনা—রথের ঘর্ষর শব্দ ; শত্রু ! আপনি দেবীকে গুহার মধ্যে
রাখুন, কুটীরে যান্, অস্ত্র নিয়ে আসুন ।

রাম । আর একটু দেখ, ভাই ! আমার প্রতি আর শত্রুতা করবে
কে ? হয় ত কোন রাজপুরুষ সৈন্ত নিয়ে এই পথে যাচ্ছে, না হয় কেউ
শিকারে এসেছে ।

কৈকেয়ী

[২য় অঙ্ক ;

লক্ষ্মণ । দেব ! কোদণ্ড-চিহ্নিত আমাদের অযোধ্যার পতাকার মত দেখছি যে !

রাম । [উৎফুল্ল হৃদয়ে] ঠিক হয়েছে—ভাই ভরত আসছে আমার !

লক্ষ্মণ । [সবিম্বয়ে] তাঁর এরূপ ভাবে আসবার কারণ কি, দাদা ? এই অগণিত জন-সমারোহ নিয়ে !

রাম । তা জানি না, ভাই ! তবে সে আমায় নিতে আসছে ; তার সম্বন্ধে অণু কিছু ভেবো না তুমি ।

লক্ষ্মণ । ভাবনা একটু আসছে যে, দাদা ! নিতে আসার প্রণালী কি এই ! এই বিতর্ক-গর্ভ—এই সমৃদ্ধি-সম্ভার !

রাম । ভাই, ভরত ত আজ পর্যন্ত ভুলেও আমার অপ্রিয় কিছু করে নি ।

লক্ষ্মণ । মাতা কৈকেয়ীর মনে যে এই ছিল, কে জানত, দাদা ? তত আদর, তত স্নেহ, তেমন ভালবাসা—যা দেবী কৌশল্যাও দেখাতে পারেন নি ! দাদা, যা'ই বলুন আপনি, আমার ধারণা—মা রাজ্য নিয়ে রেখেছে চতুর্দশ বৎসরের জন্ত, পুত্র এইবার আসছে সেটায় চির-নিরাপদ করবার জন্ত ।

রাম । ভুল ধারণা তোমার, লক্ষ্মণ ! মাতা কৈকেয়ীর প্রতি দোষারোপ ক'রো না, তাঁর উদ্দেশ্য হয় ত আমরা বুঝতে পারছি না ; ভরতকে হীন দেখো না, ভরতও তোমার ভাই ; স্থির হও ।

লক্ষ্মণ । আমি স্থির হ'তে পারছি না, দাদা ! আমি সঙ্গে এসেছি কি জন্ত ? আমি যে রামচন্দ্রের সেবক—রাম-সীতার রক্ষী । হোক ভরত ভাই, রাম 'বিরোধী হ'লে আমার কাছে আমাদের আদিপুরুষ সূর্য্যদেবেরও অব্যাহতি নাই । সৈন্ত-কটক নিকটবর্তী ; দাদা, অনুমতি চাই ।

রাম । লক্ষণ, কিসের অনুমতি, ভাই ? তাই যদি হয়—সত্যই যদি ভারত আমার অনিষ্টেই আসে, আমি অনুমতি দেব—লক্ষণ, ভারতকে হত্যা কর ! ছি লক্ষণ ! আমি যে রাম—আমি যে সবার জ্যেষ্ঠ ! লক্ষণ, মাতা কৈকেয়ীর উদ্দেশ্য যদি অসাধুই হয়, আমি ত বিনা বিচারে—বিনা প্রতিবাদে মাথা পেতে নিয়েছি ; সেই আমি আর ভারতের আকাজকা পূর্ণ করতে পারব না ? সে যদি জীবন চায়—দেব, সে আর বিচিত্র কি ; ভাইএর প্রতি দাদার দান ।

লক্ষণ । [লজ্জিতভাবে মস্তক অবনত করিলেন]

সীতা । দেবর । ফুল হ'য়ো না ; তুমি তোমার যোগ্য ঠিকই বলেছ । তবে আমাদের কাছে তুমিও যে বস্ত্র, ভারত-শত্রুও যে তাই ! প্রভু আমাদের হৃদয় দেখেন না—দেখেন শুধু তাই ; আর দেখবারও নাই কিছু, মহা প্রকৃতির যোজনা—যেমনি দাদা, তেমনি ভাই । দেখ বৎস, এই ভারত শত্রু আসছে । বেশটা দেখ ওদের—পরিধান কষায়-বস্ত্র, মস্তকে জটা, নগ্নপদ, অনাহার-ক্ষিণ সে ফুল অবয়ব ! তোমরা ত তবু স্থখে আছ, ওরা এক-একটা পা ফেলছে—পৃথিবীকে বলছে—বিদৌর্গ হও ।

অদূরে ভারত শত্রু আসিতেছিলেন ।

রাম । লক্ষণ—লক্ষণ—ভাই ! আমি মহাসহিষ্ণু ব'লে আমার একটা দর্প ছিল ; আমার সে দর্প চূর্ণ করে বুঝি আজ ভারত শত্রু ! ওদের অবিরাম ঝরা চোখ, হাহাকার করা মুখ, ওদের উন্মাদ বিশৃঙ্খল আগমনের দিকে আমি চাইতে পারছি না ।

ভারত শত্রু ছুটিয়া আসিলেন ।

ভরত । দাদা—দাদা—[রামের পদতলে পতনোন্মুখ হইলেন]

রাম । [ভারতকে বুকে ধরিয়া লইয়া] ভাই—ভাই—[ভারতের সংজ্ঞা লোপ হইল] সংজ্ঞা নাই ! লক্ষণ, কুটীরে যাও, জল নিয়ে এস,

টেকেকেরী

[২য় অঙ্ক ;

ভাই ! [লক্ষ্মণ ছুটিয়া গেলেন] [সীতার প্রতি] দেবি ! আমার
ভরতকে বাঁচাও । [সীতা উপবিষ্টা হইলেন, তাঁহার জামুতে মাথা
রাখিয়া ভরতকে শয়ন করাইলেন ।] শক্রয়, কি কর্তে এলে, ভাই ?
[লক্ষ্মণ জল লইয়া আসিয়া রামের হাতে দিলেন ; ভরতের মুখে জল
দিয়া] ভরত—ভরত—ভাই—

সীতা । ব্যস্ত হবেন না, প্রভু ! এখনই চৈতন্য হবে । [শুশ্রূষা
করিতে লাগিলেন ।]

রাম । শক্রয়, অযোধ্যার সংবাদ বল, ভাই ! রাম-গত-প্রাণ পিতা
আমার কেমন আছেন—আগে বল ।

শক্রয় । [উচ্চ আর্জুনাদে] দাদা—[আর বলিতে পারিলেন না,
স্বর রুদ্ধ হইল]

রাম । [ব্যাকুল আগ্রহে] শক্রয়—

শক্রয় । [বক্ষ চাপিয়া অর্ধফুট স্বরে] পিতা—নাই—

রাম । [বজ্রাহতের ঞ্চায়] লক্ষ্মণ ! আমরা পিতৃহীন ! মর্তের স্বর্গ
—স্নেহের কৈলাস—সকল শান্তির তপোবন—পিতা আমাদের নাই ।
আমাদের আশীর্বাদের ভাণ্ডার উঠে গেছে—সংসার আমাদের আড়াল
সরিয়ে নিয়ে ফাঁকা প্রান্তরে ফেলে দিয়েছে ! ওঃ ! এ বাদ সাধলি কে ?
চৌদ্দটি বৎসর আর ধৈর্য্য ধরলি না ? বিদায় নিয়ে এলুম—মিলন পদ-
ধূলি নিতে দিলি না ? [ক্রোধোন্মত্ত হইয়া] না-- লক্ষ্মণ, দাও গাণ্ডীব,
এই মৃত্যুকে আমি দেখব [লক্ষ্মণের হাত হইতে গাণ্ডীব লইলেন]

কৃতাজলিপুটে স্তম্ভ উপস্থিত হইল ।

স্তম্ভ । [রোক্তমান অবস্থায়] মৃত্যু ততটা দোষী নয়, দেব !
আগে মৃত্যুর কারণকে দেখুন !

রাম । [সবিস্ময়ে] মৃত্যুর কারণ !

সুমন্ত্র । আমি । সেই যে আমায় বিদায় দিলেন শৃঙ্গবের দেশ হ'তে ; আমি যদি ফিরে না যেতাম—যদি পথে আমার মাথায় বজ্রাঘাত হ'ত—ওঃ—এ মৃত্যুর কারণ আমি । আমি ফিরে গিয়ে বললাম—মহারাজ, সুমন্ত্র আমি—আপনার রামচন্দ্রকে বনবাস দিয়ে অযোধ্যায় ফিরে এলাম । মহারাজ শয্যাশায়ী ছিলেন—ঝেড়ে উঠলেন, একবার উন্নতের মত ডাকলেন—সুমন্ত্র ! একবার ক্রুদ্ধকণ্ঠে বললেন—কৈকেয়ি ! একবার বৃকের ভেতর হ'তে বেরু করলেন—হা রাম ! শেষ—অন্ধকার—জগতে দশরথ-দীপ নির্বাণ ! প্রভো ! আপনার পিতার মৃত্যু হয় নি, তাঁকে হত্যা করেছে পাপিষ্ঠ সুমন্ত্র ; দশরথ যেমনি শব্দভেদী বাণে সিদ্ধ বধ করেছিলেন—আমিও তেমনি এই সংবাদ-বাণে দশরথ বধ করেছি । পায়ে ধরি—প্রভু, ধনুকে গুণ চড়ান্—আমায় দেখুন ; এ মৃত্যুর কারণ আমি ।

রাম । [স্লথভাবে লক্ষ্মণকে ধনুর্বাণ দিয়া] এ মৃত্যুর কারণ আমি । সুমন্ত্র, তুমি অনুতাপ ক'রো না, রাম-শোকে দশরথের মৃত্যু—বিশ্বে এই ঘোষণাই থাকল । হা—পিতা ! হা—পুত্র-বংশল ! আমি পিতৃ-সত্য পালনে বনে এসেছিলুম, মনে করেছিলুম—পুত্র-জন্মের কন্ম কিছু দেখাব ; কিন্তু আমার জন্ম-জন্মান্তর পর্য্যন্ত ভাসিয়ে দিয়ে গেল—আপনার এই মৃত্যুতে ; এ ঋণের পরিশোধ নাই, পিতার এ আত্মত্যাগের কাছে পুত্রের আর দেখাবার কিছু নাই । যান্ স্বর্গের দেবতা, স্বর্গে যান্ ; আমরা নত শিরে প্রণাম করি । শক্রয়—ভাই, পিতার ঔর্ধ্ব-দেহিক ক্রিয়া—শ্রাদ্ধাদি ?

শক্রয় । দাদা করেছেন ।

রাম । যাক্ ; তার পর—আমার মায়েরা কেমন আছেন, ভাই ? পতি-পুত্রহারা কৌশল্যা-সুমিত্রা ? দেবী কৈকেয়ী এর জন্ত অনুতপ্তা—

পূর্বগীতাংশ ।

পুরুষগণ ।— রাম চাই মোরা সেবক রামের,
 স্ত্রীগণ ।— রাম যে মোদের হৃদয়-ধামের,
 পুরুষগণ ।— দেখ বুক চিরে, ভরা কি রুধিরে
 স্ত্রীগণ ।— বাজে কোন্ হুরে এ বীণা ।

রাম । প্রিয়তমগণ ! জান না তোমরা ভরত আমা হ'তে কোন
 অংশে কম নয়, ভরত আমি এক-আত্মা । ভরত ঠিক আমার মতই
 তোমাদের সকলকে যা বলতে জানে, রামের অভাব তুলিয়ে দিতে ভরত
 সম্পূর্ণভাবে সমর্থ ; তোমরা ভরতকে দেখ নাই । [সীতার প্রতি]
 দেবি—

সীতা । [ভরতের প্রতি] দেবর—বৎস !

ভরত । [চক্ষু মেলিয়া] দেবি—মা ! আমি কোথায় ?

সীতা । এখানকার নাম চিত্রকূট !

ভরত । [সবিস্ময়ে] চিত্রকূট ! চিত্রকূটে তুমি ? অযোধ্যা-রাজলক্ষ্মী
 —ভরতের মা !

সীতা । তোমার দাদা—

ভরত । [স্মৃতি ফিরিয়া পাইলেন] ও ! দাদা—কই—[উঠিয়া
 বসিলেন]

রাম । এই যে ভাই, আমি রয়েছি ।

ভরত । বাড়ী চল ।

রাম । দেহটার ক্লান্তি গেছে তোমার ?

ভরত । হাঁ—বাড়ী চল ।

রাম । চিত্তটা বেশ স্থির হয়েছে ত ?

কৈকেয়ী

ভরত । চিত্ত কি দেহ কাকে বলে—আমার গর্ভধারিণী মায়ের অনুগ্রহে এ ক’দিন তা দেখতে পাই নি, দাদা !

রাম । ভরত, ছি ভাই ! মাতা কৈকেয়ীর নামে কলঙ্ক দিও না ।

ভরত । না—তিনি দেবী—তিনি ধন্যা—তিনি বেশ ; বাড়ী চল ।

রাম । ভরত, আমি যে পিতৃ-সত্য পালনে বনে এসেছি, ভাই !

ভরত । অযোধ্যা কাকে দিয়ে এসেছ, দাদা ? পিতা নাই ।

রাম । শুনেছি ভাই ; তাঁর পারত্রিক কৰ্ম্মও তুমি করেছ । ভরত, তুমিই পিতার পুত্র—পিতার অযোধ্যা তুমিই দেখো, ভাই !

ভরত । আমার কৰ্ম্ম নয় । আমার ক্ষমতা বা করেছি—ঐ তোমার অযোধ্যাকে তুলে এনে সামনে ধ’রে দিয়েছি ; রাখতে হয় রাখ, ভাসিয়ে দিতে হয় দাও ; আমার কাজ শেষ—আমি চল্লুম ।

রাম । [ভরতকে ধরিয়৷] কোথা যাবে, ভাই ?

ভরত । কোথা আর যাব ! রামের পরিত্যক্ত হ’য়ে যাবার জায়গা ত এখানে কোথাও নাই, অন্যদিকে আছে কিনা দেখি—এই পাহাড় হ’তে ঝাঁপ দিয়ে—

সীতা । দেবর—

ভরত । এইবার আমি তোমার অবাধ্য হব, মা ! কখন হই নি, এইবার হব তোমার ওপর আমার অভিমান ধোঁয়াচ্ছিল, আমার মা রামচন্দ্রকে বনবাস দিয়েছেন, তোমার কি করেছেন—তুমি এখানে ? সহধর্ম্মিণী দেখিয়েছ—না ? আর আমরা যে সন্তান—আজ এক পক্ষ অনাহার—উদ্ভ্রান্ত ছুটছি—মরণ-বন্ত্রণায় মা মা বলে কেন্দে বুক ফাটাচ্ছি, সেটা দেখে কে ? জনকনন্দিনি ! স্বামী-সেবাই ধর্ম্ম, আর সন্তান-পালন পাপ ? বাহবা আমাদের উন্মীলা মা । বাক্—সেও আমি মেখে নিরেছি ; কিন্তু আর পারব না, এ বৃকে আর অবহেলা

সহবে না। প্রতিবাদ ক'রো না, মা! আমি অবাধ্য হব—
নরকে যাব।

লক্ষ্মণ । দাদা—

ভরত । চুপ! লক্ষ্মণ, তুই কথা কহিতে আস্ছিলি কি—স্বার্থপর! তুই ত আজীবনটা রামচন্দ্রের ছায়ায় ছায়ায় আছিলি, তোর বোঝাতে আসা সাজে? রাম-বিরহটা যে কি—তুই তার কিছু বুঝিস?

রাম । লক্ষ্মণ—ভাই, তোমার অনুমানই স্বার্থ; সত্যই ভরত আমার আক্রমণ করতে এসেছিল। ওঃ! কী প্রবল আক্রমণ! অস্ত্র আক্রমণের উদ্ধার ছিল; এ জ্যেষ্ঠের প্রতি কনিষ্ঠের অভিমানের আক্রমণ! [উদ্দেশে] পিতা—স্বর্গের দেবতা! আমি আপনার সত্য রক্ষায় বনে এসেছি, আপনি আমার রক্ষা করুন—একটু শিথিল ক'রে দিন্ ভরতকে—একটীবার টেনে নিন্ তার রাম-গত হৃদয়টীকে অযোধ্যার দিকে মা বাগ্‌দেবী বাণি! দে মা আমার নির্ঝাক বদনে একটী যুক্তি-পূর্ণ ভাষা ভরতকে বোঝাবার—ভরতকে ফেরাবার—ভরতের এ ভ্রাতৃশ্বের আক্রমণে আত্মরক্ষার।

শক্রয় । আর্ধ্য, অযোধ্যা চলুন; আমি শুদ্ধ এই আশাতেই দাদাকে এখনও বাঁচিয়ে রেখেছি, নিজেও বেঁচে আছি; নইলে যে যুহুর্ন্তে কানে উঠেছিল—রামের নির্ঝাসন—ওঃ প্রভু! জীবন রাখুন—অযোধ্যা চলুন।

সুমন্ত্র । [করযোড়ে] চলুন প্রভু, অযোধ্যা; আর পিতৃ-সত্য পালনে কাজ নাই—খুব হয়েছে। পিতার সত্যরক্ষায় পিতাই গেল—আর ও পাপ-সত্যে ভাইদের, সেবকদের জীবন নেবেন না; ওটা এই পর্য্যন্ত—এইখানেই থাক; অযোধ্যা চলুন।

দর্শন ।—

গীত ।

চল প্রভু চল কিরে চল, দেহ দেহ-মাঝে প্রাণ ।

চল আধারে ধ্রুবতারা—

চল অনলে বারিধারা,

চল ভাষা মে নীরবতার—রাম জয় ধরি গান ।

পাধারে প্রভু পড়েছি মোরা, বেঁধেছি তবু আশা-ভেলা,

সয়েছি মাঝে অশনিপাত, সবে না তব অবহেলা ;

মোহনমালা দিয়ে না ছিঁড়ে—

রেখো না চির রোদন-নীরে,

ভেঙো না সুখ-স্বপনখানি

যতনে গড়া জলযান ।

রাম । ভরত—ভাই, দেখছি তোমা' ভিন্ন আমার গতি নাই, এ পঙ্কজের সহস্র বাণ বৃষ্টি হ'তে আমার রক্ষা করতে—তুমি । তোমার কথাই থাকুল—ভাই, তোমার অযোধ্যা আমি নিলুম ; তবে আমার একটা কথা— আমি জানি, আমার একটা ইজিতে অগ্নানে তুমি জলন্ত অঙ্গারের মাঝে গিয়ে দাঁড়াতে পার ; তবু জানতে চাই—ভাই, আমার আদেশ-পালনে তোমার কোন কথা আছে ?

ভরত । [চমকিয়া উঠিলেন, তাঁহার মুখ রক্তবর্ণ হুইল, তাঁহার আর বাঙ্‌নিম্পত্তি হইল না, তিনি কাঁপিতে লাগিলেন ।]

রাম । ওকি ভাই ! তোমার মুখ লাল হ'য়ে উঠল যে ! কাঁপছ কেন ? বল, আমার আদেশ-পালনে তোমার কোন কথা আছে ?

ভরত । [বৃশ্চিক দৃষ্টবৎ] ওগো, কে তুমি ভাষার দেবতা ! শ্রায় হোক—অশ্রায় হোক, দাদার আদেশ-পালনে কখনও কোন কথা কই নি—কইতে পারব না ; অথচ রাজ্যের বোঝা ঘাড়ে না পড়ে—এমন কোন

কথা আছে কি তোমার ভাষার ভাঙারে ? আমি বড় বিপন্ন—আমার সকল কাগ্না বিফলে যায়—

রাম । ভরত, একি ! আমার আদেশ-পালনে এত বিচার করতে ত তোমায় কখনও দেখি নি, ভাই !

ভরত । [রুদ্ধশ্বাসে] দাদা—

রাম । আদেশ পালন কর, ভাই ! শত্রুকে সঙ্গে নাও—অযোধ্যায় যাও—আমার প্রতিনিধি স্বরূপ রাজ্য পালন কর ।

ভরত । শত্রু, তুই যে আমায় বুঝিয়ে নিয়ে এলি—রামচন্দ্রকে ফিরিয়ে নিয়ে এসে আবার অযোধ্যাকে অযোধ্যা করব ; ব'সে ব'সে মাটি খুঁটছিচ্ছিস্ যে মাথায় হাত দিয়ে ? কথা নাই কেন ? শুধু আমি নই—তুইও যাচ্ছিস্—

শত্রু । [দীর্ঘশ্বাস ফেলিয়া] যেতেই হবে—দাদা, নরকে হ'লেও ; “আদেশ পালন” আর কথা নাই ।

ভরত । বা-বা-বা, তুইও সুর বদলালি ! পার্শ্বি এ আদেশ পালন করতে ? মরা নয়—বেঁচে ম'রে থাকতে হবে ।

শত্রু । সেই মরাই রামানুজদের কৃতিত্ব, দাদা ! অন্তর ভেঙে যাক্, বুক বাঁধ ; হোক জীবন যুগে জারা, কাজ কর । রামের আদেশ—বরণ ক'রে নাও মাথা পেতে রামের বিরহ !

রাম । ভরত, ভার নাও—

ভরত । [দৃঢ় অথচ বাষ্পরুদ্ধকণ্ঠে] দাও—

রাম । [ভরতের হস্ত ধরিয়া] অযোধ্যাবাসিগণ—প্রার্থনিক প্রজাগণ, তোমরা আমার ভরতকে দেখো ; আমি তোমাদের সকল ভার ভরতকে অর্পণ করলাম ।

ভরত । চৌদ্দ বৎসরের জন্ত । আমি প্রতি মুহূর্ত্ত গণনা ক'রে

যাব ; একটা পল যদি এদিক্-ওদিক্ হয়—আর তোমার ভারতকে পাবে না ।

রাম । চিন্তা ক'রো না, ভাই ! আমি সত্য পালন ক'রেই অযোধ্যায় যাব । যাও ভাই, আর বিলম্ব ক'রো না, শত্রু সকলেরই আছে—অরাজকতা আস্তে পারে ; সিংহাসন শূন্য ।

ভরত । [ক্ষিপ্তপ্রায়] সিংহাসন শূন্য ! সিংহাসন পূর্ণ করতে হবে নাকি আমায় ? শত্রু, আর বৃষ্টি তোর রামামুজ হওয়া হ'ল না ।

রাম । আচ্ছা ভাই, সিংহাসনে না ব'স, পিতার মুকুট রেখে সিংহাসনে ?

ভরত । পিতার প্রতিনিধি ত আমি নই ? পিতা স্বর্গগত—এখন রাম-রাজত্ব ; আমি রাম-প্রতিনিধি—রামের নিদর্শন চাই ।

রাম । [ইতস্ততঃ করিতে করিতে] আমার কাছে ত এখন দেবার মত কিছু নাই, ভাই !

সুমন্ত্র । [করবোড়ে] আছে ।

রাম । কি ?

সুমন্ত্র । প্রভুর পাছকা ।

ভরত । [আনন্দগর্বে] সুমন্ত্র, তুমি সারথি ? তুমি শাপ-ব্রষ্ট । [রামের পাছকা ধরিয়া] এস—এস রাম-পাছকা—এস অযোধ্যায় মুকুট-মণি, এস তুমি রাম-প্রতিনিধির মাথায় । [পাছকা মস্তকে লইলেন, শত্রুগ্ন ছত্র ধরিলেন]

রাম । ভরত—ভাই, আলিঙ্গন দাও । [ভরতকে আলিঙ্গন] শত্রুগ্ন, বুকে এস, ভাই ! [শত্রুগ্নকে আলিঙ্গন, ভরত ও শত্রুগ্ন ভূমিষ্ঠ প্রণাম করিলেন] আমি তোমাদের আশীর্বাদ করতে পারলুম না,

ভাই ! আমার নিজেরই কামনা আস্ছে—আমি যেন জন্মান্তরেও দেবী কৈকেয়ীকে বিমাতা পাই, এই রকম বনবাসী হই, তোমাদের মত ভাইএর প্রণাম নিই ।

[ভরত ও শক্রয় সীতাকে প্রণাম করিলেন]

ভরত । দেবি—মা ! বিদায় ।

সীতা । আমি তোমাদের আশীর্বাদ করছি—দেবর, তোমরা জগতে আদর্শ ভাই হও, তোমাদের এ মর্তের ব্রাতৃস্ব স্বর্গের দেবতাদেরও সাধনার হোক ।

সুমন্ত্র । [সীতাদেবীকে বার বার প্রণাম করিয়া] আমাকেও একটা আশীর্বাদ করতে হবে মা, এই সঙ্গে, আমি যখন মরিনি—যেন আর চৌদ্দটা বছর বেঁচে থাকি ; তোমাদের যে রথে ক'রে এখানে দিবে গেছি, সেই রথে ক'রে আবার ফিরিয়ে নিয়ে গিয়ে অযোধ্যায় পৌঁছে দিয়ে—তবে মরি ।

সীতা । দীর্ঘায়ু হও, সুমন্ত্র ! চিরজীবী হও কীর্ত্তমান্ হ'য়ে ।

রাম । ভরত, ভাই—

ভরত । লক্ষণ, দাদা রইল—

লক্ষণ । [ভরতের পদে ধরিয়।] আমায় মার্জনা ক'রে যাও—দাদা, আমি তোমায় সন্দেহ করেছিলুম ।

ভরত । ঠিক করেছিলি ; তুই-ই ঠিক দাদার ভাই । আমি তোকে আশীর্বাদ ক'রে যাচ্ছি—লক্ষণ, দাদার কুটীর-পার্শ্বে ধনুর্ক্ষাণ হাতে দাঁড়িয়ে এই রকম সন্দেহ তুই দেবর্ষি নারদকে পর্য্যস্ত ক'রে যা ।

লক্ষণ । শক্রয়, ও দাদার ভার তোর ; আমি রামের দাস—তুই ভরতের ; আমরা সমজ ভাই ।

শক্রয় । [নীরবে লক্ষণকে প্রণাম করিলেন]

অযোধ্যাবাসিগণ ।—

গীত ।

- পুরুষগণ ।— বিদায় রাজীব চরণে ।
 স্ত্রীগণ ।— বিদায় কমল-আখি—নয়নের পথে,
 থাকি যেন প্রভু স্মরণে ।
 পুরুষগণ ।— চলিলাম মোরা
 র'ব পথ চেয়ে নিরবধি.
 স্ত্রীগণ ।— রহিলাম বেঁচে
 অন্তঃশীলা ফল্লনদী,
 পুরুষগণ ।— পাই যেন আবার দেবতার বর—
 স্ত্রীগণ ।— হাসে যেন মোদের ভাড়া কুঁড়েঘর,
 পুরুষগণ ।— ভাসে যেন আবার শুকানো সাগর;
 স্ত্রীগণ ।— দেখি রাম রাজাভরণে ।

[হতাশ-করণ-দৃষ্টিতে, নীরব পদ্য ধ্বরে, ধীরে ধীরে শকলের প্রস্থান

তৃতীয় অঙ্ক

প্রথম গর্ভাঙ্ক

নন্দীগ্রাম—শূন্য অযোধ্যা-রাজসিংহাসন

পাছুকা মস্তকে ভরত আসিতেছিলেন, শক্রয় ছত্র
ধরিয়াছিলেন, দর্পণ ও প্রজাঘর আবাহন-
গীতি গাহিতেছিল ।

গীত

দর্পণ ।— এস প্রভু এস পরমারাধ্য, এস অযোধ্যা-মণি ।

প্রজাঘর ।— এস প্রজা-রঞ্জন পবিত্রাজ্জল সর্ব রত্ন-খনি ।

দর্পণ ।— এস দক্ষিণ-বায়ু-চুম্বিত চাকু রাত্তি,

প্রজাঘর ।— এস শান্ত শীতল সুধা-ধবলিত চন্দ্র কিরণ ভাতি ;

দর্পণ ।— এস জাহ্নবী-জল-ধারা,

প্রজাঘর ।— এস এস ধরণীর সিন্দূর-রেখা কঙ্কল আঁধি-তারা ;—

দর্পণ ।— এস শিশুর হাসা—পুষ্প গন্ধ—এস সুবর্ণী ধ্বনি,

প্রজাঘর ।— ওহে উপমাতীত ! এস হে—কর যুক্ত এ অবনী ।

[সিংহাসনে পাছুকা স্থাপন করিয়া ভরত প্রণাম করিলেন, শক্রয় ছত্র
রাগিয়া প্রণাম করিলেন, প্রজাগণ প্রণাম করিল ।]

কবচ উপস্থিত হইল ।

কবচ । মহারাজ —

ভরত । কবচ, আমি মহারাজ নই—[সিংহাসনস্থ পাছুকা
দেখাইলেন] আমি প্রতিনিধি ।

কবচ । [সিংহাসনস্থ পাছকাকে প্রণাম করিয়া] অভিযোগ—

ভরত । কিসের অভিযোগ, কবচ ? তোমার রাজ্যের কুশল ত ?

কবচ । জানি না ।

ভরত । [সবিস্ময়ে] জান না !

কবচ । আমি রাজ্যচ্যুত, বিতাড়িত ।

ভরত । সে কি ! কে তোমায় রাজ্যচ্যুত করলে ?

কবচ । আমার পূজনীয়া বিমাতা—শ্রীশ্রীমতী নন্দেয়ী দেবী— রাজ-প্রতিনিধির মাতৃস্বসা ।

ভরত । [স্তব্ধ হইলেন]

শত্রুঘ্ন । তুমি অপরাধ করেছ সম্ভব ?

কবচ । করেছি ; পূর্বের অপরাধ—তিনি আমার পিতাকে বন-বাসী করেছেন, আমার স্বভাবগত একটা অভিমান ছিল তাঁর ওপর ; বর্তমানে আমার রোহিলার দ্বার রুদ্ধ হওয়ার অপরাধ—আমি রামচন্দ্রের রাজ্যাভিষেক-উৎসবে রাজ-পূজা নিয়ে এসেছিলাম ।

ভরত । [স্বগত] বাঃ—মাতৃস্বসা ! আমার মায়ের ভগ্নী বট তুমি ! মা-ও সপত্নী-পুত্রকে বনবাসে দিয়েছেন—স্বামীর মাথা খেয়েছেন, তুমিও সপত্নী-পুত্রকে রাজ্যচ্যুত করেছ—স্বামীকে জীবন্তে মেরে রেখেছ ; এক ছাঁচের চালাই ।

কবচ । বিচার করুন, রাজ-প্রতিনিধি ! আমি রাজ্যচ্যুত আপনা-দেয়ই দিয়ে রাখা রাজ্য হ'তে—রাজ-পূজা অপরাধে ।

কেকয় উপস্থিত হইলেন ।

শত্রুঘ্ন । আসুন—আসুন—দাদামহাশয়, আসুন । [আসনে বসাইয়া] সব কুশল ত ?

কেকয় । হাঁ ভাই, তোমাদের কুশলেই আমার কুশল । এই এলুম, বলি—সব রাজ্যভার পেয়েছ, দেখি—শাসনটা কি রকম করছ ; আমরা রাজ্য ক’রে ক’রে বৃদ্ধ হ’য়ে গেছি—এ সময়ে আমাদের একটু সাহায্য, পরামর্শ, তোমাদের পাওয়া উচিত । বিচার আরম্ভ কর—ভরত, কবচের অভিযোগের ; অভিযুক্ত তোমার মাতৃস্বসা—কৈকেয়ীর ভগ্নী—আমার কন্যা ।

ভরত । [স্বগত, ক্লতাজলিপুটে পাছকার প্রতি] আজ এই প্রথম রাজসভাতেই অপরাধীর বিচার—না ভারতের পরীক্ষা ? তুমি যেন আমার প্রাণের মধো থেকে—রেখো আমার তোমার যন্ত্র-পুতলিকা । কবচ, তোমায় যে রাজ্যচ্যুত করেছে তোমার বিমাতা—তার প্রমাণ ?

কেকয় । এঁ, দাও ত তাঁদ প্রমাণ ? অভিযোগ এমনি করলেই ত হ’ল না ! আমি বলছি—সে তোমায় রাজ্য হ’তে তাড়ায় নি, তুমি অকর্মণ্য, ভীক, কেবল বিলাসিতা নিয়ে ব্যস্ত, প্রজাদের সর্বনাশ কর ; তোমাকে বাধ্য হ’য়ে রাজ্য ছেড়ে পালাতে হয়েছে । তোমার কিছু প্রমাণ আছে ? কেউ সাক্ষ্য দেবে তোমার—তুমি নির্দোষ, যত দোষী নন্দেয়ী দেবী ?

কুণ্ডল উপস্থিত হইল ।

কুণ্ডল । দেবে ।

কেকয় । [চমকিত হইয়া] কে ?

কুণ্ডল । সেই নন্দেয়ী দেবীর গর্ভজ পুত্র—কুণ্ডল নিজে ।

কেকয় । [ততোধিক বিস্ময়ে] আরে—

কুণ্ডল । [কবচের প্রতি] দাদা, আমি তোমার দিকে ।

কবচ । [ব্যাকুল আনন্দে] কুণ্ডল, ভাই—

কুণ্ডল । আমি এতদিন একটা মহা উভয়-সঙ্কটে পড়েছিলুম—দাদা, আমার একটা হাত ধ'রে তুমি—আর একটা হাত ধ'রে মা, এই দু'দিকের দু'টানাটানিতে । আমি এই বালক-জীবনের যতটুকু চিন্তা সম্ভব, সব দিয়েও অন্ধকার ; ঠিক ক'রে উঠতে পারি নি, আমার কোন্ দিক । শেষ আশ্রয়ভাষী হওয়ার সঙ্কল্প করেছিলুম, দাদা ; কিন্তু স্নিগ্ধ, শান্তি-ময় একটা স্বর্গীয় আলোক আজ অকস্মাৎ আমার চোখে প'ড়ে গেল—মাতার বিরুদ্ধে ভ্রাতার পাছকা এনে সিংহাসনে রেখে প্রতিনিধি স্বরূপ রাজ্য রক্ষা ; আর যায় কোথা ! আমাদের রাজা, আমাদের আদর্শ, কর্তব্য, নীতি, সমাজ-শিক্ষকের যখন এই দিক, তখন আর আমার দিক-নির্ণয়ের বাকী কি ? আমি তোমারই দিকে । [ভারতের প্রতি] রাজপুরুষ ! সাক্ষ্য নিন্ ; অপরাধিনী নন্দেয়ী দেবী ।

কেকয় । আরে, তুমি কালকের ছেলে—

ভরত । আপনি স্থির হ'ন্ ; এটা রামচন্দ্রের রাজসভা ।

নন্দেয়ী উপস্থিত হইলেন ।

নন্দেয়ী । চূপ কর, বাবা ! [কবচের হাত ধরিয়া] পুত্র, রাজ্যে চল ।

ভরত । [দৃঢ়স্বরে] তুমি অভিযুক্তা ।

নন্দেয়ী । তুমিও চূপ কর, ভরত ! আমাদের ঘরের ঝগড়া আমরা ঘরে ঘরে মিটিয়ে নিচ্ছি । পুত্র, আমি বত অপরাধই ক'রে থাকি, আমি তোমার মাতৃস্থানীয়া—সম্মানের ; আমি প্রকাশ্য রাজসভায় দশের, সমক্ষে দাঁড়িয়ে তোমার হাতে ধরছি, আমাদের মায়ে-পোয়ে বিবাদ—এ নিয়ে আর অপরের কাছে প'ড়ে কাজ নাই ; তুমি যা ইচ্ছা করবে চল ।

ভরত ! তা হবে না, দেবি ! তোমাদের অন্তর্বিদ্বেহের শাস্তি

১ম গর্ভাঙ্ক ।]

কৈকেয়ী

হ'লেও আমি তোমায় ছাড়ব না ; তুমি রাজদ্রোহী, আমি বিচার
করব—তুমি রাম-অভিষেকের রাজ-পূজার প্রতিবাদ করেছ ।

নন্দেয়ী । তুমি তার কিছু প্রমাণ পেয়েছ ?

ভরত । এই কবচকে তুমি রাজ্যচ্যুত করলে কেন ?

নন্দেয়ী । কবচ আমার সপত্নী পুত্র ।

ভরত । [অকুণ্ঠিত করিলেন]

নন্দেয়ী । [ক্রুর কটাক্ষে] বুঝতে পেরেছ, ভরত ? না পেরে থাক
—তোমার মাকে জিজ্ঞাসা ক'রে এস ।

ভরত । [চমকিয়া উঠিলেন, তাঁহার মুখমণ্ডল পাণ্ডুবর্ণ হইল]

নন্দেয়ী । বিচার কর—ভরত, আমার অপরাধটা কি ? হ'রে থাকে
অপরাধ—তুমি তার বিচার করবে কি ? বিচার কর, তোমার মায়ের
বিচারটা আগে কর তা হ'লে ।

ভরত । [মৃত্যুবৎ—মাথা হেঁট করিলেন]

কৈকেয়ী উপস্থিত হইলেন ।

কৈকেয়ী । তাই কর—রাজ-প্রতিনিধি, তোমার মায়ের বিচারই
আগে কর ; মাথা হেঁট করছ কি ! তোমার মা অকর্তব্য করে নি ।
নন্দেয়ী, আমার দৃষ্টান্তে সপত্নী-পুত্রকে রাজ্যচ্যুত করেছ—এই আড়ালে
গা-ঢাকা দিয়ে তুমি এড়িয়ে যাবে এখন হ'তে ? কে বলে আমি
সপত্নী-পুত্রকে বনবাস দিয়েছি ? বিদ্যালয়ে দিয়েছি ।

নন্দেয়ী । বিদ্যালয়ে দিয়েছ !

কৈকেয়ী । শুধু তাই নয়, দোষ করেছিল—দণ্ড দিয়েছি
অপরাধের ।

নন্দেয়ী । অপরাধের দণ্ড !

কৈকেয়ী

[৩য় অঙ্ক ;

কৈকেয়ী । হাঁ ; বিজ্ঞানয়ে দিয়েছি রাজনীতি শেখাতে, রাম রাজনীতি শেখে নি ; আর দণ্ড দিয়েছি—রাজনীতি শেখে নি—সেই অযোগ্য অবস্থায় সে রাজা হ'তে আস্ছিল ; অজ্ঞানে অগম্যা-আলিঙ্গন-উজোগ-অপরাধের দণ্ড ।

নন্দেয়ী । বুঝ্‌লুম না ।

কৈকেয়ী । মিলিয়ে নে না : রাম যখন রাজনীতি শেখে নি—রাজ্যলক্ষী তার পক্ষে অগম্যা নয় কি ? সে তাকে আলিঙ্গনের উজোগ কর্ছিল—ধরতে আস্ছিল অজ্ঞানে বৃদ্ধ পিতার আগ্রহাতিশয়ে ? দেখ্, কর্ছে কি না তাতে অজ্ঞানে অগম্যা-আলিঙ্গন-উজোগের পাপস্পর্শ । তার প্রায়শ্চিত্ত কি, জানিস্ ? নৃগোর্ধ্ব কাল বনবাস । নন্দেয়ি, আমি পুত্রকে রাজা কর্বার জন্য সপত্নী-পুত্রকে বনে দিই নি. তা'হলে চতুর্দশ বর্ষ দিতে গেলুম কেন ? চতুর্দশ বৎসরের জন্য পুত্রকে রাজ-সিংহাসনে বসিয়ে কি লাভ ? কি চরিতার্থতা ? আমার যদি সেই ইচ্ছাই থাকত, আমি যে মহারাজ দশরথের কাছে রামের চির-বনবাস, আর ভারতের চির-রাজ্যপদ চেয়ে নিতে পার্‌তাম—যখন আমার প্রাপ্য বর, কথাটা কইবার উপায় ছিল না ? এটা কেউ ভাব লি না ? আমি এই এক বনবাসে রামের অপরাধেরও দণ্ড দিয়েছি, অথচ তার নীতি-শিক্ষারও প্রসার ক'রে দিয়েছি ; আমি বিমাতা নই—সৎ-মা । তোর তর্ক থাকে—বল্ ।

নন্দেয়ী । রাম রাজনীতি শেখে নি—অথচ জ্ঞানী, বৃদ্ধ রাজা দশরথ শুধু স্নেহে অন্ধ হ'য়ে তাকে রাজা কর্তে বাঞ্ছিল ?

কৈকেয়ী । সে নীতি রাম শিখেছিল বৈকি । যতটুকু নীতি নিয়ে সাধারণে রাজা হয়—পুঁথির মধ্যে যতটা নীতি দেওয়া আছে, তা রামের যথেষ্টই আয়ত্ত হয়েছিল ; তবে আমি তাকে কি আশীর্বাদ

করেছি, জানিস্? “রাম, তুমি রাজা হও ; ম’রে গেল ফুরিয়ে গেল—
সে রাজা নয়, যুগ যাবে—কল্প যাবে—কালের গদায় রাজা, প্রজা, রাজ্য,
রাজনীতি—সব শব্দ চূর্ণকার, চূর্ণ হ’য়ে যাবে—শূন্যের নিস্তকতায়, স্মৃতির
ধূম ধ্বজায় শাস্তির স্বহস্তে লেখা বিজ্ঞাপন উড়বে—‘রামরাজ্য’ ; সেই
রাজা ।” সে রাজা এ পুঁথির পড়া নীতিতে হয় না, নন্দেয়ি ; প্রকৃতির
শিক্ষকতা চাই । পুঁথি শুদ্ধ ব’লে দিয়ে খালাস, অনাহারীকে অন্ন দাও—
গৃহহীনকে আশ্রয় দাও—ছুষ্টের দণ্ড কর—শিষ্টের সম্মান রাখ, তার
ক্ষমতা ঐ পর্য্যন্ত ; নিরন্নের যে কি অন্তর্দাহ—নিরাশ্রয়ের যে কতদূর
অশান্তি—অত্যাচারীর আঘাতটা যে কি ভয়ঙ্কর অসহ—শিষ্টের সৌহৃদ্যে
কি পর্য্যন্ত জগৎ উপকৃত, সে বিষয়ে পুঁথি নীরব । যদি কেউ কিছু
ব’লে থাকে, সে মাত্র ভাষার গাঁথনি—ভাসা ভাসা—তার ভিত্তি নাই ;
সেটা—নিজে হ’য়ে, স’য়ে, ভুগে, সঙ্গ ক’রে—তবে শিখতে হয় । নন্দেয়ি,
আমি একটা রাজা গড়তে বসেছি দেশের জন্তু আপনাকে বিলিয়ে দিয়ে ।
রাজার ছেলে রাজা—রাজভোগ হ’তে রাজভোগে, সে রাজা অনেক
হ’ল—গেল ; এ রাজা হবে, নিজে নিরন্ন হওয়া—নিরাশ্রয়ের অশান্তি
পাওয়া—অত্যাচারীর আঘাত সওয়া আর সাধুর উপকার বোঝা । এ
রাজা থাকবে আপ্রাণ অমর ; এ রাজাকে স্মরণ হবে দেশের ওপর
ভবিষ্যতের প্রত্যেক থাকায় ।

নন্দেয়ী । আচ্ছা দিদি, রাজা গড়তে বসেছ দেশের জন্তু সপত্নী-
পুত্রকে বনবাস দিয়ে ; কিন্তু চৌদ্দ বৎসরের জন্যই হোক আর চৌদ্দ
দিনের জন্যই হোক, লক্ষণ-শত্রু ত ছিল—নিজের ছেলে ভারতীর জন্য
রাজ্যভার চাইলে কেন ?

কৈকেয়ী । ভারতের জন্য রাজ্যভার নিয়ে রেখেছি কেন, জানিস্ ?
ভারত রাজ্য ভোগ করবে ব’লে নয়—রাজ্য নেবে না ব’লে । নন্দেয়ি,

রাজ্য জিনিষটা কি, রাজার মেয়ে—রাজার রাণী, বুঝিস্ ত ? চৌদ্দ বৎসর ত অনেক দূর, চৌদ্দটা পল হাতে পড়লে ঋষির রক্ত অন্য করম হ'য়ে যায়, কিন্তু ভারতকে দেখ্, দেখ্ ওর আসন—ওর পাছকা-পূজা, অযোধ্যা না তুকে এই নন্দীগ্রামে রাজধানী স্থাপনা ; আমি লক্ষ্মণ-শক্রয়কে সামান্য বলছি না, তবে ভোগের মাঝে ব'সে থেকে এ ত্যাগ—রাজত্ব হাতে নিয়েও প্রতিমূর্ত্ত রামের আশা-পথ চেয়ে থাকা, এ রাজর্ষিত্ব আর কোথাও ছিল না এক ভারত ভিন্ন। ভারতকে আমি চিন্তুম, ভারত আমার পুত্র—আমারই রক্তে তৈরী সে ; তা নইলে—নন্দেয়ি, আমি ভারতকে জান্‌লুম না—শুনলুম না, মহুরা—একটা দাসীর কথায় নেচে উঠে তার জন্য রাজ্য নিয়ে রাখলুম, সে এসে আমার তিরস্কার, অপমান করতে লাগল—আমার ঠেলে ফেলে দিয়ে ভাই-এর কাছে ছুটে গেল ; আমি কি একটা ষে-সে ! আমি সত্য-প্রাণ মহারাজ দশরথের আদরের মহারাণী—

শক্রয় । [ভারতের প্রতি] দাদা, সেই মা ।

ভরত । [ব্যাকুলভাবে] মা ! মা আমার—

কৈকেয়ী । স্থির হও, পুত্র ! রাজসভা—বিচার কর—কোনুখানটায় আমি অকর্তব্য করেছি ।

বশিষ্ঠ উপস্থিত হইলেন ।

বশিষ্ঠ । তুমি ঠিক করেছ, মা ! এতদিন আমি বড় বিব্রত হ'য়ে পড়েছিলাম তোমায় নিয়ে, গলদঘর্ষ হ'য়ে উঠেছিলাম জগৎকে তোমায় পরিচয় দিতে ; আজ আমি সুস্থির । আজ আমি বুঝিয়ে দিতে পারব মা, তুমি সামান্য কৈকেয়ী নও, তুমি মহাশক্তির মহতী করুণা—মূর্ত্তিমতী ; তুমি একটা কথায় যা করেছ জগতের—তার

জন্য জগৎকে হয় ত যুগ-যুগান্তর ধ'রে মাথা ঠুকতে হ'ত — তাও হ'ত
কি না !

কৈকেয়ী ! প্রভো—সর্বজ্ঞ ! রামচন্দ্র এখন কোথায়, দেব ?

বশিষ্ঠ : পঞ্চবটীতে, দেবি !

কৈকেয়ী । পঞ্চবটীতে ! সে স্থানে যে শুনেছি রাক্ষস বিচরণ
করে, প্রভু !

বশিষ্ঠ । সেইজন্যই ত বলছি মা, তুমি ঠিক করেছ ; তুমি মহা-
শক্তির প্রেরণা । বর্তমানে রামচন্দ্রের রাক্ষসের দেশ দিয়ে যাওয়াই
একান্ত প্রয়োজন হয়েছিল, মা ! মায়াবী রক্ষকুল বলদর্পে জগতের শিখরে
উঠেছে, সত্য-অবতার শ্রীরামচন্দ্রই একমাত্র সে গর্ভের খর্ষকরী ; তুমি
তার সুন্দর পথ ক'রে দিয়েছ । তুমি না থাকলে হ'ত না ; তার
মহাবাধা ছিল মহারাজ দশরথ—যিনি একদিন মহাঋষি বিশ্বামিত্রকেও
প্রতারণা ক'রে রাম-লক্ষণ ব'লে রাক্ষস-নিধনে ভরত-শক্রব্রকে পাঠিয়ে-
ছিলেন । সে বাধা আর কিছুতেই খণ্ডন হ'ত না ; তুমি ভীম প্রতিঘাত
নিজের মধো নিয়ে মুষ্ট্যাঘাতে সে বাধা চূরনার, জগতের পরপারে পাঠিয়ে
দিয়ে শাস্তির রুদ্ধ প্রবাহ অনন্ত মুখে ছুটিয়ে দিয়েছ । তুমি অজ্ঞেয়া,
অবাঙ্মনোগোচরীভূতা ; তুমি অতীত বর্তমানের কাতর ডাকে ভীষণ-
ভাবে নেমে আসা—ভবিষ্যতের হাশ্ব । তোমায় আর আমি কি ব'লে
আশীর্বাদ করব, মা ! জগৎ ! তুমি আমার আশীর্বাদ নাও—তুমি
বোঝ আর না বোঝ—তুট্টই হও আর রুট্টই হও, আমার আশীর্বাদ—
এ রকম কৈকেয়ী তোমার যুগে যুগে জন্মাক ।

[প্রস্থান ।

দর্শন ।—

গীত ।

ওমা ! চিনেছি তোমারে এত দিনে ।
মোরা চলেছি কলুষিত সর্পিণ পথ বঁাকে
আঁখি বিনে ।

তুমি কণ্টকে বেড়া মৃত-সঞ্জীবনী লতা—
মহারণে ভরা তুমি মধুময়ী স্বাধীনতা,
তুমি স্বর্ণ-শুদ্ধ-করা অগ্নিশিখা—
তুমি দেবভূমি বেষ্টিয়া মহা পরিখা,
তুমি অচিন্ত্যময়ী মহামায়া ;

তব শত বন্ধন মাঝে,
মুক্তি তোমারই পদছায়া ;

তুমি জননী কুশলালয়া
পদাঘাতে রাখিলে মা জগতে কিনে ।

কৈকেয়ী । [নন্দেয়ীর প্রতি] কি ভগ্নি, নীরব কেন ? তোমার
আর কোন কথা আছে ?

নন্দেয়ী । [নীরবে তীব্র জ্রকুটী করিলেন]

কৈকেয়ী । তুমি অকর্তব্য করেছ, নন্দেয়ী ! তোমার লক্ষ্য কিছু
নাই, তুমি রাজ্যের জন্য সপত্নী-পুত্রকে রাজ্যচ্যুত করেছ । আর তুমিও
ভাল কর নি, কবচ ! তুমি জগৎটার একটা দিকই দেখে গেছ—দু-দিকে
চাও নি, বিমাতাটাই ধরে গেছ—রামের অনুসরণ কর নি ; এই জন্য
আবার অভিযোগ আনে । আর কুণ্ডল, তুমি মহত্ব দেখিয়েছ বটে
ভরতের দৃষ্টান্তে ভাইয়ের পক্ষ নিয়ে ; কিন্তু ভরত পাছকা পূজা করছে
কোন্ ভাইয়ের ? রামের মত ভাইয়ের, যা তাড়িয়ে দেয়, মুখে কথাটা

১ম গর্ভাঙ্ক ।]

কৈকেয়ী

নাই—সুড়্‌সুড়্‌ চ'লে যায়—সেই ভাইয়ের । এ ভাইয়ের জন্য তোমার
মাকে ভাসিয়ে দেওয়া ঠিক হয় নি । যেমনি রাজ্য-পিপাসু মা—তেমনি
অভিযোগ-আনা ভাই, তোমার দুই-ই সমান; এ] হ'তে তোমার
আত্মহত্যায় মহত্বে বেশী ছিল ।

কুণ্ডল । [নন্দেয়ীর প্রতি] মা ! আমার ক্ষমা কর ।

কবচ । [নন্দেয়ীর প্রতি] দেবি ! আমি অপরাধী, তুমি আমার
মাতৃস্থানীয়া নও—মা হ'তেও ; চল মা রোহিলার, আজ হ'তে আমি
তোমার রাম ।

নন্দেয়ী । [পুত্রদ্বয়কে দুই পার্শ্বে লইয়া] রাজপুরুষ ! আমার দণ্ড
দেবে কি ?

ভরত । আবার তোমার কি দণ্ড দেব, হতভাগিনি ? রাম-রাজত্ব,
এখানে শূল নাট—বন্ধন নাই—করাগার নাই ; দণ্ডের উদ্দেশ্য—
শিক্ষা, চৈতন্য, শাস্তি ; তোমার দণ্ড হ'য়ে গেছে ।

[নন্দেয়ী দীর্ঘশ্বাস ত্যাগ করিয়া পুত্রদ্বয়ের হস্ত ধরিয়া
ক্রকুটীভঙ্গে চলিয়া গেলেন ।]

কৈকেয়ী । আর বাবা—[সঙ্কুচিতা হইলেন, আর বলিতে পারিলেন না ।]

কেকয় । কেন ? আমারও ঠিক হয় নি নাকি ?

কৈকেয়ী । তা—না থাক্—

কেকয় । আর থাক্ কেন ? থাক্লেও—বুঝ্‌তে ত বাকী রইল
না ? আচ্ছা, আমারও থাক্—[গাত্রোখান করিলেন]

কৈকেয়ী । যাচ্ছ ? তোমার মহুরাটিকে নিয়ে যাও, বাবা !

কেকয় । তারও ঠিক হয় নি ?

কৈকেয়ী । তার এখানকার কাজ শেষ হ'য়ে গেছে, আর থাক্‌বার
দরকার নাই তার ।

কেকয় । বেশ ।

কৈকেয়ী । ভরত, মহুরার বৃত্তির ব্যবস্থা ক'রে দাও ।

কেকয় । তাকে খেতে দিতে আমি পারুব—[গমনোদ্ভূত]

কৈকেয়ী । তা হ'লে আর চেপে রাখি কেন ; আমার কথাটা শুনেই যাও, বাবা ! এখন আর আমরা সবটা তোমার কন্যা, দৌহিত্র নই—
এখন আমরা কতকটা রামের মা আর রামের ভাই ।

[প্রস্থান ।

কেকয় । আচ্ছা, দেখা যাবে—রামের মা, রামের ভাই—

[সক্রোধে প্রস্থান ।

ভরত । শক্রয়, সভা ভঙ্গ হোক ?

শক্রয় । [মস্তক অবনত করিয়া সম্মতি জানাইলেন]

ভরত, শক্রয় । জয় রাম ! [প্রণাম করিলেন]

প্রজাগণ । [প্রণাম করিয়া]

গীত ।

প্রভু দৈনন্দিন কার্য শেষ ।

বিশ্রাম কর প্রভু, খোল বর্মাক্ত ও রাজবেশ ।

স্নান কর প্রভু, ঐতি-তটিনীর ধীরশ্রোতে অবগাহি,

ধর প্রভু ধর প্রণতি-ভোগ কুণা-দরশনে চাহি ;

চল গো নিত্মা-মন্দিরে সুধ-শরনে—

সেবিকা তথার ভক্তি মোদের আছে উৎসুক নরনে,

বিদায় তবে—দাও অহুমতি—

বিদায় প্রভু—যথা আদেশ ।

[ভরত পাছকা মাথায় করিলেন, শক্রয় ছত্র ধরিলেন, প্রজাগণ

পশ্চাৎ পশ্চাৎ চলিয়া গেল ।

দ্বিতীয় গর্ভাঙ্ক

উদ্যান

নর্তকীগণ সহ কন্দুক উপস্থিত হইল ।

কন্দুক । একটু ক্ষুষ্টি কর দেখি তোরা ; মাথাটা আমার বন্বন
ক'রে ঘুরছে, দেখি ঠাণ্ডা হয় নাকি ।

নর্তকীগণ ।—

গীত ।

ওলো সেই সুখ চেয়ে সুখের স্বপ্ন ভালো ।

মধু হ'তে মধুর তেঁট্টা আরও রঙিন্ আরও ঘোরালো ।

মিলনের চেয়ে মিলনের বাধা মিটি—

ওলো বঁধু হ'তে বহু আদরের

বঁধুর আশা-পথ চাওয়া দৃষ্টি,

মাথায় থাক্ সে মাতাল কাণ্ডন,

আসল রসিক জড়ির আঁশন

গায় সে নিকট-বৃষ্টি ;

ওলো মিটে যাওয়া হ'তে প্রয়োজনে সুখ,

ফুটে বলা চেয়ে কেটে বাক্ বুক ;

নিবুক হাসির সাজানো বাতি—

থাক্ মিট্ মিটে স্মৃতির আলো ।

কন্দুক । বাঃ, বেশ হচ্ছে—বেশ হচ্ছে ; আর একখানা গা ।

১ম নর্তকী । সেই ঠাকুর আসছে যে !

কন্দুক । ঠাকুর আসছে ? ডেকেছি আমি তাকে । আচ্ছা, এখন

॥ তোরা । [নর্তকীগণ চলিয়া গেল ।]

কন্দুককে হস্ত তুলিয়া আশীর্ব্বাদ করিতে করিতে

সৈন্ধব উপস্থিত হইল ।

বলি—এ ঠাকুর, তুমি ত বাবার সঙ্গে থাক ; বাবার আমাদের কাণ্ডগুলো কি, বল দেখি ?

সৈন্ধব । কাণ্ড ?

কন্দুক । এই লোকের ঘর ভেঙে বেড়ান' ?

সৈন্ধব । তা—তা—

কন্দুক । তা-তা নয় ; এই অযোধ্যাটার যা ক'রে এসেছে, মানুষে কেউ পারে না ।

সৈন্ধব । তোমার বাবা কি তা হ'লে শেয়াল-কুকুরের দলে, বাবাজী ?

কন্দুক । দেখ ঠাকুর, বেশী চালাকি ক'রো না ; ঘর ভাঙা—বড় যা-তা নয়, তাও অযোধ্যার মত ঘর ।

সৈন্ধব । ও ঘর এক রকম মোচড়ানই ছিল, বাবাজী !

কন্দুক । বটে ! মোচড়ান' ছিল, তাকে জোড়া দেবার চেষ্টা না ক'রে ছ'খানা ক'রে দিতে হবে ! বুঝেছি—তুমিও ঐ রঙ্গের । তোমায় আমি ভাল ব'লে জান্তাম । তোমার অন্ন উঠল, ঠাকুর !

সৈন্ধব । দোহাই বাবাজী ! আমি ভালই আছি । কোন্ অব্রাহ্মণ মন্দ হয়েছে । আমি তিন-সঙ্কোই গারত্রী জপি, একবেলা দুটো নিরিশিষ্য খাই, আমার উপসর্গ ব্রাহ্মণীটা পর্যন্ত নাই । এই দেখ বাবা, আমার পৈতে কেমন ধব্ধবে—চৈতন কত লম্বা, আমি ভালই আছি ; তুমি যদি কিছু মন্দ দেখে থাক—আপত্তি নাই, আমার অন্য সাজা দাও—অন্নটীতে হাত দিয়ে না ।

মহুরা সহ কেকয় উপস্থিত হইলেন ।

আসুন—আসুন, মহারাজ ! আমি রাহগ্রস্ত ।

কেকয় । রাহগ্রস্ত !

সৈন্ধব । কুমার আমার ওপর ঝুঁকেছেন ।

কেকয় । কেন—কেন ?

সৈন্ধব । আজ্ঞে, আমি মন্দ হয়েছি ।

কন্দুক । [মহুরার প্রতি] এই, তুই মাগী যে আবার এখানে বড় ?

সৈন্ধব । ওরে বাপ্, রে—আজ একধার হ'তে—

কন্দুক । কথা কচ্ছিস না যে ?

মহুরা । কেন, তার হয়েছে কি ? আস্বে না এখানে ? তোর একার কি, এ আমারও বাপের ঘর । এতটুকু বেলা থেকে আমি আছি এখানে ; তুই তার কি জান্বে, রে ছোঁড়া ? কাল তোকে আমি আঁতুড় ঘরে থেকে বের্ ক'রে এনেছি, তুই কি-না আজ মেরে আমার গতির ভেঙে দিস ! কই—দে দেখি এইবার গায়ে হাত ?

কন্দুক । ওঃ ! বেটা যেন আমার গড়ের ভেতর বসেছে ! আঙ্গুঠাটা দেখ একবার ! গায়ে হাত দিলে ওকে রাখ্বে যমে । দেখ বাবা, তুমি যা করেছ—সব শুনেছি ; সে-সব এখন থাক্, এখন তুমি ও বাস্তব-মনসাতিকে এখানে নিয়ে এলে কেন ?

মহুরা । ও-মাগো ! আমি বাস্তব-মনসা ! [দস্তে দস্তে চাপিয়া আঙুল মটকাইতে লাগিল ।]

কন্দুক । এটি যেখানকার—সেইখানে রেখে এস ।

কেকয় । সেখানে আর ও থাক্বে না, কৈকেয়ী ওর অপমান করেছে ।

সৈন্ধব । [সাগ্রহে] অপমান করেছে মানে ? তাড়িয়ে দিয়েছে ?

কেকয় । হাঁ তাই ; শুধু ওকে নয়, আমাকেও ।

সৈন্ধব । [অতর্কিতে মৃদুহাস্য]

কন্দুক । তা বেশ করেছে ; বড় দিদিই না হয় তাড়িয়ে দিয়েছে—
তোমার ত বাবা, আরও মেয়ে রয়েছে ? দোহাই বাবা, উটীকে
এইবার তার কুলুঙ্গিতে তুলে দিয়ে এস, উটীকে আর আমার ভিটের
বসিয়ে না ।

কেকয় । কেন, ও কি করবে তোমার ?

কন্দুক । শুধু চরাবে—আর করবে কি ? এই অযোধ্যাটার ক'রে
এল কি ? দোহাই বাবা, কথা রাখ ; আমার ভাই নাই, সৎমা নাই,
কামড়াবার কোথাও একটা পিপ্‌ড়ে পর্য্যন্ত নাই ; তবু দেখো—ও বেটা
এখানে থাকলে, তোমার আমার—বাপ-বেটাতেই ভিন্ন হাঁড়ি ক'রে
ছাড়বে ।

কেকয় । বুঝেছি, মম্বরা যে বলছিল—তুমি তাকে প্রহার করেছ
—তা হ'লে সে সব সত্য ।

কন্দুক । আমিও বুঝেছি, ও বেটা ভিন্ন হাঁড়ির বীজ-পত্তন না
ক'রে আর এখানে পা বাড়ায় নি । দেখ বাবা, আমি বেশী কথা
বলি না, যা বলি সোজাসুজি—মুখের ওপর—যেই হোক ! ও বেটীকে
তুমি যদি এখানে জায়গা দাও, আমি একবার দেখে নেব—ও বেটীই
থাকে কি আমিই থাকি । হয় হোক বাপ-বেটার—তাতেই বা কে
পিছপাও ।

[প্রস্থান ।

মম্বরা । যা-যা-যা, জারি দেখে বাঁচিনে ! তুই পিছপাও নোস,
লোকেই বা কে তোকে ডরিয়ে ? বলি দেখলে ? ছেলের গুণ দেখলে ?

মেয়ে আমার সাথে নি গো! ওগো, সে কী মার গো—এই চাপড়
ত এই চাপড়, এই ঘুষি ত এই ঘুষি; একটা কথা কইবার ফাঁক
নাই গো! সে কী বেতলা বেসুরো মার গো! আমি বেঁচে আছি
শুধু তোমার মুখ চেয়ে গো! তুমি থাকতে আমার এ হুগ্যাতি! ওগো
—আমি কোথা যাই গো—

কেকয়। চুপ কর, আমি আজই এর চূড়ান্ত ক'রে দিচ্ছি।
ছেলে—সে মুখের ওপর বলে কিনা—হয় হোক বাপ-বেটার!

সৈন্ধব। [গম্ভীরভাবে] আজ্ঞে মহারাজ, উপযুক্ত ছেলে!

কেকয়। কি বল তুমি, সৈন্ধব! এ রাজ্য এখনও আমার কি না?

সৈন্ধব। হ'লেও—মহারাজ, ছেলে উপযুক্ত—সম্মখে।

মহারা। ওগো, তুমি কারও, কথা শুনো না। তুমি বেঁচে থাকতেই
এত—পথে ত দাঁড়িয়েই আছ, ম'রে গেলে—বালাই ষাট্—না জানি
আরও হবে কত! তুমি যা কর আর না কর, আমার একটা কিনারা
তুমি আগে কর।

সৈন্ধব। আরে, তুই মাগী ধাম্, আমরা আগে নিজেদের কিনারা
দেখি। মহারাজ, কৈকেয়ীর ব্যাপারটা কি শুনি?

কেকয়। সে আর শুনতে হবে না, সৈন্ধব! সে আমার মেয়ে নয়।

সৈন্ধব। কেন! কেন মহারাজ—এতদূর! হ'ল কি?

কেকয়। হবে আর কি, আমি তার জন্তু যা-কিছু করেছি
—সে আমার ঠিক হয় নি। তুমি যা বলেছিলে তাই, সে রামকে
আমাদের পরামর্শ মত বনবাস দেয় নি—মায়ের মত বিছালয়ে দিয়েছে
নীতি শেখাতে, তাকে একটা রাজ্য তৈরী করবে—যা কোন যুগে
হয় নি। আর তার বেটাটাও ঠিক তাই, রামের পাছকা এনে
কুকুরের মত প'ড়ে প'ড়ে রাজ্য আগ'লাচ্ছে। তারা এখন আর আমার

কন্যা, দৌহিত্র নয়, তারা এখন রামের মা—রামের ভাই। গেলুম—তা একটু অভ্যর্থনা নাট, এলুম—তা মা-বেটা কারও মুখে একটা কথা নাই।

মহারা। কথা! দূর-ছেই; কুকুরকেও কেউ সে রকম ক'রে তাড়ায় না। বলি, ধর্ম কি নেই গা! আমি না হয় ঝি-চাকরাণী—মানুষ করেছি—এই ত? বড় হয়েছে, মিটে গেছে; কিন্তু বাপ—জন্ম দিয়েছে, তার সঙ্গেও কাটান্-ছিড়েন্!

সৈন্ধব। তা—তাতে মহারাজের কি ক্ষতি হয়েছে? কৈকেয়ী রামের মা—আর ভরত রামের ভাই, এ ত মহারাজেরই গৌরব।

কেকয়। গৌরব! আচ্ছা তাই; তবে মুখে বললে হবে না ত? আমি দেখতে চাই চোখে—রামের মা. রামের ভাই। আমি অযোধ্যাটা এবার লগ্ন-ভগ্ন ক'রে দেব, সৈন্ধব! দেখি, কেমন ক'রে তারা রাজ্য আগ্‌লায়, কোন্‌ চুলোয় রামকে এনে বসায় আর কি ক'রে দেখায়—রামের মা, রামের ভাই।

সৈন্ধব। মহারাজ, ছাড়ান্ দিন্; ছেলে-মেয়ের সঙ্গে বিবাদ করবেন না!

কেকয়। ছেলের সঙ্গে উপস্থিত না হ'লেও মেয়ের সঙ্গে না হ'য়ে আর উপায় নাই, সৈন্ধব! আমি সব এঁচে ঠিক ক'রে ফেলেছি; আমার এখনই রোহিলায় যেতে হবে। আমি নন্দীর অনেকটা আভাস পেয়েছি—সে স্বাধীন হ'তে চায়; শুধু তাকে নয়, এই অযোধ্যার অধীনে যতগুলো করদ-রাজ্য আছে, আমি একধার হ'তে ফেপিয়ে দেব; দেখি তারা ক'দিক্‌ সাম্‌লায়, কি ক'রে হয়—রামের মা, রামের ভাই। গৌয়ার ছোঁড়াটাকে তুমি নিষেধ করছ—এখন আর আমি ঘাটাচ্ছি না; তবে তুমি ওকে ঠাণ্ডা ক'রো, বুঝিয়ে দিও—

পথে বসিয়ে যাব তা হ'লে। মছরা এখন না-হয় দিনকতক তোমার ঐখানেই—

সৈকব । [স্বগত] এই রে ! শুরু, রক্ষে কর !

কেকয় । [চিন্তা করিয়া] না, আমার সঙ্গেই চলুক ; ছোঁড়াটা টের পেলে—একে ত খাপ্পাই আছে—তোমার কথা আর মোটেই নেবে না তা হ'লে।

সৈকব । শুধু কথা নেবে না—আমাকেও ঐ মছরার দাওয়াই দিয়ে দেবে ; ও ছেলে আপনার বামুন-বৈষ্ণব মানে না।

কেকয় । আয়—মছরা, আমার সঙ্গে।

মছরা । ওমা ! সে কি গো ! কোথা যাব গো ? তা হ'লে আমায় মারবে সে আর বেশী কথা কি ? তুমিও যে ছেলের ধমকে ভড়কে গেলে, গো !

কেকয় । আয়—আয়, যেখানেই থাকিস্—তোমার মুখে থাকলেই ত হ'ল ? [স্বগত] রামের মা, রামের ভাই ।

[প্রস্থান ।

মছরা । ওগো, তুমি যে আমার নিয়ে বেড়াল-ছানা বওয়া-বয় করতে আরম্ভ করলে গো !

[প্রস্থান ।

সৈকব । আরে বা মাগি, যা ; আজকের মারটাই এড়িয়ে গেছিস—এই তোমার বাবার ভাগ্যি ।

[প্রস্থান ।

তৃতীয় গভাঙ্ক

কব্চ

নন্দেয়ী উপবিষ্টা ছিলেন, কুণ্ডল উপস্থিত হইল।

নন্দেয়ী। কুণ্ডল, কবচকে ডেকেছ ?

কুণ্ডল। হাঁ মা, ঐ দাদা আসছেন।

কবচ উপস্থিত হইল।

কবচ। একটু বিলম্ব হ'য়ে গেছে, মা ! অযোধ্যা হ'তে দূত এসেছে
রাজকরের জ্ঞ — তার বিশ্রামের ব্যবস্থা ক'রে আসতে হ'ল।

নন্দেয়ী। বেশ সময়েই আমি তোমাদের সমবেত করেছি তা হ'লে !
সেদিন আমি অযোধ্যার রাজসভায় বড় অপদস্থ হ'য়ে এসেছি, পুত্র ! কথা
ফুরিয়ে যায়—বুঝি আমি পরাজিত ; কিন্তু আমার কথা থাকতে আমি
বলতে পাই নি। অযোধ্যার অধীশ্বরী আপনার মহত্বের বেশ দীর্ঘ-পরিচয়
দিয়ে আমায় ব'লে উঠল—তোমার লক্ষ্য কিছু নাই, তুমি রাজ্যের জ্ঞ
সপত্নী-পুত্রকে রাজ্যচ্যুত করেছ। আমি যদিও নির্ঝাক্—মাথা নীচু ক'রেই
এলাম ; কিন্তু তা নয়, আমি রাজ্যের জ্ঞ তোমার পিতাকে বা তোমাকে
রাজ্যচ্যুত করি নি ; আমারও তাঁরই মত একটা বৃহৎ লক্ষ্যই ছিল ;
তবে সেটা সেখানে বলবার নয়। শোন পুত্র, আমার সে লক্ষ্যটা—

কবচ। বুঝেছি মা, আর বলতে হবে না। আমরা ব্রাহ্ম—
অপরাধী, এতদিন চিনে উঠতে পারি নি তোমায় ; তোমার লক্ষ্যই
উচ্চ—লক্ষ্য তোমার স্বাধীনতা।

* নন্দেয়ী। তবু শোন—পুত্র, আমার ছুঃখের গল্পটা। আমার বখন

বিবাহ হয় তোমার পিতার সঙ্গে, আমি নিতান্ত বালিকাটা না হ'লেও
—বৈষয়িক ব্যাপারে বালিকা। বেশ এলুম এখানে হেসে-হেসেই—বেশ
ঘর করতে লাগলুম সুখে-সুচ্ছন্দেই। কিছুদিন এই রকম কাটার পর
অর্থাৎ কুণ্ডল ভূমিষ্ঠ হওয়ার ঠিক পরেই একদিন হঠাৎ আমার চোখে
প'ড়ে গেল—আমি কেকররাজকন্যা নন্দেয়ী দেবী—রোহিণীর—এক
ক্ষুদ্র, হীন করদ-রাজ্য—তাও অযোধ্যার অধীনস্থ, যেখানকার সম্রাজ্ঞী
আমারই সহোদরা বড় দিদি ; হিংসাই বল আর ষাই বল, আমার মাথায়
আকাশ ভেঙে পড়ল, পুত্র ! আমার অভিমান এল পিতার উপর,
আমি ঘৃণায় লজ্জায় হুঃখে আপনাতে আপনি ম'রে রইলুম। কিন্তু
তার জন্ত যে তোমার পিতাকে আমি অভক্তি করেছি, তা করি নি ;
বরং সেইদিন হ'তে আরও জীবন দিয়ে বন্ধ করতে লাগলুম ; তবে—
তাতে একটু উত্তেজনা মিশিয়ে—মাথা তোলবার। কিন্তু পুত্র, সে
বংশগত হিমরক্ত কিছুতেই তাতল না। আমারও দৃঢ়সঙ্কল্প—জোর
ধরলুম ; ভাল করলুম না—বেশী টানাটানিতে ছিড়ে গেল ; তোমার
পিতা শেষটার উল্টো বুঝলেন—পালিয়ে গেলেন।

কবচ। থাক—আর ব'লো না মা, আর ব'লো না।

নন্দেয়ী। আর একটা কথা—তাতেও আমি নিরস্ত হলাম না, পুত্র !
তোমায় ধরলুম ; কিন্তু দেখলুম, তোমারও সেই রক্ত—ভূমিও বুঝলে
সেই উল্টো ! পুত্র, আমি যদিও অনেক দৌরাখ্য করেছি তোমার উপর,
স্মরণ হয় বোধ হয়—অনেক সেধেওছি ?

কবচ। মা—মা ! অপরাধ কমা কর—মা, অজ্ঞান পুত্রের। বল মা,
এখন তুমি কি চাও ?

নন্দেয়ী। কিছু না ; যদি পার—আমার লক্ষ্যটা অযোধ্যার
অধীশ্বরীকে জানিয়ে দাও।

কুণ্ডল । [সচকিতে] মা !

নন্দেয়ী । বল, পুত্র !

কুণ্ডল । কাঁদতে পারবে ত ?

নন্দেয়ী । পুত্র, আগুনের জ্যোতিঃ দেখে পতঙ্গ তাতে বাঁপ দিয়ে শুক মরে—এই দৃষ্টান্তই কি সংসারের ঘরে ঘরে এমন ভাবে জুড়ে বসেছে যে, উঁকি মেরেও কারিও দেখবার অবসর নাই ? রক্ত নিতে হ'লে সমুদ্রে ডুব দিতে হয় । কাঁদতে হয়—কাঁদব ; হাসি, কান্না দুই-ই ত প্রাকৃতিক নিয়ম । পুত্র অধীনতার নরক সেবায়, ভিতরে কান্নায় বোঝাই—উপরে হাসির ভ্রুকুটী, তার চেয়ে স্বাধীনতার অনন্ত পূজায়, সর্বহারার সে অশ্রু সহস্র গুণে শান্তির—লক্ষ গুণ তৃপ্তির । তোমরা আমার লক্ষ্য জানাও ।

কুণ্ডল । মা—

কবচ । চুপ, কথা ক'স না । অধীনতার অন্তর্দাহ তুই এখনও বুঝিস নি, আমিও বুঝি নি এতদিন ; সেদিন বেশ হাড়ে-হাড়ে বুঝে এসেছি—আমায় পাহুকাকে প্রণাম করতে হয়েছে ।

কুণ্ডল । পাহুকা হ'লেও—সে ত রাম-পাহুকা, দাদা, তোমারই গুরু ! যার অনুষ্ঠিত নীতি নিয়ে তুমি আজ বিমাতাকে মা বলতে শিখেছ ! মা, বুঝলুম—তুমি রাজ্যের জন্য স্বামী-পুত্রকে রাজ্যচ্যুত কর নি, তোমার লক্ষ্য ছিল—সে লক্ষ্যও উচ্চ—স্বাধীনতা ; কিন্তু এ স্বাধীনতাটার উদ্দেশ্য কি, মা ? কি এমন ক্রটি ঘটেছে অযোধ্যার শাসনে জগতের — যার সংশোধনে তোমার মাথা তুলে ওঠার একান্ত দরকার ? এখানে বোধ হয়, আর তোমার কথা নাই ? এ স্বাধীনতা—বোধ হয় স্বাধীনতার জন্যই ?

নন্দেয়ী । হাঁ—তাই । পুত্র, পাখী যে অনন্ত আকাশে আপনার

মনে উড়ে বেড়ায়, সে কি উদ্দেশ্যে ? তাকে কেউ স্বর্ণ-পিঞ্জরেই রাখুক—
আর অমৃত-ফল এনেই খাওয়াক, তার সে শাস্তি হয় না কেন ?
স্বাধীনতার কারণ নাই, কুণ্ডল ! যদি থাকে—সে ঈশ্বর-সঙ্গ-সুখ-লাভের
মত অব্যক্ত ।

কুণ্ডল । আর আমার কথা নাই, মা ! স্বাধীনতা যখন তোমার
ধারণায় ঈশ্বর-সঙ্গ-সুখের সমতুল্য, তুমি মা—আমি ছেলে, তোমায়
ঈশ্বর-সঙ্গ করান' আমার ধর্ম ; আমি তোমার স্বাধীনতার জন্ত
জীবন দেব ।

কবচ । দেবি, তা হ'লে ত এই উপযুক্ত সুযোগ ; অযোধ্যার দূত
রাজকরের জন্ত এসেছে—আমি প্রত্যাখ্যান ক'রে পত্র লিখি গে ?

নন্দেয়ী । আমি লিখ'ব, কবচ ! ও পত্র আমি লিখ'ব নিজের
হাতে, তুমি পারবে না ; আমার এই প্রাণটার ভেতর অনেক কথা
টগ'বগ' ক'রে ফুটছে, তারা প্রকাশ হ'তে না পেলে পোকা-ধরা গাছের
মত আমায় ভেতরে ভেতরে জ্বরে দেবে ; আমি তার কতকগুলোকে
হাকা ক'রে দিই ।

কেকয় উপস্থিত হইলেন ।

কেকয় । আমারও গোটাকতক কথা দে—নন্দেয়ি, ঐ সঙ্গে—ঐ
পত্রটার ছত্র-কতক বাড়িয়ে, আমিও একটু হাকা হই ; আমার প্রাণটাও
ঠিক ঐ রকমই ফুটুক, মা ! আমিও সেদিন কথা থাকতে চ'লে এসেছি—
থাক'ব'লে ।

নন্দেয়ী । [অভিমানে] বাবা, যাও—সেই তুমি, জেষ্ঠা কন্যাকে
সম্রাজ্ঞী ক'রে আমায় তার অধীনস্থ করদ-রাণী করেছ ।

কেকয় । অন্তায় করেছি, মা ! অভিমান করিস নে ; সেই ক্রটি
সংশোধনের জন্তই আজ আমি এসেছি । নন্দেয়ি, আগুন জ্বালা, আমি

তোর ইন্ধন জুগিয়ে দিই ; অযোধ্যা ছারখারে থাক্, কৈকেয়ীকে যেন
ছেলের হাত ধ'রে আমার ছয়ারে গিরে দাঁড়াতে হয় । মম্বরা—

মম্বরা উপস্থিত হইল ।

মম্বরা । ওগো, তুমি আমাকেও নাও গো ! আমারও পেটের ভেতর
ঐ সব কথাই বদহজমে হাড়ুডুডু খেলছে, আমিও তার কতকগুলো
উগ্‌রে দিষ্ট । হাঁগা ! একি কম কথা গা ! মানুষ হ'লি আমার হাতে—
পাটরাণী হ'লি আমার ওষুধে—ছেলের মা হলি আমার দেখ্তা, আজ
হ'ল কিনা, আমার সেখানকার কাজ শেষ হ'রে গেছে—আর থাকবার
দরকার নাই আমার ! ওগো, আমি তোমার—কৈকেয়ীর মম্বরা আজ
তোমার ।

নন্দেয়ী । বাবা, আমি যদি আশুন জালাই—ইন্ধনটা তুমি কি
রকমে দেবে ?

কেকয় । সব রকমে । শক্তি, অর্থ, যন্ত্রণা—তোর যা দরকার,
ষে রকমে চাস তুই । অযোধ্যার অধীনস্থ ষাষতীর করদ-রাজা—তারা
সব তৈরী, কেবল মুখ চাওয়া-চায়ি করছে—আগে কে সাম্নে দাঁড়ায় ;
তাদের সকলকে তোর স্বপক্ষে এনে দেব ; তার পর প্রয়োজন হয়—নিজে,
প্রকাশে অস্ত্র ধ'রে সাম্না-সাম্নি দাঁড়াব । আর কি চাস ?

নন্দেয়ী । [উদ্দেশে] দিদি, আমি তোমার অনুসরণ ক'রে সপত্নী-
পুত্রকে রাজ্যচ্যুত করেছি বলতেই—অমনি তুমি মাথা গলিয়ে নিয়ে অস্ত্র
মূর্ত্তি ধ'রে দাঁড়ালে ; আজ আমি আবার তোমার নীতিই নিয়েছি—সেই
সপত্নী-পুত্রের সঙ্গে মিলেছি তার উন্নতি, স্বাধীনতা, মঙ্গল-কামনায়—
ঠিক তোমার মতই ছুটেছি ; দেখি, এবার তুমি কোন্‌দিকে বাও ।
আমি তোমার নীতিতেই তোমার দ'খে মার্বব, দিদি ! বাবা, তা

৩য় গর্ভাঙ্ক ।]

কৈকেয়ী

হ'লে আর দাঁড়িয়ে কাজ নাই, তুমি ইন্ধন সংগ্রহে যাও। কবচ, তুমি
কুণ্ডলকে নিয়ে সৈন্ত-বিভাগ দেখ গে। মহারা, তুই আমার সঙ্গে আর—
মন্ত্র বলবি, আমি আগুন জালব।

[প্রস্থান ।

মহারা। চল—চল, ও সব মন্ত্র আমার ঠোঁটস্থ। তোমার ভাল
হোক—তুমি বৌ-বেটা নিয়ে ঘর কর—তোমার হারানো হাতের নোয়া
হাতে আশুক ।

[প্রস্থান ।

কেকয়। কৈকেয়ি! চাকা উল্টে গেল। রাম-রাজ্য স্থাপনা কর-
ছিলি—তুই নিজে কোথা দাঁড়াস—দেখ্ ।

[প্রস্থান ।

কবচ। কুণ্ডল, ভাব্ছিস কি? দুর্গে আর; আমাদের জয়
নিশ্চিত; সমস্ত করদ-রাজার সংযোগ—প্রবল আগুন—একযোগে
সহস্র শিখা ।

[প্রস্থান ।

কুণ্ডল। নির্বাণের দিন বোধ হয় নিকটবর্তী ।

[প্রস্থান ।

উপাসনা-গৃহ

উর্শ্বিলা সখীগণসহ আসন রচনা, ধূপ-দীপাদি
স্থাপনা করিতেছিলেন।

সখীগণ।—

গীত।

ভিপারিণী হ'য়ে এ হৃদয়-দ্বারে যদি এসে তুমি দাঁড়ালে মা।

এই মিনতিটী নাও হাত পেতে—যেয়ো না আর আঁথির আড়ালে মা !

চাও অনিমেষ, খেলো না দামিনী

গাও শুনি তোমার অজানা-কাহিনী,

সরাসে নিঃশে না ধরা-পা ছ'পানি, ভুল ক'রে যদি বাড়ালে মা।

দিশেহারা আমি রোদন-হরষে,

দেখ মা জনম ঘুমানু অলসে,

ভুলায়ে দিয়ো না আর কামরসে মা-বুলি যদি ধরালে মা।

সে যে কি যাতনা, কি আকুল চাওয়া—হাতে পাওয়া নিধি হারালে মা।

সন্তোষাতা কৈকেয়ী উপস্থিত হইলেন।

কৈকেয়ী। হরেছে মা ?

উর্শ্বিলা। হাঁ মা।

[কৈকেয়ী উপবিষ্ট হইয়া গজাজলে আচমনাদি করিয়া ধ্যানস্থ]

উর্শ্বিলা। অরণ্য যতই ভীষণ হোক—পথ আছে ; প্রান্তর যতই
ধূ ধূ ময় হোক—রস আছে ; নদী দিগন্তব্যাপিনী হোক না—পার
আছে ; প্রমাণ তার উর্শ্বিলা। কে জান্ত—তার সংসার-পরিভ্রমণের

ছরিতপদ ধীর নম্রতার এখানে এসে উঠবে ! তার প্রণয়-পিপাসু অধর-পুট এভাবে সরস হবে ! সে লক্ষণের স্মৃতি-সমুদ্র অতিক্রম ক'রে জগতে আবার দাঁড়াবার মাটি পাবে ! বেশ আছি ; দেবী কৌশল্যা কাঁদছে—সাস্বনা দিচ্ছি, মাতা সুমিত্রা ডাকছে—ছুটে যাচ্ছি, দেবী কৈকেয়ীর সম্মুখ হচ্ছি—উপাসনার আসন ক'রে দিচ্ছি, আপনার মধ্যে বৃদ্ধ উঠছে—মা মহাশক্তির আড়ালে গিয়ে দাঁড়াচ্ছি ; বেশ আছি ।

কৈকেয়ী । [ধ্যানভঙ্গে] মা মহাশক্তি ! আমার প্রণাম নাও । প্রার্থনা করবার কিছু নাই, মা ! তোমার যা ইচ্ছা হয়েছে—করছ ; যা ইচ্ছা হচ্ছে—করছ ; যা উচ্ছা হবে—করবে ; আমাদের এই পরম সাস্বনা—তুমি শুধু ইচ্ছাময়ী নও—মঙ্গলময়ী ; আমি তোমায় প্রণাম করি । [গাত্রোখান করিয়া] উন্মিলা, দেবী কৌশল্যা আজ আবার কাঁদছিলেন কেন, মা ? তুমি কি কাছে থাক নি ?

উন্মিলা । ছিলাম বৈকি, মা ; তবে কি জান মা, পুত্রশোক—যার জন্য অক্ষয়ি প্রাণত্যাগ করেছে, দশরথ ক্ষত্রবীর জগৎ ছেড়েছে, দেবী মহেশ্বরী ভগবতী পর্যাস্ত কিপ্তা—এশূল ধরেছে, সে শোক কি এই হু'দিনের শাস্ত্র-দৃষ্টান্তে জল হ'য়ে যায়, মা ?

কৈকেয়ী উন্মিলা, আমি ভাল করি নি, মা ! এদিকে ত দেবী কৌশল্যা-সুমিত্রার এই দশা, ওদিকে আবার সহোদরা নন্দেয়ীর কাণ্ড দেখে আমি অবাক ; সে আমার দৃষ্টান্তে তার সপত্নী-পুত্রকে রাজ্যচ্যুত করেছিল ! আমি জগৎকে তুলতে গিয়ে উল্টে বিগড়ে দিয়েছি, মা ! জগতের হৃদয় বড় সঙ্কীর্ণ, তার দৃষ্টি বড় কম, গতি বড় নীচের দিকে, সে শুধু ওপর দেখেই শ্রোতের টানে গা ভাসিয়ে চ'লে যায়—ভিতরে ডুব দেয় না ; সমুদ্রে নক্র কুম্ভীর আছে—ঐ পর্যাস্তই তার গবেষণা, রত্নের সন্ধান নেয় না ; আমার কোন দিকেই শ্রেয়ঃ হয় নি, মা ! আমি ভাল করি নি ।

কৈকেয়ী

[৩য় অঙ্ক ;

উর্শ্বিলা । আবার মা, তোমার ভাল-মনের বিচার ! আবার সেই কর্তৃত্বাভিমান ! আচ্ছা মা, বলতে পার—বালুকণা যে দিনের উত্তাপে তাতে, আর রাত্রে হিমে শীতল হয়, সে কোন্টা ভাল করে—কোন্টা মন্দ করে ? সংসার-প্রাস্তরের বালুকণা তুমি—মহাশক্তির রুদ্র চক্ষুটা পড়েছে তোমার উপর ; ভাল-মন্দ নাই । তুমি কশ্মীর দীর্ঘরশ্মি অসংঘত, প্রবল বেগে ছেড়ে দিয়েছ ; তুমি ঠিক করেছ ।

কৈকেয়ী । উর্শ্বিলা—মা, তোমার সাধুনা, তার ওপর ত্রিকালজ্ঞ ঋষি বশিষ্ঠের অভিমত ; আর আমি কিছু মানতে চাই না । কাঁড়ক্ দেবী কৌশল্যা—যাক্ জগৎ উল্টে ; আমি কৈকেয়ী হ'য়ে জন্মেছি—কৈকেয়ী হ'য়েই চলব ।

শত্রুঘ্ন উপস্থিত হইলেন ।

শত্রুঘ্ন । দেবি ! [প্রণাম করিয়া একখানি পত্র দিলেন]

কৈকেয়ী । [পত্র পাঠ করিয়া ক্রকুণ্ডিত করিলেন]

উর্শ্বিলা । কি, মা ?

কৈকেয়ী । নন্দেয়ী আমার অনুসরণ করেছে, উর্শ্বিলা ! আমি আমার রামকে নূতন রাজা গড়ছি, সে-ও তার সপত্নী-পুত্রকে স্বাধীন রাজা করবে ।

শত্রুঘ্ন । শুধু এইটুকু নয়—মা, আরও সংবাদ আছে ; আমাদের মাতামহ কেকয়রাজ নিজে ঐ পক্ষে যোগ দিয়েছেন, আর সমস্ত করদ-রাজাদের উত্তেজিত ক'রে টানছেন ।

কৈকেয়ী । [বিস্ময় উত্তেজিত ভাবে] বাবা ! বেশ, ভারত কোথায়, শত্রুঘ্ন ?

শত্রুঘ্ন । তিনি সভা ভঙ্গ ক'রে আসছেন, পত্রখানা আমার দিয়ে আগে পাঠালেন ।

উর্শ্বিলা । আসি মা ! মাতা কৌশল্যা অনেকক্ষণ একা আছেন—

[সজিনীগণ সহ প্রস্থান করিলেন ।

কৈকেয়ী । শক্রয়, এ পত্রখানা নিয়ে আমার কাছে তোমাদের ছোট-
বেঁধে আসার উদ্দেশ্য ?

শক্রয় । তোমার সন্মতি—

ভরত উপস্থিত হইলেন ।

ভরত । তোমার পরামর্শ । বল—রাজমাতা, এ পত্রের উত্তর কি ?

কৈকেয়ী । বল রাজ-প্রতিনিধি, তোমাদের কর্তব্য কি ?

ভরত । আমাদের কর্তব্য—একটা মুহূর্ত্ত অপেক্ষা না ক'রে সঙ্গে-
সঙ্গেই রোহিলার পড়া, তার রাম-শাসন অবমাননার উচিত শিক্ষা দিয়ে
প্রকৃত রাম-ভৃত্য নাম ধরা ।

কৈকেয়ী । তবে আর আমার কাছে কি জন্য এসেছ, রাজ-প্রতি-
নিধি ! উত্তর ত তোমাদের স্থিরই হ'য়ে গেছে ।

ভরত । হ'য়ে গেছে বটে ; কিন্তু মা, তোমারই কনিষ্ঠা ভগ্নী,
তোমার পিতা—

কৈকেয়ী । পাছে আমি দুঃখিতা হই ? তাই যদি হই—তা হ'লে,
তোমরা কর্তব্য-ভ্রষ্ট হবে ত ? ধর আমি তাই হব ।

শক্রয় । আমাদের বিষ দাও—মা, তা হ'লে ; সুখা দিয়ে আসুছ
এতদিন—বিষ দাও এবার, কর্তব্য সাম্না-সাম্নি হ'তে-না-হ'তেই
আমরা স'রে যাই ; তোমার রাম-রাজ্য প্রতিষ্ঠা তুমি কর ।

কৈকেয়ী । নির্ভয় পুত্রয় ! সুখা কি বিষ—জানি না, আমার কাছে
চিরদিন যা পেয়ে আসুছ—আজও তাই পাবে । ভরত, আমার কাছে
ছুটে এসেছ এষ্ট রোহিলার রাণী আমার ভগ্নী ব'লে ? তার পৃষ্ঠপোষক
আমার পিতা—তাই ? পুত্র, তোমাদের পিতা মহারাজ দশরথ
এদের হ'তে আমার কম ছিলেন না ! আমি কিরূপ সেবা-বহু তাঁর
ক'রে এসেছি, জান ? কোশল্যা-সুমিত্রা হেরে গেছে, নিজের জীবন

উপেক্ষা ক'রে ; যার বিনিময়ে—আমি চাই নি—তিনি নিজের দিকে না চেয়ে বিনা বিচারে, অযাচিতভাবে আমায় ইচ্ছামত বর দিতে প্রতিশ্রুত হয়েছিলেন ; এমন প্রিয় আমার যিনি—তাঁকেই আজ কোথায় পাঠিয়েছি, দেখ্ছ ত ? এই কর্তব্যের জন্ত ; সেই কৈকেয়ী আমি । তোমরা আমার পুত্র হও— আশীর্বাদ নাও— কর্তব্য কর ।

সৈন্ধব উপস্থিত হইল ।

সৈন্ধব । রক্ষ কর—বেটি, রক্ষ কর ; আর ও কর্তব্যে আঙুল বাড়িয়ে ও কেপা-ছটোকে লেলিয়ে দিস্ না । স্বামীর বৃকে নাচা না হয় সতীর ধর্ম—শাস্ত্রে দৃষ্টান্ত পাই ; কিন্তু এ কর্তব্যটার আর কিছু হবে না ত—কেবল বুড়ো বাপটির গলায় পা দিবি তুই ; এটা যে নূতন হবে—মা, তোর ! এ দৃষ্টান্ত যে কোথাও পাই না !

কৈকেয়ী । আচার্য্য, তুমি বাবাকে ফেরাও ।

সৈন্ধব । আমি ফেরাব ! এ বেটী বলে কি রে ! বাবা হ'ল তোর, তাড়িয়ে দিলি তুই ; আমি ফেরালে ফেরে ?

কৈকেয়ী । চল আচার্য্য, কোথায় বাবা—আমায় নিয়ে চল, আমি বাবার হাতে ধরছি ।

কন্দুক উপস্থিত হইল ।

কন্দুক । আরে, সে—সে বাবা নয়—সে বাবা নয় ; তুমিও যেমন দিদি, হাতে ধরতে যাচ্ছ ! ও হাতে-ধরা—পায়ে-পড়ায় হবে না কিছু ; বাবা যা বলবে, পারবে করতে ?

কৈকেয়ী । করতে পারি—সেই মত বিচার ক'রে বলাই কি বাবার উচিত নয়, কন্দুক ?

কন্দুক । বাবার আবার বিচার-অবিচার, উচিত-অনুচিত ! সেখানে সে-সবের গন্ধ নাই, দিদি ! সাফ্ কথা—বাবার মেয়ে হচ্ছ তুমি, কর্তব্য

হোক্—অকর্তব্য হোক্, স্বর্গ হোক্—নরক হোক্, বাবার যা মত হবে—তাই তোমায় করতে হবে ; পারবে ?

কৈকেয়ী । তা কেমন ক'রে পারি, ভাই ! এখন ত শুধু আমি সে পিতার কন্যা নই, আজ যে আমি সন্তানেরও মা ।

কন্দুক । বাস্ ; এ ঠাকুর, পথ দেখ । দিদি, কর্তব্যের চূড়াশুই হোক্ ; ভারত-শক্রর রোহিণীর লাফিয়ে পড়ুক ; আর বাবা যে-সব করদ-রাজাদের ডেকে নিয়ে আসছে—কোন ভাবনা নাই, সে ভার আমার ; তাদের সামনে যাব আমি নিজে । [ভারতের প্রতি] আমার সঙ্গে ব্যাক্যলাপ কর, বাবাজী ! আমাদের বংশটা খারাপ নয় ।

কৈকেয়ী । ব্রাহ্মণ, উপায় নাই, রামায়ণ-মহাকাব্যের বড় জটিল অংশে আমি : দোষ হোক্—গুণ হোক্, শান্তির চেউ খেলুক—বীভৎসের বন্যা ছুটুক, এ চরিত্রের উৎকর্ষ, পুষ্টিসাধন ক'রে যাবই । ব্রাহ্মণ, তোমারই ত আশীর্বাদ—মহাশক্তির আধার হও ? আমি তাই হয়েছি ; আমি আর আমার নই, আমি সেই তোমার আশীর্বাদ-মাথা মহাশক্তির ক্রীড়নক । যাও ব্রাহ্মণ, পিতাকে আমার প্রণাম জানিয়ে, আর যদিও তিনি জানেন, তবু আবার ব'লো—কৈকেয়ী আর দশরথের স্ত্রী নয়--কেকয়রাজের কন্যা নয়, কৈকেয়ী রামচন্দ্রের মা । এস ভারত-শক্রর, এস কন্দুক, মা মঙ্গলচণ্ডীর নির্মালা নেবে এস ।

প্রস্থান

ভরত, শক্রর ও কন্দুক । জয় মা মঙ্গলচণ্ডি ! জয় মা মঙ্গলচণ্ডি !

[প্রস্থান ।

সৈন্ধব । [বাহু তুলিয়া] তবে আমারও জয় মা মঙ্গলচণ্ডি ! এ জয়-ধ্বনি শুধু অয়োদ্ধাদী যোদ্ধাদের উৎসাহের জন্ত নয় এ—প্রত্যাখ্যাত, নৈরাশ্রভরা আমারও প্রবোধ ; জয় মা মঙ্গলচণ্ডি !

[প্রস্থান ।

পঞ্চম গর্ভাঙ্ক

অযোধ্যা

অস্ত্রে-শস্ত্রে সজ্জিত দর্পণ ও অযোধ্যাবাসিগণ ।

দর্পণ নেতা হইয়া অগ্রে অগ্রে গাহিতেছিল, অযোধ্যাবাসিগণ
তাহার পশ্চাদমুসরণ করিতেছিল ।

গীত ।

বল—অযোধ্যাপতি রামচন্দ্রকি জয় ।

বল—জীবনের স্বাদ যত হয়েছে ত উপভোগ
মরণের আহ্বান মোদের সুখের বিষয় ॥

দেধ—আসিছে রোহিলা-রাণী রাহুর মত,
আসিতে গরিমা-জ্যোতিঃ প্রভুর যত ;

বল—সাবধান জ্ঞানহীনা ! তুলো না ও নতশির,
রাম নাই—আছি মোরা, নয় হিম এ রুধির,
দেধ নারী চোখ মেলে আমরা রামের দাস—
নয়নে উকা মোদের চরণে প্রলয় ॥

ধর—ভর করে খোল তীক্ষ্ণ কৃপাণ—

তোল—কোদণ্ড-চিহ্নিত বিজয়-নিশান,

বল—কোথা রাম গুণমণি নমি প্রভু শ্রীচরণে,
তোমার সেবক মোরা চলিহু রোহিলা-রণে ;
বাঁচি যদি রব উঁচু, মরণে ত অমরতা,
পাব সে পরমপদ তোমারই অভয় ॥

[প্রস্থান ।

ষষ্ঠ গর্ভাঙ্ক

রোহিলা

রুধির ও রোহিলা-বালকগণ যুদ্ধ-সম্বন্ধিত হইয়া গাহিতেছিল ।

রুধির অগ্রে অগ্রে গাহিতেছিল, রোহিলা-বালকগণ
পশ্চাদমুসরণ করিতেছিল ।

গীত ।

জয় জয়ভূমি—জয় জয়ভূমি ।

চির-বিবাদিনী হও আজ ভীষণা ভূমি ।

জগৎ তুলেছে মাথা ভূমি কেন নতশির,

সবার বিজলী-হাসি তোমার কপোলে নীর ?

দেখ জাগরিত সবে—

শিশু ডাকে মা মা র'বে,

আর কেন প'ড়ে র'বে—চরণ চুমি ।

চলিষু মা ছিঁড়ে দিতে অধীনতা-বন্ধন,

রুধিরের বিনিময়ে আনিতে মা চন্দন,

না পারি কিরাতে দিন—

র'ব না এ উদাসীন,

যুমাই যেন গো কোলে শেষের ঘুমই ।

[গ্রহান ।

সপ্তম গর্ভাঙ্ক

রোহিলা সান্নিধ্য

চিত্রের হস্ত ধরিয়া গীতকণ্ঠে জ্ঞান ।

গীত ।

বায়ুযাথৈকে। ভুবনং প্রবিষ্টো রূপং রূপং প্রতিক্রুপো বভূব ।
একস্তথা সর্ব ভূতান্নরান্না রূপং রূপং প্রতিক্রুপো বহিষ্ঠ ।
সূৰ্য্যো যথা সর্ব লোকস্য চক্ৰ ন লিপ্যতে চাক্ষুৰ্ঘৈব হৃদোঘৈঃ ।
একস্তথা সর্ব ভূতান্নরান্না ন লিপ্যতে লোক দুঃখেন বাহুঃ ॥
একোবশী সর্ব ভূতান্নরান্না একং রূপং বহুধা যঃ কৰোতি ।
তমান্নহং যোহনু পশুন্তি ধীরা স্তেষাং সূখং শান্তং নেতরেবাম্ ॥

জ্ঞান । কি হে, কি রকম লাগছে ?

চিত্র । মন্দ কি—বেশই লাগছে । আনন্দ—গান, শাস্তি—রাগিণী,
বন্ধ—তাল, জমাটীর কথা আর বলতে ! বালক, এ আমরা কোথায় ?

জ্ঞান । রোহিলা-প্রাস্তরে ।

চিত্র । [সবিস্ময়ে] রোহিলা-প্রাস্তরে !

জ্ঞান । আজ তোমার পরীক্ষা ।

নেপথ্যে অযোধ্যাবাসিগণ । জয়—অযোধ্যাপতি রামচন্দ্রের জয় !

নেপথ্যে রোহিলাবালকগণ । জয়—রোহিলা-রাজ্যেশ্বরী নন্দেয়ী
দেবীর জয় !

চিত্র । ওকি ! ও সব কি, বালক ?

জ্ঞান । ঐ—পরীক্ষা । একদিন মোহ তোমায় এইখানে এনেছিল—
ঠিক এইরকম ক্ষেত্রে, তুমি পালিয়ে প্রাণ বাঁচিয়েছিলে ; আজ আবার আমি
তোমায় সেই জায়গায়, সেই ঘটনায় এনে ফেলেছি ; দেখি এবার তুমি
কি কর ।

চিত্র । এবার আমি আর পালাচ্ছি না, বালক ! সেবার যে পালিয়ে-
ছিলাম—পূজি ছিল না জবাব গাইবার ; আর কি পালাই ! এখন
ঋষি ভরদ্বাজ আমার গুরু, অলক্ষ্য দিয়ে আমার এক-একটি
পরাজয়ের হাজার হাজার কাটান্ যুগিয়ে দিচ্ছে । কেন পালাব ? এই
যুদ্ধে আমার স্ত্রী-পুত্র আত্মীয় বলতে সব ধ্বংস হবে—এই ত ? সে
মরুভূমি আমি টপ্কেছি ।

ন জায়তে ত্রিয়তে বা বিপশ্চিন্
নায়ং কুতশ্চিন্ন বভূব কশ্চিৎ ।
অজো নিত্যঃ শাশ্বতোহয়ং পুরাণো
ন হন্ততে হন্ত্যমানে শরীরে ।

জ্ঞান । মুখে বললে হবে না—চোখে দেখতে চাই ।

চিত্র । চল দেখাই । [নেপথ্যে বৃদ্ধ-বাণ] ঐ যুদ্ধের বাজনা
বাজল ; ঐ ছুটল সৈন্য নিয়ে প্রিয়পুত্র কবচ ; ঐ মুক্ত অসি-হস্তে
মৃত্যুর ঢীকা কপালে কুণ্ডল । বাহবা পরীক্ষা ! বাহবা পরীক্ষক তুমি
জ্ঞান ! বাহবা পরীক্ষার্থী—আমি চিত্র !

অণোরণীয়ান্নহতো মহীয়া-
নাত্মাশ্চ জস্তোনিহিতো গুহারাম্ ।
তমক্রতুঃ পশ্চতি বীতশোকা
ধাতু প্রসাদান্নহিমানমাশ্বনঃ ।

[প্রশ্নান ।

জ্ঞান ।— [পূর্ব গীতাবশেষ]

উত্তিষ্ঠত, জাখত, প্রাপ্য বরান্নিবোধত ।

স্কুরস্য ধারা নিশিতা দুৰত্যয়া, দুর্গম্পথস্তৎ কবরো বদন্তি ।

[প্রশ্নান ।

অষ্টম গর্ভাঙ্ক

রণস্থল

গীতকণ্ঠে অস্ত্রকরে দর্পণ উপস্থিত হইল ।

গীত ।

দর্পণ ।— অযোধ্যাপতি রামচন্দ্রকি জয় ।

গীতকণ্ঠে অস্ত্রহস্তে রুধির উপস্থিত হইয়া সম্মুখে দাঁড়াইল ।

রুধির ।— জন্মভূমি জয়—রোহিলার জয় ॥

দর্পণ ।— কে ওরে শিশু তুই মাথা বিন্ময় ।

রুধির ।— তরবারি-মুখে তার নাও পরিচয় ।

দর্পণ ।— কিরে যা মায়ের বৃকে নিধি তুই নয়নের,

এ নয় সে খেলাঘর, লীলাভূমি মরণের ;

রুধির ।— এও যে মায়ের কোল—এও যে মায়ের ডাক্,

জননী, জন্মভূমি সমস্তাবে মাথে থাক্ ;

দর্পণ ।— অসি রাখ্—চুমো খাই ও চাঁদমুখে,

দিস-না কালিমা মোর বিজয়-স্থখে ;

রুধির ।— কীর্ত্তি রহিবে যদি পার জিনিতে,

শিশু নয় এ নাগশিশু নার চিনিতে ;

দর্পণ ।— যুত্মা দেখ নি কাছে তাই ও গরিমা আছে,

রুধির ।— জনম হয়েছে যবে জানি গো মরণ হবেঃ;

দর্পণ ।— ডোব তবে কাল-তলে মুঢ় দুরাশয় । [অস্ত্র তুলিল]

রুধির ।— কত্রির শিশু তার তিল মাত্র ভীত নয় । [অস্ত্রে বাধা দিল]

[উভয়ের যুদ্ধ ও প্রস্থান ।

রণোন্মুখ ভরত ও কবচ উপস্থিত হইল ।

ভরত । কবচ, কর দাও ।

কবচ । রক্ত নাও ; পূরণ না হয় জীবন দিচ্ছি ।

ভরত । এ মৃগতৃষ্ণিকায় তোমাদের জলাশয় বুঝিয়ে দিলে কে ?

কবচ । প্রকৃতি । তার জগতে তোমাদেরও যে অধিকার—
আমাদেরও তাই ।

ভরত । ভুল বুঝেছ তোমরা, কবচ ! প্রকৃতির উদ্দেশ্য তা নয় ;
তার জগৎ বৈষম্যময় । এক নৈশাকাশে জলে—তা ব'লে তাতে
চক্রেণ যে অধিকার—একটা নক্ষত্রেরও সেই অধিকার ? এক সরোবরে
ফুটলেও পদ্মের সঙ্গে অস্ত্রের যোগ্যতা ? বৃক্ষ নানা জাতীয়, কিন্তু
দেবতার পায়ে পড়বার একমাত্র অধিকার তুলসীর । প্রকৃতি তোমাদের
বোঝায় নি, কবচ ; তোমাদের বুঝিয়েছে—প্রকৃতিকে উল্টে দিয়ে
কোন অপ্রকৃতিস্থা ।

নন্দেয়ী উপস্থিত হইলেন ।

নন্দেয়ী । তা হ'লে সে অপ্রকৃতিস্থা আমি—নন্দেয়ী দেবী—
কৈকেয়ীর কনিষ্ঠা—ভরতের মাতৃস্বসী ।

ভরত । মাতৃস্বসার চরণে আমার শতকোটি প্রণাম ; কিন্তু তা
ব'লে তাঁর ঔদ্ধতাটা আমি আশীর্বাদ ব'লে মেনে নিতে পারব না ।

নন্দেয়ী । তা যদি না পার, তোমার ও প্রণামটাও ফিরিয়ে নাও,
ভরত ! প্রণাম যদি কর—প্রণাম্য ক'রেই রাখতে হবে, ঔদ্ধত্য—ঔদার্য্য,
কিছু বাছতে পাবে না ; প্রণামও করবে—আর মাধায় পা-ও ভুলে
ধাকবে ! প্রণাম ফিরিয়ে নাও, তোমার ও প্রণাম আমি নেব না ।

ভরত । প্রণাম না নাও, আমার মার্জনা ক'রে যাও ; আমি আজ
রাম-প্রতিনিধি—কর্তব্যের সেবক ।

নন্দেয়ী । বাঃ রাম-প্রতিনিধি ! বাঃ কর্তব্য-সেবক ! তোমার রামের
কর্তব্য-সংহিতায় বুঝি মাতৃস্বসার প্রণাম নাই ? কবচ, যুদ্ধ কর । আমি
এখনও খুঁজতে এসেছিলাম আমার ক্রটি ; আর আমি নিঃসন্দেহ,
স্থির ; ভ্রাতৃসেবায় মাতৃস্বসার অশ্রুজল—এ প্রাণহীন, নীরস কর্তব্যের
নৌচে আমি মাথা হুয়িয়ে থাকতে পারি না ; যুদ্ধ কর ।

[প্রস্থান ।

ভরত । এ কর্তব্য নীরস, প্রাণহীন নয়, দেবি ! তা যদি হ'ত, তা
হ'লে পিতৃ-ইচ্ছায় পরশুরামের মাতৃ-শিরশ্ছেদ—সে আবার আরও নীরস,
আরও প্রাণহীন, আরও কলঙ্কের হ'য়ে যেত । কবচ, কর দিচ্ছ
না তা হ'লে ?

কবচ । না ।

ভরত । প্রস্তুত ? [অস্ত্র ধরিলেন]

কবচ । একটা কথা—এ যুদ্ধে যদি আমার মৃত্যু হয়, কুণ্ডল রইল—
তাকে দেখো । [অস্ত্রধারণ]

ভরত । তুমি মরবে না কবচ, এযুদ্ধে আমার হাতে ; নির্ভয় ।

[উভয়ের যুদ্ধ ও প্রস্থান ।

সামন্ত রাজগণ সশস্ত্র উপস্থিত হইল ।

রাজাগণ । জয়—রোহিলা-রাজ্যেশ্বরী নন্দেয়ী দেবীর জয় !

মুক্ত অসিহস্তে কন্দুক উপস্থিত হইল ।

কন্দুক । সাবধান ; আর একটা পা বাড়ালে কারও কাঁধে

মাথা থাকবে না, একটি ছফার ছাড়লে জন্মের মত চূপ হ'য়ে যেতে হবে ।

কেকয় উপস্থিত হইলেন ।

কেকয় ! তুমি আগে আমায় চূপ করিয়ে দাও ত, কন্দুক ! আমার মাথাটা আগে নাও ত—তার পর অন্তের কথা ! দেখি, তুমি কত বড় বীর কতদূর তোমার শৈশ্ব্য, কতখানি তোমার কর্তব্য বোধ ?

কন্দুক । [নির্ঝাক্, কিংকর্তব্যবিমূঢ়, অস্থির—ছটফট করিতে লাগিল]

সৈন্ধব উপস্থিত হইল ।

সৈন্ধব । আরে, মার—মার বুড়োকে ; আবার হতহতঃ কিসের ? ভাব্ছ কি ? বাবা ? কিসের বাবা ! উড়তে পেরেছ—খুঁটে খেতে শিখেছ, মিটে গেছে ; মার—

কন্দুক । [শ্লথ হইয়া] বাবা, এই পর্যন্তই থাক, আর কাজ নাই ; আমাদের রাজগিরি চল ।

কেকয় । তুমি যাও, কন্দুক ! তোমার আমি এইখানে দাঁড়িয়েই অভিষেক করছি এই রাজাদের সমক্ষে, আজ হ'তে রাজগিরির রাজা তুমি । আমি আর সে মুখো হব না, পুত্র ! আমি এই কৈকেয়ী আর ভরতকে দেখব—কেমন তারা রামের মা, রামের ভাই !

কন্দুক । আর কাজ নাই, বাবা ! আমি দেখছি—আমাদের কোন দিকেই মঙ্গল নাট, শুদ্ধ কলঙ্ক মাথা ; রাজগিরি চল—আমরা পিতা-পুত্রে পবিত্র থাকি ।

কেকয় । কন্দুক, মাথা নিতে পারুলি না—আমায় মঙ্গুগ্ন করতে আস্ছিস ? আমি সে পবিত্রতা চাই না, পুত্র ! আমার কণ্ঠা, দৌহিত্রের

একজন যথার্থ মা—একজন আদর্শ ভাই, একটা নির্মলা গঙ্গা—একটা সচন্দন বিষপত্র—এ যদি দেখতে পাই, আমি সেই পবিত্রতাতেই ভ'রে থাকব ।

সৈন্ধব । [সোল্লাসে] জয় মা মঙ্গলচণ্ডি !

কেকয় । রাজগণ ! কবচ নিরঙ্গ, পরাজিত ; সাহায্য কর, ভরতকে আক্রমণ কর একযোগে । রামের ভাইটাই দেখি আগে ।

রাজাগণ । জয়—রোহিলা-রাজ্যেশ্বরী নন্দয়ী দেবীর জয় !

[কেকয়সহ প্রস্থান ।

সৈন্ধব । জয় মা মঙ্গলচণ্ডি ! আমি কিন্তু কাকেও ফেরাতে-
টেরাতে আসি নি, বাবাজী ; আমার ওপর আড়ি ক'রো না মেন । তোমার
খুশী হয়, তুমি এখনও বুড়োর পিছু নিতে পার । আমি শ্রোতে গা
ভাসান্ দিইয়েছি ; জয় মা মঙ্গলচণ্ডি !

[প্রস্থান ।

কন্দুক । [উদ্দেশে] ভরত ! আমি হেরে গেছি, বাবা !
রাজাদের আটক হ'ল না । তোমার মায়ের দেওয়া সে মঙ্গলচণ্ডীর
নির্মাল্য আমায় পিতার বিক্রমে এনে—পিতারই পূজা করিয়ে দিলে ।
আমি হেরে গেছি—তুমি আত্মরক্ষা কর ।

[প্রস্থান ।

যুধ্যমান্ কুণ্ডল ও শক্রয় উপস্থিত হইলেন ।

শক্রয় । বালক, বিশ্রাম নাও—তুমি শ্রান্ত—আমি অবসর দিচ্ছি ।

কুণ্ডল । রেখে দাও তোমার ও অনুগ্রহ অন্তস্থলের জন্ত ; এ যুদ্ধ
অবিশ্রান্ত ।

শক্রয় । তোমার বীরত্ব, নির্ভীকতা, দৃঢ়-প্রতিজ্ঞার আমি বাবাজীবন
প্রশংসা ক'রে যাব, বালক ; যুদ্ধ রাখ ।

কুণ্ডল । আমার কাপুরুষত্ব, ভীকতা, সঙ্কীর্ণ হৃদয়ের কুৎসা গেয়ে
যেয়ো তুমি ষত পার ; যুদ্ধ কর ।

শক্রয় । এ তোমার জীবনের ওপর অবজ্ঞা করা হচ্ছে, বালক !

কুণ্ডল । জীবনের ওপর অবজ্ঞা হ'লেও—জান্বে না তুমি, জননীর
মুখোজ্জল ।

শক্রয় । বালক, ক্রান্ত হও, আমায় কলঙ্কিত ক'রো না ।

কুণ্ডল । কলঙ্ক ছাড়া আজ আর তোমার পথ নাই । হর নিজের
পরাজয়—নয় আমায় হত্যা ; আমায় বাঁচিয়ে রেখে যে জয়-কেতন উড়িয়ে
দেবে—সেটা তোমার আকাশ-কুমুম ।

শক্রয় । তোমার হস্ত শিথিল—

কুণ্ডল । হৃদয় কি স্তম্ভ দৃঢ়—

শক্রয় বিব্রত হইয়া উঠিলেন, স্তম্ভ উপস্থিত হইল ।

স্তম্ভ । কুমার, বড় দুঃসংবাদ, তোমার দাদা বন্দী ।

শক্রয় । বন্দী ! দাদা ! যুদ্ধে পরাজিত হ'য়ে ?

স্তম্ভ । না কুমার, মাতামহ কেকয়রাজের মমতার শিথিল হ'য়ে ।
তিনি কবচকে পরাজিত করেছিলেন, করদ-রাজারা ষোগ দিয়েছিল—
তাদেরও ছিন্ন-ভিন্ন ক'রে এনেছিলেন ; কিন্তু কুমার, কেকয়রাজ ছুটে
গিয়ে তাঁর অস্ত্রমুখে বুক দিয়ে দাঁড়ালেন—তাঁর হাত আর চল না,
তিনি পরাজিত, বন্দী ; উপায় করুন ।

[প্রস্থান ।

শক্রয় । বালক, একটু বিশ্রাম কর । [গমনোন্মত্ত]

কুণ্ডল । [বাধা দিয়া] কোথা যাও ?

শক্রয় । সাবধান শিশু, আর আমার গতি রোধ ক'রো না ।

কুণ্ডল । হত্যা কর—চ'লে যাও ।

শক্রয় । হত্যাই করতে হ'ল তোমার, ভাব'বার অবসর নাই—
উপায়ও নাই । বালক, আমি নিরপরাধ, মৃত্যু তোমার কেশাকর্ষণ
করেছে—[আঘাতে উত্তত]

সামন্ত রাজাগণ উপস্থিত হইয়া শক্রয়কে বেষ্টিত করিল ।

আয়—আয়, রাজদ্রোহিগণ ! [যুদ্ধ]

রাজাগণ । জয়—রোহিলা-রাজ্যেশ্বরী নন্দয়ী দেবীর জয় ।

অযোধ্যাবাসিগণ সহ দর্পণ উপস্থিত হইল ।

অযোধ্যাবাসিগণ । জয়—অযোধ্যাপতি রামচন্দ্রের জয় !

শক্রয় । দর্পণ, এই বালকের গতিরোধ কর, দর্পণ ! আমার
দাদা বন্দী ।

[প্রস্থান ।

[দর্পণ কুণ্ডলের সহিত যুদ্ধ আরম্ভ করিল, অযোধ্যাবাসিগণ
ভীমবিক্রমে সামন্ত-রাজগণকে আক্রমণ করিল, রাজগণ
রণে ভঙ্গ দিবার উদ্যোগ করিতে লাগিল ।]

কুণ্ডল । নির্ভয় রাজগণ ! রণে ভঙ্গ দিয়ো না, ফিরে দাঁড়াও, দৃঢ়-
মুষ্টিতে তরবারি ধর—বিজয়লক্ষ্মী আমাদেরই । [দর্পণ কর্তৃক কুণ্ডল
ভঙ্গাহত হইল, রাজগণ পলায়ন করিল, দর্পণ-চালিত অযোধ্যাবাসিগণ
জয়নাদে পশ্চাৎদ্রাবন করিল]

অযোধ্যাবাসিগণ । জয়—রামচন্দ্রকি জয় !

কুণ্ডল । [অবসন্ন ভাবে] মা ! স্বাধীনতা দিতে পারলাম না,
তোমার স্বাধীনতা-পূজায় জীবন দিলাম—[পতনোত্তত]

চিত্র উপস্থিত হইয়া তুলিয়া লইল ।

চিত্র । পরীক্ষা—পরীক্ষা ! বুক দেখ—একটা কাঁপুনি নাই, চোখ দেখ—এক ফোঁটা জল নাই, আওয়াজ দেখ—এতটুকু বেশুরো কি ধরা নাই ।

সুরে ।

যধোৰ্ণনাভিঃ সৃজতে গৃহতে চ
যথা পৃথিব্যামোষধয়ঃ সম্ভবতি
যথা মতঃ পুরুষাৎ কেশ লোমানি
তথাকরাৎ সম্ভবতীহ বিশ্বম্ ।

উত্তীর্ণ—হো-হো-হো—চিত্র পরীক্ষায় উত্তীর্ণ ।

অদূরে নন্দেয়ী সহ কবচ আসিতেছিল ।

কবচ । মা—মা, এটদিকে—ঐখানে জল্লাদরা কুণ্ডলকে আক্রমণ করেছিল, ঐ একজন এখনও দাঁড়িয়ে, ঐ যে ওর কাঁধেই আমাদের কুণ্ডলের মৃতদেহ ; জল্লাদ—জল্লাদ—[হত্যা করিতে উত্তত হইল ও চিত্রকে চিনিয়া ধমকিয়া দাঁড়াইল]

নন্দেয়ী । [অস্ত্র ধরিয়া] কই—কই, দেখি কেমন জল্লাদ—

চিত্র । হাঃ-হাঃ-হাঃ-হাঃ—দেখ, দেখ—কেমন জল্লাদ আমি ; কাঁধে মরা-ছেলে, মুখে হাঃ-হাঃ-হাঃ-হাঃ—[হাস্য]

নন্দেয়ী । [চিত্রকে চিনিয়া শিথিলভাবে] ও ! না, আমাদের ভুল হয়েছে ; তুমি জল্লাদ নও—তুমি জল্লাদ হ'তেও । আমি পুত্রঘাতী জল্লাদদের দেখতে এসেছিলাম অগ্নি-প্রথর দৃষ্টি নিয়ে ; কিন্তু তোমায় দেখে আমার তাদের ওপর ভক্তি আসছে । তারা পরের ছেলে মারে—তুমি

আপনার মরা-ছেলে কাঁধে নিয়ে হাস, নাচ, আনন্দ কর ; তুমি জন্মাদ হ'তেও ; তোমায় আমি কি চোখে দেখি—

চিত্র । তোমার আবার অণু রকম চোখ আছে নাকি ? আমি ত বরাবর দেখে আসছি—তোমার ঐ এক অগ্নি-প্রথর দৃষ্টি ! বাহবা— আজ যে দেখছি ব্রহ্মাণ্ডের পরীক্ষা ! দেখ, দেখ—নন্দেয়ি, তোমার অণু চোখ থাকে ত, যা'ই হোক—একটা পাল্টে দিয়ে দেখ আমায় ; আমিও দেখি, সু হোক কু হোক—তোমার চোখ রকমারি আছে ।

কবচ । পিতা—

চিত্র । চূপ—চূপ ! পিতা ? হা-হা-হা—বাহবা পরীক্ষা ! একটার উত্তর দিতে-না দিতেই দ্বিতীয় প্রশ্ন ; যেমনি কাটানু—অমনি সঙ্গে-সঙ্গেই চাপানু । জয় গুরু ভরদ্বাজ ! কবচ, আমি আর পিতা-পুত্রের গাঁথা-গাঁথিতে নাই ; আমি—আমি ।

সুরে ।

যথা নদ্যঃ স্তম্ভমানা সমুদ্রে
হস্তং গচ্ছন্তি নাম রূপে বিহার ।
তথা বিশ্বান্নাম রূপাষিমুক্তঃ
পরাম্পরং পুরুষমুপৈতি দিব্যম্ ॥

কি নন্দেয়ী দেবি, চূপ ক'রে যে ? হাঁপিয়ে গেলে ? এষ্টটুকু ছুটেই ! ছোট'—ছোট', তোমায় অনেক দূর যেতে হবে—স্বাধীনতার দেশ ! [অঙ্গুলী নির্দেশ করিয়া] ও—না, দেখা যায় না এদিকে ; সব ধোঁয়া-ধোঁয়া !

নন্দেয়ী । [দীর্ঘ নিঃশ্বাস ফেলিয়া] কবচ, শিবিরে চল ।

চিত্র । শিবিরে যাবে ! কই, আমায় দেখে গেলে না, নন্দেয়ি ?

নন্দেয়ী । দেখ'ব না—দেখ'ব না, যাও ; তোমায় আমি চোখ দিয়ে দেখ'ব না—চিত্তা দিয়ে দেখ'ব ।

চিত্র । আছে—আছে, দেখার রকমারি আছে । বাহবা ! শুধু আমি উত্তীর্ণ নই, এই সঙ্গে সবাই পার্ ! “স যো হ বৈতৎ পরমং ব্রহ্ম বেদ ব্রহ্মৈব ভবতি—নাশ্চাব্রহ্মবিৎ কুলে ভবতি ।” তাই দেখো, নন্দেয়ি ; শুধু আমাকে নয়, তোমার ঐ উপর-ছাওয়া—ভিতর-জারা স্বাধীনতাটাকেও ঐ দৃষ্টি দিয়ে ।

[কুণ্ডল-স্বন্ধে প্রস্থান ।

নন্দেয়ী । [কবচকে] শিবিরে চল ।

কবচ । তুমি যাও, মা ! আমি একবার মাতামহের শিবিরে যাব ।

নন্দেয়ী । শিবিরে চল ।

কবচ । আমার ভ্রাতৃ-বিরহের পূরণ, বদল, সাধনা আছে মা, সেই শিবিরে ।

নন্দেয়ী । কবচ, তুমি না আমার রাম ?

[কবচ নীরবে নন্দেয়ীর অনুসরণ করিল ।

নবম গর্ভাঙ্ক

শিবির

ভরত ও কেকয় মুখোমুখি দাঁড়াইয়াছিলেন ।

কেকয় । ভরত, তুমি এখনও রামের ভাই ?

ভরত । [নীরব]

কেকয় । চুপ ক'রে যে ? উত্তর দাও—তুমি এখনও রামের ভাই ?

ভরত । রামের ভাই ত আমি কোনকালেই নই, মাতামহ ; আপানি অশ্রায় বলছেন, আমি রামের দাস ।

কেকয় । জান—তুমি বন্দী ?

ভরত । জানি ; আপনিও বোধ হয় জানেন, আমি যে বন্দী—
সে শুধু মাতামহের রক্ষায় ?

কেকয় । খুব রক্ষা মাতামহকে ক'রে যাচ্ছ, ভরত ! জীবনটা নাও
নি—এই তোমার রক্ষা করা ? সে ত ভাল ছিল ; অপমানের জীবন ত্যা—
সে কি রক্ষম জান ? মাথার ওপর অস্ত্র চালানই আঘাত—আর হৃদয়ে
যা মারাটা বুঝি পূজা ?

ভরত । মাতামহ, আপনার হৃদয় আছে ?

কেকয় । ছিল, তোমরা মাতা-পুত্রে তাকে দ'লে, পিষে, পুড়িয়ে
উড়িয়ে দিয়েছ ।

ভরত । আমরা মাতা-পুত্রে বেটার দ'লে চলেছি—সেটা
আপনার হৃদয় নয়, রাম-বিষেঘের অগ্নিকুণ্ড—আপনা-আপনি দগ্ধ
হবার ।

কেকয় । তা হ'লে সেটা যা-তা অগ্নিকুণ্ড নয়, ভরত ! পবিত্র
হোমের পরম অগ্নিকুণ্ড—যাতে হবিঃ আপনি দগ্ধ হ'য়ে বিশ্ব-ব্রহ্মাণ্ডটায়
আমোদিত, উপকৃত, বিস্তৃত ক'রে তোলে ।

ভরত । [সবিস্ময়ে] মাতামহ—

কেকয় । ভরত—

ভরত । না, ও আপনার সে পবিত্র হোমকুণ্ড নয় ; সর্ব্বধ্বংসী
চিতানল—শবদেহের ছুর্গন্ধে বিশ্বের নাসারক্ত রুছ ।

কেকয় । তুমি আমার হত্যা কর—হত্যা কর, ভরত ! রক্ষার নামে
আর আমার ভাসিয়ে দিয়ে না ; রক্ষা কর—আমার হত্যা কর ।

ভরত । আপনাকে আমি হত্যা করব কি, মাতামহ ; আমি যে
আপনার বন্দী !

কেকয় । তোমার হাতে শৃঙ্খল নাই, তোমার পাশে প্রহরী নাই ;
তোমার কটিবন্ধে অস্ত্র বর্তমান ।

ভরত । এ অস্ত্র থাকায়-না-থাকা, মাতামহ ! আপনার মোহিনী-
মন্ত্রে এর ধার উড়ে গেছে । প্রহরী নাই ; আপনার উপর-দীপ্ত ভিতর-
সজল চক্ষু আমার ভ্রায়, কর্তব্য সকল দিক্ আটকে বসেছে । লৌহ-
শৃঙ্খলের কতটুকু শক্তি ? আপনি স্নেহের সমুদ্র সেই মাতামহ—এই
স্বতির বন্ধন আমায় নাগপাশ হ'য়ে জড়িয়ে ধরেছে ; আপনাকে
হত্যার উপায় নাই ।

কেকয় । হত্যা কর, ভরত ; নচেৎ তোমার রামের ভাই হওয়া
এইখানেই ইতি । রাম তোমায় অযোধ্যার ভার দিয়ে রেখেছে ; ফিরে
এসে দেখবে, অযোধ্যা ছাই—তুমি খুব প্রতিনিধি, খুব ভাই !

শক্রয় আসিতেছিলেন, তাঁহাকে বাধা দেওয়ার অভিনয়
করিতে করিতে সৈন্ধব আসিতেছিল ।

সৈন্ধব । আরে আরে, তুমি যে আটক মান না হে ! আজ আমি
শিবিরের প্রহরী. জান না ? নিতান্ত যে-সে ঠাউরেছ ?

শক্রয় । মাতামহ—

কেকয় । শক্রয়, দাদার উদ্ধার কর্তে এসেছ ?

শক্রয় । না ; আপনার বন্দী হ'তে এসেছি ।

কেকয় । [সবিস্ময়ে] বন্দী হ'তে এসেছ !

শক্রয় । হাঁ, দাদার সঙ্গে—এক শৃঙ্খলে—এক কারাগারে ।
মাতামহ, এ যুদ্ধে বন্দী হওয়া ভিন্ন উপায় আছে ? অভিমান বেখান-
কার শৌর্য—অশ্রু বেখানকার অস্থ—আশীর্বাদ, প্রণামে বেখানে যুদ্ধ,
সেখানে যে, সকল ক্ষমতা নতশির, নির্ঝাক, নিশ্চল ? দাদার উদ্ধার

কৈকেয়ী

[৩য় অঙ্ক ;

কর্ব—মাতামহ, দাদা বন্দী কেন ? এই ক্ষুদ্র সংগ্রামে ইন্দ্র-বিজয়ী
দশরথের পুত্র ? ভার্গব-বিজেতা রামচন্দ্রের কনিষ্ঠ ? উপায় নাই—
আমিও ঐ দাদার ভাই, দাদার যে গতি—আমারও তাই ; উদ্ধার চাই
না—আমি আপনার বন্দী ।

[পদতলে নতজানু হইলেন ।

কেকয় । শত্রু—[সানন্দে সন্তোষে শত্রুকে তুলিলেন]

ভরত । [কেকয়রাজকে স্নেহপূর্ণ শিথিল—গদগদ দেখিয়া] মাতা-
মহ, আমি আপনাকে হত্যা কর্ব ; মনে পড়েছে আপনার মৃত্যুবাণ ।
বলুন, আপনি কি চান ? আমি কর্ব—যত অসাধ্য হোক । আমি
রামের ভাই নই, আমি আজ আপনার দৌহিত্র—আপনার আদেশবাহী
—আপনারই সন্তোষ-বিধানে বন্ধপরি কর ।

কেকয় । [বিস্মিত আনন্দে] ভরত, করছ কি ? তোমার রাম-
প্রাণতা কোথায় থাকছে ? আমায় মারবার আগে যে তুমি নিজে
মরছ !

ভরত । মরছি ; নিজে ম'রে অপরকে মারার বিধিও জগতে
আছে ; দধীচি রত্নাসুরকে মেরেছিলেন নিজের বুকের হাড় তুলে
দিয়ে ; আমার বুকের হাড় রাম-প্রাণতা—আমিও তুলে দিচ্ছি
অকাতরে আপনার নিধনে, অযোধ্যার শান্তি-স্থাপনে । বলুন—কি চান
আপনি ? অযোধ্যা ?

কেকয় । [নির্ঝাক্ বিস্মিত উৎফুল্ল নেত্রে ভরতের আপাদমস্তক
নিরীক্ষণ করিতে লাগিলেন]

ভরত । কি দেখছেন, মাতামহ ? কি ভাবছেন ? আমি রাম-
প্রতিনিধি, রাম ফিরে এসে আমার কাছে অযোধ্যা চাইবেন—কোথায়
দাঁড়াব আমি ? চাইবেন না ; জগতের কোন কিছু চাইবার জন্ত রামের

জন্ম নয়, রামের জন্ম—যা-কিছু জগৎকে বিলিয়ে যাবার জন্ত। রাম
যে আমায় নিজের প্রতিনিধি ক’রে অষোধ্যায় রেখেছেন—সে অষোধ্যার
মাটি আগ্লাম্বার জন্ত নয়, রামকেই অক্ষরে অক্ষরে চিনিয়ে রাখবার
জন্ত। যাতামহ, যে রাম বিমাতার একটি প্রার্থনার অষোধ্যাকে
পূজার মত পায়ে চেলে চ’লে যান্, তুল করেছিলাম আমি সে রামের
প্রতিনিধি হ’য়ে; সে রামকে চিনিয়ে রাখতে—সে অষোধ্যা নিয়ে এ
রক্তারক্তি চলে না। আপনি আবার সেই রামের বিমাতার পিতা, রামের
শতকোটি প্রণাম দিয়ে পূজার; বলুন আপনি কি চান্? আমি আজ
রাজকার্যে রাম-প্রাণতাকেই বলিদান ক’রে যাচ্ছি। [নতজানু হইলেন]

গীতকণ্ঠে দর্পণ উপস্থিত হইল।

গীত।

দেখ দাদা, দেখ রামের ভাই।

দেখ যতদূর দৃষ্টি তোমার—

বাসনার ঈষৎ রেখাটি নাই।

কেবল করুণ বিজয়-বাণ, কেবল ওঁ কব সামগান,

কেবল সাধনা মনুষ্যত্ব, কেবল স্বার্থ বলিদান,

কেবল নীরব-নয়ন-গলা—

কেবল উদাস কোথায় চলা,

কেবল তুলসী-তলার মাটি,

কেবল নেবানো হোমের ছাই।

[প্রস্থান।

[উন্মত্ত আবেগে কেকয়রাজ ভারতকে তুলিয়া বক্ষে লইলেন]

সৈন্ধব! জয় মা মঙ্গলচণ্ডি—জয় মা মঙ্গলচণ্ডি!

কেকয়। [অধীর-আনন্দে] সৈন্ধব—সৈন্ধব, তুমি ছুটতে পার?

সৈন্ধব । আজ্ঞে, খুব—ঘোড়ার মত ।

কেকয় । একবার অযোধ্যায় যাও—এক ছুটে ; কৈকেয়ীকে বল, রামের ভাইয়ে যা দেখবার—আমার দেখা হ'য়ে গেছে, এইবার রামের মায়ের কিছু দেখাবার থাকে ত—এই সময় ।

চিত্রপট হস্তে কৈকেয়ী উপস্থিত হইলেন ।

কৈকেয়ী । আর কা'কেও পাঠাতে হবে না, বাবা ; আমি এসেছি । একখানা ছবি দেখ—আমার আঁকা ; [চিত্রপট দেখাইলেন] এর ভাবটা হচ্ছে এই, আমি রামের বনবাস স্থির ক'রে দিয়ে আপনার কক্ষে এসে গম্ভীরভাবে দাঁড়িয়ে আছি—আর সেই রাম আমার সাষ্টাঙ্গ প্রণাম ক'রে নতজানু হ'য়ে কৃতাজলিপুটে আমার কাছে বিদায় চাচ্ছে ; মুখে একটা সঙ্কোচের রেখা নাই—সরল, শান্ত, প্রফুল্ল । বাবা, এ রামের মা না হ'য়ে নিস্তার আছে ? এমন পাষণ্ড আজও জগতে সৃষ্টি হয় নি—এ প্রণামে না কাটে । আমি যখন তোমায় বলেছিলাম—আমি রামের মা, তখন এই ছবিখানা আঁকছিলাম ; ইচ্ছা ছিল—এ রামের মা হ'য়ে আর কি দেখাব, এই ছবিখানা—সকলকার দৃষ্টি পড়ে—ব্রহ্মাণ্ডের এমনি আয়গায় টাঙিয়ে দিয়ে যাব ; কিন্তু আর তা হ'ল না—আবার একটা ছবি চোখে পড়ল তোমার আঁকা এ হ'তেও বিচিত্র ; আমি হ'ঠে গেলাম । আমি আর রামের মা নই, আজ আমি ভারতের মা ।

কেকয় । [উন্মত্ত আনন্দে] সৈন্ধব—সৈন্ধব, আমি ম'রে গেছি—আমি নাই—আমি ম'রে গেছি ।

কৈকেয়ী । তুমি অমর ; ম'রে ম'রেও যে-ছবি দেখিয়েছ তুমি, তুমি অমর । আমি আমার ছবিতে দেখাচ্ছিলাম, রাম আপনার

পরিচয় দিতে আপনাকে বলি দেয় ; তুমি তোমার ছবিতে দেখাচ্ছ, ভরত রামকে চেনাবার জন্ত আপনা হ'তেও প্রিয় যে তার রাম-প্রাণতা—জীবনের অবলম্বন, তাকে পর্যাস্ত ষিলিয়ে দেয় । তোমার ছবিই উচ্চ—তুমি অমর । আমি আর রামের মা নই, আমি তোমার ঐ নিখুত তুলির আঁকা তোমার দৌহিত্র ভরতের মা—তোমার কন্যা ; ম'রে গেলাম আমি ।

কেকয় । গঙ্গা মরে না মা, গঙ্গা মরে না ; সে ব্রহ্মাণ্ডের যত মড়া কুড়িয়ে নিয়ে অমর, উদ্ধার ক'রে দেয় ।

সৈন্ধব । চলুন মহারাজ, তা হ'লে আর এখানে কেন ? উদ্ধার হলেন—বৈকুণ্ঠে চলুন চতুর্ভুজ হ'য়ে । আমিও চিরদিনটা ভালতে-মনতে সকল রকমেই আপনার পিছু পিছু আছি, আমিও যাব সঙ্গে অন্ততঃ তলপিদার হ'য়ে ।

কেকয় । কিছু হ'তে হবে না তোমায়, সৈন্ধব ! কোথাও যাব না আমি । তোমার বৈকুণ্ঠে যাব কা-রা ? জন্মটা যা-তা ক'রে মৃত্যুকালে গঙ্গাস্পর্শ করে যারা—তারা । আমি জগৎকে যতই আঘাত ক'রে আসি সৈন্ধব, আমি এই গঙ্গার জনক—উৎপত্তি স্থল—নারায়ণের পাদপদ্ম ; আমার স্থান বৈকুণ্ঠ হ'তেও দূরে—চিন্তাশীল মনিষীদের হৃদয়ে হৃদয়ে । বৈকুণ্ঠে যে যাব—যাক, আমাদের রাজগিরি চল ; কৈকেয়ী যে ঘরটার ভূমিষ্ট হয়েছিল—সেই ঘরটায় প্রদীপ জ্বলে, আসন ক'রে, দুই বন্ধুতে অচ্ছেদ্য-বন্ধনে ব'সে পড়ি গে ।

কবচ উপস্থিত হইল ।

কবচ । বাঃ বৃদ্ধ, বাঃ । নিজের বস্বার জায়গা ক'রে নিতেই বুঝি আমাদিগে মরুভূমিতে বসিয়ে দিলে ?

নন্দেয়ী উপস্থিত হইলেন ।

নন্দেয়ী । [সকরুণ অভিমানে] মরুভূমিও মন্দ নয়—পুত্র, মরুভূমিও মন্দ নয় ; সে বেশ একটা পিপাসা জাগিয়ে দেয় ।

কবচ । [রোক্রোধমান্ হইয়া] মা !

নন্দেয়ী । তোমায় যে আমি নিষেধ করলাম—কবচ, তবু এসেছ এখানে ?

কবচ । থাকতে পারলাম না, মা ! দাঁতে দাঁত দিয়ে তোমার কথা রেখে আসছিলাম ; কিন্তু মার্জনা কর—মা, এ মিলন-দৃশ্যটা কিছুতেই আমায় টিকতে দিলে না, চুলের মুঠি ধ'রে টেনে নিয়ে এল ! এ মিলন যে দেখবার—এ মিলন যে আমাদেরই—

নন্দেয়ী । [বাধা দিয়া] থাক্ ; মিলন দেখতে এসেছ—মিলনই দেখে যাও ; মিলনের পর মিলন—ছবির পর ছবি । এতক্ষণ এক মিলন দেখলে—অভিমানী পিতায় আর পুত্র-বৎসলা কণ্ঠায় ; এইবার আর এক মিলন দেখ—বিজয়-উৎফুল্ল রাজায় আর বাম্পাকুল লক্ষ্যব্রষ্ট প্রজায় । [কৈকেয়ীর প্রতি] অমোধ্যা-সম্রাজ্ঞি ! আমি অবনত, কর নেবে এস ।

কবচ । [রোষযুক্ত অভিমানে] মা ! মা !

নন্দেয়ী । চূপ কর, পুত্র !

কবচ । জিবটা কেটে দাও মা, তা হ'লে ।

নন্দেয়ী । পুত্র—

কবচ । চূপ কর ভূমি, বার বার পুত্র সঙ্ঘোধন ক'রে পুত্র জিনিষটায় জগতের পেছুতে ফেলে দিয়ো না ; আমি তোমার পুত্র নই । এতদিনে বুঝলাম—যথার্থই তুমি আমার বিমাতা । তোমার স্বাধীনতা

মিছে কথা—তুমি ভগ্নীর পূজা করবার জন্ত আমার ভাই-হারা
ক'রে দিলে ।

শ্রুত । [স্নেহগদগদস্বরে] কবচ—ভাই, এক ভাইয়ের বিনিময়ে
চার ভাই নাও ।

কবচ । তা হবে না রাজ-প্রতিনিধি, তা হবে না ; তোমাদের
একজনকে সরিয়ে দিয়ে—আমায় নিয়ে যদি চার ভাই পূরণ হয়, তবেই
আমি রাজী ।

[প্রস্থান ।

কৈকেয়ী । কবচ—

নন্দেয়ী । তোমাকে ব্যস্ত হ'তে হবে না ওর জন্ত, মহারানি !
ওর সঙ্গে বোঝাপড়া করব আমি ; তুমি আমার সঙ্গে এস—
কর নাও

কৈকেয়ী । নন্দেয়ী—[তাঁহার কণ্ঠস্বর কাঁপিল, চক্ষে জল আসিল,
আর বলিতে পারিলেন না]

নন্দেয়ী । ওকি ! তোমার স্বর কাঁপছে কেন ? চোখে জল ?
মা মঙ্গলময়ী মহাশক্তির ইচ্ছা—তোমার মুখের সে নীতিবাক্য কই ?
রাম-বনবাসের দৃঢ়ব্রত দৈবনির্ভরা সেই কৈকেয়ী তুমি ? না, আর
আমি তোমায় কর দিতে পারি না ; এস, আবার যুদ্ধ আরম্ভ করি—
নতন যুদ্ধ । কর দিতে এসেছিলাম রাজকর ব'লে নয়—শুরু-প্রণামী
ব'লে ; কিন্তু তোমাতে আর সে শুরুই নাই ; তুমি ত পুত্রহারা
আমায় বোঝাতে পারলে না—নিজেই কেঁদে গেলে । আমি পুত্রহারা
হয়েছি—মহারানি, মা মঙ্গলময়ী মহাশক্তির ইচ্ছায়—অমঙ্গল হয় ন,
দেবি ! পুত্র হারিয়েছি—স্বামী পেয়েছি—বহুদিনের নির্বাসিত, অনাদৃত,
অপরিজ্ঞাত স্বামী—প্রাণে প্রাণে, চিন্তায় চিন্তায় । দিদি, যে স্বামীকে

ককেশী

[৩য় অঙ্ক ;

ভাসিয়ে দিয়ে আনন্দে তুমি পুত্রের যা হ'তে চলেছ, সেই পুত্রকে ভাসিয়ে
দিয়ে আমি মনেপ্রাণে মহা উল্লাসে স্বামীর স্ত্রী হ'তে ছুটেছি । এতদিনে
যথাযথই আমি তোমার ভগ্নী, এতদিনে আমি ঠিক তোমার বিরুদ্ধবাদিনী ;
এইবার প্রকৃত যুদ্ধ আরম্ভ তোমার আর আমার ।

কৈকেশী । ভগ্নী আমার—[গলা ধরিলেন]

নন্দেশী । দিদি আমার—[গলা বেঁটন করিলেন]

কেকয় । জগৎ ! আমি শুধু গঙ্গার জনক নই—আমার ছ'ই কন্যা
—গঙ্গা আর যমুনা ।

[নিষ্ক্রান্ত ।

চতুর্থ অঙ্ক

প্রথম গভাঙ্ক

লক্ষাপুরী—রাজসভা

সিংহাসনে রাবণ, নিয়ে পৃথক্ পৃথক্ আসনে বীরবাহু, মেঘনাদ
প্রভৃতি রক্ষবীরগণ । সম্মুখে বন্দীগণ গাহিতেছিল ।

বন্দীগণ ।—

গীত ।

জয় দশস্কন্ধ বিংশবাহু ত্রিভুবন-বিজেতা ।
তুমি কল্পনাভীত কোন্ রচনার, অজ্ঞাত কি যে তা ।
বেদ-পাঠে রত বিধাতা ব্রহ্মা,
ভৃত্য তোমার ভীষণ মৃত্যু,
মন্দারমালা যোগায় বজ্রী, ছত্রধারী প্রচেতা ;
রহস্যময় তোমার জন্ম,
রক্ত-রক্তে ব্রহ্ম-বীর্ষ্য,
শক্তি-ক্ষেত্রে জ্ঞানের যজ্ঞ—দর্পিত, নব্রচেতা ।

রাবণ । মেঘনাদ, বীরবাহু, অতিকায়, অকম্পন, প্রহস্ত, ধূত্রাক্ষ,
দৌশ্টাক্ষ, কর্ষণ—এক বিভীষণ ব্যতীত আমার আত্মীয়, বাহুবল,
মঙ্গলাকাঙ্ক্ষী, মিত্র বলতে সকলেই উপস্থিত, সকলেই আমার স্নেহের ;
আমি সকলকে সাদর-অভ্যর্থনা করি ।

সকলে । [মস্তক অবনত করিয়া সম্মান প্রদর্শন করিল]

রাবণ । শোন, শ্রদ্ধেয়গণ ! আজকের আমার এ সভা সমাবেশের কারণ, স্মরণ আছে বোধ হয় সকলের—পঞ্চবটী-বনে রাম-লক্ষ্মণ কর্তৃক ভগ্নী সূৰ্পনখার সেই অপমান ? মনে পড়ে বোধ হয়—ত্রিভুবন-বিজয়ী রাবণ-সহোদরার এই রাজসভায় কাঙালিনী, আলুথালু, উন্মাদিনীর উচ্চ-আর্তনাদ ? ভুলে যাও নি বোধ হয় কেউ—নিজেদের সে মুহূর্তের সেই লজ্জাবনত দৃষ্টি, নির্ঝাক, নিস্পন্দ অবস্থা ? আর জান সকলেই—আমি সেই অব্যক্ত মর্শ্বাঘাতের চমৎকার প্রতিঘাত দিয়েছি—সেই রামের সীতা হরণ ক'রে এনেছি ?

সকলে । জয়—কর্কর-কুল-তিলক দশস্কন্ধের জয় !

রাবণ । কিন্তু কর্করগণ, সে জটাধারী রাম-লক্ষ্মণ এ ভীম-প্রতি-ঘাতেও এখনও বুক-ভাঙা—নিরস্ত নয় । তারা অন্যান্য-রণে বালীবধ ক'রে ব্রাহ্মদ্রোহী পাষণ্ড সূত্রীবের সঙ্গে সখাতাবদ্ধ হ'য়ে তার বানর-কটক নিয়ে লঙ্কার দ্বারে উপস্থিত, সমুদ্র-পারের সেতু-বন্ধনে নিযুক্ত । তারা শমন-বিজয়ী দশাননকে দেখতে চায় ।

সকলে । জয়—মৃত্যুজ্ঞেতা দশাননের জয় !

রাবণ । আমি দেখা দেব, কর্করগণ ! আমি সন্ন্যাসী-বেশে সীতা হরণ ক'রে এনেছি ব'লে সে মূর্খবয় বোধ হয় মনে করেছে—এই নীতিই সূমহান্ লঙ্কা-রাজ্যের ভিত্তি । জানে না যে, আমি দিগ্বিজয়ী রাবণ ; জানে না যে, তাদের আরাধ্য, আদর্শ—ইন্দ্র, চন্দ্র, বায়ু, বক্রণ, তেত্রিশ কোটি দেবতা এই লঙ্কারাজ্যের ভূত্যা ; জানে না, এখানকার এক-একটি বালুকণা শত-সহস্র বছরের প্রতিরোধক, নিয়ন্তা । আমি দেখা দেব—বহুগণ, রাবণরূপে—ঠিক তাদের চৈতন্যটি হ'য়ে । তোমাদের কি অভিযত ?

সকলে । যুদ্ধ—যুদ্ধ । জয়—লঙ্কাধিপতি দশগ্রীবের জয় !

বিভীষণ উপস্থিত হইলেন ।

বিভীষণ । ধীরে ।

রাবণ । বিভীষণ ?

বিভীষণ । বিনা আছ্রানেই আস্তে হ'ল, দাদা ; নিতান্তই প্রয়োজন ।

রাবণ । প্রয়োজন ত তোমার—সেই সীতা ফিরিয়ে দাও ?

বিভীষণ । [অনুযোগ-স্বরে] সীতা ফিরিয়ে দাও ।

রাবণ । বিভীষণ, পূর্বে যা বলেছ—বলেছ ; এখন শত্রু দ্বারে, শাণিত শায়ক হস্তে, বীরব্রতে বন্ধপরিকর ; এখনও সীতা ফিরিয়ে দাও ?

বিভীষণ । এখনও সীতা ফিরিয়ে দাও । দাদা, শত্রু দ্বারে—এখনও ঘরে ওঠে নি, শাণিত শায়ক হস্তে—এখনও রুদ্রগর্জনে ছোটে নি, আগ্নেয়গিরি রুদ্ধ—এখনও অন্তনিহিত অগ্নিবৃষ্টি উদগীরণ করে নি ; এখনও সীতা ফিরিয়ে দাও ।

রাবণ । উঠুক শত্রু মন্ত আক্ষালনে লকা-প্রাসাদের শীর্ষ-চূড়ায়, ছুটুক তার করফিপ্ত দীপ্ত শায়ক বেড়াপাকে রাবণ-রাজ্য বেষ্টন ক'রে, করুক উদগীরণ সে রুদ্ধ আগ্নেয়গিরি যতদূর তার অন্তরের জোর ; আমি সীতা ফিরিয়ে দেব না, বিভীষণ ! কেন দেব ? বনের বানর সহায় দেখে ? আমি কি আর সে রাবণ নই ?

বিভীষণ । মার্জনা ক'রো, দাদা ! তুমি যেন সে রাবণ হ'তে এরই মধ্যে একটুকু নেমে পড়েছ ! তুমি যদি সেই রাবণ, সীতায় হরণ ক'রে আনলে কেন, দাদা ? রাম-লক্ষণের সমক্ষে, তাদের হত্যা ক'রে কেড়ে আনতে পারতে ত ?

রাবণ । পারতাম বিভীষণ, তাদের পরাস্ত ভূপাতিত ক'রে, তাদের মৃত্যু-দীপ্ত নির্ঝাকৃ দৃষ্টির সমক্ষেই চুলের মুষ্টি ধ'রে এইরকম ক'রেই টেনে আনতে ; কেন করি নি, জান ? আমি রাবণ ব'লেই ; যার যে

পরিমাণ অপরাধ, ঠিক সেই মত দণ্ড বিধানই আমার রাবণত্ব। হত্যায় তাদের প্রায়শ্চিত্ত হ'ত না ; তারা করেছে—আমার ভগ্নীর নাসাকর্ণ ছেদন ক'রে মর্শ্মাঘাত, মর্শ্মাঘাতের প্রতিশোধ—এই অস্তরের অস্ত্রশূল-ভেদী গুপ্তঘাত ; রাজনীতি।

বিভীষণ। নতশির আমি তোমার রাজনীতির কাছে, মানি তুমি রাবণ রাজনীতি নিয়ে ; তবে দাদা, আমার অমুনয়—তুমি রাবণ হয়েছ, আরও কিছু হও—রাবণ হ'তেও—তোমার ঐ রাবণের অপরাভূত রাজনীতির সঙ্গে ধর্ম্মনীতিটাকে মাখিয়ে। দাদা, শুদ্ধ রাজনীতির দোহাইয়ে কারও প্রাণে ঘা দিয়ো না, কারও চোখে জল ফেলিয়ো না ; ব্যর্থ যাবে না।

রাবণ। বিভীষণ, আচ্ছা দেখি তোমার ধর্ম্মনীতিটাই, তা হ'লে রাবণের এ বৃকের ঘাটা কি ব্যর্থ যেতে বল ? সূর্পনখার অশ্রুজলটা কি জল নয় ?

বিভীষণ। সূর্পনখার অশ্রুজলের কারণ কি, দাদা ?

রাবণ। কারণ—সে তাদের কাছে অভিসারে গিয়েছিল—এই ত ? রমণী—পুরুষ-সঙ্গ প্রার্থনা করেছে—অপরাধ এমন কি ভীষণ ? এ ত প্রকৃতির ধর্ম্ম ; তারা যদি ব্রহ্মচারী—জিতেন্দ্রিয়, প্রত্যাখ্যান করতে পারত, তিরস্কার ক'রে তাড়িয়ে দিতে পারত ; নাসাকর্ণ ছেদন ! সমগ্র রমণী-জাতিটার ওপর আঙ্কল্যমান বিজ্ঞপ ! এ তোমার কোন্ ধর্ম্মনীতির দোহাইয়ে ? বিভীষণ, ওঃ, কী তুমি ! এ নিয়ে আবার বিচার করতে এসেছ ? এর অল্প বিচার আছে ? এর বিচার আমি ক'রে দিয়েছি, করেছে রমণীর অপমান—মরুক রমণীর জন্ম কেঁদে মাথা ঠুকে ; রাজনীতি।

বিভীষণ। রমণীর জন্ম মাথা ঠোকে ঠুকুক, তোমার রাজনীতি উজ্জল হোক ; কিন্তু রমণী মাথা ঠোকে তোমার কোন্ নীতির বশে,

দাদা ? কি কলঙ্ক দিয়েছে দেবী সীতা তোমার রাজনীতি বিশারদ রাবণ নামে, যার জন্ত আজ লঙ্কার অশোক-বন অশ্রু-জলের পাথর, আর্তনাদে রুদ্ধ বায়ু, মাথা-ঠোকায় রক্তারক্তি ? কার অপরাধে কার ওপর রাজনীতি দেখাও, দাদা ? অপরাধী হয়—রামে দণ্ড দাও ; এতে যে তোমার বিনা অপরাধে রমণী-জাতির অপমান করা হচ্ছে ! এ রমণী কি তোমাতে অনুরাগিনী ?

রাবণ । অনুরাগিনী উপস্থিত না হ'লেও—অপরাধিনী ; বর্তমান ব্যাপারে সীতা বিশেষভাবে সংশ্লিষ্টা, সূৰ্পনখার অপমানের প্রধান কারণ—রামের সীতা-গৌরব । আমি দেখিয়ে দিতে চাই—সীতা এমন অন্ধ ক'রে রেখেছে রামকে কিসের মাদকতায়, যার নেশায় সমস্ত জগৎটার রমণী তার ঘৃণার—উপহাসের । সীতাকে তুমি নিতান্ত দেবীটা ঠাওরো না, বিভীষণ ! তুমি জান না ; মায়া-মৃগ বধের সময় মারীচ যখন ঠিক রামের স্বরে “ভাই লক্ষণ ! রক্ষা কর”—ব'লে চীৎকার করতে লাগল, আমি ঠিক কুটীর-পার্শ্বে ছিলাম—সব দেখেছি, সব শুনেছি ; লক্ষণ রাক্ষসের মায়া অনুমান ক'রে কিছুতেই কুটীর ত্যাগ করতে সম্মত হচ্ছিল না ; কিন্তু এই সীতা—এই তোমার দেবী সীতা আশুরী-ক্রোধে গর্জে উঠে সর্বত্যাগী সমভিব্যাহারী সেবক লক্ষণকে চণ্ডালিনী হ'তেও কী দুর্ভাগ্যটা জলের মত ব'লে ফেললে, শুনবে ? বললে—“রে নরাধম ! তুই আমায় উপভোগ করবার জন্ত আমাদের সঙ্গ নিয়েছিস ?” ওঃ ! বিভীষণ, আমি চুরি করতে গেছি—আমারও ঘৃণা এল সে মুহূর্তটায় তাকে স্পর্শ করতে ; তার মার্জনা নাই—তার কাঁদাই উচিত এইভাবে—এই অশোক-বনে—এই রাক্ষসের ঘেরায় প'ড়ে ; রাজনীতি ।

বিভীষণ । [স্বগত] রাবণ মরবে—রাবণ মরবে ! রাজনীতির গৌরবে অমিত-বিক্রমী রাবণ আপনা-আপনি ফেটে মরবে !

রাবণ । কি ভাব্ছ, বিভীষণ ?

বিভীষণ । ভাব্ছি—দাদা, এই রাম-সীতা কোথাকার—কে এরা !

রাবণ । [বিক্রম-স্বরে] রাম-সীতা কৈলাসের শঙ্কর-শঙ্করী ।

বিভীষণ । ঠিক তাই না হ'লেও সেইরকম কোন অলক্ষ্য হ'তেই এদের আসা—এক জোট হ'য়ে, এক যুক্তি নিয়ে ; সীতা সপিণীর মত রূপের বেষ্টনে সমস্ত লক্ষাটায় বেড়া দিয়ে বসবে—কা'কেও একটু পাশ-কাটাবার স্মৃতি দেবে না, আর রাম সেই চিহ্ন-দেওয়া ভূ-খণ্ডটা লক্ষ্য ক'রে ব্রহ্মশাপে বজ্রাঘাতের মত উর্দ্ধ হ'তে ক্ষিপ্তগ্রাসে পড়বে—কোথাও একটা কুটো বলতে রাখবে না ।

রাবণ । বিভীষণ—

বিভীষণ । দাদা—

রাবণ । খুব যে রাম-ভক্তি দেখ্ছি তোমার !

বিভীষণ । রাম যে জগতের ভক্তিরই কারণ, দাদা ! নব দুর্বাদল-শ্রাম সীতাপতি রাম ! হরধনুভঙ্গকারী বীরমণি রাম ! পিতৃমত্যে সর্ষত্যাগী বনবাসী রাম !

রাবণ । বল—বল, চূপ ক'রে গেলে কেন ? আরও বলবার রয়েছে, স্বার্থ-সাধনে চোরা-বাণে বালী-হস্তা রাম ?

বিভীষণ । দাদা, সীতা ফিরিয়ে না দাও, রামনামে কলঙ্ক দিয়ো না ।

রাবণ । বিভীষণ, রামে ভক্তি কর—আপত্তি নাই ; জাতীয়তা ঠিক রাখ ।

বিভীষণ । বুঝেছি—দাদা, তুমি লক্ষাপুরী রাখবে না ।

রাবণ । আমিও বুঝলাম—বিভীষণ, লক্ষাপুরী থাকবে না—আমার নির্বুদ্ধিতায় নয়, তোমার আত্মদ্রোহিতায় ; রাবণের রাবণত্বে নয়—বিভীষণের বিভীষণতায় ।

বিভীষণ । তাতেও কলঙ্ক নাই, দাদা ! অন্টার, অত্যাচারের আশ্র-
দ্রোহিতায় ধর্ম, পুণ্যের পরার্থ-পূজা—সেও জগতে আদর্শ—দৃষ্টান্ত ।

রাবণ । [সক্রোধে] পাষণ্ড ! ওঃ, জানি না কী ভীম রুদ্রশাপে
অভিশপ্ত হয়েছিল এ পবিত্র রক্ষকুল—তোমার মত কুল-পাংশুল আশ্র-
অবমাননাকারী বিভীষণের উৎপত্তি এখানে ! বলতে পারি না—অজ্ঞানে
অন্ধকারে কোধাকার কী উগ্র বিষের পাত্র লেহন করেছিল রাবণ—তোকে
ব'লে আসতে হয়েছে এই রসনায়—ভাই ! বুঝেছি—সে স্নেহ নয়,
দস্যু—নরকের, যে এখনও আমার এই জলন্ত বুকে জলের ছিটে দিয়ে
তোমার মুখপানে চাওয়াচ্ছে, তোমার সঙ্গে কথা কওয়াচ্ছে । দূর-হ—দূর-হ
নির্লজ্জ, মঙ্গল চাস ত !

বিভীষণ । আমি আমার মঙ্গল চাই না, দাদা ! তোমার মঙ্গল—
সমস্ত রক্ষ-জাতির মঙ্গল ; সীতা ফিরিয়ে দাও ।

রাবণ । দূর হও—

বিভীষণ । পায়ে ধরছি—সীতা ফিরিয়ে দাও । [পদ ধারণ]

রাবণ । বিভীষণ—

বিভীষণ । হত্যা কর আমায়, লঙ্কা রাখ ; সীতা ফিরিয়ে দাও ।

রাবণ । কুল-পাংশুল ! [পদাঘাত]

বিভীষণ । [বিকট আর্জনাদে] রাজনীতি—

রাবণ । শক্রসেনি ! [পদাঘাত]

বিভীষণ । [ধূলি-লুণ্ঠিত হইয়া পূর্বদ্বারে] রাজনীতি—

রাবণ । মিত্রদ্রোহি ! [পদাঘাত]

বিভীষণ । [পূর্বদ্বারে] রাজনীতি—

রাবণ । দূর হও ।

বিভীষণ । [কল্পিত কলেবরে ধীরে ধীরে গাত্রোখান করিয়া]

জগৎ ! দেখলে ? মিত্রদ্রোহী কে—জগৎ ! দেখলে ? দেখে রাখ, দোষ দিতে পাবে না এর পরবর্তী ঘটনার জন্ত ; আমি বিভীষণ হব । রাবণ, দূরই হলুম ; শুধু হাতে নয়—তোমার রাজলক্ষ্মী, রাজবুদ্ধি, কৃষ্ণ, আনন্দ, পরাক্রম, পরমায়ু—সব এই মুঠোর ভেতর ভ'রে নিয়ে । তুমি বিলাস-কুঞ্জে শুয়ে মোহের নিদ্রায় সীতা-রূপের স্বপ্ন দেখ—আর প্রেম-সঙ্গীতের পরিবর্তে বিধবা পুত্র-পৌত্র-বধুদের সিঁদূর-তোলার মধুর গীতে বাণবিদ্ধ লাফিয়ে ওঠ । তুমি জীবনে যত নারীর অপমান করেছ—সব স্মরণ ক'রে স্মৃথের নেশায় হো-হো হাস, আর নিয়তির নিশ্চয় করে সেই সকল চিত্রের বীভৎস পরিস্ফুটন দেখে নীরব-ক্রাসে বিংশ নয়নের বিংশতি ধারায় অবিশ্রান্ত ভাস । তুমি দশস্কন্ধের পাশব-অহঙ্কারে যত পার জগতের ওপর অত্যাচার স্ত পীকৃত কর—আর রাম-চন্দ্রের বিদ্যৎ-জ্বলা ব্রহ্মবাণে দশমুণ্ড তোমার দশদিকে ভাঁটার মত গড়িয়ে পড়ুক । [প্রস্থান ।

রাবণ । দূর হ' স্বপ্ন্য, নারকী, মিত্রদ্রোহী চণ্ডালাধম ! আমি প্রায়শ্চিত্ত করব জিহ্বার একটা পর্দা ফেলে দিয়ে—ভাই বলেছি তোকে ! তীর্থ-স্থান করব—স্পর্শ করেছি পাপদেহ পদাঙ্গুষ্ঠে ! রত্ন দান করব গ্রহ বিপ্রকে—শনি ছেড়ে গেল লঙ্কার ! কর্করুগণ, এখন তোমরা কি বলতে চাও—সীতা ফিরিয়ে দাও ?

সকলে । যুদ্ধ—যুদ্ধ ।

রাবণ । জয়যুক্ত হও ; ষথার্থই তোমরা কর্কর-কুলজাত । যাও বীরগণ, আমি অবিলম্বে দেখতে চাই—সজ্জিত তোমরা সমর-সজ্জায়, সমবেত সকলে সিংহ-তোরণে, সাধনা সকলের একমুখী, রাম-লক্ষ্মণের শিফা—সীতায় রক্ষা । [বীর-দণ্ডে প্রস্থান করিলেন ।

সকলে । জয়—জয়দ্বিজয়ী দশাননের জয় ! [সকলের প্রস্থান ।

দ্বিতীয় গর্ভাঙ্ক

সমুদ্রতীর

রাম, লক্ষণ ও সুগ্রীব দাঁড়াইয়াছিলেন ।

সুগ্রীব । প্রভু ! সমুদ্র-বন্ধন শেষ, সৈন্ত-চালনার বন্দোবস্ত করি ?

রাম । সুগ্রীব, অমন সোনার লক্ষাটায় নিতাস্তই লণ্ডভণ্ড করতে হ'ল !

লক্ষণ । দাদা, এখনও পাপ-লক্ষার মমতা ! দেবী-প্রতিমা জনক-নন্দিনীর অবিরাম অশ্রুজলে যেখানকার মাটি কাদা—আর সেই কদমে তিলক ক'রে আনন্দে আত্মহারা যেখানকার রাজা, সেই লক্ষা সোনার লক্ষা ! সে লক্ষা লণ্ডভণ্ড হবে তার ইতস্ততঃ ! সে লক্ষা যে এখনও আছে—পুড়ে যায় নি, এই আশ্চর্য্য !

রাম । না লক্ষণ, লক্ষা পোড়বার দেরি আছে ; যতই কলঙ্কিত হোক—ভাই, লক্ষা এখনও সোনার লক্ষা । ওখানে যেমনি পরদার-অভিলাষী পাপমতি রাবণ আছে, তেমনি আবার পরের দুঃখে প্রাণ-চালা পরম ধার্মিক বিভীষণ আছে ; জান না তুমি, সে আমার জন্য অনেক কেঁদেছে, অনেক কাঁদছে, অনেক ঋণে জড়াচ্ছে আমার । সীতার নয়ন-জলে যেমনি ওখানকার অশোকবন সিন্ধু, তেমনি আবার পরমা-সত্যী সরসার সাঙ্ঘনা-সুধায় সেই সীতা এখনও জীবিত । লক্ষণ, সত্যই লক্ষা সোনার লক্ষা ; তাকে লণ্ডভণ্ড করা সত্যই বিবেচনার বিষয় ।

লক্ষণ । বিবেচনার বিষয় হ'লেও আর যে বিবেচনা সহ্য হয় না, দাদা ! এই যে বিশাল প্রকৃতি—সূর্য্য-চন্দ্র-জ্যোতির্ময়ী, পুষ্প হাশুমুখী, প্রীতির অফুরন্ত ভাণ্ডার, এ আর আমার চোখে নাই ; আমি দেখছি শুধু অশোকবনবাসিনী সীতা, সেই মধুর, সরস মাতৃ-মূর্তির শীর্ণতা,

জগৎ ! দেখলে ? মিত্রদ্রোহী কে—জগৎ ! দেখলে ? দেখে রাখ,
দোষ দিতে পাবে না এর পরবর্তী ঘটনার জন্ত ; আমি বিভীষণ হব ।
রাবণ, দূরই হলুম ; শুধু হাতে নয়—তোমার রাজলক্ষ্মী, রাজবুদ্ধি,
ভৃশ্চি, আনন্দ, পরাক্রম, পরমায়ু—সব এই মুঠোর ভেতর ভ'রে নিয়ে ।
তুমি বিলাস-কুঞ্জে শুয়ে মোহের নিদ্রায় সীতা-রূপের স্বপ্ন দেখ—আর
শ্রম-সজ্জিতের পরিবর্তে বিধবা পুত্র-পৌত্র-বধূদের সিঁদূর-তোলার মধুর
গীতে বাণবিদ্ধ লাফিয়ে ওঠ । তুমি জীবনে যত নারীর অপমান
করেছ—সব স্মরণ ক'রে স্মৃথের নেশায় হো-হো হাস, আর নিয়তির
নিশ্চয় করে সেই সকল চিত্রের বীভৎস পরিস্ফুটন দেখে নীরব-ক্রাসে
বিংশ নয়নের বিংশতি ধারায় অবিশ্রান্ত ভাস । তুমি দশস্কন্ধের পাশব-
অহঙ্কারে যত পার জগতের ওপর অত্যাচার স্ত পীকৃত কর—আর রাম-
চন্দ্রের বিদ্যুৎ-জ্বলা ব্রহ্মবাণে দশমুণ্ড তোমার দশদিকে ভাঁটার মত
গড়িয়ে পড়ুক । [প্রস্থান ।

রাবণ । দূর হ' য়ণ্য, নারকী, মিত্রদ্রোহী চণ্ডালাধম ! আমি প্রায়শ্চিত্ত
করব জিহ্বার একটা পর্দা ফেলে দিয়ে—ভাই বলেছি তোকে ! তীর্থ-
স্থান করব—স্পর্শ করেছি পাপদেহ পদাঙ্গুষ্ঠে ! রত্ন দান করব গ্রহ
বিপ্রকে—শনি ছেড়ে গেল লঙ্কার ! করব রুগণ, এখন তোমরা কি বলতে
চাও—সীতা ফিরিয়ে দাও ?

সকলে । যুদ্ধ—যুদ্ধ ।

রাবণ । জয়যুক্ত হও ; ষথার্থই তোমরা করব র-কুলজাত । যাও
বীরগণ, আমি অবিলম্বে দেখতে চাই—সজ্জিত তোমরা সমর-সজ্জায়,
সমবেত সকলে সিংহ-তোরণে, সাধনা সকলের একমুখী, রাম-লক্ষ্মণের
শিক্ষা—সীতায় রক্ষা । [বীর-দণ্ডে প্রস্থান করিলেন ।

সকলে । জয়—জয়বিজয়ী দশাননের জয় ! [সকলের প্রস্থান ।

দ্বিতীয় গর্ভাঙ্ক

সমুদ্রতীর

রাম, লক্ষণ ও সুগ্রীব দাঁড়াইয়াছিলেন ।

সুগ্রীব । প্রভু ! সমুদ্র-বন্ধন শেষ, সৈন্ত-চালনার বন্দোবস্ত করি ?

রাম । সুগ্রীব, অমন সোনার লক্ষাটায় নিতান্তই লগুভগু করতে হ'ল !

লক্ষণ । দাদা, এখনও পাপ-লক্ষার মমতা ! দেবী-প্রতিমা জনক-নন্দিনীর অবিরাম অশ্রুজলে যেখানকার মাটি কাদা—আর সেই কৰ্দমে তিলক ক'রে আনন্দে আত্মহারা যেখানকার রাজা, সেই লক্ষা সোনার লক্ষা ! সে লক্ষা লগুভগু হবে তার ইতস্ততঃ ! সে লক্ষা যে এখনও আছে—পুড়ে যায় নি, এই আশ্চর্য্য !

রাম । না লক্ষণ, লক্ষা পোড়বার দেরি আছে ; যতই কলঙ্কিত হোক—ভাই, লক্ষা এখনও সোনার লক্ষা । ওখানে যেমনি পরদার-অভিলাষী পাপমতি রাবণ আছে, তেমনি আবার পরের দুঃখে প্রাণ-ঢালা পরম ধার্মিক বিভীষণ আছে ; জান না তুমি, সে আমার জন্য অনেক কৈদেছে, অনেক কাঁদছে, অনেক ঋণে জড়াচ্ছে আমার । সীতার নয়ন-জলে যেমনি ওখানকার অশোকবন সিক্ত, তেমনি আবার পরমা-সত্যী সরমার সাস্তনা-সুধায় সেই সীতা এখনও জীবিত । লক্ষণ, সত্যই লক্ষা সোনার লক্ষা ; তাকে লগুভগু করা সত্যই বিবেচনার বিষয় ।

লক্ষণ । বিবেচনার বিষয় হ'লেও আর যে বিবেচনা সহ্য হয় না, দাদা ! এই যে বিশাল প্রকৃতি—সূর্য্য-চন্দ্র-জ্যোতির্ষ্ময়ী, পুষ্প হাশুমুখী, প্রীতির অফুরন্ত ভাণ্ডার, এ আর আমার চোখে নাই ; আমি দেখছি শুধু অশোকবনবাসিনী সীতা, সেই মধুর, সরস মাতৃ-মূর্তির শীর্ণতা,

শুভতা, নীরবতা! এই যে অমুভূত প্রবচমান শান্ত বায়ু—এর আজ আর লক্ষণকে স্নিগ্ধ করবার শক্তি নাই; এ সেই জনক-নন্দিনী দেবী সীতার দীর্ঘশ্বাসমাথা! এই যে সম্মুখে উদ্ভালতরঙ্গ অনন্ত-সমুদ্র—এ আর কিছুই নয়, আমার রোদন-সর্কণা মায়ের গলিত অশ্রু-সন্তার! দাদা, জড়ায় বিভীষণ ঋণে—প্রাণ দিয়ে পরিশোধ করব; রাখে সীতায় সরমা—মা মা ব'লে পায়ে পড়ব। বিবেচনা রাখ, আদেশ দাও—লক্ষা ছারখারে দিই।

সুগ্রীব। অমুমতি দিন, প্রভু! আর বিচার-বিবেচনা করবেন না; অনেক দূর অগ্রসর আমরা, সব প্রস্তুত, কেবল ঝাঁপ দিতেই বাকী। অমুমতি দিন, সুগ্রীব আমি—রাম-কার্য্যে প্রাণ ঢালি।

রাম। সুগ্রীব—সখা, তোমার ঋণ আমি জীবনে পরিশোধ করতে পারব না। কোথাকার কে আমি—তুমি এসেছ আমার দায়ে আপনার আত্মীয়, বন্ধু, সমগ্র জাতি নিয়ে জীবন দিতে!

সুগ্রীব। আপনার রাখা-জীবন আপনারই দায়ে দিতে এসেছি, এতে আমায় অতটা উচ্ছে তোলবার কিছু নাই, প্রভু! তবে আমার উচ্চতা এই—হীন, অসভ্য কপিজাতি আমি—পুরুষ-শ্রেষ্ঠ আপনি আমায় সখা সঙ্ঘোষন করেছেন।

রাম। তাতেও আমার ঠিক তৃপ্তি হয় নি, সুগ্রীব! আমি যেন তোমায় পেয়ে ভাই ভরতকে পেয়েছি।

সুগ্রীব। [উদ্দেশে] মা মহামায়া! মরি—হুঃখ নাই; এই করিস—মা, বালী-হস্তা সুগ্রীব আমি—যেন রামের ভরত হ'তে পারি।

বিভীষণ উপস্থিত হইলেন।

বিভীষণ। [শশব্যস্তে] তুমিই সুগ্রীব? তোমার নামই সুগ্রীব?

সুগ্রীব । তুমি কে ?

বিভীষণ । বলছি ; তুমি বালীর ভাই সুগ্রীব কি-না বল দেখি ?

সুগ্রীব । হাঁ, আমিই সুগ্রীব ।

বিভীষণ । তুমি ভাইকে হত্যা করিয়ে রাম-কার্য্য করতে এসেছ ?

সুগ্রীব । [ইতস্ততঃ করিতে লাগিল]

বিভীষণ । বল—সঙ্কোচ কিসের ? তোমায় আমি গুরু করব ।

সুগ্রীব । হাঁ—আমি বড় আঘাত পেয়ে—

বিভীষণ । থাক ; দেখি তোমার বুকখানা—কোথাও দাগ পড়েছে কি না ? ভ্রাতৃ-শোকের সে ঘা-টা কেমন, কোনখানে একটু আঁচড় দিতে পেরেছে কি না ? মর্ষের জ্বালায়, অস্থির আবেগে করিয়ে ফেলেছ যা, পরে তার জন্ত অনুশোচনার একটু গন্ধ উঠছে কি না ?

সুগ্রীব । ওঠে নি—ওঠে নি অনুশোচনার ঈষৎ দুর্গন্ধ মনের কোণেও ; ওঠবার অবকাশই পায় নি ; গর্ষের উচ্চশির লুটিয়ে দিয়ে সাম্যের সেবা করছি । এই দেখ বুক—প্রশান্ত, স্থির ; যথেষ্টাচারীর স্বাভাবিক জীবন নিষ্ক্রে পুরুষোত্তম রামের কার্য্যে নেমেছি ।

বিভীষণ । তুমি আমার গুরু । আমি কে জান ? আমি বিভীষণ, রাবণের ভাই । আমি তোমার শিষ্য ; তুমি আমার মন্ত্র দাও সেই মন্ত্র, যে মন্ত্রে তুমি নির্ঝিকার, অচল, অটল হ'য়ে বালীর মুখ দিয়ে ঝলকে ঝলকে রক্ত উঠিয়ে দিয়েছ ; আমিও নির্ঝিকার হব । তুমি বালী বধ করিয়েছ—আমি রাবণ বধ করাব । বালী তোমায় অন্তরে অন্তরে গুপ্ত ঘা দিয়ে কিঙ্কিন্যা-ছাড়া করেছিল, রাবণ প্রকাশ্য-রাজসভায় পদাঘাতে আমার পাঁজর ভেঙে দিয়ে আমার সমুদ্র-পারে পাঠিয়েছে । তোমাতে তবুও একটু অপরাধ ছিল—সুড়ঙ্গ তাকে পাথর-চাপা দিয়ে তার রাজ্যে অভিষিক্ত হয়েছিলে ; আমার অপরাধ—সীতা ফিরিয়ে দাও ।

স্বগ্রীব । বিভীষণ, তুমি আমার শিষ্য নও—তুমি আমার মিত্র ; মন্ত্র দেব না তোমায়—শক্তি নাও । [আলিঙ্গন করিয়া রামচন্দ্রের প্রতি অঙ্গুলী নির্দেশে] ঐ দেখ—যে শক্তিতে বুক বেঁধে আমি বালী-বধ করেছি, ঐ দেখ সেই সর্বশক্তিমান্—সর্বসম্ভাপহারী রাম-পাদ-পদ্ম ; ঐ আমার কর্মের উদ্ভম—ঐ আমার মহাপ্রলয়ের শক্তি ।

বিভীষণ । [রানরূপ দেখিতে দেখিতে] বটে শক্তি ! নব দুর্কা-দল-শ্যাম নয়নাভিরাম নিখিল নম্য মূর্তি ! আকর্ণবিশ্রাগু চক্ষু—আজানু-লম্বিত বাহু—আচণ্ডাল-আলিঙ্গিত উন্নত বিস্তৃত বক্ষ ; বটে শক্তি ! বক্ষে দুর্জয় সাহস—স্বক্কে দুষ্টদলন কার্মুক—চক্ষে বজ্রপ্রসবিনী চিকুর ; তপস্বীর সৌন্দর্য্য বদনে—প্রতিজ্ঞার জয়-টীকা ললাটে—সর্বত্যাগের ধূম্ব জটা-মুকুট মস্তকে ; বটে শক্তি ! হাম্বে প্রবাহিত অমৃতের শতধারা—রোষে নিনাদিত প্রলয়ের বিষণ ; এক পদে জাগরিত বিশ্বের কল্যাণ—অন্য পদে নিদ্রিত শত মন্তু রাবণ, শত সহস্র লক্ষা, অসংখ্য অবিচার গর্ক ; বটে শক্তি ! [নতজানু হইয়া] প্রভু ! শরণ নিলাম ।

রাম । [হস্ত ধরিয়া] বিভীষণ, শরণ নেবার বহু পূর্ব হ'তেই আমি তোমায় বরণ ক'রে রেখেছি—বন্ধু, আমার এষ্ট জীবন-উপবনের বসন্ত-পদে । [তুলিয়া] লক্ষণ, আর আমার লক্ষ্য মমতা নাই ; লক্ষ্যার সার রক্ত সরিয়ে নিয়েছি, লক্ষ্য আশুন দাও ।

বিভীষণ । আশুন জাল—লক্ষণ, হোমাগ্নির হোতার মত, আমি তোমার তন্ত্রধারক ; ঠিক ব'লে যাব—যখনকার যা, যার পর যা ।

লক্ষণ । এখন তবে এই হোমকুণ্ড জালবার প্রথম মন্ত্রটা বল—বন্ধু, জনক-নন্দিনী দেবী সীতা, আমার জগদানন্দরূপিণী জননী, আমার এক নিঃশ্বাসে সহস্রবার লক্ষণ লক্ষণ করা যা আজ লক্ষণহারা হ'য়ে অশোকবনে অপুত্রক কি অবস্থায় আছেন ?

বিভীষণ । অবস্থার সীমানায় আর সীতা নাই, সৌমিত্রি ; সীতা এখন সকল অবস্থার বাইরে । সীতা তোমায় দুর্ভাক্য বলেছিল না মায়ামৃগ বধের সময়, তুমি কুটীর ছেড়ে যেতে চাও নি ব'লে ? আপনার দিকে এখন আর লক্ষ্য নাই সীতার—কেবল সেই স্মরণ, সেই অনুতাপ, সেই আত্মগ্লানি ; কেন বলেছিলুম, লক্ষ্মণ ! কোথায় লক্ষ্মণ—

লক্ষ্মণ । [ব্যাকুলভাবে] এই যে আমি, মা আমার ! কিসের অনুতাপ ? আদরে—অবহেলায়, বাৎসল্যে—দুর্ভাক্যে, সম্পদে—বিপদে চির-সেবক তোমার এই যে লক্ষ্মণ ! অগ্নিদেব ! জন্ম' লক্ষ্মণের হৃদয়কুণ্ডে প্রলয়-জ্বালায়, একদিন যেমন জলেছিলে ত্রিপুরাসুর-সংহারে ধূর্জটির ত্রিশূলে । আমি হোতা, আমি আজ তোমায় ভোজন করাব, তোমার মুখ দিয়ে প্রপীড়িত দেবতা-মণ্ডলীকে ভোজন করাব, প্রয়োপবেশনের বিশ্বকে ভোজন করাব ; লঙ্কাপুরী—রাক্ষস-জাতি, পরিতৃপ্ত ভোজন । বিভীষণ—তন্ত্রধারক, সফল তোমার প্রথম মন্ত্র, অগ্নি প্রজ্জলিত ।

নেপথ্যে রক্ষ-সৈন্যগণ । জয়—লঙ্কাপতি দশাননের জয় !

লক্ষ্মণ । তন্ত্রধারক, এইবার—

বিভীষণ । আহুতি দাও—রাবণ-পুত্র প্রহস্তের নামে ।

লক্ষ্মণ । [রামের পাদ-বন্দনা করিয়া] ওঁ স্বাহা ।

[সদর্পে প্রস্থান ।

রাম । মা মহাশক্তি ! রণ-সমুদ্রে ঝাঁপ দিলাম—ভাই লক্ষ্মণ, মিত্র বিভীষণ আর সূত্রীবের গলা জড়িয়ে ; কূলে ফিরিয়ে এনে শরণাগত-পালিনী নাম রাখতে হয় রেখো, অতলে ডুবিয়ে দিয়ে পতিবন্ধে নৃত্যপরা পুত্রস্বাতিনী হ'তে হয় হ'য়ো, যা তোমার ইচ্ছা ; রাম তোমার ক্রীড়নক । এস—সূত্রীব, এস—বিভীষণ, এস—প্রাণের সুহৃদ্বয়— [প্রস্থান ।

বিভীষণ । সুগ্রীব, তুমি ঠিক আমার কাছে কাছে থাকবে ;
বড় কঠিন যজ্ঞ—মন্ত্র ভুল হ'তে পারে ! তুমি কাছে থাকলে সে ভয় নাই,
অম্নি ধরিয়ে দেবে । আমি পুঁথি দেখে মন্ত্র বলব—এ মন্ত্র তোমার
কণ্ঠস্থ ।

সুগ্রীব । কোন চিন্তা নাই, কিছু ভুল হবে না তোমার ; তুমি
আবার আমা' হ'তেও পণ্ডিত । [উভয়ের প্রস্থান ।

তৃতীয় গর্ভাঙ্ক

লক্ষাপুরী

তাণ্ডব-নৃত্যভঙ্গে রক্ষ-কামিনীগণ গাহিতেছিল ।

রক্ষ-কামিনীগণ ।—

গীত ।

আমাদের পুরুষরা সব রণে ।

ছোটো বাণ শন্ শন্ শন্, নাচে প্রাণ মাত্‌লা-গাজন,

আমরা সব বাঁরের নারী—

রইতে নারি— বদন ভারি,

ঘোমটার আবরণে ।

আজ আমাদের নয়ন-কোণে মরণের ইঙ্গিত,

আজ আমাদের কণ্ঠে কেবল মার্ মার্ সঙ্গীত ;

সমর জিনে আসে বঁধু—

গলা ধ'রে খাব চুমো লুটিয়ে দেব প্রাণের মধু ;

মরণ হয়—কি দুঃখ তায়—

শোব চিত্তায় একশয়নে প্রাণ-বঁধুর সনে ।

চতুর্থ গর্ভাঙ্ক

রোহিলা-প্রাসাদ

মহুরা ও নন্দেয়ী দাঁড়াইয়াছিলেন ।

নন্দেয়ী । [পথ প্রতি চাহিয়া] মহুরা—মহুরা, কবচ আস্ছে, না ?
আমার কবচ ? দেখ্ দেখি—

মহুরা । [ভঙ্গী-সহকারে দেখিতে দেখিতে] আমার কি আর চোখের
ঠাণ্ডর আছে—

নন্দেয়ী । আর দেখতে হবে না—সে-ই বটে ! সেই ভ্রাতৃহারা
মুখ, সেই পিতৃহারা বুক, সেই সর্কহারা সব ! ওঃ, আজ দ্বাদশ বৎসর
পরে ! কুণ্ডল মরেছে—ও-ও বেরিয়েছে ; সে আজ একযুগ !

কবচ নিকটস্থ হইল ।

নন্দেয়ী । [ব্যগ্রভাবে ছুটিয়া গিয়া] পুত্র—পুত্র—

কবচ । যা ! আছ ?

নন্দেয়ী । আছি—পুত্র, যাই নি কোথাও, যেতে পারি নি । কুণ্ডলের
জন্ত তুমি গেছ—তোমার জন্ত আমি প'ড়ে আছি এই প'ড়ে-ভিটে
আগলে স্বর্গবাস তুচ্ছ ক'রে । কোথায় ছিলে পুত্র, কোথায় ছিলে
এতদিন ? সেই রণস্থল হ'তে লুকিয়ে প'ড়ে এই দীর্ঘ দ্বাদশ বৎসর ?

কবচ । বনে, গিরি-সঙ্কটে, অভক্ষ্য-ভোজী রাক্ষস-রাজ্যে । আমি
সাধনা কর্ছিলাম. যা !

নন্দেয়ী । কিসের সাধনা, পুত্র ?

কবচ । ভারতের ভাইহারা-মুখ দেখবার সাধনা ।

নন্দেয়ী । কেন ? কেন, পুত্র ?

কবচ । কেন ! মনে নাই ? কুণ্ডলের মৃত্যুর দিন—যেদিন সূর্য্য আমাদের চক্ষে প্রলয়ের অন্ধকার, পৃথিবী আমাদের পায়ের তলা হ'তে তিন ঘোজন নীচে, পুত্রহারা নন্দেয়ী দেবী ভূমি—আমার মা রাজকর নিয়ে রাণী কৈকেয়ীর পদপ্রান্তে, রুদ্ধ-আগ্নেয়গিরি—অস্তুরে তরল অগ্নি, মুগ্ধে মিলনের ওষ্ঠ-ক্রকুটী ; ভ্রাতৃহারা আমি—অধীর উন্মত্ত ; মনে নাই—ভরত কি বলেছিল আমায় নির্ঝিকার জলের মত ? “কবচ, এক ভাই গেছে—চার ভাই নাও ।” ওঃ ! মা, আমি একবার দেখতে চাই সেই ভরতের ভাই-হারা মুখ ; শুন্তে চাই সেই মুখে—জগৎ এনে ধ'রে দিলেও ভাইএর বদল হয় না ।

নন্দেয়ী । এ প্রতিহিংসার আত্মঘাতী অসার-কল্পনা, বৎস তোমার ! ভূমি কি তাকে ভাই-হারা করতে পারবে ?

কবচ । করবার জন্তই এই যুগব্যাপী সাধনা করছিলাম—মা, পার্বত্য ভীল-জাতির হাতে ধ'রে—অসভ্য বর্ষরদের বুকে ক'রে—অস্পর্শীয় ইতরদের পায়ে প'ড়ে । কিন্তু মা, আর আমার সাধনার প্রয়োজন হ'ল না, অর্ধপথেই সিদ্ধি ; একটা ভৈরব দৈববাণী ললিতস্বরে অকস্মাৎ আমার কানে বেজে উঠল—“ভরত ভাইহারা হ'ল ব'লে ; আমায় ভাইহারা করেছে জল্লাদের ভলে—ভরত ভাইহারা হবে রাক্ষসের শক্তিশেলে ।” দেখেও আসছি ঠিক তাই—ভরতের প্রাণের ভাই রাম-লক্ষণ রাক্ষসের ঘেরায় ।

নন্দেয়ী । ষাক্ ; এখন দেখে নাও দেখি—তোমার যা সব—

কবচ । আমার কি সব ? কি দেখে নেব—মা, আমি ? কি আছে আমার ?

নন্দেয়ী । রাজ্য ।

কবচ । নাই—নাই, যার ভাই নাই—তার ব্রহ্মাণ্ডে কিছু নাই ।

নন্দেয়ী । ভাই সকলকার থাকে না, পুত্র !

কবচ । থাকে না—সে সয়, এ রকম থেকে যাওয়া সয় না, মা !

নন্দেয়ী । থেকেও যায়, পুত্র ! চন্দ্র-সূর্য্য যে একসঙ্গে এক আকাশে থাকে না ।

কবচ । আমরা সে চন্দ্র-সূর্য্য ভাই নই, মা ! আমরা দু'টীভাই—প্রাণ আর দেহ, অচ্ছেদ্য—নিরবচ্ছিন্ন ।

নন্দেয়ী । পুত্র, প্রকৃতিস্থ হও, রাজ্য নাও ; আমার মুক্তি দাও ।

কবচ । [ক্রণেক নীরব থাকিয়া অভিমানে] তুমি নরকে যাও ; তুমি মা নও—আমায় রাজ্য দিয়ে তুমি মুক্তি চাও—তুমি মা নও ; আমার হাতে-গলায় বেঁধে নিজের মাথা গলিয়ে নাও, তুমি মা নও—মায়াবিনী ; বড় ভয়ানক ষড়্‌ষন্ত্র তোমার—তুমি নরকে যাও ।

নন্দেয়ী । [স্নেহে আত্মহারা] আমি নরকেই যাব পুত্র, তোমায় বুক ক'রে ; এস আমার বুক । [উদ্দেশে] স্বামি ! অপরাধ নিয়ো না ; আমি তোমায় পেয়েও হারালুম—আমি তোমায় চিনেও মনে-প্রাণে জড়িয়ে ধরতে পারলুম না ; তোমার চিন্তা ভেসে গেল সপত্নী-পুত্রের স্নেহে । কবচ, যে যায় থাক ; এস আমরা মাতা-পুত্রে সংসার করি । আমি ভুল বলেছি, পুত্র ; আমি মুক্তি চাই না, নরকেই থাকি জন্ম জন্ম ; এ বড় সুখের নরক ! [কবচকে বক্ষে ধারণোদ্ভতা]

কবচ । না—না, আমিও ভুল করেছি, মা ! তুমি নরকে যাবে কি ? তুমি যে আমার মা ! কুণ্ডল তোমার স্বাধীনতার জন্ত জীবন দিয়ে গেছে, আমি তোমায় স্বর্গে পাঠাব—জীবন, জন্মান্তর যা আমার আছে সব দিয়ে । ভুলে যাও মা, পুত্র-মুখ ; পুত্র হারিয়ে স্বামী পেয়েছ—সেই তুমি,

কৈকেয়ী

[৪র্থ অঙ্ক ;

দেবী কৈকেয়ীর বিরুদ্ধ-বাদিনী, নূতন যুদ্ধে অবতীর্ণা—সেই তুমি ; স্বর্গে
যাও—স্বামী-পদতল-স্বর্গে যাও । নরকে নাম্লাম আমি তোমার আদেশ
অমান্য ক'রে, স্বর্গাদপি গরীয়সী তোমার বৃকে না উঠে । [প্রস্থান ।

নন্দেয়ী । [ক্ষণেক নীরব থাকিয়া উদ্দেশে কৈকেয়ীর প্রতি]
দিদি ! তুমিই বৃকি জয়ী হ'লে এ নূতন যুদ্ধেও ! আমি পুত্র হারিয়ে
স্বামীর সেবায় ছুটেছিলাম, তুমি স্বামীকে বিলিয়ে দিয়ে সপত্নী-পুত্রের
কল্যাণে চলেছিলে ; তুমিই বৃকি জয়ী হ'লে । সপত্নী-পুত্র এমন !
[চিন্তা করিয়া] মম্বরা, তোর কোথাও জায়গা আছে ?

মম্বরা । [বিস্মিত হইয়া] জায়গা !

নন্দেয়ী । এই—আত্মীয় বলতে কেউ কোথাও ?

মম্বরা । ও—আছে ; যম আছে আমার ।

নন্দেয়ী । তোকে যেতে হবে, মম্বরা ; যমের বাড়ী না হোক, যে
কোথাও এখন ছেড়ে ; এ হাট আমি ভেঙে দেব — রাখব না ।

মম্বরা । [নীরবে ভাবিতেছিল]

নন্দেয়ী । কি ভাব'ছিস ? রাখা চলে ? এতদিন যে রেখেছিলাম,
সপত্নী-পুত্রের আশায়—তার সঙ্গে একবার মায়ের দেখা ক'রে যাব ব'লে,
তাকে একবার বৃকে ক'রে যা হওয়ার পূর্ণ পরিতৃপ্তিটা মিটিয়ে যাবার
ঝোঁকে । আমি চললাম, মম্বরা !

মম্বরা । কোথায় যাবে ? তোমার জায়গা কোথায় ?

নন্দেয়ী । তা এখন জানি না ; তবে আমায় যেতে হবে উদ্ভ্রান্ত
—অনির্দিষ্টই । একটা আশ্রয় আমি ধরেছিলাম—মম্বরা, বেশ দৃঢ়
হাতেই, স্থির করেছিলাম—নারী-জীবনের পরমাশ্রয় একমাত্র স্বামী,
সব ছেড়ে সেই পথেই যাব ; কিন্তু কণ্টক হ'য়ে দাঁড়াল এই সপত্নী-পুত্র ;
এখন কোনদিকে যাই, বলতে পারি না । যাক, তুই কিছু চাস ?

মহুরা । কি আর চাইব ?

নন্দেয়ী । অর্থ—আশ্রয়, জীবনটা কাটানোর মত ?

মহুরা । না।

নন্দেয়ী । কেন ?

মহুরা । [অন্ততপ্ত ভাবে] জীবনের দিকে আর আমার ঝোঁকু নাহি, রাজকন্ঠা ! জীবন আমার ভারী লেগেছে । আশ্রয় নেব কি, আমি ভগবানের নিরাশ্রয়-করা ।

নন্দেয়ী । আরে ম'লো—তোমার আবার এ আত্মগ্লানি কিসের ? কি করেছিস তুই ?

মহুরা । তা আমি জানি না ; কিন্তু আমার নাম ডেকে গেছে খুব । আমি এইটে দেখতে পাচ্ছি—রাজকন্ঠা, আমি যাই করি আর না করি, আমি যেখানে আশ্রয় নিই—যেখানে গিয়ে দাঁড়াই, সেখানকার সব উড়ে যায়, পুড়ে যায় তুলোর গাদায় আগুন পড়ার মত । না—তুমি যেখানে যাবে যাও, আমার ভাবনা আর ভেবো না ; আমার ষম আছে ।

নন্দেয়ী । মরিস না—মহুরা, মরিস না ; মরবার মত কিছু হয় নি ত তোমার ! আশ্রয় ভেঙে যাচ্ছে ? ঝড়ে বাসা ওড়ে ; নাম ডেকেছে ? সংসারী মানুষের মুখে—ওর চেয়েও বিশেষণ দেওয়া নাম কত দেবী চরিত্রে ডেকে আছে । কি করেছিস তুই ? কি করবার ক্ষমতা তোমার ? পরিচারিকা দাসী মহুরা তুই, খেয়েছিস—পরেছিস—টান্ টেনেছিস—মানুষ করেছিস, মায়া হয়েছে—ভরতকে রাজা করবার মন্ত্রণা দিয়েছিস । মরিস না, ফিরে যা, দাসী ছিলি দেবী হ' ।

মহুরা । দেহটা না পাল্টালে নয় গো, এ দেহটা না পাল্টালে নয় ; এ দেহটা আমার অভিশাপের দেহ । ফিরি ঘুরি—যাই করি,

কেকেরী

[৪র্থ অঙ্ক ;

এ দেহ থাকতে আমি সেই মছরা-দাসী । আমি দেখতে পাচ্ছি—
রাজকন্যা, আমি যেন এ দেশের নই ; আমি কোন উঁচু জায়গার
ঠেলে ফেলা, ছটকে এসে এখানে পড়েছিলুম একটা কলঙ্ক কিন্তে ।
তুমি ফিরেছ—তুমিই ফের ; দেবী হয়েছ—মহাদেবী হও । আমার কেনা-
কাটা হ'য়ে গেছে, আমি চল্লুম তোমার হাট ভাঙবার আগেই আপনার
দেশে—ঐ গঙ্গার বুকে ভেসে ।

[বেগে প্রশ্নান ।

নন্দেয়ী । মছরা—মছরা—[কণেক নীরব নিষ্পন্দ থাকিয়া] আশ্রয়
দাও—আশ্রয় দাও, কে তুমি আশ্রয়দাত্রী জগতের ! আশ্রয় দাও—
নিরাশ্রয় আমি । এ বড় সমস্যার নিরাশ্রয়, আশ্রয় আছে—ধরতে
পাচ্ছি না । আমার একদিকে সন্ন্যাসী স্বামী, অত্রদিকে অভিমানী
সপত্নী-পুত্র ; আমি কা'কে ধরি, কা'কে ছাড়ি ? আমি ২র-গামিনী
স্রোতস্বিনী, আমার এক কূলে শিবালয়, অত্র কূলে নন্দনবন ; আমি
কোন্ কুল খাই—কোন্ কুল রাখি ?

[উদাসভাবে প্রশ্নান ।

পঞ্চম গর্ভাঙ্ক

রগস্থল

গীতকণ্ঠে ভগ্নদূতগণ ছুটিতেছিল।

গীত।

সীতা নয় কালসাপিনী ছিল রে ঢাকা ফুলে।
গেল রে ভিটে-মাটি, আদরে ঘরে তুলে।
সোনার লঙ্কার তাধিন্-তাধিন্ নৃত্য বানরের,
কী কপালের ফের, ওরে ভাই কী কপালের ফের ;
বুঝিবা রাখলে না আর বাতিটী দিতে কুলে।
অভিমানে আত্মঘাতী অন্ধ-বিভীষণ,

সোনার দেশটা করলে বন ;—

এখন ও মস্ত রাবণ—হারালে লাভে-মূলে।

[প্রস্থান।

বিভীষণ ও সূত্রীব উপস্থিত হইল।

বিভীষণ। [ক্রোধাক্র-আনন্দে] সূত্রীব, কেমন যজ্ঞ ? প্রহস্ত
অকম্পন, কুস্তকর্ণ, অতিকায়, কুস্ত, নিকুস্ত, মকরাক্ষ, আর এদের
প্রত্যেকের সঙ্গে কোটা কোটা ক'রে রাক্ষস—এই ক'দিনেই শেষ।
কেমন যজ্ঞ ?

সূত্রীব। [বিস্মিতভাবে] বিভীষণ, ফিরে যাও।

বিভীষণ। ফিরে যাব ! এই যজ্ঞস্থল হ'তে ? অপূর্ণ রেখে ? তুমি
সেই সূত্রীব ? এ কী বলছ !

সুগ্রীব । ফিরে যাও ; তোমার কাণ্ড দেখে আমি যে বালী-হস্তা
সুগ্রীব, আমারও হৃৎকম্প আসছে । আমি শুধু বালীকেই মেরেছি ;
তুমি বিভীষণ, সমস্ত রাক্ষস-জাতির ওপর রক্ত-তান্ত্রিকতা চালিয়েছ ;
তুমি এখনও ফিরে যাও ।

বিভীষণ । বুঝেছি সুগ্রীব, তোমার মতলবটা ; তুমি আপনাকেই
বড় রাখতে চাও, তোমার ওপর কারও মাথা তোলা—তোমার ইচ্ছা
নয় । যাও—তোমার সঙ্গে বন্ধুত্বের এইখানেই ইতি ।

সুগ্রীব । তার জন্ম নয়, বিভীষণ ; বালী-বধের দাগটা আজ আমার
বুকে বেশ গভীরভাবে পড়েছে । ভাই জিনিষটা কি, এইবার আমি
অনেকটা বুঝতে পারছি, এই রাম-লক্ষণের পর পর ঘটনায় ঘটনায়
ব্রাতৃত্বের আদান-প্রদান দেখে । আমার ত আর উপায় নাই ; তোমার
এখনও পথ আছে, তুমি ফের, তোমার ভাইকে আরও বোঝাও—
বাঁচাও । রাম-লক্ষণের আশ্রয় নিয়েছ যখন, রাম-লক্ষণের ব্রাতৃত্ব
নাও ।

বিভীষণ । হা—হা—হা—সুগ্রীব, রাম-লক্ষণের ব্রাতৃত্ব নেব কি—
তরলী । [নেপথ্যে] জয়—রাঘবারি রাবণ-রাজের জয় !

শশব্যস্তে রাম ও লক্ষ্মণ উপস্থিত হইলেন ।

রাম । মিত্র বিভীষণ, দেখ—দেখ, এ আবার কে অদ্ভুত শিশুরথী
সংগ্রামে অবতীর্ণ ! সৌম্য, শান্ত, সুন্দর, কিশোর-মূর্তি ! মুখে তোমার
মত সরলতা ! চোখদুটি ঠিক এই তুলিরই আঁকা ! সর্বদা লেখা গঙ্গা-
মৃত্তিকায় রামনাম ! ওকি ! চমকে উঠলে কেন, বন্ধু ! বল—কে এ
শিশু ? কার পুত্র ? কি উদ্দেশ্য এর ?

বিভীষণ । [তরলীকে দূর হইতে দেখিয়া উত্তেজিতভাবে সুগ্রীবের
প্রতি] সুগ্রীব—সুগ্রীব, আছ ত ? না, আর তোমার থেকেও কোন

ফল নাই; আমার যজ্ঞের আশ্রয় তোমার যজ্ঞ থেকে ঢের গুণ টাল
মেরে উঠছে, তুমি আর ধরতে পারবে না আমার; এ যজ্ঞ তোমার
অজানা। [উদ্দেশে] জগৎ! তোমার মধ্যে কেউ পুত্র দিয়ে প্রতি-
হিংসার পূজা করিয়েছে? মিত্রতার আদর্শ হয়েছে? পাঠিয়ে দাও তাকে,
আজ আমার বড় দরকার; না হ'লে রাবণ বধ হয় না, রামচন্দ্রের মিত্র
হ'তে পারি না! নীরব? নিষ্পন্দ? নাই কেউ ভয়ন লোক? এঃ!
আচ্ছা, দৃষ্টান্ত নেবে? বিভীষণকে? মুখ বাঁকাতে পাবে না—ক্রকৃৎন
চলবে না; এমন একটা প্রকাণ্ড অসম্ভাব তোমার মধ্যে, আমি যদি
তার পূরণ ক'রে দিই—আমার পূজা দিতে হবে; দেবে?

রাম। একি! এরূপ বিচলিত হ'তে ত তোমায় একদিনও দেখি
নি, বিভীষণ! এরূপ নীরব-ক্রকৃৎনী, নৈরাশ্যের কম্পন তোমার মধ্যে!
এ কল্পনাও যে কখনও করি নি আমি! বল বন্ধু, এ শিশু কে? এ
শিশু কি তবে—

বিভীষণ। অগ্রসর হোন্—অগ্রসর হোন্, প্রভু! অদ্ভুত যোদ্ধা এ
শিশু; প্রশ্রয় দেবেন না।

রাম। বল বন্ধু, এ শিশু কে?

বিভীষণ। এ শিশু—তরণী।

রাম। এ তরণী কি তোমার তরণী?

বিভীষণ। আমার আবার তরণী কি, প্রভু! আমি ত তাঁরে—
আমি ত পার!

রাম। লক্ষণ, শিশুর গতিরোধ কর—শুক গতিরোধ।

বিভীষণ। লক্ষণকে পাঠিয়ে আজ আর কিছু হবে না, প্রভু!
আপনাকে নিজে নামতে হবে! আজ্কার এ যজ্ঞের হোতা স্বয়ং
আপনি।

কৈকেয়ী

[৪র্থ অঙ্ক ;

রাম । আমি ! বিভীষণ, কী তুমি ! আমি রাম—ওর তরুণ-
অঙ্গের ঐ রামনাম রক্তে ডুবিয়ে দেব !

বিভীষণ । রাম ভিন্ন রামনাম ডোবাতে যে আর কেউ পারবে
না, প্রভু ! তুলসীর ধর্ম নষ্ট করতে করেছিলেন—তুলসী-প্রিয়
নারায়ণ ।

রাম । [শিথিলভাবে] যুদ্ধ থাক্ ।

লক্ষণ । সীতার উদ্ধার ?

রাম । [দৃঢ়ভাবে] সীতা থাক্ ।

তরনী । [নেপথ্যে] কই রাম ? কোথা সত্য-অবতার সীতাপতি
রাম ?

রাম । তরনী—প্রাণাধিক ! এই যে আমি—

[বেগে প্রস্থান ।

বিভীষণ । লক্ষণ—লক্ষণ, কতরকম রোদন রুদ্ধ আছে সীতা-
বিচ্ছেদের তোমার ঐ বীর-হৃদয়ে, আশার অর্গলে ? খুলে দিতে হবে
আজ একসঙ্গে শ্রাবণের ধারার মত । সুগ্রীব, অভিনয় করতে
জান ত ? অভিনয় করতে হবে তোমায় বালী-বিরহের অভিমানটার ।
সমুদ্র, বন্ধন করেছে তোমায়—আছড়ে পড়তে হবে পায়ে বুকফাটা
আর্তনাদে । ছুটা সরস্বতি, বসতে হবে—মা, তোমায় তরণীর কণ্ঠে—
রাক্ষসের কণ্ঠে অভিনবরাক্ষসী হ'য়ে । আর বিভীষণ—মায়াবী রাক্ষস,
কতরকম মায়া জান তুমি ? তোমার দৃষ্টান্ত হ'তে হবে প্রতিহিংসা-
পূজার, মিত্রতার, হাসির, অশ্রুশির । বাহবা ! অদ্ভুত সংযোগ—
অদ্ভুত চক্রান্ত । চল লক্ষণ, চল সুগ্রীব, ভগবান্কে ভূত ক'রে
দিই ।

[লক্ষণ, সুগ্রীবসহ প্রস্থান ।

গীতকণ্ঠে সমুদ্রের আবির্ভাব ।

গীত ।

রক্ষঃকুল নাশে তুমি যে রাম অবতার ।

কাতর কেন করুণাময়, হরণ কর ধরাত্মার ।

বিশ্বের ব্যথা গিরাছ কি ভুলে,

কত আশ্বাস দিলে বাছ তুলে,

কেন গো ধরিলে কমকরে বীণা,

ছিঁড়ে দেবে যদি বাঁধা তার ।

ধর গাণ্ডীব, ছাড় অবসাদ—

শুনাও বিজয়ছন্দুভি-নাদ,

সার্থক হোক বন্ধন মম, মুক্তি হোক হাহাকার ।

[অন্তর্দ্বান ।

নেপথ্যে রক্ষ-সৈন্তগণ । জয়—রাধবারি দশমুণ্ডের জয় !

নেপথ্যে কপি-সৈন্তগণ । জয়—সীতাপতি রামচন্দ্রের জয় !

সুগ্রীব সহ বিভীষণ পুনরায় উপস্থিত হইল ।

বিভীষণ । যুদ্ধ দেখ—যুদ্ধ দেখ, সুগ্রীব ; যেয়ো না কোথাও আর,
যুদ্ধ দেখ এইখানে দাঁড়িয়ে । রাম-তরণীর যুদ্ধ—অদ্ভুত, আশ্চর্য্য !

সুগ্রীব । তাই বটে, বিভীষণ ! বর্ণনাভীত বালকের বীরত্ব ! রাম-
চন্দ্রের রক্ত-শায়ক ব্যর্থ করে চক্ষের নিমেষে, কে এ শিশুরূপী !

বিভীষণ । দেখ, দেখ—সুগ্রীব, রামচন্দ্রের অগ্নিবাণ প্রয়োগ, চতুর্দিকে
কী ভীষণ দিগ্গাহী কালানল !

সুগ্রীব । দেখ, দেখ—বিভীষণ, তরণীর বরণবাণ, একটা ফুলিঙ্গ
নাই আর—সব জল !

বিভীষণ । পর্ত্তবাণ—পর্ত্তবাণ দেখ এবার রামচন্দ্রের, সব
চূর্ণমার হ'ল !

সুগ্রীব । পবনবাণ— পবনবাণ দেখ তরণীর ; পাহাড়-পর্বত কোন্-
দিকে উড়ে গেল !

বিভীষণ । দেখ, দেখ— সুগ্রীব, আকাশ ছেয়ে অসংখ্য সর্পের কী
ভয়ঙ্কর সমারোহ ! ঐ বুঝি রামচন্দ্রের নাগপাশ !

সুগ্রীব । দেখ, দেখ—বিভীষণ, তরণীর গরুড়াস্ত্র. পক্ষিমূর্তির
আবির্ভাব, পলকে সহস্র সর্পগ্রাস !

বিভীষণ । [রামচন্দ্রের প্রতি উচ্চকণ্ঠে] ব্রহ্মবাণ— প্রভু ! ব্রহ্মবাণ ।
বাহবা—সুগ্রীব ! রামচন্দ্রের করে ব্রহ্মবাণ—

সুগ্রীব । [চমকিয়া] ব্রহ্মবাণ !

বিভীষণ । তোমার তরণী ডুবল ।

সুগ্রীব । সর্বনাশ !

বিভীষণ । ঐ ব্রহ্মবাণ বিরাট হুঁ হুঁকারে শূন্যমার্গে ।

সুগ্রীব । কী জ্যোতিঃ !

বিভীষণ । তরণী ডুবল ।

সুগ্রীব । ওঃ !

বিভীষণ । ঐ ব্রহ্মশক্তি বজ্র-নির্ঘোষে বালকের বক্ষে !

নেপথ্যে কপিসৈন্যগণ । জয় রাম !

বিভীষণ । [ব্যাকুলকণ্ঠে] তরণী— তরণী— [গমনোচ্ছত]

সুগ্রীব । কোথা যাও—কোথা যাও, বিভীষণ !

বিভীষণ । ফোঁটা নিয়ে আসি— একটা ফোঁটা নিয়ে আসি, সুগ্রীব !
হোম শেষ ক'রে দিলুম, হোমের ফোঁটা নেব না ?

সুগ্রীব । বিভীষণ—

বিভীষণ । বুঝেছি, সুগ্রীব ! এ রকম ফোঁটা-নেওয়ার আগ্রহটা
অন্য কোন হোমে থাকে নি আমার—এই ত ? এ রকম হোমও যে

কোনদিন হয় নি, কোন যুগে হয় নি, বন্ধু ! কি হোম হ'ল আজ —
জান, সুগ্রীব ? কা'কে আহুতি দিলাম আমি—বুঝেছ কিছ ?

সুগ্রীব । কা'কে আহুতি দিলে, বিভীষণ ! তরণী তোমার কে ?

বিভীষণ । তরণী আমার কে ? তরণী আমার কে ! তরণী আমার
কে হ'লে আমি তোমার ওপরে উঠতে পারি, বল দেখি ? তুমি ত
তোমার ভাইকে অমনি-অমনি বধ ক'রে সেরে দিয়ে সুগ্রীব হয়েছ ;
এখন ভাইকে বধ করাবার জন্তু আগে কা'কে বধ করাতে পারলে
জগতের কাছে আমি ঠিক বিভীষণ হ'তে পারি, বল দেখি ? তরণী
আমার তাই ; তরণী আমার পুত্র ।

রাম ও লক্ষ্মণ উপস্থিত হইলেন ।

রাম । [ব্যাকুলভাবে] তরণী তোমার পুত্র ! বিভীষণ, তরণী
তোমার পুত্র !

বিভীষণ । প্রভু—প্রভু—[পদতলে আছড়াইয়া পড়িল]

রাম । করলে কি, বিভীষণ ! একে ত তরণী তরুণ—অঙ্গে রামনাম,
মুখে রামনাম, হৃদয়ে রাম, রামের জীবন-সর্বস্ব ; তার ওপর তরণী তোমার
পুত্র ! করলে কি ! আমায় দিয়ে করলে কি ! বিভীষণ—মিত্রবর,
এরকম শত্রুতা যে রাবণও আমার করতে পারে নি ! ওকি !
বিভীষণ, তোমার চোখে যে জল ! তোমাতে কান্না আছে ? তবে
পায়ের তলায় কেন—বন্ধু, বুকে এসে কাঁদ, আমার ; তোমার পুত্র
শোকাশ্রুতে মাথা ডুবিয়ে অবগাহন ক'রে এ কলঙ্কের আমার কতকটাও
ষদি ধোয়া যায়, আমি অনেকটা পবিত্র হই । [তুলিয়া বক্ষে করিলেন]

বিভীষণ । এ ত পুত্র-শোকাশ্রু নয়—প্রভু, পবিত্র কর্ব আপনাকে ?
আমি ত পুত্রের মৃত্যুতে কাঁদি নি ; আমি কাঁদছি আমার মৃত্যু নাই

ব'লে। সবাই ত একে একে নির্ঝাণ নিয়ে চলেছে ; আমি দাঁড়াই কোথায় ? আমার গতি কি ?

লক্ষ্মণ। তোমার গতি ? বিভীষণ, তোমার গতি বর্ণনাভীত। জীবের চরমগতি ত ঈশ্বর-পদ-প্রাপ্তি ; তুমি তা পাবে না। ঈশ্বর যদি হয় অগমিত্র—অগতের মঙ্গলে সে যদি হয় সর্বত্যাগী, মিত্রের আদর্শ তুমি—মিত্রতার বোধনোৎসবে পুরোচিত হ'য়ে পুত্র বলি দাও তুমি ; তোমার এ কল্পনাভীত ঈশ্বর-টলানো অদ্ভুত ত্যাগ সর্বদর্শিতার বৃকে গিয়ে ঘা মারবে, সে আর তোমার প্রণাম নিতে পারবে না—পা সরিয়ে নেবে ; তুমি ঈশ্বর পাবে না। নির্ঝাণের লোভ তুমি ক'রো না, বিভীষণ ! নির্ঝাণ তোমার যোগ্য নয় ; তুমি থাক নিষ্কাম, নিষ্পৃহ-জীবন, ঈশ্বরের কার্য নিয়ে—ঈশ্বরে মতিমান্, কল্পাস্তহায়ী।

অস্তুরীক্ষে দেবদূতদ্বয়ের গীতকণ্ঠে আবির্ভাব।

দেবদূতদ্বয়।—

গীত।

ধন্ত তুমি রক্ষকুলে ধর্মপরায়ণ।

হৃষ্টদলন পরশুর মত—

স্বপ্নের প্রসব-বেদনা সম, স্তম্ভর তুমি বিভীষণ।

স্বর্গের মোরা শোন সমাচার,

তোমার ত্যাগের মহান্ কীর্ত্তি—যাবচ্ছত্র দিবাকর—

রহিল জগতে অমর উপমার ;

ভুবিলে না কাল-সাগরের তলে,

তোমার আদর্শে শিখিলে সকলে

ঈশ্বর-পদে আশ্র-নিবেদন।

[বিভীষণের শিরে পুষ্পবৃষ্টি করিয়া অস্তর্দান।

৫ম গর্ভাঙ্ক ।]

টেকেকেরী

বিভীষণ । লক্ষ্মণ, চল, তুল বলেছি আমি ; আমার আবার গতি ! আমার গতি রামচন্দ্র, রাম-কার্য্যই আমার ঈশ্বরের কার্য্য ; চল লক্ষ্মণ, ঈশ্বরের কার্য্য সমাধা করি । বিভীষণ হ'তে আর আমার বাকী কিছুই নাই, এইবার বিচারহীন মুক্তজীবন তাণ্ডবনৃত্যে রক্ষবংশ ছারখারে দিই । চল, নিকুন্তিলার যেতে হবে তোমায়, কতকটা তার মত ক'রে গ'ড়ে রাখি ।

[লক্ষ্মণকে লইয়া প্রস্থান ।

সুগ্রীব । ধন্য, ধন্য তুমি, বিভীষণ !

রাম । সুগ্রীব, আমার প্রীতি আস্ছে বিভীষণ হ'তেও এই রাবণের উপর ; সে আমার স্ত্রী কেড়ে নিয়েছে, কিন্তু নিজের ভাইকে পাঠিয়েছে — অকপট বন্ধু ।

[সুগ্রীবসহ প্রস্থান ।

ষষ্ঠ গর্ভাঙ্ক

গঙ্গাতীর

গীতকণ্ঠে জ্ঞান ও চিত্র উপস্থিত হইল ।

জ্ঞান ।

গীত ।

সম্মুখে সযতনে বাধা ভেলা ।

কেন জ্ঞান জীবন-পথে অবহেলা ।

চল রে অঁধার ছেড়ে আলোকিত পরপার,

যিছে নাচ দামামার, শোন বীণা-ঝঙ্কার ;

শাস্তির কোলে ওঠ, রাখ খেলা —

ভুবে যাবে নিমেষে ও ধু-ধু বেলা ।

জ্ঞান । কই হে, তুমি যে আমার সুরে সুর দিচ্ছ না ? শুনছও না কান পেতে ?

চিত্র । শুন্ব কি, ছোকরা, তোমার গানে আর আমার বেশ নেশা লাগছে না । তোমার ও একঘেয়ে কড়াসুর—ও সুরে আমার গলা আর ভিঁড়ছে না । বলতে কি, তোমার ও গানের যেন জবাব রয়েছে দেখছি ।

জ্ঞান । জবাব রয়েছে ! আমার গানের ! কই, গাও দেখি ?

চিত্র । গাইতে বললে পার্ব না, তবে রয়েছে জবাব । তোমার ওতে রস কই ? চোখ ফেটে জল আসছে না যে ? আমি যে চিত্র, সেই চিত্রই ত রইলুম ? দেখ ছোকরা, আমার মনে হচ্ছে—তুমি সেই মোহই আছ, বদলাও নি এক-কড়াও । উন্নতির মধ্যে—রংটা একটু ফর্সা, বেশটা সাজা-গোজা নয়—স্বভাব-যত, কথাগুলো নিতান্ত হালকা নয়—বেশ একটু চালের ওপর ; নইলে সেই আওয়াজ—সেই সব । মোহ—জ্ঞান, ও একই ছোকরা, নামান্তর মাত্র- ভাবান্তরের বিশেষ কিছু দেখি না ।

জ্ঞান । সে আবার কি !

চিত্র । হাঁ—তাতেও অধঃপতন আছে, তোমাতেও অহমিকা আত্মাভিমান ষোল-আনা ; দুটুমিতে দু'জনাই সমান । তবে সে ছিল বোকা-রকমের দুটু—সহজেই ধরা পড়ে ; তুমি হচ্ছে শিক্ষিত দুটু, কিছুদিন সঙ্গ না করলে ধরবার ষো নাই । [চমকিত হইয়া] আরে ওকি ! দেখ, দেখ—ছোকরা ; একটা বুড়ি-মাগী গঙ্গার ধারে দাঁড়িয়ে কাঁদছে দেখ !

জ্ঞান । এই মরেছে ! বুড়ি-মাগী দাঁড়িয়ে কাঁদছে ত তোমার কি ?

চিত্র । ঐ ত ছোকরা, তোমার রোগ ! ও-ও হুগতের, আমিও

জগতের ; ও কাঁদছে আমার সামনে দাঁড়িয়ে—আমার কি ! আমি দেখব না ?

জ্ঞান । কি দেখবে ? কাঁদছে—অনেক হেসেছে ; এখন কাঁদুক খানিক, আবার হাসবে । কান্না—হাসির উপসংহার, হাসি—কান্নারই ছদ্মবেশ, তার আর দেখবে কি ? হাসিও নাই—কান্নাও নাই, আছে কেবল আনন্দ ; হেসেও আনন্দ, কেঁদেও স্বস্তি । হাসি-কান্না দুই-ই এক আনন্দময়ীর অভিন্ন জয়া-বিজয়া । ফেনা বুধদের ফোঁটা-মিলানো ; ওঠা, ডোবা, নাচা, ঘোরা দেখে ধরতে যাবে—এখনই হাতে লেগে যাবে—কেবল জল ; বোকা সাজবে ।

চিত্র । আমি বোকাই সাজব বালক, দিনকতক । হাসি-কান্না যখন আনন্দময়ীর অভিন্ন জয়া-বিজয়া, আমি জয়া আর বিজয়াকেই দেখব একবার । বালক, আনন্দ মূল, আনন্দই বীজ, আনন্দই একমাত্র আলোচ্য, ভোগ্য, কারণ, জানি ; কিন্তু আনন্দ—আনন্দ থাকলেই ত হ'ত, তার হাসি অশ্রু হ'য়ে বিকাশ হবার কি দরকার ছিল ? যানি, ফেনা বুধদ জলেরই সৃষ্টি, জলের অভিন্ন ; কিন্তু তা হ'লেও তারা জল হ'তে কেমন স্বতন্ত্র দেখ দেখি ! কেমন তারা জলের সৃষ্টি হ'য়ে জলভরা-বুকে জলের ওপর ভেসে ডুবে জলের মহিম কীর্তন ক'রে বেড়াচ্ছে দেখ দেখি ! বালক, তুমি একমেবাদ্বিতীয়ঃ বলেছিলে—বেশ করেছিলে ; কিন্তু ঐ পর্য্যন্ত ব'লেই চূপ ক'রে যেতে পারলে না কেন ? আবার সর্বং খব্বিদং ব্রহ্ম ; সর্ব আন কোথা হ'তে ? বহুবচন ?

জ্ঞান । ওহে—

চিত্র । থাক, তর্ক-যুক্তি এনো না ; আমার বিশ্বাসে আমার দাঁড়াতে দাও । কার্য—কারণ, আধার—আধেয়, এক—বহু, এই নিয়ে

তোমার গণ্ডগোল ত ? আমি কারণ হব না-- কার্য্যই হব ; যদিও কারণ ছাড়া কার্য্য নয়, কিন্তু কার্য্যই কারণের পরিচায়ক । আমি আখ্যেয় নই—আধার ; পানীয়েয় কি সূখ ? সূখ সরোবরের, সে পিপাসিতকে পান করিয়ে শীতল করে । এক হ'তেই বহু ; কিন্তু আমি একেই ডুবি হ'য়ে থাকতে চাই না, বালক ! বহুর কি কোন উদ্দেশ্য নাই ? আমি চাই—আপনাকে বহুতে ছড়িয়ে ফেলে বহুদিক্ দিয়ে বহুপ্রকারে সেই বহুরূপী এককে জড়িয়ে ধরতে । [চমকিত হইয়া] আরে—আরে ! সে বুড়ি-মাগী বেগমার ঝাঁপ দিয়ে মর্বার যোগাড় করছে !

জ্ঞান । শুধু বুড়ি-মাগী নয়, ঐ সঙ্গে তুমিও মর্বার যোগাড়ে ধুরছ । কোথায় গেল তোমার—“ন হন্ততে হন্তমানে শরীরে ?”

চিত্র । উবে । আমি মর্ব ওকে ধ'রেই । “সদ্ধার ভরতি ওষং ।”

জ্ঞান । “মহাস্তং বিভুমাস্থানং মন্ডা ধীরো ন শোচতি ।” তুমি কোথায় যাচ্ছ ?

চিত্র । কোথা যাচ্ছি তা জানি না ; তবে নিয়ে যাচ্ছে যে—
“সা পরানুরক্তিরীশ্বরে ।”

জ্ঞান । পরানুরক্তিরীশ্বরে ! কঃ পদ্মা ?

চিত্র । আশ্রবং সর্কভূতেষু ।

[প্রস্থান ।

জ্ঞান । উত্তিষ্ঠত—উত্তিষ্ঠত—উত্তিষ্ঠত !

[প্রস্থান ।

সপ্তম গাথা

নন্দীগ্রাম-প্রাস্তর

শূন্যপথে মাক্‌তি গন্ধমাদন পর্বত লইয়া যাইতেছিল, তাহা
দেখিয়া পল্লীবাসিগণ সতয়ে তন্নি বাধিয়া পলাইতেছিল।

পল্লীবাসিগণ ।

গীত ।

ও বাবা রে ও বাবা রে আকাশে কি রে ওটা !
হম্ হম্ হম্ আস্ছে ছুটে মাথার একটা পাহাড়-গোটা।
দতি্য দানা হয় না ঠাওর,
কেবল দেখি লেজের বহর,
রাত-দুপুরে কেন্দলে ফেরে বেটার বড় বুদ্ধি মোটা।
বুঝি, চাপা দিয়ে সারুলে দকা দিলে রসাতল,
ওরে ভাই দুগ্যা দুগ্যা বল ;
দেখ্ছি এখন উপায় কেবল—দু'চোখ বুজে লম্বা ছোটা।
[বেগে পলায়ন।

ভরত ও শক্রয় উপস্থিত হইল ।

ভরত । কে যাও ? কে যাও আকাশ-পথে—অন্ধকার-মুর্তি, রাত্রি
তৃতীয় প্রহরে নাম-পাহুকা লম্বন ক'রে ?

শক্রয় । দাদা, বোধ হয় কোন পক্ষী !

ভরত । ষে-ই, হও উত্তর দাও । পশু-পক্ষী বুঝি না, দেবতা-সিদ্ধ
মানি না ; নাম-পাহুকার উপর দিয়ে যাও—কে তুমি উত্তর দাও ?

শক্রয় । উত্তর দাও, তোমার শক্রতার অবধি নাই ; তুমি রাম পাছকা লঙ্ঘন ক'রে যাচ্ছ রামের সেবক ভরত-শক্রয়ের চোখের ওপর । উত্তর দাও, নেমে এস, প্রণাম ক'রে যাও পাছকায় ।

ভরত । কথায় হবে না, শক্রয় ! মুখের কথা তোমার ভেসে যাচ্ছে— মিলিয়ে যাচ্ছে বায়ু-সমুদ্রে তৃণাদপি তুচ্ছ হ'য়ে । ও আকাশগামী আরও উন্নত, রামের সেবক আমরা আরও অবজ্ঞাত । জগৎ রসনার লালিত্যে বাধ্য নয়— শক্রয়, জগৎ রক্তচক্ষুর দাস । ধনুক দাও—

শক্রয় । শুন্দে না ? শুন্দে না, নির্বোধ ? হিতোপদেশ কটু লাগল ? নাও দাদা, ধনুক ; মৃত্যু ওকে টেনেছে । [ধনুক দিলেন]

ভরত । বাঁটুল প'ড়ে রয়েছে না ? একটা দাও দেখি ; রাম-পাছকা লঙ্ঘন করেছে—ওর হাড় গুঁড়ো ক'রে দিই !

শক্রয় । এখনও সময় আছে, দাস্তিক ! অহঙ্কার ছাড় । [কণেক দেখিয়া] ফলভোগ কর কৃতকন্মের । [বাঁটুল দিলেন]

ভরত । খেচর, ভূচর, মানব, দানব, দেবতা, সিদ্ধ যে-ই হও—রাম-পাছকা লঙ্ঘন করেছে তুমি রামের সেবক ভরত-শক্রয়ের চোখের ওপর ; থাকুক অনন্ত-নরক অবিচ্ছিন্ন কোটী-কল্প আমার অনন্তকোটি জন্ম জড়িয়ে । দণ্ড নাও—[বাঁটুল ছুড়িলেন]

আকাশ-পথে মারুতি । জয় রাম !

ভরত । [বিস্মিত ব্যাকুলতায়] জয় রাম ! শক্রয়, জয় রাম ! শূন্যগামী 'জয় রাম' ব'লে ভূতলে পড়ল যে !

শক্রয় । তাই ত—তাই ত, দাদা ! ও আকাশগামী রামের চর হবে না কি ?

ভরত । শক্রয়, সর্বনাশ করেছে আমরা ! জগন্মাতার পূজায়

জীব-বলির মত রাম-প্রাণতার উন্নত গৌরবে রামের বুকেই আঘাত দিয়েছি ।

শক্রর । [উদ্দেশে রামের প্রতি] প্রভু ! অন্তর্যামি ! অজ্ঞান আমরা, রাম-সেবার সম্পূর্ণ অনভিজ্ঞ, অনধিকারী আমরা, আমাদের দৰ্প চূর্ণ । চল, চল —দাদা, যা হবার হয়েছে ; দণ্ড নেব—মৰ্ণ্য—নরকে যাব তার জন্য । চল, রাম-চরের শুশ্রূষা করি ।

ভরত । আর শুশ্রূষা ! মাধায় পাহাড় ছুড়ে ঘেরে মুখে জল ! বজ্রাঘাতের পর বৃষ্টির আদর ! শক্রর, ভরতের আঘাত ; ওর হাড় এতক্ষণ চুরমার, ওর চৈতন্য নাই, ও নিশ্চিত মৃত্যুর মুখে ।

শক্রর । কোন চিন্তা নাই, দাদা ! ও যদি যথার্থই রামের চর হয়, আমি ওকে বর দিচ্ছি—মহেশ্বর রুদ্রের আঘাত হ'লেও ওর চূর্ণ হাড় জোড়া লাগুক, ওর লুপ্তচৈতন্য নিত্য-চৈতন্যে ফুটে উঠুক, ওর মৃত্যু নাই—ও দ্বিতীয় মৃত্যুঞ্জয় হ'য়ে মহাপ্রলয়েও জেগে থাকুক ।

ভরত । [আনন্দে] শক্রর—ভাই, ও বর তোমার ওকে দেওয়া হয় নি, তুই বর দিলি আমার—ও বর আমারই এই আত্মগানির মৃত্যুযজ্ঞায় মৃতসঞ্জীবনী ।

[উভয়ের প্রস্থান ।

অষ্টম গর্ভাঙ্ক

মন্দির-দ্বার

উর্শ্বিলা দাঁড়াইয়াছিলেন ।

উর্শ্বিলা । ফুলিঙ্গ কি ছাই চাপা ছিল ? বীজ কি অন্তঃসারশূন্য নিশ্চয় হ'য়ে মরে নি ? কেন আজ মুহূর্হঃ সেই মুখ-স্মৃতি ! স্মৃতি, রক্ষা কর আমার ! চতুর্দশবর্ষ পূর্ণপ্রায়, আমার ব্রত ভঙ্গ ক'রো না । এনো না সে-মুখ তপস্যার উগ্রগণ্ডী পার ক'রে—ব্রহ্মচর্যের রুদ্ধ কবাট ঠেলে, এনো 'না সে-মুখ শূন্যবাদিনীর শাস্তির এ প্রজ্ঞা-মন্দিরে । আমি প্রতিজ্ঞাবদ্ধ—তাকে ভুলে থাকিব, সংসারের প্রয়োজনে আপনাকে চেলে দেব, লক্ষণের উর্শ্বিলা হব । ওঃ ! কী দীর্ঘ, গভীর, নিব্বুম, বিকট রাত্রি ! জগৎ নিদ্রিত, জাগন্ত কেবল দেবী কৈকেয়ী আর আমি—খশ্রু আর বধু ; খশ্রু মঙ্গলচণ্ডীর আরাধনায়, বধু দ্বারে প্রহরিনী । আবার ! আবার স্মৃতি ! আবার তুমি ! মা পূজা করছে—কন্যা প্রাঙ্গণে, এর মধ্যেও তুমি ? লক্ষণের চিন্তা ? মা—মা ! কি পূজা করহ মা, আজ ? সঙ্ক্যায় আসন ক'রে রাত্রি যায় যায় ; কিসের এত তন্ময়তা তোমার ? গুঠ, মা ! দ্বার খোল, মা ! দেখ মা, কে আমার ভয় দেখাচ্ছে ; বলছে—উর্শ্বিলা, এ পূজা তোর জন্যই ।

বিষপত্রে সিন্দূর লইয়া কৈকেয়ী ছুটিয়া আসিলেন ।

কৈকেয়ী । সিঁহর পর ত মা, সিঁহর পর ত ; চির আয়ুস্বতী মা মহাসতীকে প্রণাম ক'রে এই সিঁহরটুকু পর ত ।

উর্শ্বিলা । সিঁহর !

কৈকেয়ী । মা সর্বমঙ্গলাকে নিবেদন কর । এ তাঁর পা-ছুঁয়িয়ে
আনা সিঁহর, আমার চোখের জলে তাঁর নিজের হাতে গুলে দেওয়া বর-
মাখান সিঁহর । পর—উর্শ্বীলা, পর—বালিকা, পর, বধুটী আমার !

উর্শ্বীলা । মা, সন্ধ্যা হ'তে পূজায় ব'সে এই রাত্রিশেষে [সর্ব-
মঙ্গলার সিঁহর এনে পুত্র-বধুকে পরাবার জন্তু এত ব্যাকুল কেন
তুমি, মা ?

কৈকেয়ী । আজ সারাদিন তোমার সিঁথির সিঁহরটা বড় ম্লান
দেখে আসছি, মা !

উর্শ্বীলা । ও, তা হ'লে সত্যই এ পূজা আমার জন্তুই ?

কৈকেয়ী । শুধু তোমার জন্তু নয়, মা ! তোমার পত্নিত্বের সঙ্গে
আমিও গাঁথা আছি— উর্শ্বীলা, মাতৃত্বের শৃঙ্খলে ।

উর্শ্বীলা । স্মৃতি—স্মৃতি ! উদয় হয়েছ—হয়েছ, হৃদয়কে এমনধারা
মুচড়ে দিচ্ছ কেন ? আনলে যদি সেই মুখ, তাড়ুকু আমার ব্রত—আমি
আসন দিচ্ছি—এস, ব'স, হাস ; এমনধারা ক্রকুটী ক'রে ভয় দেখিয়ে
মিলিয়ে যাচ্ছ কেন ?

কৈকেয়ী । উর্শ্বীলা, একি ! তুমি সেই উর্শ্বীলা আছ ত ?

উর্শ্বীলা । কি ক'রে আর সে উর্শ্বীলা থাকি, মা ? তুমিই ত আমায়
নামিয়ে দিচ্ছ সে উর্শ্বীলা হ'তে ঐ সিঁহর এনে পত্নিত্বের দিকে ঠেলে ;
ছিলুম আমি মা-উর্শ্বীলা, সাজাচ্ছ আমার আবার যে সেই বধু-উর্শ্বীলা !

কৈকেয়ী । সাজতে হবে—উর্শ্বীলা, একটা দিনের জন্তুও ; নইলে
আমি মা থাকি না, মা !

উর্শ্বীলা । [ক্রণেক নীরব থাকিয়া] আচ্ছা মা, আমি প্রতিশ্রুত—
তোমার স্বার্থপরতায় আমি আত্মবলি দেব ; বল মা, আমার সিঁথির
সিঁহর ম্লান দেখলে কিসে ?

কৈকেয়ী

[৪র্থ অঙ্ক ;

কৈকেয়ী । মাতৃহ্বের দর্পণে । ভীষণ যুদ্ধ—উন্মিলা, রাম-লক্ষণের সঙ্গে লঙ্কেশ্বর রাবণের । বলি নি কা'কেও এতদিন, গুরুদেব বশিষ্ঠের নিষেধ ছিল ; কিন্তু আজ আর তোমায় না বললে উপায় নাই । রাম-লক্ষণ রাবণের বিপুল বংশ প্রায় ধ্বংস ক'রে এনেছে ; আজকের দিনটা—উন্মিলা, আজকের দিনটা যদি কাটে—আজকের দিনটা বড় ভীষণ দিন, মা ! লক্ষণ নিকুন্তিলার যজ্ঞে প্রবেশ ক'রে রাবণের পুত্র মেঘনাদকে হত্যা করেছে ; যদিও আজকের সংবাদ আমি কিছু পাই নি, তবু সারাদিনটা ধ'রে আমি যেন চোখের ওপর দেখেছি—পুত্র-শোকাক্ত উন্মত্ত রাবণ শেল হাতে ক'রে 'কোথায় লক্ষণ—কোথায় লক্ষণ' ব'লে রণস্থল চ'ষে বেড়াচ্ছে । ত্রিকালজ্ঞ সর্বদর্শী বশিষ্ঠ দেব দিবাভাগে সমাধিস্থ থাকেন, আর প্রতি-সন্ধ্যায় আমায় রাম-লক্ষণের সংবাদ দিয়ে যান্ ; আজ আর তিনি সে অনুগ্রহ করলেন না । আমি উন্মত্তা—নিজেই ছুটে গেলুম তাঁর আশ্রমে, দেখলুম তাঁর ধ্যান আজ আর ভাঙে নি—তিনি সেই সমাধিস্থ । ভাঙাবার চেষ্টা করলুম—পারলুম না ; নিরুপায় হ'য়ে ধেয়ে এসে আছড়ে পড়লুম ঐ অনাথপালিনীর অভয়-পায়ে । কাঁদলুম, মায়ের বেদনা যা—বুক-চাপড়ে জানালুম ; মা প্রসন্ন । পর ত মা, মায়ের দেওয়া সিঁহর ; হও ত মা, আমার সেই বালিকা-বধু ; কর ত মা, একটু পত্নীর প্রার্থনা আমার এই অফুরন্ত মঙ্গল-কামনার সঙ্গে ; দেখি সে কেমন রাবণ ! দেখি তার কেমন শেল ! দেখি, সে কী করতে পারে আমার !

উন্মিলা । মা, সিঁহর রাখ মা, তা হ'লে তোমার পায়ের তলায় ; এখন আর আমি ও সিঁহর পাব না । আমার স্বামীর যদি মঙ্গল হয়, তোমার—মায়ের কামনাতেই হবে ; আমি আর তার সঙ্গে পত্নীর প্রার্থনা মিশিয়ে তোমার জয়ে ভাগ বসিয়ে—তোমার ঐ অনন্ত-প্রসার উদার মাতৃহ্বকে ছোট ক'রে দেবো না ।

কৈকেয়ী । [বিস্মিত আদরে] উর্শ্বীলা, বধু আমার —

উর্শ্বীলা । মা, এ যুদ্ধের কারণটা কি ? গুরুদেব বলেছেন অবশ্য তোমায় ?

কৈকেয়ী । বলেছেন । উর্শ্বীলা, এ যুদ্ধের কারণ — আমাদের কুল-লক্ষ্মী সীতা রাবণের অশোকবনে বন্দিনী ।

উর্শ্বীলা । [অগ্নিমূর্তিতে] বন্দিনী ! রাবণ-গৃহে ! সীতা ! মা, তা হ'লে আমি এইবার উর্শ্বীলা হব । মা-উর্শ্বীলা নয়—তোমার বধু-উর্শ্বীলা নয়, চণ্ডালী রক্ষঃকুলনাশিনী রাক্ষসী-উর্শ্বীলা । এই রাবণকে আমি ছাই ক'রে দেব—মা, সবংশে এক অভিশাপে । রাবণ—

কৈকেয়ী । মা রয়েছে ! সর্বদর্শিনী সর্বমঙ্গলা মা রয়েছে, উর্শ্বীলা, সামনে ! অভিশাপ চলে না—বিচারের ছায়ায় তুমি ।

শক্রয় আসিতেছিলেন ।

শক্রয় । মা ! মা রয়েছে ?

কৈকেয়ী । শক্রয়—

শক্রয় । সর্বনাশ হয়েছে, মা ! আৰ্য্য লক্ষণ—

[উর্শ্বীলাকে দেখিয়া নীরব হইলেন]

উর্শ্বীলা । [সোৎসুকে] আৰ্য্য লক্ষণ ! দেবর, আৰ্য্য লক্ষণ—
বল—বল, আৰ্য্য লক্ষণ—

শক্রয় । [অস্থিরভাবে স্বগত] কোথায় এসে পড়েছি ! এ যে আরও সর্বনাশ ! পালাই—পালাই—[পলায়নোত্ত]

উর্শ্বীলা । কোথা যাও—দেবর, অর্ধ-সমাপ্তি ক'রে ? ব'লে যাও, আৰ্য্য লক্ষণ ?

শক্রয় । নাগপাশ ! আমার গলা জড়িয়ে আমার কর্তরোধ, বোবা ক'রে দিয়ে যাও ; আমি শক্রয় নই, আমি জগতের মহাশত্রু ।

কৈকেয়ী

[৪র্থ অঙ্ক ;

উন্মিলা : বল, বল—দেবর ! কাঁপছ কেন ? বল, আৰ্য্য লক্ষণ ?
পারলে না—পারলে না ! ওঃ—বুঝেছি, বলতে পারছ না—আমায়
শোনবার মত দেখছ না, না ? আচ্ছা দাঁড়াও তুমি, আমি আসছি
আমার নিজের সঙ্গে দেখা ক’রে। দেখি, শুন্তে পারি কি না তোমার
কথা শেষ পর্য্যন্ত দাঁড়িয়ে—

[গমনোচ্ছত]

কৈকেয়ী । উন্মিলা—

উন্মিলা । সেজে আসি মা, ঐ মায়ের মন্দির হ’তে নূতন সিঁহর,
নূতন অলঙ্কার, নূতন পরিচ্ছদে । কানে ষা শোনে—শুধুক, চোখে দেখে
জগৎ যেন চিন্তে না পারে আমি সধবা কি বিধবা ।

[উন্মিলার প্রস্থান ।

কৈকেয়ী । শক্রয়, লক্ষণ কি নাই ?

শক্রয় । না থাকাই, মা !

কৈকেয়ী । না থাকাই !

শক্রয় । সূর্য্যোদয়ে মৃত্যু ।

কৈকেয়ী । সূর্য্যোদয়ে মৃত্যু ! [উদ্দেশে ব্যাকুলকণ্ঠে মহাশক্তির
প্রতি] মা—মা ! [শক্রয়ের প্রতি] নির্ভয়, সূর্য্য তা হ’লে আর উঠবে
না, শক্রয় ! তোমরা এ সংবাদ কোথায় পেলো, পুত্র ?

শক্রয় । একটা দানবী অন্ধকারের ছায়া পড়ে মা, আমাদের সভা-
মন্দিরের ওপর ; পাছকার অবমাননাকারী ব’লে আমরা বাঁটুল ছুড়ি
সেই ছায়া লক্ষ্য ক’রে, সঙ্গে-সঙ্গেই সে ছায়া ‘জয় রাম’ শব্দে ভূতলে মূচ্ছিত
হ’য়ে পড়ে, আমরা নির্ঝাক হতবুদ্ধি । বুঝলুম—রামের চর, উর্দ্ধ্বাসে
ছুটে গিয়ে বহু শুশ্রূষায় তাকে চৈতন্য করলুম । তারই মুখে শুনলুম মা,
আমাদের সব গেছে, আমাদের রাজলক্ষ্মী সীতা রাক্ষস-কুলাধম রাবণের

অশোকবনে, আর সেই যুদ্ধে আৰ্য্য লক্ষ্মণ আজ শক্তিশেলে—সূর্য্যোদয়ে মৃত্যু । সে ঔষধ আনতে গিয়েছিল গন্ধমাদন পর্ব্বতে, ঔষধ না পেয়ে পর্ব্বতশুদ্ধ মাথায় ক'রে নিয়ে যাচ্ছিল । আমরা তাকে সুস্থ, সবল ক'রে মাথায় পাহাড় তুলে দিয়ে আস্থি । দাদা সৈন্তদের আগাচ্ছেন, আমি তোমার কাছে ।

কৈকেয়ী । [উদ্দেশে মহাশক্তির প্রতি] মা ! ইচ্ছাময়ি ! আমি চিরদিনটা তোর ইচ্ছার দাসী হ'য়ে আস্থি, জীবনে একটা কামনা করি নি ; মাত্র আজ—একটা দিন—একটি প্রার্থনা, আমার লক্ষ্মণ কি উঠবে না ? তা যদি না ওঠে—উঠে গেলি তুই, উঠে গেল তোর নাম, উঠে গেল জগতে ষত আশ্বাস-বাণী—[ক্রণেক নীরব স্থিরদৃষ্টি, সমাধিস্থ থাকিয়া চমকিত হইয়া] না-না-না, তুল করেছি আমি, ঐ যে তুই রাবণের সর্ব্ব-সংহারিণী—শক্তিশেলের বিরাট মহাশক্তি ; ঐ যে তুই গন্ধমাদনের মৃত-সঞ্জীবনী ক্ষুদ্র লতাটির মধ্যে ও রাক্ষসের প্রতিহিংসার রণরঙ্গিণী ভীমা—ব্যাকুলতায় সাঙ্ঘনাদায়িনী শান্তি ; ঐ যে তুই মরণের নীল ওষ্ঠ-ক্রকুটী ; ঐ যে তুই জীবনের লাল অধর-রাগে বিপদের বর্ষাপ্লাবন ; মঙ্গলের বাসন্তীপূর্ণিমারূপে ঐ যে আবার তুই সর্ব্বমঙ্গলা সর্ব্বব্যাপিনী । ইচ্ছাময়ি ! আমি তুল করেছি, আমার প্রার্থনা নাই ; আমি তোর সেই ইচ্ছার দাসী—আমি সেই কৈকেয়ী ।

আলুধালু বেশে উর্ষ্মিলা পুনরায় উপস্থিত হইল ।

উর্ষ্মিলা । বল দেবর, আৰ্য্য লক্ষ্মণ—বল, আর ইতস্ততঃ করবার কিছু নাই ; আমি শোন্বার মত হ'য়ে এসেছি, স্তনুতে পার্ব । দেখ, আমার সীমস্তে ত্যাগের সিন্দুর, পরিধানে সর্ব্ব-সহিষ্ণুতার খেতবস্ত্র, তুষণ আমার মাতৃহৃৎ, দেবর ! আমি আমার লক্ষ্মণকে—আমার পত্নী-জীবনের সর্ব্বস্বকে—আমার আপনা হ'তেও প্রিয়কে নিবেদন ক'রে দিয়েছি

রাম-সীতার অর্চনার, আশা রেখে নয়—আসনশুদ্ধ তুলে দিয়ে ; হই নি শোন্বার মত ? বেশী কি আর বলবে তুমি ? আৰ্য্য লক্ষ্মণ পতিত রাক্ষস-যুদ্ধে জন্মের মত, এই ত ? দেবর, পূজার কুলও শুকিয়ে যায়, দেবতার ভোগও পর্য্যুষিত হয় । [উদ্দেশে লক্ষ্মণের প্রতি] স্বামি ! দেখ, আমি তোমার—আমি লক্ষ্মণের উর্শ্বিলা কি না ? [কৈকেয়ীর প্রতি] মা, মনে পড়ে, তুমি আমার হাত ধ'রে শিষ্যা ক'রে তোমার বধু-বালিকায় সর্বভ্যাগিনী মায়ের ভূমিকায় নামিয়েছিলে ? ঠিক নামান' হয় নি, মা ! ভোগের গন্ধ থেকে গিয়েছিল ; আশুন নিবেছিল—ধোঁয়া ছিল, গাছ কাটা গিয়েছিল—মূল মরে নি । দেখ মা, এইবার আমার—ভাষা মা-ময়, ভাব মা-ময়, ভাষাতীত ভাবাতীত আমার সব চৈতন্যময়ী মা-ময় ; তোমায় আমার ভেদ নাই আর, তুমি গুরু আমি শিষ্যা নই আর—তুমি কৈকেয়ী আমি উর্শ্বিলা, তুমি গঙ্গাজল আমি প্রেমাশ্রু ; তুমি আমি সমান—তুমি আমি সমজ দুই ভয়ী !

ভরত উপস্থিত হইলেন ।

ভরত । শত্রুর, দাঁড়িয়ে আছিস ! কি দেখ্ছিস হাঁ ক'রে ? কৈকেয়ী-উর্শ্বিলা ? গঙ্গাজল আর প্রেমাশ্রু ? ওদিক দিয়ে ওদের দেখবার কিছু নাই, ও দুয়েরই উৎপত্তি পাথর হ'তে ; গঙ্গা আস্ছে—হিমালয় পাহাড় ভেদ ক'রে, প্রেমাশ্রুর আবির্ভাব পাষণ-হৃদয় ফুঁড়ে ! শত্রুর, রাবণের শক্তিশেলে আমাদের ভাই যায় নি—আমাদের তুল হয়েছিল, সেটা শুদ্ধ উপলক্ষ্য গৌণস্থল ; তার সূক্ষ্ম কারণ এখন দেখ্ছি, এই কৈকেয়ী আর উর্শ্বিলা । আমাদের ভাই গেছে—এই গঙ্গা আর প্রেমাশ্রুর তরঙ্গে, এদের আপনার আপনার বিক্রম দেখাবার ভূমি হ'য়ে । রাবণকে দেখা থাক্, দেখি আর ছ'জনে ভাগ ক'রে এই গঙ্গা আর প্রেমাশ্রুকে । আমি গণ্ডুবে গঙ্গাকে শুবে নিই, তুই প্রেমাশ্রুর সমুদ্রকে এক নিঃশ্বাসে

পেটে ভ'রে নে। গঙ্গাজল আর প্রেমাশ্র, আমরাও ছই ভাই—আমি জহু
তুই অগস্ত্য।

শক্রয়। জহু-অগস্ত্যের কতটুকু শক্তি, দাদা! তারা পান করেছিল
কোন গঙ্গা-সমুদ্রকে! ঋতু-তিথির পর্য্যায়ে ফেঁপে উঠে, ম'রে যায়—হর্ষ-
বিষাদের জাজল্যমান দৃষ্টান্ত সেই গঙ্গা-সমুদ্রকে! গ্রীষ্ম-বর্ষা, পূর্ণিমা-
অমাবসায় সমান স্থির, সুখে-শোকে একগতি —এ গঙ্গা-সমুদ্রকে গলুঘ
করবার অগস্ত্য আজও জন্মায় নি। দেখ, দেখ—দাদা, কী
পুণ্যতীর্থ আজ আমাদের অবোধ্যা-প্রাসাদ! দুর্লভ ছ'য়ের কী মধুর
সম্মিলন এখানে আজ! প্রেমাশ্র আর গঙ্গায়! ত্যাগ আর
পবিত্রতায়!

ভরত। আর ওদিকে দেখ—ওদিকে দেখ—শক্রয়, সংসারের
নাসিকা-কুঞ্চন, জগতের ক্রভঙ্গী! এদের আবার কী অপূর্ব মিলন দেখ!
জগৎ বন্ডে—আমি আর জননৌ-জঠরে জন্ম নেব না; জননৌ এমন! আর
সংসার বন্ডে—পতি-পত্নিত্ব পরিণয় উঠিয়ে দিলুম; পত্নী—বেশ পত্নী!

কবচ উপস্থিত হইল।

কবচ। কেউ বলে নি—কেউ বলে নি একথা রাজ-প্রতিনিধি;
আমি যে মহাশত্রু—আমিও না; এ তোমার ভ্রাতৃহারা কাঁদা-প্রাণের
প্রতিধ্বনি।

ভরত। কবচ—

কবচ। ভাই নাও! “এক ভাই গেছে—চার ভাই নাও,” ভাইএর
বদল আমি এসেছি, আমায় বদল দিতে; নিতে হবে।

ভরত। কবচ, তুমি কি সাধনা করছিলে এতদিন এই বাক্যবাণ
নিক্ষেপের সুযোগটী পাবার জন্ত?

কবচ। ঠাউরেছ। কঠোর সাধনা করেছি—সিদ্ধও হয়েছি; কিন্তু

সব পণ্ডশ্রম—বাক্যবাণ নিক্ষেপ আর হ'ল না ! যাও, আমার ভ্রাতৃ-
হারা প্রতিশোধ—আমার মর্ষবেঁধা ভাষা—আমার আগুন-ছালা অভিশাপ
সব ভেসে গেল এদের এই অপূর্ব মাতৃহের মধুর হিল্লোলে । রাজ
প্রতিনিধি, যা'ই কর তুমি আমার, তুমি এই কর্ম-ভরঙ্গময়ী পতিতোদ্ধারিণী
গঙ্গার গর্ভজ—মোক-স্বরূপ ; তোমায় কলুষিত করব না । হোক লক্ষণ
আমার ভ্রাতৃ-হস্তার ভাই ; সে এই প্রেমের উত্তান—ত্যাগের বিছালয়—
মাতৃহের মহোন্মি উন্মিলার স্বামী ; তার মৃত্যু নিয়ে মহাশক্ররও হাশ্র
চলে না । থাক্ ভ্রাতৃশোক আমার প্রাণে পাহাড়-বোঝাই, আমি
তোমাদের প্রণাম করি ।

কুণ্ডল উপস্থিত হইল ।

কুণ্ডল । তুমিও আমার প্রণাম নাও, দাদা !

কবচ । [সবিস্ময়ে] কুণ্ডল !

কুণ্ডল । মরি নি, দাদা ! এ যুগে বুঝি আর কেউ মরবে না ।
মরবার চেষ্টায় ছিলাম—ম'রেও ছিলাম ; কিন্তু গিয়ে পড়েছিলাম সেই
শেষ অবস্থায় বড় কঠিন জায়গায়—পিতার গুরু ভরদ্বাজ ঋষির আশ্রমে ;
সেখানে মৃত্যুর অধিকারই নাই । ঋষি গন্ধমাদন হ'তে ঔষধ এনে—
সে কী ঔষধ—কী শক্তি তার—আমার কোলে-করা মৃত্যুকে কেড়ে নিয়ে
গলাধাকায় দূর ক'রে দিয়েছে । মনে করেছিলাম—দাদা, আর ফিরব
না এ মুখে, জীবনটা পিতার সঙ্গে ঋষির ছায়াতেই কাটাৰ ; কিন্তু
পারলাম না । দেখলাম—জগৎটা ভাই হবার জন্ত উঠে-প'ড়ে লেগেছে ;
লোভ হ'ল, হিংসা এল, আমিও ত দাদার ভাই ! তুমি আমার
প্রণাম নাও ।

কবচ । ভাই ! ভাই ! [বক্ষে লইল]

নন্দেয়ী উপস্থিত হইলেন ।

নন্দেয়ী । দিদি, তোমার জয় হয়েছে সকল বুদ্ধে—সকল প্রকারে । আমি স্বামীর উদ্দেশে ছুটেছিলাম ; কিন্তু আমার পা হ'খানা ঘুরিয়ে আমায় এখানে পুত্রের পথে এনে ফেলেছে ; তোমার জয় হয়েছে । আমি আর স্বামীর স্ত্রী নই—আমি তোমার অনুসৃত্তা, মহামন্ত্র-দীক্ষিতা—ঐ পুত্রের মা । নারী-জন্মের উদ্দেশ্য—স্বামীর স্ত্রী হওয়া নয়, পুত্রের মা হওয়াই ; স্ত্রী-জীবন নিজের জন্ম—মাতৃ-জীবন পরের জন্ম । তোমার জয় হয়েছে—আমি মা । কুণ্ডল, গন্ধমাদনের সঞ্জীবনী-লতায় তুমি জীবন পেয়েছ ? তা হ'লে ত আমাদের লক্ষণও জীবিত ?

বশিষ্ঠ উপস্থিত হইলেন ।

বশিষ্ঠ । লক্ষণ জীবিত—লক্ষণ জীবিত ; সঞ্জীবনী-লতার জীবন-দেওয়া শক্তিতে নয়—মহাশক্তি মূর্তিমতী দেবী কৈকেয়ীর ইচ্ছা-শক্তিতে । [কৈকেয়ীর প্রতি] দেবি, আমার ধ্যান ভঙ্গ করতে গিয়েছিলে ? আমি ছিলাম না মা এখানে, গিয়েছিলাম এ স্থলদেহটা ফেলে রেখে আমার সমস্ত নিয়ে সেই রণস্থলে পতিত লক্ষণের পার্শ্বে—তোমার মা হওয়া দেখতে । দেখলুম—তুমি মা । তুমি এখানে আছ, কিন্তু তোমার মন, প্রাণ, সাধন, তপস্বী, সব সেখানে গিয়ে—কেউ সুষেণ বৈশ্য, কেউ মাক্‌তি, কেউ গন্ধমাদন, কেউ মৃত সঞ্জীবনীর ভিতর দিয়ে একজোটে লক্ষণের হাত ধ'রে টেনে তুলছে । কতক্ষণ আর সে মাটিতে প'ড়ে থাকে ? সে জীবিত ঐ সূর্য্যোদয়ের সঙ্গে নব-বলে—নবীন উৎসাহে । ধন্য তুমি ! তোমার সৈন্ত-সজ্জা আর নিশ্চয়োজন, ভারত !

ভরত । সীতার উদ্ধার ?

কৈকেয়ী

[৪র্থ অঙ্ক ;

বশিষ্ঠ । সীতার উদ্ধারের জন্ত ত রামচন্দ্র তোমায় ডাকে নি,
ভরত ? তোমায় যা ভার দেওয়া আছে, তুমি তাই ক'রে যাও ; সীতার
উদ্ধার রামকে স্বয়ং করতে দাও, তাকে রাজা হ'তে হবে সমাগরা
ধরণীর । নিজের নারীকে যদি কেউ উদ্ধার করতে না পারে রাক্ষসের
গ্রাস হ'তে, রোকণ্যমানা বশুকরার উদ্ধার, নিষ্কৃতি, মুক্তি দেবে সে
কোন্ বলে ? সীতার জন্ত ভেবো না তোমরা, ভরত ! গর্ষিত রাক্ষসকুল
ধ্বংসে ইচ্ছাময়ীর ইচ্ছা অবতীর্ণা মূর্তি ধ'রে—রাম-সঙ্গিনী-রূপে ।

সকলে । জয় মা ইচ্ছাময়ী সৰ্বমঙ্গলা মহাশক্তি !

[সকলের প্রস্থান]

পঞ্চম অঙ্ক

প্রথম গর্ভাঙ্ক

রণস্থল

বিভীষণ, সুগ্রীব, রাম ও লক্ষ্মণ দাঁড়াইয়াছিলেন ।

বিভীষণ । সুগ্রীব, দেখ্ছ ?

সুগ্রীব । দেখ্ছি- রাবণ আস্ছে ।

বিভীষণ । কি রকম আস্ছে বল দেখি ?

সুগ্রীব । বেশ একটু স্থির, বেশ একটু গস্তীর, বেশ একটু নূতন ।

বিভীষণ । ভয়ানক ঝড় তুলবে, বুঝ্তে পার্ছ ? প্রদীপের রশ্মি
অসম্ভব জ্বলে, সহায়-সম্বল আর কেউ নাই—সুস্ত-খসা ছাদ পড়বে ;
পারবে এগোতে ?

সুগ্রীব । বিভীষণ, আমি বালীর সহোদর ; ওরকম কত শৈর্ষ্য,
কত গাঙ্গীর্ষ্য সপ্ত-সমুদ্রের জলে হাবুডুবু খেয়ে গেছে ।

বিভীষণ । এগোও ; তবে দেখো—ম'রো না । হোক্ কলক,
রাবণের হাতে পরাজয় ইন্দ্রেরও হয়েছে ; বেঁচে ফিরে এসো যেন । তুমি
যদিও রাবণ-বধ করবে না ; কিন্তু তুমি বেঁচে থাকলে তোমার মধ্য দিয়ে
রাবণ-বধ করাবার শক্তি আমি যথেষ্ট পাব. বুঝ্তে পেরেছ ? যাও—
গতিরোধ কর, দেখি—তুমি বালীর ভাই !

সুগ্রীব । [রাবণের পদতলে পড়িয়া] প্রভু, বিদায় ।

টেকেকন্নী

[৫ম অঙ্ক ;

রাম । [তুলিয়া আলিঙ্গন করিয়া] মিত্র বিভীষণের উপদেশ শ্রবণ
রেখো, বন্ধু !

সুগ্রীব । সৈন্তগণ, অগ্রসর হও । উত্তাল তোয়-নিধি উত্তীর্ণপ্রায়—
অদূরে তীর ।

[প্রশ্নান ।

বিভীষণ । লক্ষ্মণ, শক্তিশেলের বেদনাটা মিলিয়ে গেছে ত তোমার ?

লক্ষ্মণ । কোন্ শক্তিশেলের কথা বলছ, বিভীষণ ?

বিভীষণ । যার জন্ত গন্ধমাদন আন্তে হয়েছিল !

লক্ষ্মণ । সে শক্তিশেলের বেদনাটা আমি বেদনা ব'লেই টের পাই
নি, বিভীষণ ! শক্তিশেল আমার গাঁথা আছে—সীতা—রাবণের
অশোক-বনে ।

বিভীষণ । জয়ন্ত ; তা হ'লে তুমিও আর দেরি ক'রো না—সেজে
নাও বেশ বাছা-বাছা বাণ নিয়ে ; সুগ্রীব হঠল ব'লে । আজকার
রাবণ—সে বান-ডাকা কুল-ছাপানো উন্মাদগতি—অস্থির রাবণ নয়,
আজকের রাবণ—চারপোয়া জম-জমে, মরা-মুখের টানা রাবণ—কুটো
দিলে দুটো হ'য়ে যাবে ।

লক্ষ্মণ । [রামের চরণ বন্দনা করিয়া] দাদা—

রাম । [বক্ষে ধরিয়া] ভাই, সাবধানে যুদ্ধ ক'রো আজ । সীতার
অশ্রুজল মুছে দিতে যেন আমার সুমিত্রা-মা না কাঁদে ।

লক্ষ্মণ । রাবণ ! দ্বিগুণ-জ্বালা-দীপ ! স্তম্ভ-খসা-ছাদ ! আজ তোমার
শেষ ।

[প্রশ্নান ।

রাম । [ক্ষণেক লক্ষ্মণের গমন-প্রতি চাহিয়া] বিভীষণ, আজকের
রাবণ বড় ভীষণ রাবণ, না ?

বিভীষণ । বড় ভীষণ রাবণ, প্রভু ! আজকের তুলনায়—আগেকার সে-সব রাবণ মোমের পুতুল—পটের ছবি । আগেকার রাবণ—সহায় পরিবেষ্টিত, বলদৃগু, ক্ষিপ্ত ; আজকের রাবণ—নিঃসম্বল, উর্দ্ধনেত্র, স্থির । আগেকার সে রাবণ ছিল—গণ্ডী-দেওয়া লঙ্কা-সিংহাসনের দিগ্বিজয়ী রাবণ, আজকের রাবণ—মহাশূন্তের আকাশবাণী-শোনা, অনন্ত-বিস্তার অভয়-কোলে আসন-পাতা আত্মজয়ী রাবণ । আগেকার সে রাবণ রণ-ক্ষেত্রে আস্ত শক্তির প্রসাদ নিয়ে, আজকের এ রাবণ আম্ছে স্বয়ং মহাশক্তিকে উত্তরীয়ের অঞ্চল-প্রান্তে গেরো দিয়ে ।

রাম । তা হ'লে আর আমারও দাঁড়ান' উচিত নয়, বিভীষণ ! শক্তিশেলের সে বেদনাটা যদিও লক্ষণ টের পায় নি ; কিন্তু তার দাগ এখনও আমার মিলায় নি । [উদ্দেশে] মা ! মা ! মহিমময়ী মহা-শক্তি ! বিচার কর মা, জগজ্জননী তুমি ; কর্ব রপতি দশানন তোমার পুত্র, হতভাগ্য রাম কি জগতের বাহিরে ?

[প্রস্থান ।

রক্ষসৈন্যগণ । [নেপথ্যে] জয়—শক্তি-পুত্র দশাননের জয় !

কপি-সৈন্যগণ । [নেপথ্যে] জয়—সর্বশক্তিমান্ রামচন্দ্রের জয় !

বিভীষণ । যুদ্ধ বাধল । ভীষণ যুদ্ধ ! [ক্রণেক ইতস্ততঃ] এ যুদ্ধের ফলাফল ? [উর্দ্ধ দৃষ্টিতে] ওঃ ! আকাশে আজ কী কালো সূর্য্য উঠছে ! সূত্রীব—সূত্রীব ! এগোও, অত পেছুতে কেন ? বালীর ভাই তুমি !

[প্রস্থান ।

রাবণ উপস্থিত হইলেন ।

রাবণ । মড়ার ছড়া দেওয়ার মত আজ তোমার মহিমার ধারা এই কালাহাট রণস্থলে ছড়িয়ে দিয়ে যাব, হৈমবতি ! চিতার ছাই ওড়ার মত তোমার করুণা-কাহিনী ঐ অনন্ত প্রবহমান বায়ুস্তরে উড়িয়ে দিয়ে যাব,

দাক্ষায়ণি ! প্রাস্তরে তুষার পড়ার মত আজ তোর দয়াময়ী মা নামটাকে নিঃশ্বাস বন্ধ ক'রে চাপা দিয়ে পড়বে রাবণ, প্রকাশ ক'রে যাব মৃত্যুকণ্ঠের মুদ্রাযন্ত্রে চাক্ষাকের শেষ খণ্ড—তুই নাই । যুক্তি-প্রমাণ চাই না ; যুক্তি তার—কোলে তুলে পায়-ঠেলা রাবণ, প্রমাণ তার—পাহাড়ে উঠে পাতালে-পড়া রাবণ ; তুই নাই—তুই নাই—তুই নাই—

শূত্রমার্গে মহাকালী । আমি আছি—আমি আছি—আমি আছি—
রাবণ । তুই আছিস ? তুই আছিস ? তোর অভয়-কোলে ধুম-পাড়ান' আদরের দশস্কন্ধ আজ তৃণশয্যায় ধূলায় ধূসর ; তুই আছিস ? তোর অনন্ত-ভুজে গলা জড়িয়ে অনন্ত-মুখে চুমো-খাওয়া রোমাঞ্চ রাবণ আজ গর্ভহারা সর্কহারা মৃত্যুর গ্রামে ; তুই আছিস ? তোর সৃষ্টি করা সদয়হাতে পরিষে দেওয়া এহঁ অভভেদী বিজয়-কিরীট আজ নর-বানরের উপহাস ভলে ; তুই আছিস ? কোথায় ছিলি এতদিন ? কোন্ অগম্য প্রাস্তরে ? কোন্ জন্ম-বধির শ্মশান-বন্ধে ? কোন্ অনন্ত ষোগনিদ্রায় ? জেগেছিস ? জাগলি কেন আবার ? জীবনের এ অবেলায় ? বিজয়া দশমীর নিরঞ্জন-বাঞ্চে ? সন্ধ্যার স্নান-আকাশে সিঁ ছুর ছড়িয়ে আর কি হবে, মা ?

শূত্রমার্গে মহাকালী । নির্ভয়, রাবণ ! সন্ধ্যা কোথায় ? নূতন সৃষ্টি—
নূতন আকাশ—নব সূর্য্যোদয় ; নবীন বাহুতে বৃদ্ধ কর—নির্ভয় ।

রাবণ । জয় মা মহাশক্তি—জয় মা মহাশক্তি ! রাম—রাম !
লঙ্কাধ্বংসকামী, হুরাশা-তর্জনীচালিত নির্কোষ রাম ! রাবণকে এখনও চিন্তে পার নি ? রাবণ শুধু সীতা-অপহারী দস্যু নয়, রাবণ ভক্তির মানস-সরোবর ; রাবণ শুধু ইন্দ্রজিতের পিতা নয়, রাবণ মহাশক্তির পুত্র ।
পরিচয় নাও আজ, পরিজ্ঞান নাই আর ; জয় মা মহাশক্তি !

[গমনোত্ত ।

সশস্ত্র সূত্রীব উপস্থিত হইল ।

সূত্রীব । সাবধান ।

রাবণ । সূত্রীব ! বানর ?

সূত্রীব । বালীর ভাই ।

রাবণ । চূপ, চূপ সূত্রীব ! বালীর ভাই ? বালী স্বর্গে গেছে ; এখনই সে শূন্যে পেল হোঁচট খেয়ে টেউরে পাতালে প'ড়ে যাবে । মূর্খ—কুলাঙ্গার ! গুপ্তঘাতক দিয়ে হত্যা করিয়ে সিংহাসন নিয়ে—বালীর ভাই ! সূত্রীব, তোদের বিভীষণও কি ঐ ভাবের পরিচয় দেয়—আমি রাবণের ভাই ? ঐরকম বুক ফুলিয়ে ? দোহাই সূত্রীব, আমার অনুরোধ—তাকে বলিস, সে লঙ্কা ছারখার করে ছুঃখ নাই ; ঐ পরিচয়টী যেন সে না দেয় ; জগৎ পর পর তোদের এই অভিনব ভ্রাতৃত্বের দৃষ্টান্ত পেয়ে যাবে, নীতির মধ্যে ধ'রে নেবে, অনুসরণ ক'রে ফেলবে । যা—ফিরে যা, তোর সঙ্গে যুদ্ধ আমি করব না ; আজ আমি রামকে চাই ।

সূত্রীব । আগে পরিখা পার হও, অর্কাটীন ; তবে ত দেবালয় ?

রাবণ । ও পরিখা আজ আর রাবণকে লাঞ্ছিত পার হ'তে হবে না, সূত্রীব ! গণ্ডুষ করবে ।

সূত্রীব । এ পরিখা যে ক্ষীণ-কলেবর—হাতে-কাটা পরিখা নয়, এ পরিখা অনন্ত জলরাশি অপার-সমুদ্রের—যাতে একদিন তুমি—ঐ গণ্ডুষ-করা-রাবণ লাঙ্গুলাবদ্ধ হাবুডুবু খেয়েছিলে ।

রাবণ । দুর্কিনীত—[অস্ত্র ধরিলেন]

সূত্রীব । রাবণ—[অস্ত্র ধরিলেন]

রাবণ । আমি সে রাবণ নই ।

সুগ্রীব । না, সে রাবণ হ'তেও ; পরস্তু-হারী, মতিচ্ছন্ন, নরকের
রাবণ ।

রাবণ । পাষণ্ড— [উভয়ের যুদ্ধ]

সুগ্রীব । [অবসন্নভাবে] সত্য-সত্যই বুঝি এ সে-রাবণ নয় ! সে
রাবণ দেখেছিলুম—দশমুণ্ড বিংশতি বাহু, এ রাবণে অসংখ্য মুণ্ড
অনন্ত বাহু । সে রাবণের প্রক্ষিপ্ত বজ্র সুগ্রীবের অঙ্গে পুষ্পবৃষ্টি ক'রে
গেছে, এ রাবণের প্রত্যেক দীপ্ত কটাক্ষটী মর্মাভেদী শেল । সে রাবণ
নিকষা-নন্দন রাক্ষস-রাবণ, এ রাবণ কোন্ অদ্ভুত দৈবশক্তিসম্পন্ন দেবী-
পুত্র রাবণ । [পলায়ন ।

রাবণ । হাঃ-হাঃ-হাঃ-হাঃ ! রাম—রাম ! বিভীষণ-সুগ্রীবের দেবালয় !
তোমার দুর্গমত্বের পরিধা শুষ্ক, জলশূন্য ; এইবার—[গমনোচ্ছত]

লক্ষ্মণ উপস্থিত হইলেন ।

লক্ষ্মণ । প্রাচীর ।

রাবণ । সৌমিত্রি ? প্রাচীর তুমি—রাম-দেবালয়ের ? স'রে যাও,
শুঁড়ো হ'য়ে যাবে ।

লক্ষ্মণ । ভুল করছ, রাক্ষস-কুলাধম ! আমি সে প্রাচীর নই ।

রাবণ । আমি সে রাবণ নই—তুমিও চিন্তে পারছ না, অন্ধ ! আমি
আজ রাবণ—রামকে চাই ; দেখা করতে নয়, দেখা দিতে ।

লক্ষ্মণ । রামচন্দ্রকে দেখা দিতে ? রামচন্দ্র কে, এখনও চিন্তে
পারিস্ নি, মুঢ় ? তোমার সুবিশাল রক্ষকুল তুলোর মত উড়ে গেল,
সোনার লক্ষা ছাই, রাবণের রাবণত্ব ধুলোর প'ড়ে মরণ-যন্ত্রণায় ছট্ফট্ ;
এখনও চৈতন্য হ'ল না, বর্কর ! শোন, যাকে দেখবার জন্ত সমগ্র বিশ্বসৃষ্টি
ব্যাকুল, উন্মত্ত, সর্বত্যাগী, রামচন্দ্র সেই স্বয়ং পূর্ণব্রহ্ম পরমপুরুষ ।

রাবণ । তবে তুইও শোন—কুদ্রদৃষ্টি মূর্খ সৌমিত্রি, তোর পরম-পুরুষ প্রতিনিয়ত বার পায়ের তলায় প'ড়ে ধস্ত, পরিচিত, পূজনীয়, রাবণ সেই পরমা-প্রকৃতি আত্মশক্তির পুত্র ।

লক্ষ্মণ । জানি, জানি—রাবণ, প্রকৃতির অনুগৃহীত তুই ; তা না হ'লে যে মুহূর্তে লক্ষ্মীরূপিনী সীতার কেশাগ্র স্পর্শ করেছিলি, প্রকৃতি তখনই একটা বিষাক্ত হাওয়া প্রসব করত, সঙ্গে-সঙ্গে তোর হাত-ছ'খানা কুষ্ঠব্যাদিতে গ'লে যেত ।

রাবণ । সৌমিত্রি, ক্ষেপাস্ না আমার ; এবার আর গন্ধমাদন মিলবে না ।

লক্ষ্মণ । গন্ধমাদন না মিললেও ঞ্চারে বিধান আশ্রয় ।

রাবণ । রাখুক তবে ঞ্চারে বিধান—[অস্ত্র ধরিলেন]

লক্ষ্মণ । সাবধান—[উভয়ের যুদ্ধ]

রাবণ । [যুদ্ধ করিতে করিতে] স'রে যা, সৌমিত্রি --

লক্ষ্মণ । এই বাণে তোর জিব কাটলুম, রাবণ ---

রাবণ । পালা, লক্ষ্মণ—

লক্ষ্মণ । জীবন থাকতে না—

রাবণ । পথ দে প্রাচীর --

লক্ষ্মণ । চূর্মার ক'রে দে—

রাবণ । নে ; আমার শেষ বাণ—[ব্রহ্ম-অস্ত্র ধরিলেন]

রাম ছুটিয়া আসিয়া লক্ষ্মণকে পশ্চ ১৫ করিয়া রাবণ-
সম্মুখে ধনুর্বাণ ধরিয়া দাঁড়াইলেন ।

রাবণ । এই যে দেবালয় ।

রাম । রাবণ, এখনও আমি তোমায় অমুগ্রহ করছি ; সীতা ফিরিয়ে দাও ।

রাবণ । সীতা ফিরিয়ে দেব ? এখন ? এই বুঝি পবিত্র দেবালয়ের বিষ্ণু-সামগীতি ? রাম, সীতা ফিরিয়ে দেব—তুমি আমার মেঘনাদকে ফিরিয়ে দেবে ? আমি সীতা ফিরিয়ে দেব না, রাম !

রাম । সীতা ফিরিয়ে দেবে না ?

রাবণ । না, আর ফিরিয়ে দিয়েই কি হবে, রাম ? তুমি ত সীতায় রাখতে পারবে না ।

রাম । রাখতে পারব না ! কেন ?

রাবণ । তুমি মোহান্বিত—মায়ায় তর্জনী-চালিত । রাম, সোনার হারিণ কখনও হয় ? সীতা আঙুল বাড়িয়ে দিলে, অমনি তুমি ভেঙ্কি-লাগা ছুটলে ; তুমি কখনও সীতায় রাখতে পার ? সীতা চেয়ো না—রাম, ফিরে যাও ; কেন মরবে আশ্বিনের সৌন্দর্য্যে পতঙ্গ পুড়ে ? গেছে—যাক ; মঙ্গলই তোমার । তুমি এখনও বুঝতে পার নি, সীতা তোমার প্রতি প্রসন্ন নয় ; যদিও সে অশোকবনে উন্মাদিনী কাঁদছে, কিন্তু সেটা ঠিক কাণ্ড নয়, আমি খুব লক্ষ্য করেছি—এই সীতা তোমায় জীবন-ভোর হা-সীতা হা-সীতা করাবে ।

রাম । [ক্রণেক চিন্তা করিয়া] না—রাবণ, করি আমি জীবন-ভোর হা-সীতা হা-সীতা—যদি আমি মায়ামুগ্ধ মরীচিকা-প্রভাবিত শুকতালু, সীতায় আমায় উদ্ধার করতেই হবে এ ক্ষেত্রে । সীতা যায়—অশ্রুভাবে যাক, আপত্তি নাই ; কিন্তু যেখানে শক্তি নিয়ে কথা—হোক সীতা মধুরতা-মাথা কুমুদদামে সর্পিণী, সেখানে আমি সীতায় ছাড়তে পারি না ; জগতের সমস্ত মহারথীর শক্তি-পরীক্ষার মহাকেন্দ্র হরধনু ভঙ্গ ক'রে আমি তাকে পেয়েছি ।

রাবণ । বুঝেছি রাম, রাজ্যাভিষেকের মুখে দেবী কৈকেয়ী তোমায় বনবাস দিলেন কেন ? তুমি এখনও অদূরদর্শী বালক, অনেক বিষয়ে অনভিজ্ঞ ; তিনি বুদ্ধিমতী, খুব লক্ষ্য করেছেন—খুব বাঁচিয়েছেন তোমায় আগুনের হত্যা হ'তে । রাম, হরধনু ভঙ্গ করেছ ব'লে তুমি আপনাকে মহাশক্তিমান্ জগতের অজেয় ভেবো না । তুমি যেটাকে শক্তি বলছ, ওটা তোমার শক্তি নয়—দর্প । হরধনু ভঙ্গ করতে অনেকেই পারত, রাম ; করে নি—হাত দিতেই দেখেছিল—ধনুক নয় সে—ঋষি-ভার্গবের বৃকের হাড় ; ব্রাহ্মণের আকাঙ্ক্ষিতা ছিল সীতা । দেখেছ বোধ হয়, সেই ধনুর্ভঙ্গের পরই তার আশা-ভঙ্গের তপ্ত নিঃশ্বাস ফেলা ? তারই দণ্ড এই সব ; এই তার প্রথম সূচনা । এখনও বলছি—সীতা পরিত্যাগ কর, অবোধ !

রাম । রাবণ, ভার্গব ঋষিকে সীতায় বঞ্চিত করা যদি আমার দর্প হয়, সে দর্প আমায় যত্ন ক'রে পুষে রাখতে হবে । সে নিঃশ্বাস যদি প্রতি যত্নে আমায় অজগরের ছোবল্ মারে, চন্দন ব'লে মেখে নিতে হবে । তুমি বলছ—সে ধনুকখানা ধনুক নয়, ভার্গবের বৃকের হাড় ; আমি বলছি—তা নয়, সে ধনুকখানা ভার্গবের গুপ্ত ছুরভিসন্ধি ; আমি তাকে চুরমার, প্রকাশ ক'রে ছড়িয়ে দিয়েছি ।

রাবণ । রাম—

রাম । আর তর্ক ক'রো না, রাবণ ! মানি—তুমি বাগ্যুদ্ধে অধিতীয় ; সীতা ফিরিয়ে না দাও—অস্ত্র-যুদ্ধ কর ।

রাবণ অস্ত্র-যুদ্ধেও আমি অধিতীয়, রাম !

রাম । রাবণ, তুমিও ত দেখছি সেই দর্পেই ফীত ! দিগ্বিজয় করেছ ব'লে কালের উপরেও অবজ্ঞা ? জেনো রাবণ, দিগ্বিজয় করেছিলে—তখন রাম জন্মায় নি ।

রাবণ । ও ! তুমি নিতান্তই রাবণ দেখবে ?

বাম । রাবণকে দেখবার জন্যই যে রামের জন্ম ।

রাবণ । রামকেও ধন্য করবার জন্য রাবণের উৎপত্তি । ধনুক
ধর, রাম !

[উভয়ের যুদ্ধ]

রাম । সীতা ফিরিয়ে দাও, রাবণ—

রাবণ । অযোধ্যায় ফিরে যাও, রাম—

রাম । রাবণ, আজ তোমার শেষ—

রাবণ । রাম, আজ তোমারও চৈতন্য—

রাম । এই তোমার মৃত্যুবাণ—[ব্রহ্মবাণ ধরিলেন]

রাবণ । মা—মা—[জানু পাতিয়া বসিলেন]

মহাকালী আবিভূঁতা হইয়া রাবণের পশ্চাত্তাগে
দাঁড়াইলেন । রামের ধনুর্বাণ হস্তচ্যুত হইল,
সুগ্রীব, বিভীষণ ছুটিয়া আসিয়া রাম-
লক্ষ্মণের পশ্চাত্তাগ হইতে
দেখিতে লাগিলেন ।

রাবণ । কই রাম, আমার মৃত্যুবাণ ? নির্ঝাক্, নতশির, শিথিল
কেন ? কোথায় তোমার সে হরধনু-ভঙ্গের গর্ভ ? কই তুমি তারকারি.
ভার্গব-বিজেতা, দাশরথি রাম ? কোথায় তোমার জীবনের সুহৃদ্
সুগ্রীব, বিভীষণ ? এই রাম তুমি—সীতা-উদ্ধারে সেতু বন্ধন ক'রে
সমুদ্র-পারে এসেছ ? এই রাম তুমি—রাবণের বিপুল-বংশ উপন্যাসের
গল্পের মত কটাক্ষে ছারখারে দিয়েছ ? চক্ষু আছে ? দেখ, দেখ দিব্য-

দৃষ্টিতে ; তোমার দেখা-দেখি জগতও তার অন্তর্চক্ষু উন্মীলন করুক ; দেখুক—কেমন রাবণ, কোথাকার রাবণ, কে রাবণ ! তুমি জটাধারী, বনবাসী, ভিক্ষুক রাম ; মহাশক্তির বরপুত্র রাবণ সংহার করতে এসেছ তুমি ? বুঝতে পারছ—আজ এই মুহূর্তে একটা কটাক্ষে তোমার সকল আশার শেষ করতে পারি আমি ? নির্ভয় ! তা করব না, তুমি থাক ; সীতার আশায় জলাঞ্জলি দাও, অযোধ্যায় ফিরে যাও রাবণকে প্রণাম ক'রে ।

[মহাকালীর অন্তর্দান ও রাবণের প্রস্থান ।

রাম । [বিভীষণের গলা ধরিয়া ব্যাকুলকণ্ঠে] বিভীষণ—মিত্রবর, সব পণ্ডশ্রম ! আর সীতার উদ্ধার হ'ল না ।

বিভীষণ । [তন্ময়ভাবে] হবে—হবে, আশুন ।

রাম । হবে ! এখনও আশায় প্রলোভিত করছ আমার, বিভীষণ ? তুমি কি দেখতে পাও নি, বন্ধু ? রাবণকে কোলে ক'রে যে মা !

বিভীষণ । রাবণকে কোলে ক'রে মা—আপনারও পায়ে প'ড়ে দাস ! চ'লে আশুন ।

রাম । তুমি আর কি করবে, বিভীষণ ! তোমার পায়ে-পড়াই যে সার হ'ল ! তুমি কি মাকে পরাস্ত ক'রে দেবে ?

বিভীষণ ! পরাস্ত নয়—মাকে ভাঙিয়ে দেব ।

রাম । ভাঙিয়ে দেবে !

বিভীষণ । হাঁ—রাবণের দিক হ'তে আপনার দিকে ।

রাম । কি ক'রে ?

বিভীষণ । ঘুষ দিয়ে । আপনাকে মায়ের পূজা করতে হবে, প্রভু !

রাম । বিভীষণ, রাবণ কি মায়ের পূজা করে না ?

বিভীষণ । করে ; করলেই বা ? আপনি নৈবেদ্যে মধুর ভাগ বেশী

টেকেকরী

[৫৫ অঙ্ক ;

দিয়ে তার জিবে জল সরিয়ে দিও ; বাস্—যাবে কোথা ? এমন পূজা
আজ আপনাকে করতে হবে—প্রভু, যা রাবণ-জ্ঞানের অগোচর ; শতাব্দী
নীলপদ্মে ।

রাম । নীলপদ্ম কোথায় পাব, বিভীষণ ?

বিভীষণ । আছে ; দেবীদহে ।

রাম । দেবীদহে ! সেখান হ'তে নীলপদ্ম আনবে কে ?

বিভীষণ । শক্তিশেলে গন্ধমাদন এনেছিল যে ।

রাম । বিভীষণ—বিভীষণ—

বিভীষণ । মাকে ডাকুন—মাকে ডাকুন ঐ কঠে সমস্ত প্রাণ
চলে দিয়ে ।

রাম । মা কি রাবণকে ফেলে, আমায় কোলে নেবেন, বিভীষণ ?

বিভীষণ । নেবেন ; মা কারও একার নয়, প্রভু ! যে বেশী কাঁদতে
পারে, অর্ঘ্য-দেওয়ার মত পায়ের তলায় চোখ উপড়ে দিতে পারে, মা
তার । চ'লে আসুন ।

সকলে । জয় মা জগজ্জননী মহাশক্তি !

[সকলের প্রস্থান ।

দ্বিতীয় গভাঁক

আশ্রম

স্থিরকর্ণে চিত্র আসিতেছিলেন, পশ্চাৎ মম্বরা ।

মম্বরা । বাবা—বাবা—

চিত্র । চূপ—চূপ, একটা গান আসছে, শোন ।

মম্বরা । আমি গান শুন্ব না, বাবা ; বল, তুমি কে ?

চিত্র । তুই কে—তুই কে মাগি, আগে বল দেখি ?

মম্বরা । সেইজন্মট ত বলছি বাবা, তুমি কে ? আমি যে কে, আমি যে ভুলে গেছি—বলতে পারছি না ! আমি যেন দেহ-পাল্টানো, এই—সবে ভূমিষ্ঠ-হওয়া । বল বাবা, তুমি কে ? কোন্ মরণ-যন্ত্রণার আধারশাল হ'তে টেনে আমায় এ স্বর্গের সিঁড়িতে এনে দাঁড় করালে ? বল বাবা, তুমি কে ?

চিত্র । ঐ গান ! কী জন্ম-জুড়ান' সুর ! কী জাগরণ-দেওয়া সৃষ্টি ! কোন্ অজানা-সাগরের অমৃত ! আঃ ! যা, ঐ আবার মিলিয়ে গেল ! আরে মাগি, তুই মম্বরা দাসী ছিলি না ?

মম্বরা । হবে ; আমার কি তা মনে আছে ?

চিত্র । তোরই যন্ত্রণার ফলে আজ জগতের যে একটা মহা-কল্যাণ সাধন হ'তে বসেছে—স্মরণ হচ্ছে না ?

মম্বরা । কি ক'রে হবে, বাবা ? আর-জন্মের কথা ! তুমি দেবতা, তুমি বলতে পার ।

চিত্র । আ-মর্ মাগি, দেবতা কা'কে বলছিস ? আমিও মানুষ, ঐ তোরই মত হ'হাত, হ'পা ।

মম্বরা । না বাবা, আর-জন্মের কথা বলতে পারি না যদিও ; কিন্তু

কৈকেয়ী

[৫ম অঙ্ক ;

এ জন্মে আমি দেখতে পাচ্ছি—এক মানুষের দু'রকম হাত পা ;
কোন হাত সত্যের পথে কাঁটা দেয়, কোন হাত চণ্ডালকে টেনে বুকে
জড়িয়ে নেয় ; কোন পা ভূমিকম্প আনে, কোন পা পাষণ উদ্ধার করে ।
তুমি যদি মানুষ হও, তুমি সেই মানুষ—চণ্ডালকে বুকে-টানা হাত,
পাষণ-উদ্ধার-করা পা ! বাবা—বাবা, আর আমি তোমার পরিচয়
চাই না, তুমিও আর আমার পূর্বজন্ম স্মরণ করিয়ে দিয়ো না, এখন
তুমি প্রভু, আমি দাসী ।

চিত্র । দূর—দূর, সর্বনাশি ! দাসী প্রভু কোথায় পেলি আবার এ
রাজ্যে ? ঐ যে সূর্য্য উঠছে, ও ত কই আমার চোখে সোনালী আলো
জ্বলে দিয়ে তোর চোখে অমাবস্তার অন্ধকার ঢেলে দিচ্ছে না ! এই
যে বায়ু আসছে, এ ত কই আমার গায়ে চন্দন লেপে দিয়ে তোর গায়ে
কুল-কাঠের আঙুরা ফুটিয়ে দিচ্ছে না ! ঐ যে নদী ব'য়ে যাচ্ছে, ও আমাকেও
নিমন্ত্রণ করছে—পিপাসা পায় এস, তোকেও আহ্বান করছে তাই ।
ঐ গান শোন—মূর্ছা-আনা গতি, সমাধি-দেওয়া সম, শেষ-করা লয় !
বুঝেছিস মাগি, সমান—সমান, দাসী প্রভু নাই ; তুই দাসী—
আমিও দাস । ঐ আবার ! আরও কাছে ! আরও মধুর !
শুনছিস ?

মহুরা । শুনছি ।

চিত্র । কেমন শুনছিস ? জাগন্তু আছিস ?

মহুরা । কোন্ গানের কথা বলছ, বাবা ?

চিত্র । ঐ যে ভেসে আসছে ফুলের জোয়ার নিয়ে, চন্দনের ফোঁটা
নিয়ে, চৈতন্তের পদধূলি নিয়ে !

মহুরা । না-না, ও গান আমি শুনি নি ত, বাবা ! আমি শুনছি
তোমার গান—আমি দাসী । ফুলের জোয়ার কি এর চেয়ে সুন্দর ?

চন্দনের ফোঁটা কি এর চেয়েও পবিত্র ? চৈতনের পদধূলি এ হ'তে আর
কী ? আমি দাসী—আমি দাসী ! শোন বাবা, তুমি তোমার গান, জপি
আমি তোমার দেওয়া মহামন্ত্র ; আমি দাসী । আর আমার নিরাশ্রয়ে
ভয় নাই, আর আমার দাসীর দৈন্ত নাই, আর আমি মহারা দাসী নই,
আমি দাসী ।

[প্রস্থান ।

চিত্র । মহারা দাসি ! ধন্য কর্ণি তুই আমায় ! শুধু তুই দাসী
নোস, তোর সংস্পর্শে আমিও মিশে গেছি দাস হ'য়ে জগতের যত অণু-
পরমাণুতে । কে—কে—

গীতকণ্ঠে ভক্তির আবির্ভাব ।

ভক্তি—

গীত ।

পরানুরক্তিরীশ্বরে ।

আমি সেই—পরানুরক্তিরীশ্বরে ।

ভাঙিলি আমার নিরাকার-খেলা—

ডাকিলি ললিত কী স্বরে ॥

সর্বভূতে আশ্রবৎ—ডুবেছ অতুল বিশ্বপ্রেমে,

কুটেছে ভক্তি ও মানস-পটে—জ্বলেছে উজলা মুক্তা হেমে ;

ওঠ প্রাণাধিক, তৃণাঙ্গপি নেমে—

সেই ত গুরু—যে শিষ্য রে ।

চিত্র । বিরাম দিস না, যা ! বিরাম দিস না আর—এলি যদি জলন্ত-
জীবনের বসন্ত-উন্মেষে অনুকূল বায়ু আঁচলে নিয়ে সঙ্গীত-রূপিনী শান্তি,
বিরাম দিস না, যা ! শুনি ও সঙ্গীত অবিরাম, আশ্রয় আমার সমস্ত
ইন্দ্রিয় দিয়ে, শ্রবণ হ'য়ে । আনলি যদি চির-পিপাসিতের মরীচিকা-ভ্রাস্ত

নয়নপথে অকুরন্ত মধুর কলস ঢাল্—ঢাল্, আমি পান করি অঞ্জলিপুটে
প্রবৃত্তি-নিবৃত্তির অতীত-অনন্ত হ'য়ে। দেখালি যদি দোহল-তরঙ্গে
স্তির-কমলাসনা শূন্যময়ী ও পূর্ণমূর্তি, আয়—আয়—মা, কোলে নে ;
আমি ঘুমিয়ে পড়ি মহা-জাগরণে সিদ্ধি-পানোন্নত অনাদি-লিঙ্গ শিব হ'য়ে।
মা—মা ! কোথায় ছিলি মা, এতদিন ?

ভক্তি । কোথায় আবার থাকব, বৎস ! আমি ত পতি মূর্ত্ত
তোমাতেই আছি ; তবে অন্তরূপে। ছিলে তুমি সদসৎ ঘৃণা-অর্চনার
বিচারে, ছিলাম আমি জ্ঞান ; এখন তুমি সদসৎ ঘৃণা-অর্চনা সকল
দ্বন্দ্বের অতীত—আত্মবৎ সর্বভূতেষু—বিশ্বপ্রেমে গলা, এখন সেই জ্ঞান
আমি—পরানুরক্তি। ভক্তি আর কিছু নয়—বৎস, জ্ঞানের চরম পরিণতি।
এখন তুমি আর কিছু চাও ? মোহে ছিলে—জ্ঞান পেলে. জ্ঞান হ'তে
ভক্তির কোলে ; আর আশা আছে ? তুমি আর কিছু দেখতে চাও ?
দেখার যা শেষ ?

চিত্র । না—মা, থাক ; এই আমার শেষ। এ হ'তেও শেষ যদি
থাকে, রেখে দাও মা, তোমার ঐ কোটি সূর্য্য, কোটি চন্দ্র, কোটি নক্ষত্র-
খচিত্ দিগ্বসনে তার আপাদমস্তক ঢাকা দিয়ে ; আমি দেখতে চাই
না। জন্মের উদ্দেশ্য—দেখা, আমি তোমায় দেখেছি, শ্রান্ত জীবনের
পরম বিশ্বাস—আমি তোমায় ধরেছি, আকাঙ্ক্ষিত হ'তেও গরীয়সী
পরানুরক্তি ভক্তি—আমি তোমায় বেঁধেছি ; এই আমার শেষ—আর
আমি কিছু দেখতে চাই না, এ চিত্রে এইখানেই ষবনিকা।

নন্দেয়ী উপস্থিত হইল।

নন্দেয়ী । তা হবে না, সাধু ! দেখবে না কি ! দেখতেই হবে।
সাধনা করেছ, সুসিদ্ধ হও—শেষ দেখ।

চিত্র । নন্দেয়ী !

নন্দেয়ী । মা ।

চিত্র । [নির্ঝাক্ বিস্মিত হইলেন]

নন্দেয়ী । দেখ্ছ ? দৃষ্টি ত পেয়েছ, দেখ--নন্দেয়ী নই--মা ; সাধনার শেষ । তুমি নন্দেয়ীর তাড়ায় সারা হ'য়ে নিজ্জনে এসে শাস্তির সাধনা করছিলে, সেও এলোমেলো বিশৃঙ্খল বাজে ছোটে নি ; সাধনা করছিল স্বাধীনতার । দেখ--কেমন স্বাধীনতা পেয়েছি ; আমি মা । এ স্বাধীনতায় তেজস্বিতার ঈষৎ তীব্রতা নাই, অথচ এ হ'তে মাথা তোলবার জগতে আর মোটেই উচ্চতা নাই ; আমি মা । দেখ, দেখ--সাধু, এ আর সে গণ্ডী-দেওয়া পত্রিত্বের অতৃপ্ত কামনাময় টগ্-বগে ফুটন্ত তৈল-কটাহ নয়, অসীম--অনন্ত মাতৃ-প্রেমের অমৃত-পারাবার ; কেবল বাৎসল্য--কেবল স্নেহ-চুধন--কেবল আশীর্বাদ ; আমি মা । দেখ, বিশ্ব-আলিঙ্গনে প্রসারিত আমার অনন্ত ভুজ, বিশ্বের দুঃখে প্রবাহিত আমার অবিরল অশ্রুধারা, বিশ্বের কল্যাণে বিক্রিপ্ত আমার প্রাণ, মন, দেহ, নাম--পার্থিব যা-কিছু ; আমি মা । দেখ, আমার সাধনার শেষ ; দেখ, তোমারও সাধনার চরম পরিসমাপ্তি ; পূর্ণ, চৈতন্য, পূর্ণানন্দময়ী--আমি মা ।

চিত্র । সুন্দর ! সুন্দর ! সুন্দর !

নন্দেয়ী । এস--অপূর্ব আমার মাতৃ-মন্দিরে । [হস্ত ধরিলেন]

ভক্তি--

[পূর্ব গীতাবশেষ]

সকল তোমার সকল সাধন,

পূর্ণ প্রাণের সব নিবেদন,

উৎসবে তরা অকাল-বোধন ;

দেখ মা-ময় বিশ্ব রে ।

[প্রস্থান ।

তৃতীয় গর্ভাঙ্ক

রজনাল

[নেপথ্যে] রক্ষ-সৈন্যগণ । জয়—রক্ষপতি দশস্কন্ধের জয় !

[নেপথ্যে] কপি-সৈন্যগণ । জয়—সর্ষশক্তিমান্ রামচন্দ্রের জয় !

সুগ্রীব সহ বিভীষণ উপস্থিত হইলেন ।

সুগ্রীব । যুদ্ধ দেখ—যুদ্ধ দেখ, বিভীষণ ; স'রে স'রে যাচ্ছ কোথায় ?
চোখে হাত চাপা দিচ্ছ কেন ? যুদ্ধ দেখ—রাম-রাবণের শেষ যুদ্ধ ;
তোমার অন্তর্জালার শাস্তি ।

বিভীষণ । সুগ্রীব—সুগ্রীব, এখন আর উপায় আছে ?

সুগ্রীব । উপায় ! কিসের ?

বিভীষণ । আমার অন্তর্জালাটা জেলে রাখবার ? আমার দাদাকে
বাঁচাবার ?

সুগ্রীব । সে কি, বিভীষণ ! তোমারই মন্ত্রণার ফলেই ত আজ
রামচন্দ্রের দেবী-প্রসাদ লাভ ! তুমিই ত কৌশল ক'রে রাবণের মৃত্যুবাণ
পর্যন্ত সন্ধান দিয়ে আনালে ! আবার—

বিভীষণ । সুগ্রীব, আমি পাষণ্ড ; দেখছি—তুমি আবার আমা'
হ'তেও ঘোর পাষণ্ড । বালী বৃষ্টি মৃত্যু-শয্যাতেও তোমার কাছে একবিন্দু
অশ্রু পায় নি ? না—থাক তুমি ; আমি রামচন্দ্রের পায়ে পড়ব, রাবণের
প্রাণ ভিক্ষা করব, দাদার ভাই হব । [গমনোচ্ছত হইয়া ফিরিলেন]

সুগ্রীব । ওকি ! ফিরলে কেন তবে আবার ? যাও—প্রভু
দয়াময় ।

বিভীষণ । না সুগ্রীব, হ'ল না : রাবণের প্রাণভিক্ষা ! আমি যত অপরাধই ক'রে থাকি—সুগ্রীব, একদিন রাবণ তা মার্জনা করলেও করতে পারে ; কিন্তু রাবণের প্রাণভিক্ষা—এ শক্রতা সে মৃত্যুতেও ভুলবে না, তার সুস্বদেহ আবছায়ার মত আহারে, বিহারে বিভীষিকা দেখিয়ে আমার ওপর প্রতিশোধ নেবে । কলঙ্ক যা থাকে আমারই থাকুক, আমি রাবণের প্রাণভিক্ষা ক'রে আর ত্রিভুবনবিস্তৃত রাবণ নামটা খর্ব্ব ক'রে দেব না । উপায় নাই—উপায় নাই আর, সুগ্রীব ! টিল ছুড়ে দিয়েছি উপর দিকে, সে ঘুরে মাথাতেই পড়বে ।

রক্ষ-সৈন্যগণ । [নেপথ্যে] জয়—রক্ষপতি দশকঙ্কের জয় ।

কপি-সৈন্যগণ । [নেপথ্যে] জয়—সর্বশক্তিমান্ রামচন্দ্রের জয় !

বিভীষণ । [দৃঢ় হইয়া] রাবণ দেখ—রাবণ দেখ, সুগ্রীব ! সম্মুখে করাল-কবল মৃত্যু ; অচল, অটল, অত্রভেদী উন্নতশির, স্থির ! চতুর্দিকে নৈরাশ্যের নীরব গুঁঠ-ক্রকুটী ; এখনও সেই অগ্নিবৃষ্টি কটাক্ষ, আকাশ-খসান' ছকার, মহোশ্মির স্ফোতি ! অন্তরীক্ষে মহাকালের দামামা-নির্ঘোষ—ধ্বংস, ধ্বংস ; তবু সেই ভাগুব নৃত্য—তারই তালে তাইধে : তাইধে : ! সুগ্রীব, এ রাবণের প্রাণভিক্ষা সাজে ? দেখ, দেখ—সুগ্রীব, ললাটে রক্তের তপ্ত নির্ঝরিনী, শ্রান্তি নাই ; সর্বাঙ্গ বাণবিদ্ধ—জর্জর, ক্রক্ষেপ নাই ; হৈন্দ্রিয় নিস্তেজ, হৃদয় দৃঢ় । আমি যা'ই করি, সুগ্রীব ; এই রাবণের ভাই আমি—এই আমার চরম মহত্ব । ঐ রামচন্দ্রের হস্তে মৃত্যুবাণ ! দেখ সুগ্রীব, রাবণ আরও সোজা ; ঐ মৃত্যুবাণ আকাশ-পথে ! দেখ সুগ্রীব, রাবণ আরও নির্ভীক, আরও সহাস্য ; ঐ বাণ—

[রাবণের বক্ষে ব্রহ্মাস্ত্র পতিত হওয়ায় কপি-সৈন্যগণের জয়ধ্বনি]

কপি-সৈন্যগণ । [নেপথ্যে] জয়—সর্বশক্তিমান্ রামচন্দ্রের জয় !

বিভীষণ । দাদা—দাদা—

[আর্তনাদে প্রস্থান :]

সুগ্রীব । বিভীষণ—বিভীষণ—

[প্রস্থান ।

বাণবিদ্ধ অবসন্ন রাবণ উপস্থিত হইলেন ।

রাবণ । অবসান ! দশস্কন্ধ, বিংশতি বাহু, শক্তি-অবতার রাবণ-
জীবনের অবসান ! তেজস্বী যুগের দীপ্ত ঘটনাবৈচিত্র্যময় রাবণ-
ইতিহাসের শেষ পৃষ্ঠা ! রাম, তুমি মানুষ নও । তোমার হরধনুর্ভঙ্গ,
পিতৃসত্য-পালন, চণ্ডাল-আলিঙ্গন, তোমার ততটা পরিচিত কর্তে
পারে নি ; তুমি রাবণের হাত হ'তে মহাশক্তিকে ভুলিয়ে সবিয়ে
নিয়েছ—তুমি কখনও মানুষ নও । মার্জনা ক'রো, রাম ! যত
অপরাধই হোক—পারবে ; তুমি মানুষ নও । মার্জনা ক'রো, সীতা !
তুমি এই রামের সহধর্মিণী—মহাসতী । পৃথিবী ! পৃথিবী । পা-
ছ'থানা আর ধ'রে রাখতে চাচ্ছ না কেন, যা ? আমি শক্তিহারা হয়েছি
ব'লে ? আমায় অন্তোন্মুখ দেখে ? ওকি ! অত কাঁপিয়ে দিচ্ছ কেন ?
অমনধারা অসাড়, অবশ, ছুড়ে ফেলে দিচ্ছ কেন ? দাঁড়াতে দেবে না
ভার ? না দাও, শোবার মত একটু স্থান ত দিতে হবে ! তাই দাও—

[পতনোত্ত]

বিভীষণ ছুটিয়া আসিলেন ।

বিভীষণ । [রাবণকে ক্ষিপ্ৰহস্তে ধরিয়া] মার্জনা ক'রে যাও—

রাবণ । বিভীষণ—

বিভীষণ । [সরোদনে] কুলদ্বার—

রাবণ । [ক্ষণেক বিভীষণের মুখপানে চাহিয়া থাকিয়া সন্নেহে]
না—না, কুল-পাবন তুই ! বিভীষণ, লক্ষ পুত্রের পিতা বিশাল-কুলপতি
রাবণ আজ নিঃসহায়, একাকী, অনাথ, চোরের মত পৃথিবীর

কোলে মুখ লুকিয়ে চুপে চুপে বড় হুঃখে মরতে থাকিল ; তুই ছুটে এসে তাকে বুকে জড়িয়ে নিয়ে তার নীরব বেদনা-জড়িত অন্ধকার, মুম্বু' হাশু-মুখর উজ্জল ক'রে দিলি ! তুই যা'ই ক'রে থাক—বিভীষণ, আমি বংশহীন—নিঃসহায়—অনাথ নই, আমার এখনও পরমাত্মীয় বংশধর ভাই বর্তমান এই এক মুহূর্তের একটা উপকারে ; মুক্তকণ্ঠ আমার কুলপাবন তুই । তোকে মার্জনা করব কি ? তুই বর নে ।

বিভীষণ । বর দেবে ? বর দেবে ? দাও—আমার অভিশাপভরা অমরত্ব ঘুচে যাক, আমার ধর্মের অভিমান নীল-ধূমাচ্ছন্ন রৌরবে যাক, আমি একটা দিনের জন্তু রাক্ষস হই ।

রাবণ না বিভীষণ, তুই ঋষিই থাক । বিভীষণ, নিকষার গর্ভে বিশ্বশ্রবা ঋষির ঔরসে আমাদের তিনজনের জন্ম ; তুর্ভাগ্য আমাদের রাবণ-কুস্তকর্ণের ঋষির অনন্ত শক্তি, অনন্ত জ্ঞান, অসীম ঔদার্য সহিষ্ণুতা পেয়েও—জানি না কার অভিশাপে মাতুলকুলস্বভাবী হলাম, চাকা গেল আমাদের সমস্ত ব্রহ্মণ্যজ্যোতিঃ—সকল শ্রেষ্ঠত্ব । বিভীষণ, একমাত্র তুই শুদ্ধ পিতৃবীর্যের পরিচায়ক । তুইও যদি রাক্ষস হোস—তোমার মধ্যেও যদি ধর্মনীতি না থাকে—তোমারও যদি এইরকম কামপ্রলুব্ধ কালের কুঠারাহত অন্ততপ্ত মৃত্যু হয়, ঋষি বিশ্বশ্রবার নামগন্ধ থাকে না—আমাদের স্বর্গাদপি মাতৃ-চরিত্রে কলঙ্ক পড়ে ; তুই ঋষিই থাক ।

বিভীষণ । দাদা--দাদা [উচ্চকণ্ঠে রোদন করিয়া উঠিলেন ।]

রাবণ । ভাই—ভাই—[স্নেহে বক্ষে জড়াইয়া ধরিলেন ।]

লক্ষ্মণ উপস্থিত হইলেন ।

লক্ষ্মণ । প্রভু আমার তোমার কাছে পাঠালেন, রাবণ !

রাবণ । রামচন্দ্র ! কেন লক্ষ্মণ, এ সময়ে আবার স্মরণ ? গীতার উদ্ধার ত হয়েছে ।

লক্ষ্মণ । সেজ্ঞ নয়, রাজা ; প্রভু তোমার কাছে রাজনীতি শিক্ষা করতে চান্ ।

রাবণ । আমার কাছে !

লক্ষ্মণ । হাঁ রাজা ! তিনি বললেন—তঁাকে অযোধ্যায় গিয়েই রাজ্যভার নিতে হবে, তুমি বহুদিন পৃথিবী শাসন করেছ, রাজনীতি-শাস্ত্রে তুমি সুপণ্ডিত ; তোমার সাহায্য একটু তাঁর প্রয়োজন ।

রাবণ । আমিও সেজ্ঞ বলছি না, লক্ষ্মণ ! আমি বিস্মিত হচ্ছি—আমি তাঁর অন্ধাঙ্গিনী স্ত্রী-অপহারী পরম শত্রু—এ হ'তে শত্রুতা আর জগতে হয় না ; সেই আমি—আমার কাছে শিক্ষা !

লক্ষ্মণ । সে বিষয়ে তিনি বিচার করলেন—চন্দ্রেও কলঙ্ক আছে, এক আধারে সকল গুণ হয় না । রাবণ জ্ঞানের পারাবার, রাজকুলের আদর্শ, মহাশক্তির বরপুত্র, নীতির অবতার ; যদিও আজ রাক্ষস-স্বভাবে সীতা-হরণ করেছে, তা ব'লে সে ঘৃণ্য নয় । ভ্রম ব্রহ্মারও হ'য়ে গেছে ; কিন্তু তাঁর বেদের কাছে মাথা নোয়াতেই হবে ।

রাবণ । [উদ্দেশে] রাম ! আবার বলি—তুমি মানুষ নও । তুমি মুহূর্তে এমন শত্রুতা তুলে যাও, শত্রুরও শতমুখে প্রশংসা কর, কুস্থান হ'তে কাঞ্চন তুলে নাও ; তুমি মানুষ নও ।

লক্ষ্মণ । কি ভাবছ, রাজা ? রামচন্দ্রের আর তোমার সঙ্গে কোন শত্রুতা নাই ; এখন যদি সম্মতি হয়—

রাবণ । সম্মতি ! লক্ষ্মণ, সম্মতি কি—এ আমার সুযোগ ; আমি জগতের একটা অমূল্য রত্ন নিয়ে রাখবার লোক অভাবে সহঃখে মাটী-চাপা দিয়ে রেখে যাচ্ছিলাম ; লোক পেলাম—লোকের মত ।

সম্মতি নয়—লক্ষ্মণ, তুমি আমার নিবেদন জানাও গে—আমার ত আমার
যাবার সামর্থ্য নাই তাঁর কাছে—সময় আমার সংক্ষেপ ; তিনি যদি এ
সময়ে আমার মাথার কাছে এসে বসেন, আমি অকপটে আমার ভাগ্যের
দুয়ার খুলে দিই ।

লক্ষ্মণ । আচ্ছা, তাই হবে, রাজা ! [গমনোত্ত]

রাবণ । স্বান ক'রে আসতে ব'লো, লক্ষ্মণ !

[লক্ষ্মণ সম্মতি জানাইয়া প্রস্থান করিলেন ।

বিভীষণ, অনুশোচনা কিসের, ভাই ? এ আমার মৃত্যু নয়—
মৃত্যুময় জীবনের মহা-অমরতা । চ'—আমায় ঐ দোহল সমুদ্রের
স্নিগ্ধ হিল্লোলের অতি সংলগ্নে নিয়ে চ' ; যতক্ষণ পারিস্—আমায়
বাঁচিয়ে রাখ, আমি তোদের জগতের প্রভু রামচন্দ্রকে শিষ্য ক'রে
যাই রাজনীতির ; যার বলে ভবিষ্যৎ-যুগে নাম-সংকীৰ্ত্তন হবে তার—
রাম-রাজ্য ।

[রাবণকে ধরিয়া বিভীষণের ধীরে ধীরে প্রস্থান ।

চতুর্থ গর্ভাঙ্ক

প্রাসাদ-প্রাঙ্গণ

ভরত দাঁড়াইয়াছিলেন. শক্রব পাছুকা লইয়া

উপস্থিত হইলেন ।

শক্রব । দাদা, পাছুকা ধর, রাজসভায় চল ।

ভরত । তুই যা, তুই যা—শক্রব, এইবার আমার হ'য়ে ; এইবার
তোর পালনা ।

শক্রয় : আমার প্রতি ত এ ভার নাই, দাদা !

ভরত । আমার সঙ্গেও আর কথা নাই, শক্রয় ; আমার কাজ শেষ—
চতুর্দশ বৎসর উত্তীর্ণ ।

শক্রয় । চতুর্দশ বৎসর ত এই মবে উত্তীর্ণ ; এর মধ্যে এত বিচলিত
হওয়া কি উচিত ?

ভরত । বিচলিত মানুষে সাধ ক'রে হয় না—শক্রয়, বিচলিত ক'রে
দেয় নৈরাগ্য । দাদা আর আসবে না—আমাদের দাদা নাই ।

শক্রয় । দাদা নাই ! কেন, দাদা ? রাবণের সঙ্গে যুদ্ধ ব'লে ?
রাবণ যদি হয় শাক্তর বরপুত্র, দাদাও জেনো মহাশক্তির প্রসব-করা ।

ভরত । তাই জান্তুম—শক্রয়, রামচন্দ্র বলের অবতার—মৃত্যুঞ্জয়ের
আরাধ্য—উদ্দেশ্য রাজ্যের অদ্বুত প্রেরণা, সেই সাহসে বুক বেঁধেই
এতদিন আমি নিশ্চিত চূপ হ'য়ে ছিলাম ; কিন্তু—কিন্তু শক্রয়, আমার
বুক ভেঙে গেছে—আমি আবার স্বপ্ন দেখেছি, ভাই !

শক্রয় । স্বপ্ন দেখেছ ! কি স্বপ্ন দেখেছ, দাদা ?

ভরত । ভীষণ স্বপ্ন, শক্রয় ! আকাশব্যাপী হাহাকার, সৃষ্টি-প্রাবী
অশ্রুর বন্যা ; আর তার মাঝে জনক-নন্দিনী দেবী গীতা—আমাদের
সাস্বনাদায়িনী চির-হাস্তময়ী মা আলুধানু, উন্মাদিনী, জলন্ত অগ্নিকুণ্ডে ।
শক্রয়—ভাই, দাদা নাই ।

শক্রয় । স্বপ্ন—স্বপ্ন, দাদা ! অস্থির-চিন্তার মূর্তিহীন আবছায়া,
অলীক—মিথ্যা ।

ভরত । না শক্রয়, তত দুর্বল কঙ্কালসার পীড়িত চিন্তা আমার
নয় । স্বপ্নের আকারে—স্বপ্নের পরিচ্ছদে যখন যা দেখেছি আমি,
স্বপ্ন নয়—সব সত্যের প্রত্যক্ষ সজীবমূর্তি । মনে আছে শক্রয়,
যাতুলালয়ে আমার সেই স্বপ্ন-দেখাটা ? স্বপ্ন দেখেছিলুম, সেটা ?

এও তাই ; আমি ঠিক সেই দর্পণেই দেখলুম — তাই, আমাদের সেই মা—সেই মুখ—সেই সব ; যদিও সে চোখে অশ্রু আমি কখনও দেখিনি, তবু তার টব্‌টেবে ভরাট ফোঁটা দেখে আমি বেশ চিন্তে পারলুম—এ আমাদেরই অষোধ্যা-ভোবান' উন্নত সৃষ্টি । দাদা আর আসবে না, শক্রর ! নৈবেদ্য, ঘট, প্রতিমা সব একসঙ্গে বিসর্জন হ'য়ে গেছে । এখনও রাজ্য রাখবার ইচ্ছা হচ্ছে তোর ?

শক্রর । না দাদা ; নৈবেদ্য, ঘট, প্রতিমা সবই যদি বিসর্জন হ'য়ে গিয়ে থাকে, তা হ'লে আর মিছে বিলতলে বেদী নির্মাণ ক'রে ধূপ জ্বলে ব'সে থেকে কি হবে ? তবে—

ভরত । তবে ! চর পাঠিয়ে জানুবি ? শক্রর, আমার হৃদয়ের চেয়ে রাম-সীতার প্রতি পদচিহ্নের নিগূঢ় সংবাদ এনে দেওয়া গুপ্তচর এ অষোধ্যায় কেউ নাই ।

শক্রর । তা জানি, দাদা ; তবে আমিও যে তোমার সেবা ক'রে ঐ রাম-সীতার সংবাদ রাখা হৃদয়টার অনেকটা পেয়েছি, দাদা ! আমিও যে তাই দিয়েই দেখছি—রাম-সীতা দিব্যরথে, দিব্যদেহে অষোধ্যা ধন্য করতে উধাও হ'য়ে আসছেন ।

ভরত । [ক্ষণেক চিন্তা করিয়া আবেগভরে] দেখ'ছিস ? দেখ'ছিস, শক্রর ? রাম-সীতা আসছে ? অষোধ্যা ধন্য করতে ? তোর ঐ অবাধ-হৃদয়ের মুক্ত গবাক দিয়ে ? শক্রর, আমি তোর দেখাটাও উড়িয়ে দিতে পারছি না । জানি, তোর হৃদয় আমা' হ'তেও রাম-সীতাগত ; তবে—তবে আমার একবার দাঁড় করিয়ে দিতে পারিস্—শক্রর, তোর ঐ দেশাগমন-দেখা হৃদয়টার পাশে ? আমার সন্দেহ মেটে ! আমি প্রত্যক্ষ দেখি ! আমি মহানন্দে মিথ্যাবাদী হই !

বশিষ্ঠ উপস্থিত হইলেন ।

বশিষ্ঠ । না ভরত, তোমাদের কেউ মিথ্যাবাদী নও . তোমার স্বপ্নও সত্য—শত্রুর অসুমানও স্বার্থ ।

ভরত । গুরুদেব ! এ আবার কী অদ্ভুত সাধুনা আপনার ! দেবী অগ্নিকুণ্ডে—অথচ তাঁদের দেশাগমন !

বশিষ্ঠ । হাঁ ভরত ; আমার সাধুনা অদ্ভুত নয়, রাম-সীতার যা-কিছু সবই অদ্ভুত, অলৌকিক, ধারণাতীত । ভরত, রাবণ নিহত, তার গৃহ হ'তে সীতার উদ্ধার ক'রে রামচন্দ্র সর্ব-সমক্ষে সীতার অগ্নিপরীক্ষা করেছেন ।

ভরত । পরীক্ষা ! সীতার ! কেন গুরু ?

বশিষ্ঠ । দশ মাস কাল পরগৃহে অরক্ষিত বাস করেছেন—

ভরত । [সক্রোধ-অভিমান] গুরুদেব ! এ পরীক্ষাটা কাদের সমক্ষে হয়েছিল ? তারা কি সবাই বোবা ? তাদের মধ্যে একজনেরও কি মুখ ফোটে নি ? সীতার আবার পরীক্ষা কি ! সীতা যে ব্রহ্মাণ্ডের মা ! সীতা যে অযোনি-সম্ভবা—কামপথেরই নয় ! লক্ষণ ছিল না গুরুদেব, সেখানে ? কি করছিল সে—সে সময় ? সেও সহ্য করছিল দাঁড়িয়ে আমাদের মহাসতী মাতৃ-চরিত্রে সন্দেহ করা—এই হীন পরীক্ষার অমর্যাদা ? তার হাতের গাণ্ডীব কেঁপে ওঠে নি ? সে এই মাতৃ-পরীক্ষা-দেখা ব্রহ্মাণ্ডটার চোখ উপ্ড়ে নিতে উদ্বা ছোটে নি ?

বশিষ্ঠ । স্থির হও, ভরত ! আমাদের যাবের ভাতে অমর্যাদা হয় নি, বরং সে মাতৃ-চরিত্র আরও উজ্জল রংএ চিত্রিত হয়েছে । তুমি দেখ নি, ভরত ; আমি দেখেছি এইখান হ'তেই অস্তর্দৃষ্টিতে ; সে কী দৃশ্য ! সর্বভুক মহাগ্নি—শাস্ত, শীতল, মূর্তিমান, কৃতাজ্জালপুট ; তার

৪র্থ গর্ভাঙ্ক ।]

টেকেকরী

পবিত্র কোলে পুষ্প-শয্যায় স্বর্ণ-প্রতিমা দেবী সীতা, ললাটে উজ্জ্বল
সিন্দূররেখা, কণ্ঠে অগ্নান পঙ্কজমালা, স্বামী-অনুসন্ধিৎসু সহাস্রদৃষ্টি,
সমুদ্র-মস্থনে ওঠা সাক্ষাৎ কমলা ! চতুর্দিকে মূর্তিমান্ দেবতা-সিদ্ধ-
গণের আশীর্বাদ, অস্তরীক্ষে দিব্যাজনাদের হলুধবনি, পুষ্পবৃষ্টি ! সে কী
দৃশ্য ! সে আমার এই ঋষি-নেত্রেরও চরম সার্থকতা !

সুমন্ত্র উপস্থিত হইল ।

সুমন্ত্র । [আনন্দে উচ্চকণ্ঠে] প্রভু আস্ছেন—প্রভু আস্ছেন !
কে কোথায় তোমরা—প্রভু আস্ছেন আমাদের ! যাকে নিয়ে—
লক্ষ্মণ সঙ্গে—

ভরত । সুমন্ত্র, কোথায় শুন্লে সুমন্ত্র, প্রভু আস্ছেন ? কার কাছে
শুন্লে, সুমন্ত্র ?

সুমন্ত্র । শুধু শোনাকথা নয়—শুন্লুম ত পরে ; আমি চোখেও
দেখে আস্ছি—অযোধ্যার মরা গাছগুলো সব গজিয়ে উঠছে, মরা নদী
সব ফুঁপিয়ে ফুলে উঠছে, পথের মরা ধুলোগুলো—তারাও যেন পদচিহ্ন
রাখ'ব ব'লে বেশ একরকম তাজা হ'য়ে উঠছে ! প্রভু আস্ছেন—প্রভু
আস্ছেন ! কাল তিনি ভরদ্বাজ ঋষির আশ্রমে অতিথি হ'য়ে আছেন,
তাঁর চর উপস্থিত সংবাদ নিয়ে ।

ভরত । চর ! প্রভুর ! কোথায়—কোথায়, সুমন্ত্র ?

সুমন্ত্র । রাজসভার ছয়ারে । আমি দাঁড়িয়ে দাঁড়িয়ে ঐ সব প্রত্যক্ষ
নিশানাগুলো দেখ্ছিলুম, কাঁদ্ছিলুম, হাস্ছিলুম, অমনি দেখি—তিনি
সম্মুখীয়ে ; আর যায় কোথা—প্রভু আস্ছেন !

ভরত । শত্রু, অপেক্ষা কর, ভাই ! গুরুদেব—

[বশিষ্ঠ হৈমিতে অনুমতি দিলেন, ভরত প্রস্থান করিলেন ।

সুমন্ত্র । ঋষি-ঠাকুর, আমারও একটা প্রার্থনা পূর্ণ করতে হবে

তোমায় ; দোহাই, না করলে ছাড়ব না। তুমি সকলের ইচ্ছা পূর্ণ কর—করতেও পার—ক্ষমতাও আছে, সিদ্ধপুরুষ তুমি, যা বল তাই হয়—যা কর তাই সাজে।

বশিষ্ঠ। কি করতে হবে সুমন্ত্র, আমায়—তিনি তোমার ইচ্ছা ?

সুমন্ত্র। আমার ইচ্ছা ? আমার ইচ্ছা—যেথায় থাকুন, আজ একবার মহারাজ দশরথকে আমাদের এনে দাও এইখানে - এই সময়, একটীবার। বড় যজ্ঞগায় তাঁর প্রাণ বেরিয়েছে, ঋষি ! তিনি দেখুন তাঁর রাম-সীতা ফিরে-আসা ; বিদায় দিয়ে গেছেন—একবার কোলে ক'রে যান্।

বশিষ্ঠ। তোমার ইচ্ছা বহু পূর্বেই পূর্ণ হ'য়ে গেছে, সুমন্ত্র ! রাবণ নিধন, আর সীতা দেবীর অগ্নি-পরীক্ষার পরই তোমাদের মহারাজ দিব্য মূর্তিতে দেবতাদের সঙ্গে রণস্থলে আবিভূত হ'য়ে তাঁর রাম-সীতার শিরশ্চূষন ক'রে গেছেন।

ভরত পুনরায় উপস্থিত হইলেন।

ভরত। শক্রয়, সেই যাক্রতি ! গন্ধমাদন নিয়ে গিয়েছিল—সে-ই সংবাদ নিয়ে এসেছে ; অন্তঃপুরে পাঠিয়ে দিয়ে এলুম মায়েদের কাছে। সত্য তাই, প্রভু মহর্ষি ভরদ্বাজ-আশ্রমে অবস্থান করছেন। আমাদের ঘেতে হবে এখনই সমস্ত অঘোধ্যাকে নিয়ে। প্রভু আসছেন—প্রভু রামচন্দ্র আসছেন আমাদের।

সুমন্ত্র। আমি তা হ'লে রথখানা সাজিয়ে নিই গে—কেমন ?

ভরত। রথ আর সাজাতে হবে না, সুমন্ত্র ; তুমি নগর সাজাবার বন্দোবস্ত কর গে।

সুমন্ত্র। কেন, নগর সাজাবার আর কি কেউ নাই ? ও কাজ আমার নয় ; আমি আজ আমার রথ সাজাব মনের মত ক'রে।

ভরত । রথের প্রয়োজন নাই. স্তম্ভ ; প্রভু কুবেরের রথে আস্ছেন ।

স্তম্ভ । কি ! কুবেরের রথে আস্ছেন প্রভু । কে কুবের ? কত মূল্যবান্ রথ তার ? আমি যে বেঁচে আছি জোর ক'রে এই চৌদ্দ বছর, যে রথে ক'রে প্রভুদের আমি বনবাস দিয়ে এসেছি, সেই রথে ক'রে আবার অযোধ্যা ফিরিয়ে এনে দিয়ে তবে মরব ; আমার এ রথের চেয়েও কুবেরের রথ ! তা হবে না, কুমার ! শুন্ব না আজ তোমার কথা, আমি রথ নিয়ে যাবই ; দেখ্—আমার রথ প্রভুর যোগ্য বটে কি না ! তিনি কুবেরের রথরথ ফেলে আমার এই কাঠরথে ওঠেন কি না ! আমি রথই সাজাব, কুমার ; তোমার অযোধ্যা সাজাতে অল্প কা'কেও ভার দাও গে ।

কৈকেয়ী উপস্থিত হইলেন ।

কৈকেয়ী । অযোধ্যা সাজাবার ভার আর কা'কেও দিতে হবে না তোমাদের, স্তম্ভ ! অযোধ্যা সাজান' বোধ হয় এতক্ষণ শেষ ।

ভরত । [সবিস্ময়ে] মা !

কৈকেয়ী । হাঁ ভরত ; আমার রাম-সীতার আগমন উপলক্ষ্যে আমি নিজে আজ অযোধ্যা সাজাবার সঙ্কল্প করছিলাম—কি ভাবে সাজাব, কি দিয়ে সাজালে রামের রাজসন্মান, অথচ পুত্রের শুভ-কল্যাণ সমভাবেই পূর্ণ হয়, তার জন্ত মনে মনে দেব বিশ্বকর্মার ধ্যান করছিলাম ; চোখ চাইতেই দেখি, প্রভু সম্মুখে প্রসন্ন, হাস্যময়, বরদ মূর্তিতে । আমি তাঁকে আমার প্রাণের অব্যক্ত কামনা এই ব্যাকুল চক্ষু দিয়ে নিবেদন করেছি ; তোমাদের অযোধ্যা সাজানো শেষ । শুধু তাই নয়, দেবালয় সমূহেও দেব-দেবীরা স্বয়ং আবির্ভূত হ'য়ে নিজেদের পূজার বন্দোবস্ত নিজেরাই

করছেন ; সেদিক দিয়েও তোমাদের দেখতে হবে না কিছু । তুমি তোমার রথই সাজাও গে, সুমন্ত্র ।

সুমন্ত্র । তোমার বিশ্বকর্মা কোথায়, মা ? আমার রথখানা সাজিয়ে দেয় না ? ডাক্ব একবার ? ঐ রকম ধ্যান ক'রে ? আসবে না সে ? [চিন্তা করিয়া] না, না এলেই বা কি হবে ? পারবে না, আজকের আমার রথ সাজানো বিশ্বকর্মার কর্ম নয়, কুবেরের রথকে হঠাতে হবে ; সে রথ ত ঐ বিশ্বকর্মারই তৈরী ? তার কারিকরি তা হ'লে ঐ পর্য্যন্ত । আমার রথ আজ সাজাতে হবে আমাকেই—
প্রাণের ভিতর হ'তে পদা ফুটিয়ে, অশ্রুজলে চিত্র লিখে ।

[প্রস্থান ।

ভরত । শক্রয়, পাছুকা দাও. আমি মাথায় ক'রে নিয়ে যাব ; খুলে এনেছি, পায়ে পরিরে নিয়ে আসব ।

ভরত পাছুকা মস্তকে লইলেন, শক্রয় ছত্র ধরিলেন,
গীতকণ্ঠে অযোধ্যাবাসিগণ উপস্থিত হইল ।

অযোধ্যাবাসিগণ ।—

গীত ।

চল রাম আনিত্তে, চল রাম আনিত্তে ।

গলবস্ত্র সজল ঝাঁপি ষোড়পাণিত্তে ।

ঘুচে গেছে অভিশাপ কেটে গেছে কুয়াশা,

চল বে মিটাই আজ মরুভূর পিয়াসা ;

নব-জলধর তলে

রাগি শির কুতূহলে.

মাথি সে বিজলী হাসি প্রাণপানিত্তে ।

[কৈকেয়ী ও বশিষ্ঠ ব্যতীত সকলের প্রস্থান ।

কৈকেয়ী । গুরুদেব !

বশিষ্ঠ । কেন, মা ?

কৈকেয়ী । [নীরবে দীর্ঘশ্বাস ফেলিলেন]

বশিষ্ঠ । ওকি মা ! নীরবে দীর্ঘশ্বাস ফেললে কেন ? তোমার দীপ্ত দৃষ্টি অমন সঙ্কুচিত, নত কেন ? চির-গস্তীর মুখমণ্ডল অমনধারা বিষণ্ণ, শুষ্ক কেন ? আজ চতুর্দশ বৎসর পরে তোমার রাম আসছে, রাম-জননি ; কিসের ছায়া পড়ল মা, তোমার অকলঙ্ক হৃদয়ে—তুমি মুহুমূর্ছঃ শিহরিতা ? বল মা, কি বলছিলে ?

কৈকেয়ী । গুরুদেব, আত্মহত্যা কি মহাপাপ ?

বশিষ্ঠ । অকস্মাৎ এ প্রশ্নের কারণ কি, মা ?

কৈকেয়ী । আজ আমার মরতে ইচ্ছা হচ্ছে, গুরুদেব, এই সময়—রাম না আসতে আসতে ।

বশিষ্ঠ । ও—বুঝেছি মা ! তোমার আশঙ্কা—পাছে রামচন্দ্র এসে তোমায় ক্রুদ্ধ, বক্র, ঘৃণার দৃষ্টিতে দেখেন—না ? ভয় নাই, মা ! একে রামচন্দ্র নিষ্কলঙ্ক চন্দ্র, তার ওপর তুমি তাঁকে যে বিঘালয়ে পাঠিয়েছিলে, তিনি এই চতুর্দশ বৎসর ক্রমাগত ঋষি-সঙ্গ ক'রে প্রত্যেক কার্যেরই কারণ নির্ণয় করতে শিখেছেন । তিনি বেশ বুঝেছেন—রাজ্যাভিষেকের প্রাকালে তোমার বনবাস দেওয়ার কারণ রাবণের কাছে রাজনীতি শিক্ষা করতে গিয়েই গিরচক্ষে । সে নীতি তিনি অযোধ্যায় থেকে পেতেন না, সে নীতি এ ত্রিকালজ্ঞ বশিষ্ঠেরও অজ্ঞাত ; রাবণই তার একমাত্র জন্মদাতা—আর সেই রাবণ-সমীপে রামচন্দ্রকে প্রেরণ করেছ তুমি ; তিনি সর্বাস্তঃকরণে তোমায় মঙ্গলময়ী ব'লে চিনেছেন—অযোধ্যায় এসে আগে তোমার পায়েই লুটিয়ে পড়বেন । নির্ভয়—শাস্ত হও, মা তুমি ।

কৈকেয়ী । তাই হ'লাম গুরুদেব - আপনার ঐ সিদ্ধ, সত্য, অভয়-

কৈকেয়ী

[৫ম অঙ্ক ;

আশ্বাসবাণীর মুখ চেয়ে উপস্থিতের মত ; তবে মার্জনা করবেন—প্রভু,
প্রস্তুতও রইলাম আমি। যে মুহূর্তে দেখ্বে—ও পবিত্র ঋষি-বাক্যের
ঈষৎ ব্যতিক্রম, দেখ্বে—কৈকেয়ীর ব্যথিত আত্মা জগতের পরপারে।
হোক আত্মহত্যা মহাপাপ ; আত্মহত্যা নৈরাশ্রময় জীবনের মহামুক্তি।
আমি মরুব তদগুণেই ; রামচন্দ্রের দুর্ব্যবহারে তার ওপর অভিমান
ক'রে নয়, মরুব—আমার সব পণ্ডশ্রম হ'ল, রাজা তৈরী করা হ'ল
না ব'লে।

[প্রস্থান।

বশিষ্ঠ। তোমার শ্রম সার্থক, দেবি ! তোমার রাজা সর্বগুণালঙ্কৃত ;
তুমি ধন্যা !

[প্রস্থান।

পঞ্চম গভাঁক

অযোধ্যা-পথ

গীতকণ্ঠে পতাকা-হস্তে উৎসব-নিরত

অযোধ্যাবাসিগণ যাইতেছিল ।

গীত ।

জয় জয় এভু রামচন্দ্র জয় মা জনক-নন্দিনী ।

জয় জগদীশ জগন্নাথ জয় মা জগ-বন্দিনী ।

আজ আমাদের সিদ্ধ তপ, আজ আমাদের স্বর্গবাস,

আজ আমরা রামসীতার পুত্র প্রজা মিত্র দাস ;

গাও অযোধ্যা রাম-আগমন

মঙ্গলময় নব-জাগরণ,

গাও রে বিশ্ব পরমা-কাহিনী অমৃত নিস্তলিনী

[প্রস্থান ।

ষষ্ঠ গভাঁঙ্ক

অযোধ্যা-রাজসভা

বশিষ্ঠ, রাম, সীতা, লক্ষ্মণ, ভরত, শক্রব, সুগ্রীব, বিভীষণ,
মারুতি, সামন্ত-রাজগণ ও স্তম্ভ ।

বশিষ্ঠ । বৎস রামচন্দ্র ! রাজনীতি-বিষয়ক কোন 'প্রসঙ্গে তোমায়
সতর্ক ক'রে দেবার আবশ্যক দেখি না ; তুমি রাবণ-শিষ্য—আজ
আমা' হ'তেও নীতিজ্ঞ । এখন সভায় সকলেই উপস্থিত লক্ষ্যপতি
বিভীষণ, কিঙ্কিয়াপতি সুগ্রীব, করদ, মিত্র অযোধ্যার প্রিয় সমস্ত
রাজস্ববর্গ—সকলেই তোমার রাজ্যাভিষেক দর্শনে সমুৎসুক, সমরও
শুভ ; লক্ষ্মীরূপিণী সীতাদেবীকে বামভাগে নিয়ে অযোধ্যার সিংহাসন
অলঙ্কৃত কর, বৎস !

[রাম ও সীতা বশিষ্ঠের পদধূলি লইলেন]

রাম । পিতা ! [উদ্দেশে প্রণাম করিলেন] ভরত, লক্ষ্মণ,
শক্রব, তোমাদের বার বার আলিঙ্গন ক'রেও আমার আশা মেটে
নি--মিটবে না—মেটবার নয় । আমার হিংসা হয়েছে—ভাই,
তোমাদের এই জ্যেষ্ঠগত কনিষ্ঠ-জন্মের ওপর । মিত্র বিভীষণ, সখা
সুগ্রীব, তোমাদের ঋণ শত জন্মেও পরিশোধ হবার নয়, আমার জন্ম
তোমরা পুত্র, ভ্রাতা, সর্কত্যাগী ; তোমরাও আলিঙ্গনের নও—
তোমরা শুদ্ধ স্মৃতির । বৎস পবন-নন্দন, তোমায় আমরা সর্কাস্তঃকরণে
আশীর্বাদ করছি—তোমার এই পবিত্র দাশুভাব জঁখর-প্রাপ্তির
নূতন পন্থারূপে জগতে পরিব্যাপ্ত হোক । সামন্ত রাজগণ, তোমরা

রাজপূজা এনেছ—আমার রাজ্যাভিষেকে ? আমি তোমাদের রাজা
নই ; ভরত, শক্রয়, লক্ষ্মণ আমার যে বস্তু—তোমরাও আমার তাই ।
সুমন্ত্র, তুমি পিতার সারথি ছিলে ; আজ আমার পিতৃ-স্থানীয়—মন্ত্রী ।
বশিষ্ঠ । এস, অযোধ্যার রাজ্যরাণি, অযোধ্যার সিংহাসনে ।
[সিংহাসনে রাম ও সীতাকে বসাইলেন] বিভীষণ, তুমি মস্তকে
রাজমুকুট দাও ; সুগ্রীব, তুমি হস্তে রাজদণ্ড দাও ।

বিভীষণ । সুগ্রীব, আমরা সৰ্ব্বত্যাগী--না স্বৰ্গভোগী ? এ মহৎ
সম্মান আমাদের ! [মুকুট পরাইয়া দিলেন]

সুগ্রীব । ঋষি বশিষ্ঠ, আপনি সূর্য্য-বংশের গুরু ষথার্থই ; আপনাকে
শতকোটি প্রণাম । [হস্তে রাজদণ্ড দিলেন]

বশিষ্ঠ । জয় দাও রাজশ্রবন্দ !

সামন্ত-রাজগণ । জয়—সমাগরা ধরনীধর রামচন্দ্রের জয় !

বশিষ্ঠ । [মস্তকে অভিষেক-বারি ঢালিয়া] মা মহাশক্তি ! তোমার
সৰ্ব্বব্যাপিনী ছায়াতলে ঋষি বশিষ্ঠের এই বৃগল-বিগ্রহ স্থাপনা ।

গীতকণ্ঠে অযোধ্যাবাসিগণ উপস্থিত হইল ।

অযোধ্যাবাসিগণ ।—

গীত ।

জয় জয় প্রভু রামচন্দ্র জয় মা জনক-নন্দিনী ।

জয় জগদীশ জগন্নাথ জয় মা লগ-বন্দিনী ।

আজ আমাদের মুক্ত কণ্ঠ, নিক বন্ধ, শাস্ত প্রাপ,

ভৃগু শ্রবণ, ধন্য ঋষি, জন্ম-মরণে পরিত্রাণ,

ঝঙ্কারে ঐ হৃদয়ের সাড়া—

সুন্দর আজ সংসার-কারা,

বন্ধন-ভয় ভঞ্জন যারা—তারাই বন্দি-বন্দিনী ।

কৈকেয়ী উপস্থিত হইলেন ।

কৈকেয়ী । [উচ্চকণ্ঠে] অযোধ্যা—

[রাম-সীতা সিংহাসন হইতে উঠিয়া পড়িলেন ।]

রাম । মা—মা ! কোন্ রসনার আমি তোমার মা সম্বোধন করি, মা ? কোন্ মস্ত্রে প্রণাম করলে তোমার মাতৃ-মর্যাদা অক্ষুণ্ণ থাকে, মা ? তোমার পরিচয়েই আজ আমি ভরত-শত্রুর ভাই পেয়েছি, তোমার করুণায় আমি বিভীষণ-সুগ্রীব বন্ধু পেয়েছি, তোমার অনুগ্রহে আমি দশানন রাবণকে রাজনীতির শুরু পেয়েছি । দাঁড়াও তুমি মঙ্গলময়ি, বরদহস্তে আশীর্বাদের পসরা ধ'রে অযোধ্যার চূড়ায়, শোন—আমরা পুত্রকন্যার রসনার ডাকি—শুধু মা বলে ; নাও আমাদের অব্যক্ত অন্তরের নীরব প্রণাম । [রাম ও সীতা প্রণাম করিলেন]

কৈকেয়ী । [রাম ও সীতাকে আদরভরে তুলিয়া সিংহাসনে বসাইয়া উচ্চকণ্ঠে বলিলেন] অযোধ্যা ! আমি তোমাদের রাজা দিলাম, আমি তোমাদের রাজা দিলাম ; ঔদার্য্যে—চণ্ডাল বন্ধু, বলে—রাবণ-বিজয়ী, ত্যাগে—জটাধারী সন্ন্যাসী ; আমি তোমাদের রাজা দিলাম—রাজার মত রাজা—রাম-রাজা ।

[ষষ্ঠিকা পতন ।

প্রসিদ্ধ প্রসিদ্ধ যাত্রাদলের নূতন নাটক

বিরজাসুর নট ও নাট্যকার শ্রীপরেশনাথ বন্দ্যোপাধ্যায় রচিত পৌরাণিক পঞ্চাঙ্ক নাটক। নাট্যভারতী ও নটবাণীতে অভিনীত হইতেছে। অধর্ম ও অলক্ষ্মীর ছলনায় বণিকরাজ চিত্রসেনের সঙ্গে অধর্মের যুদ্ধ, অধর্মের পরাজয়, চিত্রসেন কর্তৃক অলক্ষ্মীকে আশ্রয় দান, কূট-কৌশলী রাজমন্ত্রী দুর্জয় সিংহের চক্রান্তে অধর্ম কর্তৃক রাজকণ্ঠা হরণ, সেনাপতি সমর সিংহের বাধাদান ও গুপ্তঘাতকের ছুরিকায় আহত, অরুণ সিংহের দেশপ্রেম, চিত্রাসুর কর্তৃক রাজকণ্ঠা নির্যাতন, অসুর-মহিষী চন্দ্রাবতী কর্তৃক রাজকণ্ঠা উদ্ধার, বিরজাসুর কর্তৃক বণিকরাণীর নির্যাতন, বণিকরাণীর গর্ভে দেবী দুর্গার জন্ম, বিরজাসুরসহ যুদ্ধ, বিরজাসুর বধ। মূল্য ২।০ আড়াই টাকা।

“দস্যুকণ্ঠা” “রঘু-ডাকাত”-খ্যাত স্মৃতিশ্রু সংলাপী নাট্যকার শ্রীঅনিলাভ চট্টোপাধ্যায়ের নূতন নাটক। মণিপুর—স্বাধীন মণিপুর।... সিংহাসনের অধিকারী দুটি রাজভ্রাতা—কল্যাণবর্মা আর অনঙ্গবর্মা—যেন এক বৃন্তে দুটি ফুল—অভিন্নহৃদয়। বিদেশী শাসক ও লুণ্ঠকের শোন দৃষ্টি স্বাধীন মণিপুরের ওপর। দুটিভাইয়ের শৌর্যবার্ষে বারবার ব্যর্থ হয়ে যায় মগরাজ মংবার আক্রমণ। তবু মণিপুরের সূর্যকরোজ্বল আকাশে ঘনালো অকাল দুর্যোগের কালো মেঘ। আসন্ন হয়ে উঠলো রাষ্ট্রবিপ্লব। শত্রু হয়ে উঠতে চাইল সেই অভিন্ন-মন দুটি রাজভ্রাতা। ..কিন্তু কেন? ঐ কার চক্রান্তের ফল? ...দস্যুরাজ মংবা? বিষ্ণুর তান্ত্রিক রুদ্রাচার্য? ভিন্দেনী অর্থপিশাচ বাণিয়া শেঠ ধরমদাস? চীনা রেশম ব্যবসায়ী ওয়াং হো? বহুরূপী উড়িয়া গুণধর? নিপীড়িত ব্রাহ্মণ-কবি বিনায়ক? প্রতিহিংসাপরায়ণা কবিজায়া করুণা? অথবা—মগরাজকণ্ঠা মেয়ে বোম্বটে বিচিত্র-স্বভাব আ-পিন্? ...বিপ্লবী নাট্যকারের নবতম রচনা এই নাটক। মূল্য ২.৫০ টাকা।

রঘু ডাকাত শ্রীঅনিলাভ চট্টোপাধ্যায় প্রণীত। নিউ রয়েল বীণাপাণি অপেরায় অভিনীত। বছরের পর বছর অনাবৃষ্টির ফলে দেশ জুড়ে হ'লো অজন্মা—গরীব চাষীসম্প্রদায়ের হাল, গরু, বীজ বিক্রী হ'য়ে গেল পেটের দায়ে—বাকি খাজনা অনাদায়ে চারিদিকে চললো জমিদারী জুলুম—শ্রীদাম চাষী জীবন দিলে জায়গীরদারের চাবুকে—রঘু দেখলে চোখের উপর নির্যাতিত পিতার মৃত্যু। ধনীর ধনহরণ-ব্রতের সংকল্প করে ধনী-সম্প্রদায়ের চোখের উপর বিভীষিকার রূপে গরীব চাষীর ছেলে রঘু দাঁড়ালো রঘু ডাকাত নাম নিয়ে। কে তুলে দিলে তার হাতে ডাকাতের লাঠি? দারিদ্র্যতা আর ধনীর অবিচার। মূল্য ২।০ আড়াই টাকা মাত্র।

আসক্ত আসক্ত বাঙ্গালীর দু'জন নাটক

শ্রীভগদীশ মাইতি	লালমোহন চক্রবর্তী	পাষণী	২১০
রূপের বিচার ২১০	মীন-অবতার ২১০	রামকৃষ্ণবাকংসবধ ২১০	
ধ্যানের দেবতা ২১০	বামাক্যাপা ২১০	মায়ের দেশ ২১০	
ভোলানাথ কাব্যশাস্ত্রী	রক্তধাগীর মাঠ ২১০	বেণীমাধব কাব্যবিনোদ	
জগদ্ধাত্রী ২১০	বিষ্ণুচক্র ২১০	প্রেমের পূজা ২১০	
বামনাবতার ২১	বিনয়কৃষ্ণ মুখোপাধ্যায়	যুগান্তর ২১০	
নরকাসুর ২১০	রক্তমুকুট ২১০	শশাঙ্কশেখর বন্দ্যোপাধ্যায়	
জাহ্নবী ২১	ত্রিশক্তি ২১০	নবাব সিরাজদ্দৌলা ২১০	
বজ্রসৃষ্টি ২১০	অভিনয় শিক্ষা ১১	অসবর্ণা ২১০	
কৈকেয়ী ২১০	স্বদেশ ২১০	রাজা সীতারাম ২১০	
অজাতশত্রু ২১০	পুষ্প-সমাধি ২১০	পঙ্কজভূষণ কবিরত্ন	
পরেশনাথ বন্দ্যোপাধ্যায়	নন্দগোপাল রায় চৌধুরী	পার্থ-বিজয় ২১০	
বিরজাসুর ২১০	যুগনেতা ২১০	রূপসনাতন ২১০	
বাংলার মেয়ে ২১০	কবির কল্পনা ২১০	যুগসন্ধি	
অঘোরচন্দ্র কাব্যতীর্থ	শহীদ বীর ২১০	কেদারনাথ মালাকার	
শক্তিশেল ২১০	যুক্তিপথের যাত্রী ২১০	উর্বশী ২১০	
দময়ন্তী ২১০	অভয়চরণ দত্ত	গোবর্দ্ধন শীল	
শতশ্বমেধ ২১০	মাক্হাতা ২১০	বিদর্ভ-নন্দিনী ২১০	
পাঁচকড়ি চট্টোপাধ্যায়	মাল্যবান ২১০	ব্রজেন্দ্রকুমার দে	
রামপ্রসাদ ২১০	অতুলকৃষ্ণ বসুমল্লিক	বজ্রনাভ ২১০	
নটীর অভিশাপ ২১০	সগরাভিষেক ২১	মণীন্দ্রলাল ঘোষ	
পিয়ারে নজর ১০	প্রমীলা ২১	ষট্‌পতি ২১০	
বেইমানের দেশ ২১০	আনন্দময় বন্দ্যোপাধ্যায়	শ্রীঅনিলাভ চট্টোপাধ্যায়	
ভিখারীর মেয়ে ১১	পাষণের মেয়ে ২১০	রঘু ডাকাত ২১০	
অনার্যনন্দিনী ২১০	গীতা ২১০	দস্যুকণ্ঠা ২১০	
রাইচরণ কাব্যবিনোদ	কণিভূষণ বিষ্ণাবিনোদ		
গন্ধেশ্বরী ২১	রামানুজ ২১০		

